

“হে নবী! আপনি তাহাদিগকে বলুন; তবে কি আমি আল্লাহ ব্যতীত অন্য কাহাকেও অভিভাবক মানিয়া লইব? যিনি আসমান-যমীনের সৃষ্টিকর্তা। তিনি অন্যান্যদিগকে আহার করান কিন্তু তাঁহাকে কেহই আহার করায় না।”

এখানে আল্লাহ পাক দুইটি গুণের মাধ্যমে নিজের প্রশংসা করিতেছেন। তন্মধ্যে একটি হইল তিনি অন্যান্যদিগকে আহার করান। কেননা যত বান্দা রহিয়াছে সকলেই তাঁহার অনুগ্রহ ও এহসান লাভ করিয়া থাকে। তাঁহার প্রদত্ত রিযিক আহার করে।

দ্বিতীয়টি হইল তিনি আহার করেন না। কেননা তাঁহার খাদ্যের কোন প্রয়োজন হয় না। তিনি ইহার প্রয়োজন হইতে অনেক উর্ধ্বে বরং তিনি ‘ছামাদ’। ‘ছামাদ’ এমন সত্ত্বাকে বলা হয় যাহার খাদ্যের প্রয়োজন হয় না।

আল্লাহ পাক প্রাণীদিগকে খাদ্যের মুখাপেক্ষী বানাইয়াছেন। কিন্তু অন্যান্য জিনিসকে অর্থাৎ জড়কে খাদ্যের মুখাপেক্ষী করেন নাই। ইহার কারণ আল্লাহ পাক স্বীয় গুণাবলী হইতে কয়েকটি গুণ প্রাণীকে দান করিয়াছেন। সুতরাং যদি তাহাদের ক্ষুধা না লাগে এবং তাহারা খাদ্যের প্রতি মুখাপেক্ষী না হয় তাহা হইলে তাহারা নিজের সম্পর্কে কি দাবী করিয়া বসে বা অন্যান্যরা তাহাদের সম্পর্কে কি বলিয়া ফেলে খোদাই জানেন। আল্লাহ পাক তো খুব হেকমতওয়ালা এবং স্ববরদার। তাই তিনি তাহাদিগকে খাদ্যের প্রতি মুখাপেক্ষী করিতে চাহিলেন। যাহাতে খাদ্যের প্রতি তাহাদের বার বার মুখাপেক্ষী হওয়ার ফলশ্রুতিতে তাহার নিজের সম্পর্কে বড় কিছু দাবী না করিতে পারে অথবা অন্যান্যরা তাহাদের সম্পর্কে ভাবী কিছু না বলিতে পারে।

আরো একটি উপকারী আলোচনা

আল্লাহ পাক প্রাণী জগতকে (প্রাণী মানুষ হউক বা মানুষ ব্যতীত অন্য কোন প্রাণী হউক) মুখাপেক্ষী বানাইতে ইচ্ছা করিলেন যাহাতে ইহারা আল্লাহর পরিচয় লাভ করিতে পারে বা তাহাদের মাধ্যমে অন্যান্যরা আল্লাহর পরিচয় লাভ করিতে পারে। অর্থাৎ যদি মানুষ নিজের সম্পর্কে চিন্তা করে তাহা হইলে সে এই চিন্তার মাধ্যমে আল্লাহর পরিচয় লাভে সক্ষম হইবে। অথবা যদি কেহ তাঁহার অবস্থা নিয়ে চিন্তা করে তাহা হইলে তাহার অবস্থা সম্পর্কে চিন্তা করনেওয়ালা আল্লাহর পরিচয় লাভে সক্ষম হইবে। তুমি কি দেখ না যে, মুখাপেক্ষী হওয়া আল্লাহ পবিত্র পৌঁছার বড় উসিলা। আল্লাহ পাক ইরশাদ করেন-

يَا أَيُّهَا النَّاسُ أَنْتُمُ الْفُقَرَاءُ إِلَى اللَّهِ وَاللَّهُ هُوَ الْغَنِيُّ الْحَمِيدُ *

হে মানুষ সকল। তোমরা সকলেই আল্লাহর মুখাপেক্ষী। আল্লাহ পাক মুখাপেক্ষী নহেন। তিনি প্রশংসিত। সুতরাং বান্দার আল্লাহ পাক পবিত্র পৌঁছার জন্য এবং তাঁহার সামনে হামির থাকার জন্য বান্দার মুখাপেক্ষীতাকে মাধ্যম হিসাবে ঘোষণা করিয়াছেন। এই পর্যন্ত যাহা বর্ণনা করা হইল তাহা হইলে হয়ত বা তুমি নিজে উল্লেখিত হাদীছের মর্মার্থ অনুধাবন করিতে পারিবে। রাসূলুল্লাহ ছালাল্লাহু আলাইহি ওয়াসাল্লাম বলিয়াছেন, যে ব্যক্তি নিজকে চিনিতে পারিয়াছে সে স্বীয় প্রভুকেও চিনিতে পারিয়াছে।

হাদীছের ব্যাখ্যা : যে ব্যক্তি স্বীয় মুখাপেক্ষীতা, দারিদ্রতা, অপদস্থতা, অভাবজনটনের অবস্থায় নিজের পরিচয় লাভ করিতে পারিয়াছে যে, সে সর্বাবস্থায় আল্লাহর মুখাপেক্ষী। নিশ্চয় সে আল্লাহকেও চিনিতে পারিয়াছে যে, মহান সৃষ্টিকর্তা কত সম্মানিত, মর্যাদাবান, বিজয়ী, অনুগ্রহকারী?

তিনি তো সমগ্র প্রাণী জগতকেই মুখাপেক্ষী বানাইয়াছেন। বিশেষ করিয়া মানব জাতিকে অধিকতর মুখাপেক্ষী করিয়াছেন। তাঁহার প্রয়োজনও অধিক। অধিকন্তু প্রয়োজন বিভিন্নমুখী। মানুষ তাহার ইহজীবন ও পরজীবন উভয় জীবনে সংশোধনের জন্য মুখাপেক্ষী। আল্লাহ পাক নিজেই বলেন,

وَلَقَدْ خَلَقْنَا الْإِنْسَانَ فِى كَبَدٍ *

“আমি মানুষকে দুনিয়া ও আখেরাতে উভয় জীবনে খুব কষ্টের মধ্যে সৃষ্টি করিয়াছি।”

যেহেতু মানুষ জাতি আল্লাহ পাকের কাছে অধিক সম্মানিত। তাই অন্যান্য প্রাণীর তুলনায় তিনি মানুষকে অধিক মুখাপেক্ষী করিয়াছেন। তাহার প্রয়োজন অনেক রাখিয়াছেন। অন্যান্য প্রাণীর দিকে লক্ষ্য করিয়া দেখ যে, মানুষের ন্যায় তাহারা এত মুখাপেক্ষী নহে। যেমন অন্যান্য প্রাণীরা দেহের পালক ও লোমের কারণে ইহারা পোশাক পরিচ্ছদ প্রস্তুত করার প্রতি মুখাপেক্ষী নহে। অথচ মানুষ এই দিকে মুখাপেক্ষী। যেহেতু ইহারা গর্তে অথবা গাছের আড়ালে স্বীয় বাসা করিয়া লইতে পারে, তাই তাহারা ঘর প্রস্তুত করার প্রতি মুখাপেক্ষী নহে। অথচ মানুষ ইহার মুখাপেক্ষী।

আরও একটি ফায়দার কথা

আল্লাহ পাক মানুষকে পরীক্ষা করিতে ইচ্ছা করিয়াছেন। তাই তিনি

মানুষকে বিভিন্ন জিনিসের মুখাপেক্ষী করিয়া দিয়াছেন। ইহার মাধ্যমে তিনি দেখিতে চাহিতেছেন যে মানুষ বিবেক খাটাইয়া এবং নিজের পক্ষ হইতে ব্যবস্থা অবলম্বনের দ্বারা নিজের প্রয়োজনসমূহ পূরা করে, না আল্লাহ পাক তাহার জন্য যাহা নির্ধারিত করিয়াছেন উহার উপর নির্ভর করিয়া থাকে।

আরও একটি ফায়দার কথা

আল্লাহ পাক বান্দার প্রিয় হইতে ইচ্ছা করিয়াছেন। তাই তিনি বান্দাকে বিভিন্ন প্রয়োজনে ডুবাইয়া রাখেন। আবার তিনিই তাহার প্রয়োজন পূরা করেন। ফলে বান্দা নিজের মধ্যে এক প্রকার মজা অনুভব করিতে থাকে। তাহার অন্তরে আরাম ও শান্তি বিরাজ করিতে থাকে। সুতরাং তাহার এই অবস্থা তাহার মধ্যে প্রয়োজন পূরাকারীর প্রতি মহব্বতের নূতন উদ্যোগ সৃষ্টি করে। তাই সে আল্লাহকে মহব্বত করিতে থাকে। রাসূলুল্লাহ ছাড়া আল্লাহই ওয়াসাল্লাম বলেন, আল্লাহকে মহব্বত কর। কেননা তিনি স্বীয় অনুগ্রহে তোমাদিগকে রিযিক প্রদান করেন। সুতরাং নেয়ামত যতই নূতন হইতে থাকে, মহব্বত ততই বৃদ্ধি পাইতে থাকে।

আরও একটি ফায়দার কথা

আল্লাহ পাক চাহিয়াছেন যে বান্দারা তাঁহার শোকরিয়া আদায় করুক। তাই তিনি প্রথমে বান্দাদিগকে বিভিন্ন প্রয়োজনে লিপ্ত করেন। অতঃপর তিনি নিজে থেকেই তাহাদের প্রয়োজনসমূহ পূরা করিয়া দিয়াছেন। যাহাতে বান্দারা তাঁহার শুকরিয়া আদায় করে এবং তাঁহার অনুগ্রহ ও সদাচারণের কথা স্মরণ করার মাধ্যমে তাঁহাকে চিনে। আল্লাহ পাক ইরশাদ করিয়াছেন-

كُلُّا مِنْ رِزْقِ رَبِّكَ وَاشْكُرُوا لَهُ بَلَدَةً كَلِيَّةً وَرَبُّ غَفُورٌ *

“তোমাদের প্রতিপালকের প্রদত্ত রিযিক হইতে আহ্বার কর এবং তাঁহার শুকরিয়া আদায় কর। তাঁহার শহর পবিত্র এবং তিনি প্রতিপালক, ক্ষমাশীল।”

আরও একটি ফায়দার কথা

আল্লাহ পাক ইচ্ছা করিয়াছেন, বান্দাদের মুনাজাতের (আল্লাহর প্রতি একান্তচিত্তে মনোনিবেশ করার) দরজা প্রশস্ত করিবেন। অর্থাৎ বান্দার মধ্যে এমন অবস্থার সৃষ্টি করিবেন যে, বান্দা বেশী বেশী আল্লাহ পাকের প্রতি মনোনিবেশিত হইয়া পড়ে। এই জন্য তিনি বান্দাকে পানাহার ও অন্যান্য নেয়ামতের মুখাপেক্ষী করিয়া দিয়াছেন। আর বান্দা যখন আহার্যবস্তু ও অন্যান্য

নেয়ামতের প্রতি মুখাপেক্ষী হয় তখন সে অধিক পরিমাণে আল্লাহ পাকের প্রতি মনোনিবেশিত হইয়া পড়ে। ফলে বান্দা আল্লাহ পাকের কাছে মুনাজাত করার সৌভাগ্য লাভ করে। আর আল্লাহ পাকের পক্ষ হইতে নেয়ামত লাভ করিতে থাকে।

যদি মুখাপেক্ষীতা বান্দাকে মুনাজাতের দিকে না লইয়া যাইত তাহা হইলে সাধারণ লোক ইহার হাকীকতই বুঝিত না। যদি বান্দা প্রয়োজনে না পড়িত তাহা হইলে কিছু খোদা প্রেমিক ব্যতীত অন্য কেহ মুনাজাতের প্রতি মনোনিবেশিত করিত না। সুতরাং বান্দা প্রয়োজনে আটকা পড়া তাহার মুনাজাতের কারণ হইয়াছে। আর আল্লাহর সাথে মুনাজাতের সৌভাগ্য লাভ করা বড়ই উচ্চ মর্যাদা ও সম্মানের কথা। হযরত মুসা (আঃ) সম্পর্কে আল্লাহ পাক কুরআনে উল্লেখ করিয়াছেন। হযরত মুসা (আঃ) মিশর ত্যাগ করিয়া সিরিয়া আগমনের সময় পথিমধ্যে এক কুয়ার কাছে আসিয়াছিলেন পানি পান করার জন্য। তথায় দেখিতে পাইলেন যে, দুইটি কিশোরী পুরুষদের ভীড়ে কুয়া হইতে পানি সংগ্রহ করিতে পরিতোছে না। হযরত মুসা (আঃ) পানি সংগ্রহে কিশোরীদ্বয়কে সহায়তা করিলেন। অতঃপর পাছের ছায়ার নীচে বসিয়া যে দোআ করিয়াছিলেন এই সম্পর্কে কুরআনে আসিয়াছে-

فَسَفَى لَهُمَا ثُمَّ تَوَكَّى إِلَى الظِّلِّ فَقَالَ رَبِّ إِنِّي لَأَمْلَأُ مِنْ خَيْرٍ فَغَيْرِ *

মুসা (আঃ) কিশোরীদ্বয়ের খাতিরে তাহাদের বকরীগুলিকে পানি পান করাইলেন। অতঃপর ছায়ার দিকে গেলেন এবং দোআ করিলেন-

হে প্রতিপালক! আপনি আমার জন্য যে রিযক অবতীর্ণ করিয়াছেন আমি নিঃসন্দেহে ইহার প্রতি মুখাপেক্ষী।

হযরত আলী (রাঃ) এই সম্পর্কে বলেন, আল্লাহর কসম; হযরত মুসা (আঃ) নিজের আহ্বারের জন্য একটি রুটি ব্যতীত অন্য কিছুই চাহেন নাই। তখন তাঁহার শারিরীক অবস্থা এত দুর্বল ছিল যে, পেটের চামড়া পিঠের সাথে লাগিয়া গিয়াছিল। এখানে খুব লক্ষ্য করিয়া দেখ যে, তিনি কিভাবে আল্লাহ পাকের কাছে আবেদন করিয়াছিলেন। কেননা তাহার বন্ধন মুখা বিশ্বাস ছিল যে, আল্লাহ ব্যতীত অন্য কেহ রিযকের মালিক নহে। আর একজন ঈমানদার এমনই হওয়া উচিত যে, ছোট বড় সবকিছুই আল্লাহর কাছে প্রার্থনা করবে। এমনকি এক ব্যক্তি বলিয়াছেন যে, আমি নামাযের মাধ্যমে আল্লাহ পাকের কাছে সবকিছুই আবেদন করি। এমনকি আটাতে যে লবনটুকু দিতে হয় উহার

আবেদনও করিয়া থাকি। সূতরাং মুমিনের কোন জিনিসের প্রয়োজন হইলে তাহা আল্লাহ পাকের কাছেই প্রার্থনা করিবে। আর যে জিনিস চাইবে, তাহা স্বল্প ধারণা করিয়া যেন উহা চাওয়া হইতে বিরত না থাকে। যদি স্বল্প জিনিস আল্লাহর কাছে না চায় তাহা হইলে উহা চাওয়ার জন্য তাহার দ্বিতীয় কোন প্রভু তো নাই যাহার কাছে চাইতে পারিবে। যাহা চাইবে যদিও উহার পরিমাণ স্বল্প হয় তবুও যেহেতু এই জিনিস আল্লাহর সাথে তাহার মুনাজাতের উসিলা হয় তাই জিনিস পরিমাণে স্বল্প হইলেও মর্যাদার দিক দিয়া ইহা অনেক হইয়া পড়িয়াছে। শায়খ আবুল হাসান (রহঃ) বলিয়াছেন, দোয়া করার সময় এমন চিন্তা না হওয়া চাই যে, তাহার কাজ পূরা হইয়া যাক। ইহার দ্বারা প্রভুর মধ্যে আর দোয়াকারীর মধ্যে প্রতিবন্ধকতা সৃষ্টি হয়। বরং প্রভুর সাথে একাত্মচিত্তে চুপেচুপে কথা বার্তা হইতেছে; ইহা দোয়ার প্রধান উদ্দেশ্য হওয়া উচিত।

হযরত মুসা (আঃ) সম্পর্কে অবতীর্ণ আয়াতে কয়েকটি ফায়দার কথা রহিয়াছে।

প্রথম ফায়দা : মুমিনের স্বল্প জিনিসের প্রয়োজন হউক বা অধিক জিনিসের প্রয়োজন হউক। উভয় ক্ষেত্রে স্বীয় প্রভুর কাছেই আবেদন জানানো উচিত। তাঁহার কাছেই চাওয়া উচিত। এই সম্পর্কে আমরা এই মাত্র আলোচনা করিয়াছি।

দ্বিতীয় ফায়দা : হযরত মুসা (আঃ) আল্লাহ পাককে ‘রব’ নামে ডাকিয়াছেন। আর যখন তিনি আল্লাহ পাককে ডাকিতেছিলেন তখন ‘রব’ নামে ডাকার পরিস্থিতিই বিরাজ করিতেছিল। কেননা ‘রব’ এমন সত্ত্বাকে বলা হয় যিনি তোমাকে স্বীয় অনুগ্রহের দ্বারা লালন-পালন করেন এবং স্বীয় এহসানের দ্বারা তোমাকে রিয়ক প্রদান করেন। সূতরাং এই নামে ডাকিয়াছেন যাহাতে আল্লাহ পাক তাহার প্রতি অনুগ্রহশীল হন এবং মেহেরবানী প্রদর্শন করেন। কেননা তিনি এমন এক সত্ত্বা যাহার উপকার ও অনুগ্রহের বৃষ্টি কখনও বন্ধ হয় না।

তৃতীয় ফায়দা : হযরত মুসা (আঃ) নিম্নোক্ত শব্দগুলির সমন্বয়ে দোয়া করিয়াছেন,

رَبِّ ارْحَمْ لِي مَا أَنْزَلْتَ إِلَيَّ مِنْ خَيْرٍ فَقِيرٌ *

“হে প্রভু! আপনি আমার জন্য যে রিয়ক অবতীর্ণ করিয়াছেন নিঃসন্দেহে আমি উহার প্রতি মুখাপেক্ষী।”

কিন্তু الغير فقير (আমি রিয়কের মুখাপেক্ষী) বলেন নাই। যদি তিনি এইরূপ বলিতেন তাহা হইলে তাহার কথায় ইহা বুঝা যাইত না যে, আল্লাহ পাক তাহার রিয়ক অবতীর্ণ করিয়াছেন। তাই তিনি বলিয়াছেন-

رَبِّ ارْحَمْ لِي مَا أَنْزَلْتَ إِلَيَّ مِنْ خَيْرٍ فَقِيرٌ *

যাহাতে বুঝা যায় যে, আল্লাহ পাকের প্রতি তাহার আস্থা রহিয়াছে আর তিনি বিশ্বাস করেন যে, আল্লাহ পাক তাহাকে ভুলেন নাই। যেন তিনি এইরূপ বলিয়াছেন যে, হে পরোয়ারদেগার! আমার দৃঢ় বিশ্বাস আছে যে, আপনি আমাকে বেকার ছাড়েন নাই এবং অন্যকেও বেকার ছাড়েন নাই। আপনি আমার রিয়ক নাশিল করিয়া দিয়াছেন। এখন আপনার অবতীর্ণ রিয়ক হইতে আপনি যেভাবে ইচ্ছা করেন সেভাবে আপনার অনুগ্রহে আমার কাছে প্রেরণ করুন। তাহার এই আবেদনে দুইটি বিষয় স্পষ্ট হইয়া উঠিয়াছে। তন্মধ্যে একটি হইল যে, রিয়কের তলব করা। দ্বিতীয় আল্লাহ রিয়ক অবতীর্ণ করিয়াছেন; এই কথার স্বীকারোক্তি। কিন্তু কখন অবতীর্ণ করিয়াছেন তাহা উল্লেখ করেন নাই। কি কারণে অবতীর্ণ করিয়াছেন এবং কিসের মাধ্যমে অবতীর্ণ করিয়াছেন, তাহাও উল্লেখ করেন নাই।

অত্র আয়াত থেকে উদ্দেশ্য বান্দার রিয়ক তলব করা এবং আল্লাহ পাক বান্দার রিয়ক অবতীর্ণ করিয়াছেন এই কথার স্বীকারোক্তি করা কিন্তু রিয়কের সময়, কারণ এবং মাধ্যম নির্ধারিত নয়। আর তাহার নির্ধারিত না হওয়ার কারণ বান্দাকে ব্যাকুল বানানো। কেননা ব্যাকুলতা ও অস্থিরতার দ্বারা বান্দা কবুল হয়। যেমন আল্লাহ পাক বলেন-

أَمَّنْ يَجِبُ الضُّطْرَّ إِذَا دَعَا *

“যখন ব্যাকুল ও অস্থির বান্দা তাঁহাকে ডাকে তখন আল্লাহ ব্যতীত আর কে আছে যে, তাহার ডাক শুনেন?”

আর যদি রিয়িক লাভের সময়, কারণ ও মাধ্যম বর্ণনা করিয়া দেওয়া হইত তাহা হইলে বান্দা ব্যাকুল ও অস্থির হইত না। সূতরাং আল্লাহ পাক পবিত্র হেকমতওয়ালা, কুদরতওয়ালা এবং সর্বজ্ঞানী।

চতুর্থ ফায়দা : অত্র আয়াত থেকে বুঝা যায় যে, আল্লাহ পাকের কাছে আবেদন করা, তাঁহার কাছে চাওয়া আল্লাহর অনুগত খাঁটি বান্দা হওয়ার পরিপন্থী নয়। কেননা হযরত মুসা (আঃ) আল্লাহ পাকের পরিপূর্ণ অনুগত খাঁটি বান্দা ছিলেন। ইহা সত্ত্বেও তিনি তাঁহার কাছে আবেদন করিয়াছিলেন,

চাওয়াছিলেন। ইহা থেকে বুঝা যায় যে, চাওয়া বা আবেদন করা খাটি অনুগত বান্দা হওয়ার পরিপন্থী নহে। যদি কেহ প্রশ্ন করে যে, যদি চাওয়া বা আবেদন করা খাটি অনুগত বান্দা হওয়ার পরিপন্থী না হয়, তাহা হইলে হযরত ইবরাহীম (আঃ) কেন আবেদন করেন নাই? যখন নমরুদের লোকেরা তাহাকে চড়ক গাছে ঝুলাইয়া তাহাকে অগ্নিতে নিক্ষেপ করিতে উদ্যত হইয়াছিল আর হযরত জিবরাঈল (আঃ) তাঁহার সামনে হাথির হইয়া জিজ্ঞাসা করিয়াছিলেন- “আপনার কোন প্রয়োজন আছে কি?” তখন তিনি জবাব দিয়াছিলেন, “আপনার কাছে নয়; হ্যাঁ, আল্লাহর কাছে আছে।” তখন জিবরাঈল (আঃ) বলিলেন, তাহা হইলে আল্লাহর কাছেই দোয়া করুন। তখন তিনি বলিলেন, আমার সখ্কে তাঁহার জানা আছে। সুতরাং আমার সম্পর্কে তিনি অবগত আছেন ইহাই আমার জন্য যথেষ্ট। আমার দোয়া করার প্রয়োজন নাই। হযরত ইবরাহীম (আঃ) তো আল্লাহর জানার কারণে আল্লাহর কাছে চাওয়া থেকে বিরত রহিয়াছেন। ইহার কারণ কি? হযরত ইবরাহীম (আঃ)-এর আবেদন ও চাওয়া থেকে বিরত থাকার কারণ এই যে, নবীণ পরিস্থিতি মোতাবেক আমল করিয়া থাকেন। কোন পরিস্থিতিতে আল্লাহ পাক তাহাদের থেকে কি আমল চাহিতেছেন তাহা অনুধাবন করিতে পারিলে এ চাহিদা মোতাবেক আমল করেন। সুতরাং এই পরিস্থিতিতে হযরত ইবরাহীম (আঃ) বুকিতে পারিয়াছিলেন যে, এই অবস্থায় আল্লাহ পাকের চাহিদা হইল তাঁহার কাছে কোন কিছু না চাওয়া। বরং তাঁহার অবগতির উপর নির্ভর করা। সুতরাং এই পরিস্থিতিতে তিনি আল্লাহ পাকের চাহিদা যাহা বুকিতে পারিয়াছেন সে মোতাবেকই আমল করিয়াছেন। আল্লাহ পাকের এই চাহিদার কারণ এই যে, হযরত ইবরাহীম (আঃ) কে এই পরিস্থিতিতে পতিত করার পিছনে আল্লাহ পাকের যে রহস্য লুকায়িত ছিল তাহা এখন ফিরিশতাদের সামনে প্রকাশ করিয়া দেওয়া। মানুষ সৃষ্টির পূর্বে আল্লাহ পাক ফিরিশতাদের সাথে পরামর্শ করিয়াছিলেন যে, তিনি দুনিয়াতে স্বীয় প্রতিনিধি সৃষ্টি করিতে চান। তখন ফিরিশতারা বলিয়াছিল যে, আপনি কি দুনিয়াতে এমন জাতি নিয়োগ করিবেন যাহারা ভায়ায় ফেতনা-ফাসাদ ও খুন-খারাবী করিবে? আমরা আপনার পবিত্রতা বর্ণনা করিতেছি, আপনার তাসবীহ পাঠ করিতেছি, আপনার গুণাগুণ বর্ণনা করিতেছি। আল্লাহ পাক তাহাদের জবাবে বলিলেন, আমি যাহা জানি তোমরা তাহা জান না। সুতরাং যখন ইবরাহীম (আঃ)কে চড়কগাছে বসাইয়া অগ্নিতে নিক্ষেপ করিতে উদ্যত হইয়াছিল তখন আল্লাহ পাক স্বীয় কথার অর্থাৎ আমি যাহা জানি তোমরা তাহা জান না। এই বাণীর রহস্য ফিরিশতাদের সামনে প্রকাশ করিতে ইচ্ছা করিলেন। যেন আল্লাহ পাক তাহাদিগকে এই কথা

বলিলেন, তোমরা তো বলিয়াছিলে যে, মানবজাতি দুনিয়াতে ফেতনা-ফাসাদ করিবে এবং রক্তারক্তি করিবে এখন তোমরা আমার পরমবন্ধুকে কেমন দেখিলে? তিনি কি দুনিয়াতে ফেতনা ফাসাদ ও খুনখুনি করনেওয়ালা?

ইবরাহীম (আঃ) এবং তাহার অনুসারীদের প্রতি কি তোমরা দেখিতেছনা? অনুরূপভাবে হযরত মুসা (আঃ)ও বুকিতে পারিলেন যে, এই পরিস্থিতিতে আল্লাহ পাকের চাহিদা হইল তাঁহার প্রতি মুখাপেক্ষীতা প্রকাশ করা। আর তাঁহার কাছে আবেদন করার জন্য মুখ খোলা। তাই তিনি পরিস্থিতির চাহিদা মোতাবেক আমল করিলেন।

পঞ্চম ফায়দা : হযরত মুসা (আঃ) এর দোয়া সম্পর্কে চিন্তা করিয়া দেখা দরকার। তিনি আল্লাহর কাছে আবেদন করিতে গিয়া কোন পস্থা অবলম্বন করিয়াছেন। এই সম্পর্কে চিন্তা করিলে স্পষ্ট হইয়া উঠে যে, তাহার আবেদন স্পষ্ট ও সরাসরি ছিল না। বরং এই ক্ষেত্রে তিনি এক নতুন পস্থা অবলম্বন করিয়াছেন। তাহা হইল তিনি আল্লাহ পাকের সামনে শুধু স্বীয় অভাব অনটনের কথা প্রকাশ করিলেন। আর আল্লাহ পাকের বিত্তশালীতার সাক্ষ্য প্রদান করিলেন। কেননা, তিনি অভাব-অনটন ও ক্ষুধার মাধ্যমে নিজকে চিনিয়াছেন আর একই সময়ে আল্লাহ পাককে বিত্তশালীতা ও পরিপূর্ণতার গুণে চিনিয়াছেন। আবেদন করার বিভিন্ন পন্থার মধ্যে ইহাও এক পস্থা।

আবেদন করার পস্থা বিভিন্ন। কখনও কখনও এমন হয় যে, আল্লাহ পাক তোমাকে ক্ষুধা তৃষ্ণা ও অভাব অনটনে ফেলিয়া দেন। তখন তাহাকে **يا غني** (হে বিত্তশালী) নামে ডাকিতে হয়। কখনও কখনও অপদস্ততা ও লাঞ্ছনা ফেলিয়া দেন। তখন আবেদন পেশ করার পস্থা হইল তাহাকে **يا عزيز** (হে সম্মানিত) নামে ডাকা। কখনও কখনও তোমাকে অক্ষমতা ও অপারগতার রাস্তায় বসাইয়া দেন। তখন তাঁহার কাছে আবেদন করার পস্থা হইল তাহাকে **يا قوی** (হে শক্তিশালী) নামে আহ্বান করা। আল্লাহ পাকের প্রত্যেকটি নামে ডাকার এই ধরনের বিভিন্ন কারণ রহিয়াছে।

হযরত মুসা (আঃ) স্বীয় অভাব-অনটন ও ক্ষুধা-তৃষ্ণার কথা প্রকাশ করিলেন। ইহাতে তাহার পক্ষ হইতে আবেদন করার প্রতি ইশারা হইয়া গিয়াছে। যদিও এখানে আবেদন সরাসরি বুঝা যায় নাই। ইশারা এই ভাবে হইয়াছে যে, বান্দা স্বীয় প্রয়োজন মুখাপেক্ষীতা, অভাব-অনটন প্রকাশ করিতেছে আর তাহাও বিত্তশালী অনুগ্রহশীল প্রভুর সামনে। ইহার উদ্দেশ্য তাঁহার কাছে কিছু আবেদন করা ব্যতীত আর কি হইতে পারে? অনুরূপভাবে কখনও কখনও

ইশারার মাধ্যমে আবেদন এইভাবেও হইয়া থাকে যে, বান্দা মালিকের এমন সব গুণাবলীর কথা উল্লেখ করে যে, সকল গুণাবলীতে মালিক অধ্বিতীয়। মালিক ব্যতীত অন্য কেহ এই সকল গুণের অধিকারী হয় না। যেমন এই ধরণের আবেদনের কথা হাদীছেও আসিয়াছে। হাদীছে আসিয়াছে রাসূলুল্লাহ ছাড়াছাছা আল্লাহি ওয়াসাল্লাম বলেন, আমার এবং পূর্ববর্তী সকল নবীগণের দোয়ার মধ্যে উত্তম দোয়া হইল “লা ইলাহা ইল্লাল্লাহু ওয়াহদাহু লা শারীকা লাহু” অত্র হাদীছে আল্লাহ পাকের প্রশংসাকেও দোআ বলা হইয়াছে। কেননা, স্বীয় বিতৃণালী মালিকের পরিপূর্ণ গুণাবলী উল্লেখ করিয়া তাঁহার প্রশংসা করা তাঁহার অনুগ্রহ ও দানের জন্য আবেদন ও প্রার্থনা করার ইঙ্গিত বহন করে। এক উর্দু কবি বলেন-

اس قرء ہے صاحب خلق کریم + یکسان رس کا ہے صبح و
گر کرے اسکی ثنا کوئی کہی + ما نکئی سے اس کو کافی ہے ثنا

“মহানুভব সৃষ্টিকর্তার মর্যাদা এত উচ্চ যে সকাল-সন্ধ্যা তাঁহার নিকট এক পর্যায়ের।”

যদি কেহ কখনও তাঁহার প্রশংসা করে; তাহা হইলে এই প্রশংসাই প্রশংসাকারীর পক্ষ হইতে আবেদন হওয়ার জন্য যথেষ্ট।”

আল্লাহ পাক কুরআনে করীমে-হযরত ইউনুস (আঃ)-এর দোআ উল্লেখ করিয়াছেন, তিনি মাছের পেটে থাকিয়া নিমোক্ত দোআ করিয়াছেন-

فَنَادَىٰ فِي الظُّلُمِ أَنْ لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ *

“হযরত ইউনুস (আঃ) অন্ধকারে থাকিয়া আল্লাহকে ডাক দিয়া বলিলেন যে, আপনার ব্যতীত অন্য কোন উপাস্য নাই। আপনি পবিত্র। আমি যথোপযুক্ত কাজ করি নাই।”

তাহার এই দোআর পর আল্লাহ পাক তাহার সাথে কি আচরণ করিয়াছেন, আল্লাহ পাক নিজের ভাষায় তাহা বর্ণনা করেন-

فَاسْتَجَبْنَا لَهُ وَخَرَجْنَاهُ مِنَ الْغَمِّ وَكَذَلِكَ نُنْجِي الْمُؤْمِنِينَ *

“আমি তাহার দোয়া কবুল করিয়া লইয়াছি এবং তাহাকে চিন্তা থেকে মুক্তি দিয়াছি। এইভাবে আমি ঈমানদারদিগকে মুক্তি দিয়া থাকি।” হযরত ইউনুস (আঃ) সরাসরি মুক্তি আবেদন করেন নাই। বরং স্বীয় প্রতিপালকের প্রশংসা করিয়াছেন এবং তাঁহার সামনে স্বীয় অপরাধ স্বীকার করিয়াছেন। তাহার প্রতি স্বীয় মুখাপেক্ষীতার কথা প্রকাশ করিয়াছেন। আল্লাহ পাক তাহার এই আমলকে

আবেদন গন্য করিয়াছেন। কেননা তাহার প্রশংসা করার জবাবে বলিয়াছেন যে, আমি তাহার দোয়া কবুল করিয়াছি। ইহার অর্থ তিনি তাহার আবেদন পূরা করিয়াছেন।

ষষ্ঠ ফায়দা : হযরত মুসা (আঃ)-এর এই ঘটনার মধ্যে সর্বাধিক লক্ষণীয় বিষয় এই যে, হযরত মুসা (আঃ) হযরত শুয়াইব (আঃ)-এর কন্যাদের জন্য পরিশ্রম করিয়াছেন। কিন্তু পরিশ্রমের বিনিময় বা পারিশ্রমিক চান নাই। বরং তিনি তাহাদের ছাগলগুলোকে পানি পান করানোর পর আল্লাহ পাকের দিকে মনোনিবেশ করেন এবং তাহার কাছে পারিশ্রমিক চাহিয়াছেন। তিনি বালিকাদের কাছে না চাহিয়া স্বীয় মালিকের কাছে চাহিয়াছেন। আর মালিকের কাছে তলব করিয়াছেন। মালিক তাহাকে বিনিময় দান করিয়াছেন। প্রকৃত সুফী তো ঐ ব্যক্তি যাহার দায়িত্বে অন্যের যে অধিকার রহিয়াছে তাহা পুরাপুরি আদায় করে কিন্তু অন্যের কাছে সে যাহা পাইবে তাহা দাবী করে না। এই সম্পর্কে আমাদের রচিত একটি কবিতা রহিয়াছে।

কবিতাটির অনুবাদ নিম্নে প্রদত্ত হইল-

“মাখলুকের অভিযোগ করিতে করিতে জীবন বরবাদ করিও না।”

জীবনের সময় কম এবং তাহা চলিয়া যাইতেছে। কেন অভিযোগ কর; যখন তুমি বিশ্বাস কর যে, যাহা কিছু হয় সবই খোদার পক্ষ হইতে লিপিবদ্ধ বিষয়।

যখন খোদার হুক আদায় কর না। তখনও কি তিনি তোমার প্রতি মঙ্গল করিবেন? কেন তুমি কে? দেখ! তোমার প্রতি তাঁহার যে সকল হুক রহিয়াছে। ধৈর্যের সাথে তুমি সেগুলি আদায় কর।

“যখন কোন কাজ কর; তখন তুমি ইহার প্রতি খেয়াল কর। খোদা পাক তোমার নিয়ত জানেন।”

সুতরাং মুসা (আঃ) নিজের পক্ষ হইতে হুক আদায় করিয়া দিয়াছেন। কিন্তু নিজের হুক চাহেন নাই। তাই আল্লাহ পাক তাহাকে পরিপূর্ণ বিনিময় দান করিয়াছেন। আখেরাতে তাহার জন্য যে বিনিময় জমা রহিয়াছে তাহা ব্যতীতও দুনিয়াতেও বিরাট দান দিয়াছেন। অর্থাৎ উল্লেখিত বালিকাৱয়ের একজনের সাথে তাহাকে বিবাহসূত্রে আবদ্ধ করিয়া দিয়াছেন। স্বীয় নবী হযরত শুয়াইব (আঃ)-এর জামাতা বানাইয়া দিয়াছেন। এইভাবে নবী পরিবারের সাথে সম্পৃক্ত করিয়া দিয়াছেন। তাহাদের সাথে সম্পৃক্ত থাকা অবস্থায়ই তিনি নবুয়ত লাভ

করেন। সুতরাং হে বান্দাগণ! স্বীয় সমস্যা আল্লাহর জন্য রাখিয়া দাও। লাবনদের অন্তর্ভুক্ত থাকিবে। আল্লাহ পাক যেন তোমাকে খাতির করেন যেমন তিনি মুত্তাকী ব্যক্তিদের খাতির করিয়া থাকেন।

সপ্তম ফায়দা : দেখ! আল্লাহ পাক মুসা (আঃ) সম্পর্কে কি বলিয়াছেন,

فَسَنِّي لَكُمْ أَنَّمَا تَوَلَّى إِلَى الْقَلْبِ *

“অতঃপর তিনি তাহাদের ছাগলগুলিকে পানি পান করাইলেন এবং ছায়ার নীচে গিয়া বসিলেন।” তাহার এই ঘটনা হইতে বুঝা গেল যে, রৌদ্র ছাড়িয়া ছায়াকে প্রাধান্য দেওয়া, গরম পানিকে ছাড়িয়া শীতল পানি পান করা, এবং চরিত্রে রাস্তা ছাড়িয়া সোজা রাস্তা গ্রহণ করা ঈমানদারদের জন্য বৈধ। আর এইভাবে অনুরূপ পন্থা অবলম্বন করার দ্বারা মানুষ যুহদ ও তাকওয়ার পথ হইতে বহির্ভূত হয় না। দেখ! আল্লাহ পাক হযরত মুসা (আঃ)-এর ঘটনা বর্ণনা করিয়াছেন যে, তিনি ছায়ার ইচ্ছা করিয়াছেন এবং ছায়াতে আসিয়া বসিয়া পড়িয়াছেন। সুতরাং তিনিও অধিকন্তর আরামদায়ক অবস্থা অবলম্বন করিয়াছেন। অথচ তিনি এ যুগের সর্বাধিক তাকওয়ার অধিকারী। নিম্নে এক বুয়ূর্গের ঘটনা বর্ণনা করা হইতেছে। এই ঘটনার দ্বারা উল্লিখিত আলোচনার উপর আপত্তি উত্থাপিত হয়। ঘটনাটি এই যে, এক বুয়ূর্গের কাছে এক ব্যক্তি আগমন করিল। সে দেখিতে পাইল যে, এই বুয়ূর্গ যে কলস হইতে পানি পান করেন, উহার উপর রৌদ্র পড়িয়াছে। সে বুয়ূর্গকে এই সম্পর্কে জিজ্ঞাসা করিল। বুয়ূর্গ জবাব দিলেন- আমি যখন কলসটি এখানে রাখিয়াছিলাম তখন এখানে কোন রৌদ্র ছিল না। অতঃপর রৌদ্র আসিল এখন কলসটি রৌদ্র থেকে সরাইয়া ছায়ায় আনিলে নিজের আরামের জন্য আনিব। আর নিজের আরামের জন্য এই কাজটি করিতে আমার লজ্জা হইতেছে। আপত্তি হয় এই ভাবে যে, হযরত মুসা (আঃ) রৌদ্র হইতে সরিয়া ছায়াতে আশ্রয় গ্রহণ করিয়াছিলেন। পক্ষান্তরে এই বুয়ূর্গ রৌদ্র থেকে কলস সরাইয়া লওয়াও স্বীয় নফসের ভাবেদারী বলিয়া মনে করিয়াছেন। আপাতঃ দৃষ্টিতে তাহাদের কার্যদ্বয় পরস্পর বিপরীতমুখী বলিয়া মনে হইতেছে। এই আপত্তির সমাধান এই যে, এই বুয়ূর্গ সত্য অনুসন্ধান করিতেছেন ঠিক, কিন্তু তাহার অনুসৃত পন্থা বানোয়াটপূর্ণ। তিনি নিজকে নফসের চাহিদা হইতে দূরে রাখিবার চেষ্টা করিয়াছেন যাহাতে আল্লাহ সম্পর্কে অসতর্ক না হইয়া পড়েন। ইহা হইতে বুঝা যায় যে, তিনি কামেল (উচ্চ) পর্যায়ে আসীন নহেন। যদি তিনি কামেল পর্যায়ে আসীন হইতেন তাহা হইলে সত্যিই পানি রৌদ্র হইতে সরাইয়া লইতেন এবং স্বীয় নফসের হক আদায় করিবার ইচ্ছা করিতেন।

কেননা স্বীয় নফসের হক আদায় করার নির্দেশ রহিয়াছে। আর এই নির্দেশ আল্লাহ পাকের। নফসের হক আদায় করা এই জন্য নহে যে ইহার মাধ্যমে নফস স্বাদ উপভোগ করিবে। বরং এই জন্য যে, ইহা আল্লাহ পাকের নির্দেশ। আল্লাহ পাক নিজেই বলেন-

يُرِيدُ اللَّهُ بِكُمُ الْيُسْرَ وَلَا يُرِيدُ بِكُمُ الْعُسْرَ *

“আল্লাহ পাক তোমাদের আস্থানীর ইচ্ছা করেন। তোমাদের কাঠিগ্যতার ইচ্ছা করেন না।”

অন্য এক স্থানে বলেন-

يُرِيدُ اللَّهُ أَنْ يَخَفَّ عَنْكُمْ وَخَلَقَ الْإِنْسَانَ ضَعِيفًا *

“আল্লাহ পাক তোমাদের বোঝা হালকা করিতে ইচ্ছা করেন এবং মানুষকে দুর্বল করিয়া সৃষ্টি করা হইয়াছে।”

এই নীতির উপর ভিত্তি করিয়া ফকীরদের কাছে একটি মাসআলা প্রসিদ্ধ রহিয়াছে যে, যদি কোন ব্যক্তি খালি পায়ে মক্কা যাওয়ার জন্য মানুত করে তাহার জন্য জুতা পায়ে দিয়া মক্কা যাওয়া জায়েয। খালি পায়ে যাওয়া ওয়াজিব নহে। কেননা শরীয়তের একটি বিশেষ উদ্দেশ্য হইল, মানুষ যেন কষ্টে না পড়ে। শরীয়ত মানুষকে আরাম উপভোগ করা থেকে বাঁধা প্রদান করে না। কেন বাঁধা প্রদান করিবে? আরাম-আয়েশ তো মানুষের জন্যই সৃষ্টি করা হইয়াছে। রবী ইবনে যিয়াদ হারিহী (রহঃ) হযরত আলী (রাঃ)-এর কাছে উপস্থিত হইয়া আবেদন করিলেন, আমার ভাতা আসেমের অবস্থার উন্নয়ন সম্পর্কে আমাকে সহায়তা করুন। হযরত আলী (রাঃ) জিজ্ঞাসা করিলেন, “তাহার কি অবস্থা?” রবী ইবনে যিয়াদ বলিলেন, সে গায়ে কঞ্চল জড়াইয়া আছে। ফকীর সাজিতে চাহিতেছে। হযরত আলী (রাঃ) বলিলেন, তাহাকে আমার কাছে লইয়া আস। অতঃপর তাহার আসেমকে তাহার সামনে হাজির করিলেন। তখন আসেম একটি কঞ্চল পরিহিত অবস্থায় অপর একটি কঞ্চল গায়ে জড়াইয়া রাখিয়াছিল। তাহার মাথা ও দাড়ির চুলগুলো এলোমেলো ও ময়লা ভরপুর ছিল। তিনি তাহাকে দেখিয়া রাগান্বিত হইয়া বলিলেন, তোমার অবস্থা দেখিয়া আমার খুব আফসোস হইতেছে। এই অবস্থা লইয়া স্ত্রীর সামনে দাঁড়াইতে একটুও লজ্জাবোধ হয় না? সন্তানাদির প্রতি তোমার একটুও রহম আসে না? আল্লাহ পাক কি তোমাকে হালাল পরিষ্কার জিনিস দান করেন নাই? যাহাতে তুমি পরিষ্কার ভাল জিনিস খাইতে পার? তোমার সম্পদ থাকা সত্ত্বেও তুমি যে বেশ

ধরিয়াছ ইহাতে কি আল্লাহর কাছে তোমার কোন মর্যাদা রহিয়াছে? তুমি কি আল্লাহ পাকের মহাবাহী শুন নাই? আল্লাহ পাক বলিয়াছেন-

وَالْأَرْضَ وَصَعَهَا لِلْأَنَامِ * فِيهَا فَاكِهَةٌ وَالنَّخْلُ ذَاتُ الْأَكْمَامِ * وَالْحَبُّ ذُو الْعَصْفِ
وَالرِّيحَانُ * قِبَايَ الْأَرَبِ * تَكْذِبَانِ * خَلَقَ الْإِنْسَانَ مِنْ صَلْصَالٍ كَالْفَخَّارِ وَخَلَقَ
الْجَانَّ مِنْ مَارِجٍ مِنْ نَارٍ * قِبَايَ الْأَرَبِ * تَكْذِبَانِ * رَبُّ الْمَشْرِقَيْنِ وَرَبُّ الْمَغْرِبَيْنِ *
قِبَايَ الْأَرَبِ * تَكْذِبَانِ * مَرْعَ الْبَحْرَيْنِ يَلْتَفِتَانِ * بَيْنَهُمَا بَرْزَخٌ لَا يَبْغِيَانِ * قِبَايَ
الْأَرَبِ * تَكْذِبَانِ * يَخْرُجُ مِنْهُمَا اللَّوْزُ وَالْمُزَيْنِ *

“তিনিই ধরাতলকে আপনস্থানে সংস্থাপিত করিয়াছেন সৃষ্টি জীবের জন্য।
উহাতে রহিয়াছে ফলমূল এবং খেজুর বৃক্ষ যাহা খোসাবিণিষ্ঠ এবং উহাতে শস্যও
রহিয়াছে। যাহার মধ্যে ভূমি এবং ভোজ্যবস্তু থাকে। অতএব হে জ্বীন ও
মানবজাতি! তোমরা ধীর প্রতিপালকের কোন কোন অনুগ্রহ অস্বীকার করিবে?
তিনিই মানুষ সৃষ্টি করিয়াছেন। (অর্থার্থ আদমকে) এমন মৃত্তিকা হইতে যাহা
পোড়ামাটির ন্যায় নুননুন বাজিত এবং জ্বীন জাতিকে সৃষ্টি করিয়াছেন ঝাঁটি অগ্নি
হইতে। অতএব হে জ্বীন ও মানব জাতি! তোমরা ধীর প্রতিপালকের কোন
কোন অনুগ্রহ অস্বীকার করিবে? তিনি উভয় উদয়াচল ও উভয় অন্তাচলের
নিয়ন্তা। তিনি দুই সাগরকে (দৃশ্যতঃ) মিলাইয়া দিয়াছেন যে (দেখিতে) পরস্পর
সম্মিলিত। উহাদের মধ্যে রহিয়াছে এক অন্তরাল যাহা উহারা ডিঙ্গাইতে পারে
না। সুতরাং তোমরা ধীর প্রতিপালকের কোন কোন অনুগ্রহ অস্বীকার করিবে?
উভয় হইতে মুক্তা ও প্রবাল উৎপন্ন হয়।”

হে শ্রোতা! তুমি জান যে আল্লাহ পাক আয়াতসমূহে উল্লেখিত জিনিসসমূহ
এই জন্য সৃষ্টি করিয়াছেন যে, মানুষ এইগুলি ব্যবহার করিবে এবং আল্লাহ
পাকের প্রশংসা করিবে। আর আল্লাহ পাক তাহাদের এই প্রশংসার বিনিময়ে
তাহাদিগকে সওয়াব দান করিবেন। খুব ভালভাবে জানিয়া রাখ যে আল্লাহ
পাকের নিয়ামতসমূহ আপন কর্মের মাধ্যমে ব্যবহার করা মৌখিক ব্যবহার করা
অপেক্ষা উত্তম।

অর্থাৎ, নিয়ামতসমূহ খাওয়া, পান করা বা অন্যান্য কার্যে ব্যবহার করার
নাম কর্মের মাধ্যমে ব্যয় করা। আর নিয়ামতসমূহ মুখে অস্বীকার করা, বেকদরী
করা, কর্মের মাধ্যমে ব্যবহার বর্জন করার নাম মুখে ব্যয় করা। সুতরাং
প্রথমোক্ত পন্থা দ্বিতীয় পন্থা অপেক্ষা উত্তম। আসেম হযরত আলী (রাঃ)কে

পাল্টা প্রশ্ন করিয়া বলিল যে, আপনিও তো মোটা কাপড় পরিধান করেন,
সাধারণ খাদ্য আহার করেন তাহা হইলে আপনি ইহা কিভাবে করেন?

হযরত আলী (রাঃ) জবাব দিলেন যে, তোমার জন্য বড়ই আক্ষেপ হয়।
তুমি ইহা জান না যে আল্লাহ পাক মুসলমান নেতাদের জন্য অত্যাবশ্যকীয়
করিয়া দিয়াছেন তাহারা যেন দরিদ্র লোকের জীবন-যাপন করে। যাহাতে গরীব
লোকেরা তাহাদের সান্নিধ্যে আসিতে পারে এবং তাহাদের অবস্থা দেখিয়া
সাম্বনা লাভ করিতে পারে। হয়তবা তোমরা বুঝিয়াছ যে হযরত আলী (রাঃ)এর
বক্তব্যে এই কথা স্পষ্ট হইয়া উঠিয়াছে যে, আল্লাহ পাক অনেক বান্দাদের
আরাম আয়েশ বর্জন করা চাহেন না বরং তাহারা সুখ স্বাচ্ছন্দে ও আরাম
আয়েশে জীবন যাপন করার সুযোগ পাইয়াছে বলিয়া তাহাদিগকে শুকরিয়া
আদায় করিবার নির্দেশ দিয়াছেন। আল্লাহ পাক বলেন-

كُلُوا مِنْ رِزْقِ رَبِّكُمْ وَاشْكُرُوا لَهُ *

“তোমাদের প্রতিপালকের প্রদত্ত রিয়ক আহার কর এবং তাহার শুকরিয়া
আদায় কর।”

আল্লাহ পাক আরও বলেন-

يَا أَيُّهَا الَّذِينَ آمَنُوا كُلُوا مِنْ طَيِّبَاتِ مَا رَزَقْنَاكُمْ وَاشْكُرُوا لِلَّهِ *

“হে ঈমানদাররা! আমি তোমাদিগকে যে রিয়ক প্রদান করিয়াছি উহা
হইতে পবিত্র জিনিসগুলি আহার কর আর আল্লাহ পাকের শুকরিয়া আদায়
কর।” অন্য এক স্থানে বলিয়াছেন-

يَا أَيُّهَا الرِّسَالُ كُلُوا مِنَ الطَّيِّبَاتِ وَاعْمَلُوا صَالِحًا *

“হে রাসূলগণ! পবিত্র জিনিস ভক্ষণ করুন এবং নেক কাজ করুন। এমন
বলেন নাই যে, খাইও না বরং বলিয়াছেন যে খাও এবং আমল কর। উল্লিখিত
আয়াতদ্বয় সম্পর্কে কেহ কেহ আপত্তি উত্থাপন করিতে পারে যে আয়াতদ্বয়ে
‘তাইয়েবাত’ শব্দ উল্লিখিত হইয়াছে। আর ‘তাইয়েবাত’ দ্বারা হালাল জিনিস
সমূহকে বুঝানো হইয়াছে। কেননা হালাল জিনিসসমূহ শরীয়তের দৃষ্টিতে
‘তাইয়েব’ কারণ তাইয়েব অর্থ পবিত্র। আর পবিত্র বস্তু হালাল হইয়া থাকে।
সুতরাং আয়াতে হালাল বস্তুর কথা বলা হইয়াছে, মজাদার ও আরামপ্রদ বস্তুর
কথা বলা হয় নাই। অথচ আয়াতদ্বয় পেশ করা হইয়াছে মজাদার ও আরামপ্রদ
বস্তু আহার করার নির্দেশ থাকা সম্বন্ধে। এই আপত্তির সমাধান বুঝিয়া লও যে,

এখানে 'তাইয়েবাত' শব্দ উল্লেখ করিয়া হালাল বস্ত্রসমূহ বুঝানোর সম্ভাবনাও আছে। কেননা 'তাইয়েব' শব্দের অর্থ পবিত্র। হালাল বস্ত্র ভক্ষণ করিলে গোনাহ, নিন্দা এবং আল্লাহর সম্পর্কের পথে প্রতিবন্ধকতা হইতে বান্দা পবিত্র থাকে। এইদিকে খেয়াল করিয়াও হালাল বস্ত্রকে তাইয়েব নাম রাখা হয়। অধিকন্তু 'তাইয়েবাত' শব্দ উল্লেখ করিয়া মজাদার আরামপ্রদ খাদ্যবস্ত্রও বুঝানো যাইতে পারে। মজাদার ও আরামপ্রদ খাদ্যবস্ত্র আহার করার অনুমতি প্রদানের হেকমত এই যে, এই ধরণের খাদ্য আহারকারী আরাম ও মজা পায়। ফলে সে শোকরিয়া আদায় করার সাহস লইয়া সামনে অগ্রসর হয় এবং আল্লাহ পাকের প্রতি সম্মান প্রদর্শন করে। শায়খ আবুল হাসান (রহঃ) বলেন, আমার পীর আমাকে বলিয়াছেন, হে বৎস! ঠাণ্ডা পানি পান কর। কেননা বান্দা যখন গরম পানি পান করে তখন অবশ্য মন থেকে 'আলহামদুলিল্লাহ' বলে। কিন্তু যখন ঠাণ্ডা পানি পান করে তখন তাহার সকল অঙ্গ প্রত্যঙ্গও 'আলহামদুলিল্লাহ' বলে। অতঃপর উপরে উল্লিখিত কলমওয়ালা বুয়ুর্গের ঘটনা উল্লেখ করিয়া বলিলেন যে, এই বুয়ুর্গ 'সাহেবে হাল' তাহার অনুকরণ করা যায় না।

মূল উদ্দেশ্যের দিকে প্রত্যাবর্তন

আল্লাহ পাক প্রাণী জগতকে বিশেষ করিয়া মানুষকে খাদ্যের মুখাপেক্ষী বানানোর মধ্যে কি হেকমত নিহিত রহিয়াছে, এই পর্যন্ত তাহা বর্ণনা করা হইল। এখন আমাদের আলোচ্য বিষয় হইল আল্লাহ পাক খাদ্য প্রদান করেন এবং তিনিই খাদ্য পৌঁছানোর দায়িত্ব লইয়াছেন।

আল্লাহ পাক যেহেতু প্রাণী জগতকে এমন এক সাহায্যের প্রতি মুখাপেক্ষী করিয়াছেন যে, তাহার জীবন ধারণে সহায়তা করে। অর্থাৎ খাদ্যের মুখাপেক্ষী করিয়াছেন। যাহা দ্বারা তাহার অস্তিত্ব বিদ্যমান থাকে। অধিকন্তু জীন ও মানব জাতিকে সৃষ্টি করিয়াছেন। ইবাদতের নির্দেশ দেওয়ার জন্য এবং তাহাদের থেকে স্বীয় আনুগত্য তলব করার জন্য। তাই এই ব্যাপারে তাহাদের মধ্যে চিন্তা ফিকির সৃষ্টি করার জন্য। তিনি বলেন,

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ * مَا أَرِيدُ مِنْهُمْ مِنْ رِزْقٍ وَمَا أُرِيدُ أَنْ يُطِيعُونِ * إِنَّ اللَّهَ هُوَ الرَّزَّاقُ ذُو الْقُوَّةِ الْمَتِينُ

“আমি মানব ও জীন জাতিকে শুধু আমার ইবাদত করার জন্য সৃষ্টি করিয়াছি। আমি তাহাদের কাছে রিয়ক চাই না এবং তাহারা আমাকে আহার করাইবে আমি ইহাও চাই না। নিঃসন্দেহে আল্লাহ পাকই রিয়কদাতা। শক্তিশালী ও ক্ষমতাবান।”

এখানে আল্লাহ পাক বর্ণনা করিয়াছেন যে, তিনি জীন ও মানব জাতিকে শুধু নিজের ইবাদতের জন্য সৃষ্টি করিয়াছেন। অর্থাৎ তাহাদিগকে এইজন্য সৃষ্টি করিয়াছেন যে, তিনি তাহাদিগকে ইবাদত করিবার নির্দেশ দিবেন। যেমন কোন মনিব স্বীয় গোলামকে বলিল যে, হে গোলাম! আমি তোমাকে এইজন্য খরিদ করিয়াছি যে, তুমি আমার খেদমত করিবে। অর্থাৎ তোমাকে এই জন্য খরিদ করিয়াছি যে, আমি তোমাকে খেদমত করিবার নির্দেশ দিব আর তুমি সে নির্দেশ পালন করিবে।

আয়াতের ব্যাখ্যা এইরূপ করা হইয়াছে যাহাতে মুতাখিলাদের অভিমত খণ্ডন হইয়া যায়। তাহাদের অভিমত খণ্ডনের বর্ণনা সামনে আসিতেছে।

মুতাখিলা সম্প্রদায় উল্লেখিত আয়াতকে বাহ্যিক অর্থে ব্যবহার করে। তাহারা বলে যে, আল্লাহ পাক মাখলুক সৃষ্টি করিয়াছেন শুধু আল্লাহ পাকেরই ইবাদত করার জন্য; তাহার আনুগত্য করার জন্য। সুতরাং বান্দা যদি নাফরমানী ও কুফুরী করে তাহা বান্দা নিজের পক্ষ থেকে করে। সুতরাং বান্দার নাফরমানী ও কুফুরীর তার নিজেরই সৃষ্টি।

আমরা ইতিপূর্বে দলীল প্রমাণের দ্বারা এই অভিমত বাতিল বলিয়া প্রমাণ করিয়াছি। এখানে তাহাদের যুক্তির বিপক্ষে আহলে সুন্নতওয়াল জামাতের পক্ষ হইতে জবাব দেওয়া হইয়াছে। তাহা এই যে, ইচ্ছা দুই প্রকার। এক প্রকার ইচ্ছার সম্পর্ক হইল শরয়ী আহকামের সাথে। দ্বিতীয় প্রকার ইচ্ছার সম্পর্ক হইল সৃজনের সাথে। অত্র আয়াতে আল্লাহ পাক বলিয়াছেন যে, তিনি মানব ও জীন জাতি সৃষ্টি করিয়া তাহাদের দ্বারা স্বীয় ইবাদতের ইচ্ছা করিয়াছেন। তাহার এই ইচ্ছা শরয়ী আহকামের সাথে সম্পর্কিত। অর্থাৎ তিনি তাহাদের দ্বারা ইবাদতের যে ইচ্ছা করিয়াছেন তাহা শরয়ী বিষয়। সুতরাং নাফরমানীর সৃষ্টির সাথে এই ইচ্ছার কোন সম্পর্ক নাই। অবশ্য নাফরমানী ও ফরমাবরদারী উভয়ের সৃষ্টির সম্পর্ক আল্লাহ পাকের সৃষ্টিগত ইচ্ছার সাথে। যেমন আল্লাহ পাক নিজেই বলেন,

وَاللَّهُ خَلَقَكُمْ وَمَا تَعْمَلُونَ

“আল্লাহ পাক তোমাদিগকে সৃষ্টি করিয়াছেন এবং তোমরা যাহা আমল কর তাহাও সৃষ্টি করিয়াছেন।”

কিন্তু মুতাখিলারা বলে যে, অত্র আয়াতে উল্লিখিত ইচ্ছার সম্পর্ক সৃষ্টি করার সাথে। অথচ তাহাদের এই দাবীর পিছনে কোন দলীল নাই। মোটকথা,

অত্র আয়াতে মানব ও জ্বীন জাতির সৃষ্টির হেকমত বর্ণনা করার পিছনে উদ্দেশ্য হইল কি জন্য তাহাদিগকে সৃষ্টি করা হয়েছে, তাহা মানুষকে অবগত করানো। যাহাতে তাহাদিগকে সৃষ্টি করার পিছনে আল্লাহ পাকের উদ্দেশ্য সম্পর্কে মানুষ অবগত না থাকে। হেদায়েতের রাস্তা হইতে সরিয়া না পড়ে এবং হক আদায় করার বিবেচনা ছাড়িয়া না বসে।

এক হাদীছে আসিয়াছে যে, প্রতিদিন চার ফিরিশতা নিজেদের মধ্যে আলাপ আলোচনা করিয়া থাকে। এক ফিরিশতা বলে যে, আফসোস! যদি এই জাতিদ্বয়কে আল্লাহ পাক সৃষ্টিই না করিতেন। দ্বিতীয় ফিরিশতা বলে, যখন তাহারা সৃষ্ট হইয়াছে এখন যদি তাহারা জানিয়া লইত যে, তাহারা কেন সৃষ্ট হইয়াছে? তৃতীয় ফিরিশতা বলে, যদি তাহারা জানিত যে, তাহারা কেন সৃষ্ট হইয়াছে তাহা হইলে তাহারা নিজেদের জন্য মোতাবেক আমল করিত। চতুর্থ ফিরিশতা বলে, যদি আমল না করিত তাহা হইলে কমপক্ষে বদ আমল হইতে তাওবা করিয়া লইত। অতএব আল্লাহ তাআলা বর্ণনা করিয়া দিলেন যে, তিনি বাশাদিগকে তাহাদের নিজেদের জন্যই সৃষ্টি করেন নাই বরং এইজন্য সৃষ্টি করিয়াছেন যে, তাহারা তাহার ইবাদত করিবে এবং তাহার তাওহীদে মশগুল হইবে। কেননা তুমি এইজন্য গোলাম খরিদ কর নাই যে, গোলাম নিজের কাজে লাগিয়া থাকিবে বরং তুমি এই জন্য গোলাম খরিদ করিয়াছ যে, গোলাম তোমার শ্বেদমত করিবে। সুতরাং যাহারা নিজেদের পিছনে পড়িয়া আল্লাহর হক আদায় করা হইতে এবং প্রবৃত্তির পিছনে পড়িয়া মনিবের ফরমাবর্দারীর ব্যাপারে অসতর্ক থাকে এই আয়াত তাহাদের এই ভুলের উপর সুস্পষ্ট প্রমাণ।

এই জন্যই ইবরাহীম ইবনে আদহাম (রহঃ) যখন শিকার করিতে বাহির হইলেন এবং ঘোড়ার উপর আরোহন করিলেন তখন অদৃশ্য থেকে এক আওয়াজ শুনিলেন। আর এই আওয়াজই তাহার তাওবার উপায় হইয়াছিল। অদৃশ্য থেকে প্রথমবার আওয়াজ দিয়া বলা হইয়াছে, হে ইবরাহীম! এই জন্যই কি তোমাকে সৃষ্টি করা হইয়াছে? তোমাকে কি ইহারই নির্দেশ দেওয়া হইয়াছে? পুনরায় আবার আওয়াজ আসিল, হে ইবরাহীম! তোমাকে এইজন্য সৃষ্টি করা হয় নাই। আর তোমাকে ইহার নির্দেশ দেওয়া হয় নাই। সুতরাং এ ব্যক্তিই প্রকৃত পক্ষে বুদ্ধিমান যে স্বীয় সৃষ্টির উদ্দেশ্য বুঝিতে পারিয়াছে। আর তদানুযায়ী আমল করে। যে ব্যক্তি এই বিষয়টি বুঝিতে পারিয়াছে সে সত্যিকার অর্থে বীনের বুঝ পাইয়াছে সে খুব বড় নেয়ামত লাভ করিয়াছে।

বীনের বুঝ সম্পর্কে উল্লেখ করিতে গিয়া ইমাম মালেক (রহঃ) বলেন যে,

রেওয়াজের আধিক্যের দ্বারা ই বীনের বুঝ অর্জিত হয় না বরং বীনের বুঝ আল্লাহর পক্ষ হইতে একটি নূর যাহা আল্লাহ পাক মানুষের অন্তরে সৃষ্টি করেন। আমি শায়খ আবুল আব্বাস (রহঃ)-এর কাছে শুনিয়াছি। তিনি বলেন, এমন ব্যক্তি বীনের বুঝ পাইয়াছে যাহার অন্তর চক্ষুর সমুখ থেকে পর্দা সরিয়া যায়।

সুতরাং যাহাকে আল্লাহ পাকের পক্ষ হইতে সৃষ্টির এই হেকমত বুঝাইয়া দেওয়া হইয়াছে যে, আল্লাহ পাক তাহাকে শুধু নিজের ইবাদতের জন্য সৃষ্টি করিয়াছেন এবং নিজের শ্বেদমতের জন্য বানাইয়াছেন। তাহার এই বুঝ তাহার জন্য দুনিয়া হইতে বিমুখ হইয়া আখেরাতের দিকে রুখ করিবার এবং স্বীয় নফসের চিন্তা পরিত্যাগ করিয়া আখেরাতের ফিকির ও ইহার জন্য প্রস্তুত হওয়ার সাথে সাথে স্বীয় মালিকের হক আদায় করার মধ্যে লাগিয়া যাওয়ার উপায় হইয়া যাইবে। এক বুয়ূর্গের উক্তি, যদি আমাকে সংবাদ দেওয়া হয় যে, তুমি মরিয়া যাইবে তাহা হইলে আমি নিজের মধ্যে কোন অস্থিরতা অনুভব করিব না। কেননা আমি তো আখেরাতের জন্য প্রস্তুত হইয়া বসিয়াছি।

কোন এক বুয়ূর্গকে তাহার মাতা জিজ্ঞাসা করিল, হে পুত্র! তুমি রুটি খাও না কেন? পুত্র জবাব দিল, “রুটি চাবাইতে এবং চর্বিত রুটি গলদকরণ করিতে যে সময় লাগে এই সময়ে পঞ্চাশটি আয়াত তিলাওয়াত করা যায়।” এই ব্যক্তি এমন সব লোকদের অন্তর্ভুক্ত যাহাদের মনকে কিয়ামতের দিবসের ভয়াবহ অবস্থা এবং আল্লাহ পাকের সাক্ষাতের ভয় এই দুনিয়া থেকে বিমুখ করিয়া রাখিয়াছে। তাহার এই চিন্তা তাহাকে দুনিয়ার আরাম আয়েশ এবং অভিলাষের আনন্দ থেকেও দূর করিয়া রাখিয়াছে। একজন আরিফ বলেন, আমি মরক্কোতে কোন এক শায়খের কাছে গিয়াছিলাম। তিনি বলেছিলেন। আমি তাহার ঘরে পৌছি। গুজর প্রয়োজন হওয়ার পর গুজর পানি উঠাইতে গেলাম। শায়খ নিজে আমার জন্য পানির ব্যবস্থা করিতে গেলেন। আমি তাহাকে বারণ করিলাম। আমার বারণ করা সত্ত্বেও তিনি বিরত হইলেন না। রশির এক মাথা স্বীয় হাতে বাঁধিলেন। যাহাতে বালতি হাত থেকে ছুটিয়া না যায়। যে কুঁয়া থেকে তিনি পানি উঠাইতে গেলেন ঐ কুয়ার কিনারে একটি যত্নজন পাছ ছিল। উহা ঘরের উপর একটি শামিয়ানার ন্যায় ছড়ানো ছিল। আমি বলিলাম, স্বয়ংত! আপনি রশির মাথা গাছের সাথে বাঁধেন না কেন?

শায়খ আশ্চর্য হইয়া বলিলেন, এখানে কি গাছ আছে? আমি তো এই ঘরে ষাট বৎসর যাবত জীবন যাপন করিতেছি। কিন্তু আমার তো খবরও নাই যে, এখানে একটি গাছও রহিয়াছে।

হে অব্শেষণকারী! এই ঘটনা বা অনুরূপ ঘটনাবলী কান লাগাইয়া শুন।

তাহা হইলে বুঝিতে পারিবে যে, আল্লাহ পাকের এমন বান্দাও আছে যাহাদিগকে আল্লাহ পাক নিজের দিকে মশগুল করিয়া সবকিছু হইতে বেষবর করিয়া দিয়াছেন। কোন জিনিস তাহাদিগকে আল্লাহ থেকে বিমুখ করিতে পারে না। তাহার বড়ত্ব তাহাদের অন্তরকে নিজেদের সম্বন্ধেও আত্মবিশ্বস্ত করিয়া দিয়াছে এবং তাহার ভয় তাহাদেরকে হতবাক করিয়া ছাড়িয়াছে। তাহার প্রেম তাহাদের অন্তরে স্থান করিয়া লইয়াছে। আল্লাহ পাক যেন আমাদিগকেও তাহাদের দলভুক্ত করিয়া দেন এবং তাহাদের থেকে পৃথক না করেন।

অনুরূপ আরও একটি ঘটনা শুন, তাহা এই যে, সাঈদ নামক স্থানে কোন এক মসজিদে এক ওলী থাকিতেন। মসজিদের পার্শ্বে দুইটি খেজুর গাছ ছিল। তন্মধ্যে একটি গাছে শাখা ছিল লাল রংয়ের আর অপরটি ছিল হলুদ রংয়ের। তাহার খাদেম একটি গাছের একটি শাখা কাটিতে অনুমতি প্রার্থনা করিল। ওলী তাহাকে অনুমতি প্রদান করিলেন। খাদেম জিজ্ঞাসা করিল যে, কোন গাছ থেকে শাখা কাটিব? লাল শাখাবিশিষ্ট গাছ হইবে না হলুদ শাখা বিশিষ্ট গাছ হইবে? ওলী বলিলেন, বৎস! আমি চল্লিশ বৎসর যাবত এই মসজিদে থাকিতেছি। কিন্তু খেজুর গাছদ্বয় লাল বা হলুদ রংয়ের কিনা তাহা আমার স্ববর নাই।

অন্য এক বুয়ূর্গের ঘটনা। তাহার সন্তানাদি যখন ঘরে তাহার সামনে দিয়া চলাফেরা করিত তখন জিজ্ঞাসা করিতেন যে, তাহারা কাহার সন্তান! যতক্ষণ পর্যন্ত তাহাকে বলা না হইত যে, তাহারা তাহার সন্তান ততক্ষণ পর্যন্ত তিনি তাহাদিগকে চিনিতে পারিতেন না। আল্লাহর প্রতি এত ধ্যানমগ্ন থাকিতেন যে, তিনি নিজের সন্তান পর্যন্ত চিনিতে না।

এক বুয়ূর্গ নিজের সন্তানাদি সম্পর্কে বলিতেন যে, যদিও তাহাদের পিতা জীবিত আছে তবুও তাহারা ইয়াতীম।

এই সম্পর্কে এখন আরও দীর্ঘ আলোচনা করিলে প্রকৃত উদ্দেশ্য হইতে দূরে সরিয়া পড়িতে হইবে। তাই এই আলোচনা ছাড়িয়া মূল উদ্দেশ্য সম্পর্কে আলোচনায় লিপ্ত হইতেছি।

প্রকৃত উদ্দেশ্যের দিকে প্রত্যাবর্তন

আল্লাহ পাক যখন বলিয়াছেন, “আমি জ্বীন ও মানব জাতিকে শুধু ইবাদতের জন্য সৃষ্টি করিয়াছি।” তখন আল্লাহ পাক অবশ্যই জানিতেন যে, মানবিক প্রয়োজন তাহাদের লাগিয়াই থাকিবে। প্রয়োজনের চাহিদা মোতাবেক প্রয়োজন পূরা করিতে হইবেই। ফলে ইবাদতের প্রতি একাগ্রতায় বিশৃঙ্খলা ও

ত্রুটি দেখা দিবে। তাই আল্লাহ পাক তাহাদের রিয়কের দায়িত্ব হাতে লইয়াছেন যাহাতে তাহারা আল্লাহর ইবাদতের সুযোগ পায় এবং রিয়ক অর্জনের পিছনে পড়িয়া ইবাদতে পাফেল না হইয়া পড়ে। আল্লাহ পাক বলেন,

وَمَا أَرِيدُ مِنْهُمْ مِنْ رِزْقٍ

“আমি তাহাদের কাছে ইহা চাই না যে, তাহারা নিজেরা নিজেদের রিয়কের ব্যবস্থা করুক।”

কেননা রিয়ক প্রদানের ক্ষেত্রে আমিই যথেষ্ট এবং এই ক্ষেত্রে আমার দায়িত্ব গ্রহণও তাহাদের জন্য যথেষ্ট।

وَمَا أَرِيدُ أَنْ يَبْطِغُوا

“আমি ইহাও চাই না যে, তাহারা আমাকে আহার করাক।”

কেননা আমি শক্তিশালী, মুখাপেক্ষীহীন, আমার আহার করার প্রয়োজন হয় না। এই জন্য তিনি ইহার পর ইরশাদ করিয়াছেন,

إِنَّ اللَّهَ هُوَ الرَّزَّاقُ ذُو الْقُوَّةِ الْمَتِينُ

“নিশ্চয়ই আল্লাহ পাকই রিয়কদাতা। শক্তিশালী।”

সারকথাঃ আল্লাহ পাক বলিতেছেন, “যেহেতু আমি নিজে রিয়কদাতা, এই জন্য আমি চাইনা যে, বান্দা রিয়কের ফিকির করুক। যেহেতু আমি শক্তিশালী তাই আমি চাই না যে, বান্দা আমাকে আহার করাক। কেননা যাহার কাছে প্রকৃত শক্তি রহিয়াছে সে আহার করার প্রয়োজনীয়তার মুখাপেক্ষী নহে।

মোটকথাঃ এই আয়াতে উল্লিখিত বিষয় হইতে স্পষ্টভাবে প্রতীয়মান হয় যে, আল্লাহ তাআলাই বান্দাদের রিয়কের বিম্বাদার। আল্লাহ পাক নিজেই বলেন,

إِنَّ اللَّهَ هُوَ الرَّزَّاقُ

পক্ষান্তরে ঈমানদারের জন্য অপরিহার্য হইল যে, ঈমানদার একমাত্র আল্লাহ পাককেই রিয়কদাতা বিশ্বাস করে।

এই বিশ্বাসের সামান্য গন্ধও মাখলুকের সাথে সম্পৃক্ত না করে। এমনকি কোন প্রকার মাধ্যমের এবং বান্দার উপার্জনের সাথেও সম্পৃক্ত না করে।

এক হাদীছে আছে যে, এক রাতে বৃষ্টি হইয়াছিল। পরদিন সকালে রাসূলুল্লাহ ছালাল্লাহু আলাইহি ওয়াসাল্লাম ছাহাবাদের উদ্দেশ্য করিয়া বলিলেন,

তোমরা কি জান যে, তোমাদের পরোয়ারদিগার কি বলিয়াছেন? হাঃ বাগণ আরম্ভ করিলেন, ইয়া রাসূলুল্লাহ ছালাল্লাহু আলাইহি ওয়াসাল্লাম! আমরা জানি না। রাসূলুল্লাহ ছালাল্লাহু আলাইহি ওয়াসাল্লাম বলিলেন, আল্লাহ পাক বলেন, “আজ সকালে আমার কোন কোন বান্দা মোমেন আর কোন কোন বান্দা কাকের হইয়াছে। যাহারা বলে যে, আল্লাহ পাকের রহমত ও অনুগ্রহে আমরা বৃষ্টি লাভ করিয়াছি। তাহারা আমার প্রতি ঈমান আনিয়াছে। আর নক্ষত্রের প্রভাব অধীকার করিয়াছে। আর যাহারা বলে যে, চন্দ্রের অমুক কক্ষের কারণে অথবা অমুক নক্ষত্রের প্রভাবে আমরা বৃষ্টি লাভ করিয়াছি। তাহারা আমার সাথে কুফরী করিয়াছে এবং নক্ষত্রের প্রতি ঈমান আনিয়াছে।”

অত্র হাদীছে ঈমানদারের জন্য বড় ফায়দা, একীণওয়ালাদের জন্য সুস্পষ্ট দর্শন আর আল্লাহ তাআলার প্রতি আদব প্রদর্শনের শিক্ষা রহিয়াছে। আশা করি মুমিনদের জ্যোতিষবিদ্যা এবং ইহার প্রভাব স্বীকারকারী থেকে বিরত রাখার জন্য অত্র হাদীছই যথেষ্ট।

জানিয়া রাখ যে, তোমার সম্পর্কে আল্লাহ পাকের ফয়সালা নির্ধারিত। তিনি যাহা ফয়সালা করেন তাহা অবশ্যই কার্যে পরিণত করেন। তাহার জ্ঞানও অপরিবর্তনীয়। তিনি যাহা জাদেন তাহা প্রকাশ করেন। সুতরাং অদৃশ্যের জ্ঞানী এই মহান সত্ত্বার জ্ঞাত বিষয় জানার জন্য অনুসন্ধান চালানোর মধ্যে কি ফায়দা রহিয়াছে? জানিলেও যাহা হইবে না জানিলেও তাহাই হইবে। এক বান্দা অপর বান্দার অবস্থার পিছনে পড়িতে অর্থাৎ ইহার অনুসন্ধান চালাইতে আল্লাহ পাক নিষেধ করিয়াছেন। তিনি বলিয়াছেন, وَلَا تَجَسْأُوا “অন্যদের অবস্থার পিছনে পড়িও না।” ইহার পরও আল্লাহ পাকের জ্ঞাত বিষয়ের পিছনে পড়িয়া ইহা জানার জন্য অনুসন্ধান চালানো কিভাবে শোভনীয় হইতে পারে? এক কবি বলিয়াছেন-

مری جانب سے نیجوسی کو کھر + حکم کو کب کو نہی میں مانتا
جوخدا چاہے وہی ہوگا ضرور + بالیقین اس امر کو ہر وہ جاننا

“জ্যোতিষবিদকে আমার পক্ষ হইতে বল

নক্ষত্রের হুকুম আমি মানি না।

আল্লাহ পাক যাহা চান তাহা অবশ্যই হইবে

আমি দৃঢ় বিশ্বাসের সাথে ইহাই জানি।”

ফায়দা : ১। আরবী ব্যাকরণ অনুসারে রাযযাক শব্দটি فاعل ওজনে

গঠিত। আর فاعل ওজনে ব্যবহৃত হয় কোন ব্যক্তি বা বস্তুর মধ্যে দোষগুণের অতিরিক্ততা বুঝানোর জন্য। যেমন, রাযযাক অর্থ অধিক রিয়িকদাতা। আরবীতে এই অর্থে আরও একটি শব্দ ব্যবহৃত হয় তাহা হইল ‘রাযেক’। রাযেক শব্দটি فاعل ওজনে গঠিত। শব্দের অর্থ রিয়িক প্রদাতা। আয়াতে রাযেক শব্দ ব্যবহার না করিয়া রাযযাক শব্দ ব্যবহার করা হইয়াছে। পূর্বেই উল্লেখ করা হইয়াছে যে, রাযযাক শব্দের অর্থ অধিক রিয়িকদাতা। অধিক রিয়িক প্রদান দুইভাবে হইতে পারে। এক, তিনি যাহাদের রিয়ক প্রদান করেন তাহাদের সংখ্যা অনেক। অথবা তাহার প্রদত্ত রিয়ক অনেক। তবে শব্দটি উভয় অর্থ বহন করারও সম্ভাবনা রাখে যে, তিনি অনেক লোককে অনেক রিয়ক প্রদান করিয়া থাকেন।

দ্বিতীয় ফায়দা : প্রশংসা করার জন্য দুই প্রকারের শব্দ ব্যবহার করা যায়। এক প্রকার শব্দ হইল, গুণবাচক বিশেষ্য। অপর প্রকার ক্রিয়া। তবে প্রশংসা করার জন্য গুণবাচক বিশেষ্যের ব্যবহার ক্রিয়ার ব্যবহার অপেক্ষা অধিক ফলপ্রদ। অর্থাৎ ক্রিয়ার মাধ্যমে প্রশংসা করিলে যতটুকু প্রশংসা বুঝা যায়, ক্রিয়ার স্থলে গুণবাচক বিশেষ্য ব্যবহার করিলেও তদাপেক্ষা অধিক ও স্থায়ী প্রশংসা বুঝা যায়।

উদাহরণ স্বরূপ- কোন ব্যক্তির সৎকর্ম করার গুণের প্রশংসা করার জন্য ব্যবহৃত গুণবাচক বিশেষ্য হইল محسن আর ইহার জন্য ব্যবহৃত ক্রিয়া يحسن

। সুতরাং যাহাদের এই গুণের প্রশংসা করিতে زيد محسن বাক্যও ব্যবহার করা যাইতে পারে। আবার زيد يحسن বাক্যও ব্যবহার করা যাইতে পারে। উভয় বাক্যের মধ্যে زيد محسن বাক্যটি এই ক্ষেত্রে অধিক প্রযোজ্য এবং উদ্দিষ্ট অর্থ প্রকাশে স্পষ্ট নির্দেশক। কেননা গুণবাচক বিশেষ্য স্থায়িত্ব ও নিরশেষ না হইয়া যাওয়ার স্বার্থ বহন করে। পক্ষান্তরে ক্রিয়া অস্থায়িত্বের অর্থ প্রকাশ করে। অতএব গুণবাচক বিশেষ্য ব্যবহার করার অর্থ হইল যে, গুণান্বিত ব্যক্তি এই গুণটি স্থায়ী। এই হিসাবে ان الله هو الرزاق বাক্যটি ان الله هو يرزق বাক্যটি অপেক্ষা অধিক উপযুক্ত। কেননা পরবর্তী বাক্যে গুণবাচক বিশেষ্য ব্যবহৃত হয় নাই বরং ক্রিয়া ব্যবহৃত হইয়াছে। পক্ষান্তরে প্রথম বাক্যে গুণবাচক বিশেষ্য ব্যবহৃত হইয়াছে ক্রিয়া ব্যবহৃত হয় নাই। আল্লাহ পাক যদি আয়াতে ان الله هو يرزق বলিতেন। তাহা হইলে আয়াত শুধু এতটুকু প্রমাণ করিত যে, আল্লাহ পাক রিয়িকদাতা। “শুধু আল্লাহ পাকই রিয়িকদাতা” ইহা প্রমাণ করিত না। অর্থাৎ রিয়িক প্রদানের গুণ শুধু আল্লাহর মধ্যেই সীমাবদ্ধ ইহা প্রমাণ করিত না। কিন্তু

আল্লাহ পাক **ان الله هو الرزاق** বলিয়াছেন। ইহা প্রমাণ করিতেছে যে, একমাত্র আল্লাহ পাকই রিয়ক প্রদান করেন। ইহা অন্য কাহারও কাজ নহে। অন্য কেহ এই গুণের অধিকারী নহে। অনুরূপভাবে আল্লাহ পাক রিয়কের আলোচনা করিতে গিয়া অন্য আয়াতে বলেন,

اللَّهُ الَّذِي خَلَقَكُمْ ثُمَّ رَزَقَكُمْ ثُمَّ يُمِيتُكُمْ ثُمَّ يُحْيِيكُمْ

“আল্লাহ পাক এমন সত্তা যিনি তোমাদিগকে সৃষ্টি করিয়াছেন। অতঃপর তোমাদিগকে রিয়ক দিয়াছেন। অতঃপর তোমাদের মৃত্যু দান করিবেন। অতঃপর তোমাদিগকে জীবন দান করিবেন।”

এই আয়াতে দুইটি ফায়দার কথা রহিয়াছে।

প্রথম ফায়দা : এই আয়াতে আল্লাহ পাকের দুইটি বিশেষ গুণ এক সাথে উল্লেখ করা হইয়াছে। একটি গুণ হইল আল্লাহ পাক সৃষ্টিকর্তা। দ্বিতীয়গুণ- তিনি রিয়কদাতা। এইগুণদ্বয়কে একসাথে উল্লেখ করিয়া ইস্তিত করা হইয়াছে যে, তোমরা যেভাবে আল্লাহ পাককে সৃষ্টিকর্তা বিশ্বাস কর এবং নিজেদেরকে সৃষ্টিকর্তা বলিয়া দাবী কর না অনুরূপভাবে তোমরা আল্লাহ পাককে রিয়কদাতা বলিয়াও বিশ্বাস কর এবং নিজেদেরকে রিয়কদাতা বলিয়া দাবী করিও না। অর্থাৎ সৃষ্টি করার ক্ষেত্রে আল্লাহ পাক যেমন সম্পূর্ণ একা ও অদ্বিতীয়, অনুরূপভাবে রিয়ক প্রদানের বেলায়ও তিনি এক ও অদ্বিতীয়। তাই আল্লাহ পাকের এই গুণদ্বয়কে একসাথে উল্লেখ করা হইয়াছে যাহাতে বান্দাদের উপর আল্লাহর পক্ষ হইতে এই বিষয়ে দলীল কায়েম হয় এবং অন্য কাহাকেও রিয়কদাতা বলিয়া মনে করার অবৈধতা ঘোষিত হয়। তাঁহার এহসানকে বান্দাদের এহসান বলিয়া মনে করার বেলায় বাধার সৃষ্টি হয়।

আল্লাহ পাক সরাসরি সৃষ্টিকর্তা। তাঁহার ও বান্দার মধ্যে সৃষ্টিগত ক্ষেত্রে কোন মাধ্যম নাই। অনুরূপভাবে আল্লাহ পাক সরাসরি রিয়কদাতা। রিয়ক প্রদানের ক্ষেত্রে তাহার ও বান্দার মধ্যে কোন মাধ্যম নাই।

দ্বিতীয় ফায়দা :

اللَّهُ الَّذِي خَلَقَكُمْ ثُمَّ رَزَقَكُمْ

“আল্লাহ এমন এক সত্তা যিনি তোমাদিগকে সৃষ্টি করিয়াছেন। অতঃপর তোমাদিগকে রিয়ক দান করিয়াছেন।”

অত্র আয়াতে বলিয়া দিয়াছেন যে রিয়কের ফয়সালা হইয়া গিয়াছে। আর

এই বিষয়টি পোক্ত হইয়াছে। এখন ইহাতে নতুন কোন কিছু সংযুক্ত হইবে না। তবে এখন উহা প্রকাশ পাইবে মাত্র। নতুন করিয়া নির্ধারিত হইবে না।

রিয়ক শব্দটি রিয়কের দুই পর্যায়ের জন্য প্রযোজ্য। এক পর্যায় হইল আল্লাহ পাক যখন রিয়ক নির্ধারণ করিয়াছেন। দ্বিতীয় পর্যায় হইল বান্দা অস্তিত্ব প্রাপ্ত হওয়ার পর রিয়ক প্রকাশ পাওয়া শুরু হওয়া। অত্র আয়াতে উল্লিখিত রিয়ক শব্দ দ্বারা উভয় পর্যায়ের রিয়কের কথা বুঝানোর সম্ভাবনা রহিয়াছে। সুতরাং যদি এই শব্দ দ্বারা রিয়কের প্রথম পর্যায়ের কথা বুঝানো হয় তাহা হইলে আয়াতে উল্লেখিত “ছুম্মা রায়াকাকুম” বাক্যাংশে ব্যবহৃত “ছুম্মা” শব্দটি বীয অর্থে ব্যবহৃত হওয়া মুশকিল। কেননা “ছুম্মা” শব্দের অর্থ “অতঃপর আয়াতের অর্থ দাঁড়াইবে।” আল্লাহ পাক তোমাদিগকে সৃষ্টি করিয়াছেন অতঃপর রিয়ক দিয়াছেন। অথচ এই পর্যায়ের রিয়ক বান্দার সৃষ্টির পূর্বেই অস্তিত্ব লাভ করিয়াছে। এই সমস্যার সমাধান এইভাবে দেওয়া যাইতে পারে যে, এখানে “ছুম্মা” শব্দটি উল্লেখ করা হইয়াছে শুধু শব্দের আগপিছ বিবেচনা করিয়া। অর্থাৎ প্রথমে সৃষ্টির কথা উল্লেখ করা হইয়াছে। অতঃপর রিয়কের কথা উল্লেখ করা হইয়াছে। “ছুম্মা” ব্যবহার করার উদ্দেশ্য ইহা নহে যে, বাস্তবিক পক্ষে মানব সৃষ্টির পর রিয়ক নির্ধারিত করা হইয়াছে। কেননা রিয়ক নির্ধারিত হইয়াছে সৃষ্টির পূর্বে।

আর যদি রিয়ক শব্দটি ব্যবহার করিয়া রিয়কের দ্বিতীয় পর্যায় বুঝানো হইয়া থাকে। অর্থাৎ বান্দার অস্তিত্ব লাভের পর তাহার জন্য রিয়ক প্রকাশ করা হইয়াছে। তাহা হইলে “ছুম্মা” শব্দটি সঠিক অর্থে ব্যবহার হওয়াতে কোন সন্দেহ নাই। কেননা বান্দার সৃষ্টির পর রিয়ক প্রদান করা বিবেকসম্মত কথা। এতদসত্ত্বেও আল্লাহ পাক রিয়কের বিষয়টি উল্লেখ করিয়াছেন গাফেলদের সতর্ক করার জন্য। মোটকথা যে উদ্দেশ্যে এই আয়াত উল্লেখ করা হইয়াছে তাহা হইল আল্লাহ পাকের জন্য উপাস্যতা প্রমাণ করা। যেন অত্র আয়াতে এই কথা বলা হইয়াছে যে, হে গায়রুজ্জাহের পূজারী! আল্লাহ পাক এমন এক সত্তা যিনি তোমাদিগকে সৃষ্টি করিয়াছেন। অতঃপর তোমাদের কাছে রিয়ক পৌঁছাইয়াছেন। পরে তিনি তোমাদিগকে মৃত্যু দান করিবেন। অতঃপর তোমাদিগকে পুনরায় জীবিত করিবেন। এইসব গুণাবলী কি আল্লাহ ছাড়া অন্য কাহারও মধ্যে পাওয়া যায়? কোন মাধ্যমের মধ্যে কি এইসব গুণাবলী বিদ্যমান থাকা সম্ভব? সুতরাং যে সত্তা এককভাবে এইসব গুণাবলীর ধারক। তাঁহাকে উপাস্য বলিয়া গ্রহণ করা উচিত। প্রতিপালনে তাহাকেই অদ্বিতীয় বিশ্বাস করা চাই। এই জন্যই আল্লাহ পাক বলেন-

كُلٌّ مِّنْ حَرِّكَانِكُمْ مِّنْ يَّفْعَلُ مِّنْ أَلَيْكُم مِّنْ شَيْءٍ سُبْحَانَهُ وَتَعَالَى عَمَّا يُشْرِكُونَ *

“তবে কি তোমরা আল্লাহর সাথে যাহাদিগকে শরীক করিতেছ তাহাদের মধ্যে এমন কেহ আছে যে, এই সর্ব কার্যের কোন একটা করিতে পারে? তাহারা আল্লাহর সাথে যে সকল শরীক করে তিনি তাহা হইতে পবিত্র ও অনেক উর্ধে।”

রিয়ক সম্পর্কে তৃতীয় আয়াত হইল,

وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا تَسْأَلَنَّا رِزْقًا * نَحْنُ نَرْزُقُكَ * وَالْمَآبِئَةُ
لِلْقَوَى *

“হে মুহাম্মদ ছালাল্লাহু আলাইহি ওয়াসাল্লাম! আপনি স্বীয় পরিবার-পরিজনকে নামাযের নির্দেশ প্রদান করুন। আর ইহার উপর কায়েম থাকুন। আমি আপনার কাছে রিয়ক চাই না। বরং আমি আপনাকে রিয়ক প্রদান করি। শেষ মঙ্গল তাকওয়ার জন্যই।”

অত্র আয়াতে কয়েকটি ফায়দার কথা রহিয়াছে।

প্রথম ফায়দা : যদিও অত্র আয়াতে পয়গম্বর ছালাল্লাহু আলাইহি ওয়াসাল্লামকে সনোদন করা হইয়াছে। কিন্তু ইহাতে উল্লেখিত হুকুম এবং ওয়াদা তাহার (ছালাল্লাহু আলাইহি ওয়াসাল্লাম) উম্মতের সকলের সাথে সম্পর্কিত। সুতরাং ইহা হইতে বুঝা গেল যে, প্রত্যেক বান্দাকেই বলা হইতেছে যে, “হে বান্দা! তুমি স্বীয় পরিবার-পরিজনকে নামাযের হুকুম কর এবং নিজেও ইহার উপর কায়েম থাক। আমি তোমার কাছে রিয়ক চাই না। বরং আমি তোমাকে রিয়ক প্রদান করি। আর জানিয়া রাখ যে, শেষ পর্যন্ত মঙ্গল তাকওয়ার জন্যই।”

যখন তুমি এতটুকু বুঝিতে পরিয়াছ, এখন তুমি আয়াতের সারকথা হইল, হে বান্দা! আল্লাহ তাআলা তোমাকে উদ্দেশ্য করিয়া বলিতেছেন যে, তুমি স্বীয় পরিবার পরিজনকে নামাযের হুকুম কর। কেননা, যেভাবে দুনিয়াবী মাল আসবাবের দ্বারা স্বীয় পরিবার পরিজনের সাথে সদাচরণ করা, তাহাদের প্রয়োজনাতির প্রতি খেয়াল রাখা ওয়াজিব। অনুগ্রহপভাবে তাহাদের উপর এমনভাবে মেহনত করাও ওয়াজিব যাহাতে তাহারা আল্লাহ পাকের আনুগত্যের দিকে ফিরিয়া আসে এবং তাহার নাম্ফরমানী হইতে বাঁচিয়া থাকে। তোমার পরিবার-পরিজনকে যেভাবে পার্থিব দিক দিয়া তোমার উপর অধিকার রাখে অনুগ্রহপভাবে পরকালীন বিষয়েও তোমার দ্বারা লাভবান হওয়ার অধিকার রাখে।

অধিকন্তু তাহারা তোমার অধীনস্থ প্রজার ন্যায়। রাসূলুল্লাহ ছালাল্লাহু আলাইহি ওয়াসাল্লাম ইরশাদ করেন,

كَلِمَ رَاعٍ وَكَلِمَ مَسْتَوْلٍ عَنْ رَعِيَّتِهِ *

“তোমরা সকলেই যিম্বাদার এবং সকলেই নিজেদের অধীনস্থদের সম্পর্কে জিজ্ঞাসিত হইবে।”

অন্য এক স্থানে আল্লাহ পাক বলেন,

وَأَنْزَلْ عَشِيرَتَكَ الْأَقْرَبِينَ *

“তুমি স্বীয় নিকটবর্তী বংশধরদিগকে ভয় প্রদর্শন কর।”

যেমন উল্লিখিত আয়াতে আল্লাহ পাক বলিয়াছেন-

وَأْمُرْ أَهْلَكَ بِالصَّلَاةِ *

“আপনি স্বীয় পরিবার-পরিজনকে নামাযের হুকুম করুন।”

দ্বিতীয় ফায়দা : লক্ষ্য কর! আল্লাহ পাক অত্র আয়াতে রাসূলুল্লাহ ছালাল্লাহু আলাইহি ওয়াসাল্লামকে প্রথমে নির্দেশ দিয়াছেন স্বীয় পরিবার পরিজনকে নামাযের হুকুম করার জন্য আর নিজেও নামাযের উপর কায়েম থাকার জন্য। কিন্তু স্বীয় পরিবার পরিজনকে নামায পড়ানোর জন্য চেষ্টা করার বিষয়টি অত্র আয়াতের বিশেষ বিষয়। আর দ্বিতীয় বিষয়টি মূলতঃ মুখ্য হইলেও অত্র আয়াতে গৌণ বা অধীনস্থ। কারণ বান্দাতো নিঃসন্দেহে অবগত আছে যে, তাহার প্রতি তো নামাযের নির্দেশ রহিয়াছে। কাজেই সে ইহা সঠিকভাবে পালন করিতে প্রস্তুত থাকিবে। কিন্তু অন্যকে নামায পড়ার হুকুম করাও কর্তব্য বলিয়া মনে না করার সম্ভাবনা রহিয়াছে। তাই আল্লাহ পাক বান্দাকে এই বিষয়ে সতর্ক করিবার জন্য এই নির্দেশ দিয়াছেন। এই হিসাবে অন্যকে নামায পড়ার হুকুম করার বিষয়টি এই স্থানে মুখ্য হইয়া পড়িয়াছে। অধিকন্তু সারসরি বান্দাকে নির্দেশ না করিয়া রাসূলুল্লাহ ছালাল্লাহু আলাইহি ওয়াসাল্লামকে নির্দেশ করিয়াছেন। যাহাতে অন্য লোকেরা ইহা শুনিয়া তাহার অনুকরণ করে এবং নামাযের দিকে নোঁড়াইয়া আসিয়া নামায কায়েম করে।

সতর্কতা : স্বীয় পরিবার-পরিজন যেমন খ্রী-পুত্র, দাসী বান্দী প্রভৃতিকে নামায পড়ার হুকুম করা তোমার জন্য ওয়াজিব। নামায না পড়ার কারণে তাহাদিগকে মারপিট করাও জায়েয। যদি তুমি বল যে আমি তো তাহাদিগকে নামায পড়ার কথা বলিয়াছিলাম কিন্তু তাহারা আমার কথা শুনে নাই। আল্লাহ

পাকের কাছে তোমার এইসব ওজর আপত্তি কবুল হইবে না।

যদি তোমার পরিবার পরিজন বুঝিতে পারে যে, তোমার খাদ্যবস্তু নষ্ট হইয়া গেলে বা তোমার কোন কার্য অসম্পাদিত থাকিয়া গেলে তোমার যতটুকু কষ্ট লাগে, তাহারা নামায না পড়িলে তোমার ততটুকু কষ্ট লাগে। তাহা হইলে তাহারা কখনও নামায পরিত্যাগ করিবে না। কিন্তু তাহারা তো সর্বদা দেখিতেছে যে, ভূমি তাহাদের থেকে তোমার নিজের হক তো তলব করিতেছে কিন্তু আল্লাহর হক তলব করিতেছে না। এইজন্য তাহারা এইসব হক আদায় করার প্রতি কোন খেলাই করিতেছে না। যে ব্যক্তি নিজে পাবন্দীর সাথে নামায আদায় করে কিন্তু তাহার পরিবারের লোকেরা নামায পড়ে না। সে তাহাদিগকে নামায পড়ার তাগিদও করে না। এমন নামাযী লোককেও কিয়ামতের দিনে এমন সব লোকদের দলভুক্ত করা হইবে যাহারা নামায পড়ে না। যদি কেহ এইক্ষেত্রে আপত্তি উত্থাপন করিয়া বলে যে, আমি তো তাহাদিগকে নামাযের কথা বলিয়াছি কিন্তু তাহারা নামায পড়ে না। আমি তাহাদিগকে নসীহত করিয়াছি কিন্তু তাহারা মানে না। আমি তাহাদিগকে মারপিট করিয়া শাস্তি দিয়াছি কিন্তু তাহারা সোজা হয় না। এখন আমি কি করিতে পরি? তাহা হইলে তাহার এই আপত্তির জবাবে আমি বলিব যে, এই ধরনের লোকদের মধ্যে যাহাকে তালাক দিয়া বা বিক্রি করিয়া তাহার থেকে পৃথক হওয়া সম্ভব হয়, তাহাকে তালাক দিয়া বা বিক্রি করিয়া তাহার থেকে পৃথক হইয়া পড়। যাহার থেকে এইভাবে পৃথক হইয়া পড়া সম্ভব নহে, তাহার থেকে মুখ ফিরাইয়া দাও। আল্লাহর সন্তুষ্টি লাভের উদ্দেশ্যে তাহাদের সাথে কথাবার্তা বন্ধ করিয়া দাও। কেননা! আল্লাহর সন্তুষ্টি লাভের উদ্দেশ্যে কাহারও থেকে পৃথক হওয়া আল্লাহর সাথে মিলিত হওয়ার নামান্তর।

তৃতীয় ফায়দা : **وَاصْطَبِرْ عَلَيْهِ** অত্র আয়াতে আল্লাহ পাক বলিয়াছেন, **“এবং আপনি নামাযের উপর ধৈর্যধারণ করুন ও নামাযে কায়ম থাকুন।”** ইহাতে ইঙ্গিত করা হইয়াছে যে, নামাযে কিছু কষ্ট রহিয়াছে। যাহা নামাযীর জন্য ভারী মনে হয়।

কেননা মানুষ নিজেদের কাজকর্ম ও ব্যস্ততার সময় নামাযে হাযির হইতে হয়। আর নামাযের চাহিদা হইল নামাযী সব কিছু ছাড়িয়া যেন আল্লাহ পাকের সামনে হাযির হয় এবং গায়রুচ্ছাদিত সঙ্গীত বর্জন করে। লক্ষ্য করিয়া দেখ কেমন মজাদার ও আরামদায়ক নিদ্রা পরিত্যাগ করিয়া ফজরের নামাযে হাযির হইতে হয়। আর আল্লাহ পাকও নির্দেশ করিতেছেন যে, আমার হক আদায়

করিবার জন্য নিজেদের হক এবং আমার উদ্দেশ্য পূরা করিতে নিজেদের উদ্দেশ্য পরিত্যাগ কর। এই জন্যই বিশেষ করিয়া ফজরের নামাযের মধ্যে দুই বার **الصَّلَاةُ خَيْرٌ مِنَ النُّومِ** “নিদ্রা হইতে নামায উত্তম” বলিতে হয়। অনুরূপভাবে জোহরের নামায ও দুপুরের আহারের পর আরাম করিবার এবং কষ্ট পরিশ্রম হইতে প্রত্যাবর্তন করিবার সময় উপস্থিত হয়। আছরের নামাযও এমন এক সময় আসে যখন মানুষ ব্যবসা-বানিজ্য বা অন্যান্য কাজকর্মে লিপ্ত থাকে। মাগরিবের নামায আসে যখন মানুষ কাজকর্ম হইতে ফিরিয়া আসিয়া হাত পা ও শরীর পরিত্কার করিয়া আহার করিতে প্রস্তুত হয়। আর অবশিষ্ট রহিল ইশার নামায। তাহাও এমন সময় উপস্থিত হয় যখন সারাদিনের কর্মব্যস্ততার পরে ক্লান্তি ছাইয়া ফেলে। এই জন্যই আল্লাহ পাক বলিয়াছেন, **وَاصْطَبِرْ عَلَيْهَا** “এবং নামাযে ধৈর্যধারণ কর ও কায়ম থাক।” তিনি আরও বলিয়াছেন,

حَافِظُوا عَلَى الصَّلَوَاتِ وَالصَّلَاةِ الْوُسْطَى

“সমস্ত নামাযের উপর সতর্ক দৃষ্টি রাখ। বিশেষ করিয়া আছরের নামাযের উপর।” অন্য এক স্থানে বলিয়াছেন-

إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَوْقُوتًا

“ঈমানদারদের জন্য নামায নির্ধারিত সময়ে ফরজ করা হইয়াছে।”

অন্য এক স্থানে বলিয়াছেন-

أَقِيمُوا الصَّلَاةَ

“তোমারা নামায কায়ম কর।”

নামাযের প্রতি গুরুত্ব প্রদান করার মধ্যে বন্দেগীর কষ্ট নিহিত রহিয়াছে এবং ইহার গুরুত্ব প্রদান মানবীয় চাহিদার পরিপন্থী। নিম্নোক্ত আয়াতই ইহার যথেষ্ট দলীল।

وَاسْتَعِينُوا بِالصَّبْرِ وَالصَّلَاةِ وَإِنَّهَا لَكَبِيرَةٌ إِلَّا عَلَى الْغَاسِقِينَ

“এবং তোমার ধৈর্যধারণ ও নামাযের মাধ্যমে সাহায্য প্রার্থনা কর। নিশ্চয়ই নামায খুব ভারী। তবে বিনয়ীদের জন্য নহে।”

অত্র আয়াতে ধৈর্যধারণ এবং নামায এক সাথে উল্লেখ করিয়া ইঙ্গিত করা হইয়াছে যে নামাযের মধ্যে কয়েক প্রকার ধৈর্যধারণ রহিয়াছে। এক, ইহার ওয়াজের পাবন্দী করিয়া ধৈর্যধারণ করা। দুই, নামাযের ওয়াজিবে ও সুন্নতসমূহ পালন করার ধৈর্যধারণ। তিন, গাফলতি দূর করার মাধ্যমসমূহের উপ-

ধৈর্যধারণ করা। এই জন্যই ইহার পরে উল্লেখ করা হইয়াছে যে **وَأَنهَا لَكَبِيرَةٌ** **وَالْأَعْيُنُ عَلَى الْخَاشِعِينَ** এখানে একবার নামাযের কথা উল্লেখ করার পর আবার নামাযের সম্বন্ধে বর্ণনা দেওয়া হইয়াছে। কিন্তু ধৈর্যধারণ সম্পর্কে দ্বিতীয় বার বর্ণনা দেওয়া হয় নাই। কেননা যদি ধৈর্যধারণের বর্ণনা করা হইত তাহা হইলে **وَأَنهَا لَكَبِيرَةٌ** বলা হইত। কেননা নামায যে আরবী শব্দ দ্বারা প্রকাশ করা হয়, তাহা হইল সালাত (صلاة) আর ধৈর্যধারণ যে আরবী শব্দ দ্বারা প্রকাশ করা হয় তাহা হইল সবর (صبر)। আরবী ভাষাতে সালাত শব্দটি খ্রীলিঙ্গ আর সবর শব্দটি পুংলিঙ্গ। আর (ها) (হা) সর্বনামটি খ্রীলিঙ্গ এবং (ه) 'হ' সর্বনামটি পুংলিঙ্গ। সুতরাং নামাযের জন্য ব্যবহৃত হয় সর্বনাম 'হা' আর সবরের জন্য ব্যবহৃত হয় সর্বনাম 'হ'। অত্র আয়াতে ব্যবহৃত হইয়াছে 'হা' সর্বনাম। 'হ' সর্বনাম ব্যবহৃত হয় নাই। বুঝা গেল পরবর্তীতে নামাযের বর্ণনা আসিয়াছে। ধৈর্যধারণের বর্ণনা আসে নাই।

অধিকন্তু উপরোক্ত বর্ণনা হইতে ইহাও বুঝা যায় যে, নামায ও ধৈর্য ধারণ একে অপরের জন্য অপরিহার্য। যেন উভয় একই জিনিস। কেননা **وَأَنهَا لَكَبِيرَةٌ** বাক্যে ব্যবহৃত হা (ها) সর্বনাম দ্বারা উভয়ের প্রত্যেকের প্রতি ইঙ্গিত করা হইয়াছে। একই সর্বনাম দ্বারা দুইটি বিষয়ের প্রত্যেকটির দিকে ইঙ্গিত করার উদাহরণ কুরআনের অন্যান্য স্থানেও পাওয়া যায়। যেমন একস্থানে রহিয়াছে-

وَاللَّهُ وَرَسُولُهُ أَحَقُّ أَنْ يُرَٰضَوْا

“আল্লাহ ও তদীয় রাসূল অধিক হকদার যে বান্দারা তাঁহাদের প্রত্যেককে সমুষ্টি করে।”

অন্য এক স্থানে বলিয়াছেন-

وَالَّذِينَ يَكْنِزُونَ الذَّهَبَ وَالْفِضَّةَ وَلَا يَنْفِقُونَهَا فِي سَبِيلِ اللَّهِ

“যাহারা স্বর্ণ রৌপ্য জমা করিয়া রাখে এবং তাহা (স্বর্ণ ও রৌপ্য) আল্লাহর রাস্তায় খরচ করে না।”

অন্য এক স্থানে বলিয়াছেন-

وَإِذَا رَأَوْا تِجَارَةً أَوْ لَهْوًا مُّغْوًى فَلْيَضْحَكُوا بِهَا

“এবং যখন তাহারা কোন ব্যবসা অথবা কোন তামাসা দেখে তখন উহার (উহাদের প্রত্যেকটির) দিকে চলিয়া যায়।”

উল্লিখিত আয়াতত্রয় উদাহরণ হিসাবে এখানে উল্লেখ করা হইয়াছে।

প্রত্যেকটি আয়াতে দুইটি জিনিসের উল্লেখ করা হইয়াছে এবং প্রত্যেক আয়াতে দুইটি জিনিসের প্রতি নির্দেশ করিবার জন্য একবচন সর্বনাম ব্যবহার করা হইয়াছে। সর্বনাম একবচন ব্যবহার করিলেও উদ্দেশ্য উভয় জিনিস। উভয়ের জন্য একবচন সর্বনাম ব্যবহার করা হইয়াছে উভয়ের মধ্যে অপরিহার্যতার সম্পর্ক বিদ্যমান বলিয়া। উদাহরণ স্বরূপ **يُرَٰضَوْا** শব্দে ব্যবহৃত সর্বনাম একবচন। কিন্তু এই সর্বনাম দ্বারা আল্লাহ ও তদীয় রাসূল উভয়কে বুঝানো হইয়াছে। **لَا يَنْفِقُونَهَا** শব্দে ব্যবহৃত সর্বনাম 'হা' একবচন সর্বনাম। কিন্তু এই সর্বনাম দ্বারা স্বর্ণ ও রৌপ্য উভয় বুঝানো হইয়াছে। **لِيَضْحَكُوا بِهَا** শব্দে ব্যবহৃত সর্বনাম 'হা' একবচন। কিন্তু এই সর্বনাম দ্বারা ব্যবসা ও তামাসা উভয় বুঝানো হইয়াছে। অনুরূপভাবে আমাদের আলোচ্য আয়াতে **وَأَنهَا لَكَبِيرَةٌ** বাক্যে ব্যবহৃত সর্বনামও একবচন। সালাত শব্দ খ্রীলিঙ্গ হওয়ার কারণে নামাযের দিকে ফিরানো হইয়াছে। কিন্তু যেহেতু নামায ও ধৈর্যধারণের মধ্যে অপরিহার্যতার সম্পর্ক বিদ্যমান। তাই একবচন সর্বনাম দ্বারা উভয়কে বুঝানো হইয়াছে।

বিশেষ ফায়দার আলোচনা

নামাযের মর্যাদা খুব উচ্চ। আল্লাহ পাকের কাছে ইহার মূল্য অনেক। এই জন্য আল্লাহ পাক বলেন,

إِنَّ الصَّلَاةَ تَنْهَىٰ عَنِ الْفَحْشَاءِ وَالْمُنْكَرِ

“নিশ্চয় নামায অশ্লীল ও মন্দ জিনিস থেকে বিরত রাখে।”

রাসূলুল্লাহ ছালাতুল্লাহ আলাইহি ওয়াসাল্লামকে যখন প্রশ্ন করা হইয়াছে যে, আমলের মধ্যে উত্তম আমল কোনটি? তিনি জবাবে বলিলেন, ওয়াক্ত মোতাবেক নামায পড়া। রাসূলুল্লাহ ছালাতুল্লাহ আলাইহি ওয়াসাল্লাম আরও ইরশাদ করিয়াছেন যে, “নামাযী স্বীয় প্রভুর সাথে কানে কানে কথা বলে।” তিনি (ছালাতুল্লাহ আলাইহি ওয়াসাল্লাম) আরও বলেন, “বান্দা আল্লাহর সর্বাধিক নৈকট্য হাসিল করে সিজদা করার সময়।” আমরাও চিন্তা করিয়া দেখিয়াছি যে, নামাযের মধ্যে বিভিন্ন ইবাদত এত পরিমাণে একত্রিত হইয়াছে যে অন্য কোন আমলে এত বেশী ইবাদত একত্রিত হয় নাই। উদাহরণ স্বরূপ পবিত্র থাকা, দুনিয়াবী কথাবার্তা হইতে চূপ থাকা, কেবলার দিকে রুখ করা, তকবীর বলিয়া নামায শুরু করা, কুরআন পাঠ করা, দাঁড়াইয়া নামায পড়া, ঝুঁকিয়া যাওয়া, সিজদা করা, রুকু করা, সিজদার মধ্যে আল্লাহ পাকের পবিত্রতা বর্ণনা করা, সিজদাতে দোয়া পড়া। অনুরূপভাবে আরও অনেক ইবাদত নামাযে হইয়া

থাকে। সুতরাং নামাজ বিভিন্ন ইবাদতের সমষ্টি। কেননা যিকির করা একটি পৃথক ইবাদত, শুধু কুরআন পাঠ করা একটি পৃথক ইবাদত। অনুরূপভাবে তাসবীহ, দোআ, রুকু, সিজদা, দাঁড়াইশা নামায় পড়া। ইহাদের প্রত্যেকটি আমল পৃথক পৃথক ইবাদত। যদি আলোচনা দীর্ঘায়িত হওয়ার সম্ভাবনা না থাকিত তাহা হইলে নামাযের রহস্য ও ভেদ এবং নূর সম্পর্কে বিস্তারিত আলোচনা করিতাম। এখানে এতটুকু আলোচনা ই যথেষ্ট। “আলহামদুলিল্লাহ।”

চতুর্থ ফায়দা : আল্লাহ পাক বলিয়াছেন-

لَا تَسْئَلُكَ رِزْقًا ۖ نَحْنُ نَرْزُقُكَ ۗ

অর্থাৎ আমি তোমার কাছে ইহা চাই না যে, তুমি নিজকে নিজে রিয়ক প্রদান কর এবং স্বীয় পরিবার পরিজনকে রিয়ক প্রদান কর। আমি তোমাকে এই নির্দেশ কিভাবে দিতে পারি? তুমি নিজকে রিয়ক প্রদান করিবে এই দায়িত্ব তোমার উপর কিভাবে অর্পিত হইবে? অথচ তুমি ইহার শক্তি রাখ না। অধিকন্তু তোমাকে খেদমত করার জন্য বলা এবং তোমার রিয়কের ব্যবস্থা না করা কি আমার মর্যাদা হইতে পারে? তাহার এই কথা যেন এমন হইল যে, যখন তিনি জানিলেন যে, মানুষ রিয়ক উপার্জনে লাগিয়া গেলে তাহার সর্বস্ব ইবাদতে লাগিয়া থাকার মধ্যে ত্রুটি দেখা দিবে এবং ইবাদতের জন্য সময় অবসর করিয়া লওয়ার ফিকিরের পথে বাধার সৃষ্টি হইবে। তখন তিনি রাসূলুল্লাহ ছাড়া আল্লাহি ওয়াসাল্লামকে উদ্দেশ্য করিয়া বলিলেন,

وَأَمَّا أَهْلُكَ بِالصَّلَاةِ وَاصْطِرْ عَلَيْهِمْ لَا تَسْئَلُكَ رِزْقًا ۖ نَحْنُ نَرْزُقُكَ ۗ

রাসূলুল্লাহ ছাড়া আল্লাহি ওয়াসাল্লামকে সোধন করা হইলেও উদ্দেশ্য হইল অন্যান্য লোকদিগকে স্তন্যো। উল্লিখিত আয়াতের সারকথা হইল তোমরা আমার নির্দেশ পালন কর। আমি তোমাদের জন্য রিয়কের ব্যবস্থা করিব। সুতরাং এখানে দুইটি বিষয় লক্ষ্যণীয়। তন্মধ্যে একটির দায়িত্ব আল্লাহ পাক নিজে গ্রহণ করিয়াছেন।

সুতরাং এই ব্যাপারে তাঁহার প্রতি খারাপ ধারণা রাশিও না। তাহা হইল রিয়ক। (অর্থাৎ আল্লাহ পাক রিয়কের দায়িত্ব লইয়াছেন। তিনি অবশ্যই তোমাদের রিয়ক প্রদান করিবেন। এই ব্যাপারে তাঁহার প্রতি এই ধারণা পোষণ করিও না যে, তিনি তোমাকে উপবাস রাখিবেন।) দ্বিতীয়টি আল্লাহ পাক তোমার কাছে তলব করিতেছেন। ইহা কখনও ছাড়িবে না। তাহা হইল ইবাদত। সুতরাং যে ব্যক্তি আল্লাহর দায়িত্বদীন থাকার পরও জীবিকা উপার্জনে

লাগিয়া গিয়া আল্লাহ বান্দার কাছে যাহা চাহিতেছেন উহা ছাড়িয়া বসে অর্থাৎ রিয়কের পিছনে লাগিয়া ইবাদত ছাড়িয়া বসে। তাহা হইলে ইহা হইবে বড় রকমের অজ্ঞতা এবং অসতর্কতা। এই ধরণের লোককে জাহ্নত করিলেও জাহ্নত হয় না। বরং বান্দার জন্য উচিত আল্লাহ পাক বান্দার কাছে যাহা চাহিদা করেন বান্দা যেন তাহা পুরা করিতে লাগিয়া যায়। আর আল্লাহ পাক নিজে যে জিনিসের দায়িত্ব লইয়াছেন সে বিষয়ে বান্দা যেন চিন্তামুক্ত থাকে। কেননা এই বিশ্বাস থাকা উচিত যে, আল্লাহ পাক যখন নাস্তিকদের রিয়ক প্রদান করিতেছেন তখন মুমিনদিগকে কেন দিবেন না? আল্লাহর পক্ষ হইতে যখন কাফেরদের জন্য রিয়ক জারী রহিয়াছে তখন মুমিনদের জন্য জারী থাকিবে না কেন? অবশ্যই থাকিবে। সুতরাং হে বান্দা! যখন তুমি বুঝিয়া লইয়াছ যে দুনিয়াতে তোমার যতটুকু প্রয়োজন রহিয়াছে আল্লাহ পাক যখন সে প্রয়োজন পুরা করার দায়িত্ব লইয়াছেন অতঃপর তিনি তোমার কাছে আখেরাতের উদ্দেশ্যে আমল চাহিতেছেন। এখন তোমার উচিত আখেরাতের জন্য আমল করা। আখেরাতের উদ্দেশ্যে আমল করার প্রতি তাগীদ দিয়া আল্লাহ পাক বলিয়াছেন-

تَزَوَّدُوا فَإِنَّ خَيْرَ الزَّادِ التَّقْوَىٰ ۗ

“পাথেয় গ্রহণ কর। কেননা উত্তম পাথেয় হইল তাকওয়া।”

আল্লাহ যে জিনিস তোমাকে প্রদানের দায়িত্ব গ্রহণ করিয়াছেন তাহা তুমি নিজে কামাই করিবার প্রতি গুরুত্ব দিয়া যাহা তোমার কাছে তিনি চাহিতেছেন উহা আদায় করার প্রতি গুরুত্ব দিয়া তোমার কাছে ইহা তোমার কেমন বিবেক? এই সম্পর্কে এক বুহুর্গ বলিয়াছেন, আল্লাহ পাক আমাদের পার্থিব প্রয়োজনের দায়িত্ব লইয়াছেন আর আমাদের আখেরাতের প্রয়োজন আমাদের কাছে তলব করিয়াছেন। কিন্তু যদি তিনি আমাদের পার্থিব প্রয়োজন পুরা করার দায়িত্ব আমাদের দিগকে প্রদান করিয়া আখেরাতের প্রয়োজন পুরা করার দায়িত্ব নিজে গ্রহণ করিতেন তাহা হইলে কত ভাল হইত।

نحن نرزقك আয়াতগে ব্যবহৃত ক্রিয়াটি মোজারে। আরবী ভাষায় যে শব্দ

রূপ দ্বারা বর্তমান ও ভবিষ্যতকালের অর্থ প্রকাশ করা হয় উহাকে মোজারে বলা হয়। কোন কাজ সর্বদা হয় বা বার বার হইতে থাকে এই অর্থ প্রকাশের জন্য আরবী ভাষাবিদগণ মোজারে শব্দরূপ ব্যবহার করিয়া থাকেন। আরবী ভাষাতে আরও একটি শব্দরূপ রহিয়াছে যাহাকে ‘মায়ী’ বলা হয়। মায়ী শব্দরূপ এমন ক্ষেত্রে ব্যবহার করা হয় যেখানে উদ্দেশ্য হয় কোন কাজ অতীতকালে হইয়াছে বলিয়া বুঝানো। সুতরাং انا اكرمك বাক্যে ব্যবহৃত اكرم (উকরিমু) ক্রিয়াটি

মোজারে। আর اٰكْرَمْتُ বাক্যে ব্যবহৃত اٰكْرَمْتُ (আকরামতু) ক্রিয়াটি মাথী। সুতরাং اٰكْرَمْتُ আর اٰكْرَمْتُ উভয়ের অর্থ এক নহে বরং اٰكْرَمْتُ অর্থ আমি তোমাকে বার বার সম্মান করিতেছি। আর اٰكْرَمْتُ অর্থ আমি অতীতকালে তোমাকে সম্মান করিয়াছি। ইহাতে বার বার সম্মান করার বা সর্বদা সম্মান করার অর্থ নিহিত নাই। সুতরাং نَحْنُ نَرْزُقُكَ অর্থ আমি তোমাকে বার বার সর্বদা রিযিক প্রদান করিতেছি। স্বীয় অনুগ্রহ হইতে তোমাকে বঞ্চিত করিতেছি না। তোমার জন্য আমার এহসান বন্ধ হইবে না। যেভাবে আমি বান্দাদের সৃষ্টি করিয়া তাহাদের প্রতি এহসান করিয়াছি অনুরূপভাবে তাহাদের জন্য আমার সার্বজনিক সাহায্যের ব্যবস্থাও করিয়াছি। অতঃপর তিনি বলিয়াছেন، والعاقبة للنفوس "শেষ কল্যাণ তাকওয়ার জন্য।" অত্র আয়াতের সারকথা এই যে, হে বান্দারা যখন তোমরা দুনিয়াবী আসবাব হইতে মুখ ফিরাইয়া এবং তোমাদের বিভিন্ন পার্থিব প্রয়োজন পরিত্যাগ করিয়া আমার বেদনমতে লাগিয়া থাকিবে আমার আনুগত্যের প্রতি মনোনিবেশ করিবে তখন জানিয়া রাখ যে, ইয়তোবা তোমরা বাদশাহের ন্যায় রিযিক লাভ করিবে না। আর ব্যততামুজ ব্যক্তির ন্যায় আরাম আশ্রয় পাইবে না। কিন্তু তখন নিজেদের অবস্থার উপর ধৈর্যধারণ করিও। কেননা শেষ কল্যাণ তো তাকওয়া অবলম্বনকারীদের জন্য নির্ধারিত। যেমন আল্লাহ পাক এই আয়াতের প্রথম দিকে বলিয়াছেন-

وَلَا تَدْعُ عَيْنُكَ إِلَىٰ مَا مَتَّعْنَا بِهِ أَزْوَاجًا مِنْهُمْ وَكُفْرًا الْحَيٰوةَ الدُّنْيَا لَنُفْتِنَهُمْ فَبِئْسَ مَا يَرْكَبُ رَيْكَ خَيْرٌ وَأَنَّىٰ

رَبُّكَ

"এবং আপনি স্বীয় নেত্রদ্বয় ঐ জিনিসের দিকে প্রসারিত করিবেন না যাহার দ্বারা আমি কাদেরদের দলগুলোকে লাভ পৌছাইয়াছি। ইহাভো দুনিয়ার জীবনের চমকমাত্র। আমি তাহাদিগকে ইহা দিয়াছি যাহাতে আমি তাহাদিগকে ইহা হতে অন্যায় নিষ্ক্ষেপ করিতে পারি। আপনার পরোয়ারদিগ্যের রিযিকই উত্তম ও স্থায়ী।

এক প্রশ্ন ও সমাধান

যদি কেহ প্রশ্ন উত্থাপন করে যে, তাকওয়াকে বিশেষ করিয়া আখেরাতের সাথে সম্পৃক্ত করা হইয়াছে কেন? যেমন আয়াতে বলা হইয়াছে والعاقبة للنفوس অথচ তাকওয়া অবলম্বনকারী যেভাবে আখেরাতের কল্যাণ লাভ করে অনুরূপভাবে দুনিয়াতেও কল্যাণ লাভ করিয়া থাকে। সে দুনিয়ার জীবনেও মজার জীবন পাইয়া থাকে। যেমন আল্লাহ পাক নিজেই কুরআনে ঘোষণা করিয়াছেন-

مَنْ عَمِلْ صَالِحًا مِّنْ ذَكَرٍ أَوْفَىٰ وَهُوَ مُؤْمِنٌ فَلَنُحْيِيَنَّاهُ حَيٰوةً طَيِّبَةً

"যে কোন পুরুষ বা নারী নেক আমল করে এবং সে ঈমানদার হয়। তাহা হইলে আমি তাহাকে অবশ্যই পবিত্র জিন্দেগী দান করিব।"

অত্র আয়াতে দুনিয়াতেই কল্যাণকর পবিত্র হায়াত দানের ওয়াদা রহিয়াছে। সুতরাং কিভাবে তাকওয়াকে আখেরাতের কল্যাণের সাথে খাছ করা হইল?

প্রশ্নের সমাধান : আল্লাহ পাক মানুষের বিবেক বুঝ মোতাবেক কথা বলেন। যেমন, মানুষের সাধারণ ধারণা যে বদ আমল ও সীমালংঘনকারীদের জন্য রহিয়াছে দুনিয়া আর তাকওয়া অবলম্বনকারীদের জন্য রহিয়াছে পরকালীন মঙ্গল। সুতরাং আল্লাহ পাকের এই বাণীর অর্থ- হে বান্দারা! যেহেতু তোমরা এই ধারণা করিয়া আছ যে, বদ আমল ও সীমালংঘনকারীদের জন্য রহিয়াছে দুনিয়ার আরাম-আশ্রয় আর তাকওয়া অবলম্বনকারীর জন্য রহিয়াছে আখেরাতের কল্যাণ। সেহেতু আমিও বলিতেছি যে, তাকওয়া অবলম্বনকারীদের জন্য আখেরাতের কল্যাণ রহিয়াছে।

অনুরূপ আরও অনেক উদাহরণ রহিয়াছে যে, আল্লাহ পাক মানুষের বিবেক ও বুঝ অনুযায়ী কথা বলিয়াছেন। যেমন الله اكبر "আল্লাহ সকলের চেয়ে বড়।" আল্লাহ সকলের চেয়ে বড় ইহার বলা অপেক্ষা রাখে না। বাস্তবিকপক্ষে তাঁহার চেয়ে বড় আর কিছুই নাই। কিন্তু মানুষ আল্লাহ পাকের কুদরতের নিদর্শনগুলির বড়ত্ব অহরহ প্রত্যক্ষ করিতেছে। তাঁহার কুদরতের নিদর্শনসমূহের বড়ত্ব সম্পর্কে তিনি নিজেই বলেন-

فَلَقَّ السَّمٰوٰتِ وَالْاَرْضِ اَكْبَرَ مِنْ خَلْقِ النَّاسِ وَلٰكِنْ اَكْثَرُ النَّاسِ لَا يَعْلَمُوْنَ

"নিশ্চয়ই আসমান যমীনের সৃষ্টি মানুষের সৃষ্টি অপেক্ষা বড় কিন্তু অধিকাংশ লোক তাহা জানে না।"

যেন এখানে এইরূপ বলা হইয়াছে যে তোমাদের কাছে তো এমনতেই কোন কোন জিনিস বড় মনে হয়। কিন্তু জানিয়া রাখ যে, তোমরা যে সব জিনিস প্রত্যক্ষ করিয়া সবচেয়ে বড় বলিয়া মনে করিতেছ আল্লাহ পাক উহা অপেক্ষাও বড়। তিনি সকল বড় হইতেও বড়। অনুরূপভাবে ফজরের নামায়ের আযানে الصلوة خير من النوم বলা হয়। "ইহার অর্থ নিদ্রা অপেক্ষা নামায উত্তম।" যদি বলা হইত যে নিদ্রার মধ্যে কোন মঙ্গল বা ভালাই নাই, তাহা হইলে মানব মনে প্রশ্ন দেখা দিত যে, ইহা কিভাবে হইতে পারে? অথচ নিদ্রাতে আরাম ও মজা রহিয়াছে। এইজন্য তাহাদের এই অভিজ্ঞতা স্বীকার করিয়া লইয়া বলা হইয়াছে যে আমরা তোমাদিগকে যে কার্যের দিকে আহবান

করিতেছি তাহা উত্তম ঐ কার্য অপেক্ষা যাহা হইতে তোমাদিগকে পৃথক করিতে চাহিতেছি। কেননা যে নিদ্রার দিকে তোমরা ঝুঁকিয়া আছ উহার স্থায়ীত্ব নাই। আর যে কার্যের দিকে তোমাদিগকে আহবান করিতেছি ইহার বিনিময় সর্বদা অবশিষ্ট থাকিবে। আল্লাহর কাছে যাহা রহিয়াছে উহা উত্তম এবং স্থায়ী।

একটি বড় উপকারী আলোচনা

আল্লাহ পাকের পক্ষ হইতে যাহাকে বিবেক বৃদ্ধ দেওয়া হইয়াছে অত্র আয়াত তাহাকে পথ নির্দেশ করিতেছে রিয়ক অনুসন্ধানের জন্য সে কোন রাস্তা অবলম্বন করিবে। সুতরাং যখন রিয়ক উপার্জনের পথ তাহার জন্য সংকীর্ণ হইয়া পড়িবে তখন তাহার উচিত আল্লাহ পাকের আনুগত্য ও ইবাদতে অধিক মনোযোগী হওয়া। কেননা অত্র আয়াত তো এই কথাই ঘোষণা করিতেছে। তোমরা কি দেখিতেছ না যে আল্লাহ পাক নিজেই বলিতেছেন—

وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا تَسْأَلُكَ رِزْقًا * نَحْنُ نَرْزُقُكَ *

“আপনি পরিবার-পরিজনকে নামাযের হুকুম করুন এবং নিজেও নামাযের উপর কায়ম থাকুন। আমি আপনার কাছে রিয়ক চাই না। বরং আমিই আপনাকে রিয়ক দিয়া থাকি।”

এখানে দুইটি বিষয় উল্লেখ করার পর আল্লাহ পাক রিয়কের ওয়াদা করিয়াছেন। একটি বিষয় হইল পরিবার পরিজনকে নামায পড়ানো। দ্বিতীয় বিষয় হইল নিজে নামাযের পাবন্দী করা। এই দুইটি বিষয় উল্লেখ করার পর আল্লাহ পাক বলেন, نحن نرزقك “আমিই আপনাকে রিয়ক প্রদান করিয়া থাকি।”

সুতরাং আহলে মারেকাত ব্যক্তি বুঝিয়া ফেলিয়াছে যে, রিয়কের রাস্তা যখন বন্ধ হইয়া যায় তখন রিয়ক প্রদানকারীর সাথে সদ্ভাব সৃষ্টি করার দ্বারা তাহার ইচ্ছা মোতাবেক আচরণ করার মাধ্যমে রিয়কের রাস্তা খোলা উচিত। আখেরাত সম্পর্কে অন্ধ ও অসতর্ক ব্যক্তির ন্যায় না হওয়া উচিত। কেননা আখেরাত সম্পর্কে অন্ধ ও অসতর্ক ব্যক্তি যখন দেখিতে পায় যে, তাহাদের রিয়ক উপার্জনের পথ সংকীর্ণ হইয়া আসিয়াছে তখন তাহার আরও বেশী মেহনত পরিশ্রম করা শুরু করিয়া দেয়। গাফেল ও আল্লাহ ভোলা বিবেক বৃদ্ধি লইয়া দুনিয়ার দিকে আরও অধিক ঝুঁকিয়া পড়ে। আহলে মারেকাতের জন্য উচিত আল্লাহ পাক তাহাদিগকে যে পদ্ধতির নির্দেশ করিয়াছেন ঐ পদ্ধতির অনুসরণ করা। আল্লাহ পাক বলিয়াছেন,

وَأْتُوا الْبَيْتَ مِنْ أُبْوَاهَا *

“তোমরা ঘরের দরজা দিয়া প্রবেশ কর।”

যেহেতু আহলে মারেকাতের বন্ধমূল বিশ্বাস যে রিয়ক পাওয়ার দরজা হইল রিয়কদাতার অনুগত হওয়া। সুতরাং তাহার নামরমানী করিয়া কিভাবে রিয়ক অর্জিত হইতে পারে? তাহার বিরোধিতা করিয়া কিভাবে তাহার অনুগ্রহের বৃষ্টি তলব করা যাইতে পারে? অথচ রাসুলুল্লাহ ছাড়া আল্লাহি ওয়াসাল্লাম ইরশাদ করেন যে, আল্লাহকে অসম্ভুত করিয়া তাহার নিয়ামত লাভ করা যায় না। তাহার অনুগত হওয়া ব্যতীত রিয়ক প্রার্থনা করা যায় না।

এক স্থানে আল্লাহ পাক পরিষ্কার ঘোষণা দিয়াছেন যে,

وَمَنْ يَتَّقِ اللَّهَ يَجْعَلْ لَهُ مَخْرَجًا وَيَرْزُقْهُ مِنْ حَيْثُ لَا يَحْتَسِبُ *

“যে ব্যক্তি আল্লাহ পাককে ভয় করে আল্লাহ পাক তাহার জন্য কোন না কোন রাস্তা খুলিয়া দেন এবং তাহাকে এমন স্থান হইতে রিয়ক প্রদান করেন যেখান থেকে রিয়ক পাওয়ার ব্যাপারে তাহার ধারণাও নাই।”

আল্লাহ পাক আরও বলেন—

لَوْ اسْتَقْرَأُوا عَلَى الطَّرِيقَةِ لَأَسْقَيْنَهُمْ مَاءً غَدَقًا *

“যদি তাহারা সোজা রাস্তায় অটল থাকে তাহা হইলে আমি তাহাদিগকে স্বচ্ছলতার পানি পান করাইব।”

অনুরূপ আরও অনেক আয়াত রহিয়াছে যাহা থেকে বুঝা যায় যে, তাকওয়া উত্তম স্থানের রিয়কের চাবি। দুনিয়ার রিয়কেরও চাবি আবার আখেরাতের রিয়কেরও চাবি।

অন্য এক আয়াতে আল্লাহ পাক বলেন—

وَلَوْ أَنَّ أَهْلَ الْكِتَابِ آمَنُوا وَاتَّقَوْا لَكَرَّرْنَا عَنْهُمْ سَيِّئَاتِهِمْ وَلَأُدْخِلَنَاهُمْ جَنَّاتِ الْجَنَّةِ * وَكَوْنَتْ أَكْثَرُ النَّفْسَاتِ الَّتِي نَلْمِزُهَا الْإِنْسَانُ مِنَ نَفْسِهِ مَا أَلْكَأَ مِنْ فَتْوَيْهِمْ * مَنْ نَحْنُ أَزْجَرُهُمْ *

“যদি আহলে কিতাবরা (ইহুদী-খৃষ্টানরা) ঈমান আনিত এবং তাকওয়া অবলম্বন করিত তাহা হইলে আমি তাহাদের অপরাধসমূহ মাফ করিয়া দিতাম এবং নিশ্চয়ই তাহাদিগকে নিয়ামত বিশিষ্ট জাহান্নামে প্রবেশিত করাইতাম। যদি

তাহারা তাওরাত ও ইঞ্জিল এবং তাহাদের প্রভুর পক্ষ হইতে বর্তমানে যে কিতাব অবতীর্ণ করা হইয়াছে তাহা (কুরআন) কায়ম রাখিত, তাহা হইলে তাহারা উপর হইতে এবং পায়ের নীচ হইতে আহার করিত।”

অর্থাৎ উপর হইতে বৃষ্টি বর্ষিত হইত আর যমীন হইতে ফসল উৎপন্ন হইত।

আল্লাহ পাক এখানে ঘোষণা করিয়া দিয়াছেন যে, যদি তাহারা ইঞ্জিল ও তাওরাত গ্রন্থকে কায়ম রাখিত অর্থাৎ ইহাদের আহকাম মোতাবেক আমল করিত তাহা হইলে তাহাদের উপর নীচ হইতে আহার মিলিত। অর্থাৎ আমি তাহাদের রিয়ক প্রশস্ত করিয়া দিতাম এবং সর্বদা তাহাদিগকে রিয়ক প্রদান করিতাম। কিন্তু আমি যাহা চাহিতেছি তাহারা তাহা করে নাই। এই জন্য তাহারা যাহা চায় আমি তাহা করি নাই। অর্থাৎ তাহারা আমার অনুগত হয় নাই আর আমিও তাহাদের রিয়ক প্রশস্ত করি নাই।

রিয়ক সম্বন্ধে চতুর্থ আয়াত

وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا وَيَعْلَمُ مُسْتَقَرَّهَا وَمُسْتَوْدَعَهَا كُلٌّ فِي كِتَابٍ بَيْنِي

“যমীনের উপর যত প্রাণী রহিয়াছে আল্লাহ পাক উহাদের সকলের রিযিকের বিধানকারী। তিনি ইহাদের স্থায়ীভাবে থাকার জায়গা ও অগ্নদিন থাকার জায়গা সম্পর্কে অবগত আছেন। প্রকাশ্য গ্রন্থে সবকিছু বিদ্যমান আছে।”

অত্র আয়াতে আল্লাহ পাক রিয়কের বিধানকারী হওয়ার কথা ঘোষণা করিয়াছেন এবং ঈমানদারদের অন্তর হইতে সর্বপ্রকার খটকা ও আশংকা মিটাইয়া দিয়াছে।

অত্র আয়াতে ঈমানদারদের এমন তাওয়াঙ্কুল উপহার দিয়াছে যে, যদি কখনও ঈমানদারদের অন্তরে কোন প্রকার খটকা এবং আশংকা আসিতো চায় তাহা হইলে তাহাদের ঈমান ও তাওয়াঙ্কুলের সেনাবাহিনী ইহাদের প্রতি হামলা চালাইয়া ইহাদিগকে বিভাড়িত করিয়া ছাড়ে। যেমন আল্লাহ পাক তাহাদের সম্বন্ধে অন্য এক স্থানে ইরশাদ করিয়াছেন-

بَلْ تَقْنُذٌ بِالْحَقِّ عَلَى الْبَاطِلِ قِيَمَةٌ نَأْدًا مَوْزَامِكُ

“বরং আমি হককে বাতিলের প্রতি ছুঁড়িয়া মারি। আর সে বাতিলের মগজ বাহির করিয়া ফেলে। অতঃপর বাতিল দূরীভূত হইতে থাকে।”

আল্লাহ পাক স্বীয় বাণী

وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا

দ্বারা স্বীয় বান্দাদের জন্য নিজের অভিভাবকত্বের ঘোষণা দিয়াছেন যাহাতে মহব্বতের সাথে তাঁহার সাথে বান্দাদের পরিচয় ঘটে। যদিও বান্দাদের রিয়ক প্রদান করা আল্লাহর জন্য ওয়াজিব নয় তবুও তিনি স্বীয় অনুগ্রহ ও এহসানের দ্বারা তাহাদিগকে রিয়ক প্রদান করার দায়িত্ব লইয়াছেন। অধিকন্তু তিনি ব্যাপক অভিভাবকত্ব গ্রহণ করিয়াছেন। কোন বিশেষ শ্রেণীর নহে বরং সকল প্রাণীর রিয়কের দায়িত্ব লইয়াছেন।

যেন আয়াত এই অর্থ বহন করিতেছে যে, হে বান্দা! আমার অভিভাবকত্ব ও রিয়ক প্রদান শুধু তোমার মধ্যে সীমাবদ্ধ নহে বরং ভূপৃষ্ঠের উপর যতগুলি প্রাণী চলাফিরা করে আমি সকলের বিধানকারী ও রিয়কদাতা। এখন আমার অভিভাবকত্বের প্রশস্ততা, আমার প্রভুত্বের মুখাপেক্ষীহীনতা এবং কুদরতের পরিমিতি আশ্চর্য্য করিয়া দেখ। আমার অভিভাবকত্বের প্রতি নির্ভরশীল হও। আমাকে সমস্যার সমাধানকারী মনে কর। যখন তুমি অন্যান্য প্রাণীর বেলায় আমার ব্যবস্থা গ্রহণ, খেয়াল ও অভিভাবকত্ব দেখিতে পাইতেছ আর তুমি তো প্রাণীর মধ্যে সর্বাধিক মর্যাদাবান। সুতরাং তোমার ব্যাপারে আমার ব্যবস্থা, খেয়াল ও অভিভাবকত্ব তো আরও সুদৃঢ় হওয়া স্বাভাবিক। সুতরাং আমার অভিভাবকত্বের প্রতি নির্ভরশীল হওয়ার এবং আমার অনুগ্রহের আশা করার ক্ষেত্রে তুমি তো অন্যান্য প্রাণী অপেক্ষা আরও অধিক হকদার।

হে শ্রোতা! লক্ষ্য কর। আল্লাহ পাক আদম সম্পর্কে কি বলেন-لَقَدْ كَرَّمْنَا بَنِي آدَمَ অর্থাৎ- আমি আদম সন্তানকে উচ্চ মর্যাদা দান করিয়াছি। তাহাদিগকে অন্যান্য প্রাণীর উপরে এইভাবে উচ্চ মর্যাদা দান করিয়াছি যে, তাহাদিগকে স্বীয় ইবাদতের জন্য হুকুম করিয়াছি, বেহেশতে প্রবিষ্ট করার ওয়াদা করিয়াছি এবং স্বীয় দরবারে উপস্থিতির প্রতি আহ্বান জানাইয়াছি।

অন্যান্য প্রাণীর তুলনায় বনী আদম অধিক মর্যাদাবান হওয়া নিম্নোক্ত আলোচনা দ্বারাও স্পষ্ট হইয়া উঠে। তাহা এই যে, সমস্ত মাখলুক বনি আদমের উদ্দেশ্যে সৃষ্টি করা হইয়াছে। আর তাহাদিগকে আল্লাহর দরবারের জন্য সৃষ্টি করা হইয়াছে। আমি শায়খ আবুল আক্বাস (রহঃ)-এর কাছে শুনিয়াছি যে, তিনি বলিতেন, আল্লাহ পাক ইরশাদ করিয়াছেন যে, হে ইবনে আদম! আমি সবকিছু তোমার জন্য সৃষ্টি করিয়াছি। তোমাকে আমার জন্য সৃষ্টি করিয়াছি। সুতরাং তুমি অধীনস্থদের পিছনে পড়িয়া মালিককে ভুলিয়া যাইও না। আল্লাহ

পাক বলেন, **وَالْأَرْضُ وَضَعَهَا لِلْأَنَامِ** "এবং যমীন মাখলুকের জন্য সৃষ্টি করিয়াছি।"

অন্য এক স্থানে তিনি বলিয়াছেন-

وَسَخَّرْنَاكُمْ مَا فِي السَّمَوَاتِ وَمَا فِي الْأَرْضِ جَمِيعًا مِّنْهُ *

"আসমান ও যমীনের যাহা কিছু আছে ইহাদের সবকিছু তোমাদের অধীনস্থ করিয়া দিয়াছেন।"

আমি হযরত শায়খ (রহঃ)-এর কাছে শুনিয়াছি। তিনি বলিতেন, সমস্ত মাখলুক তোমার গোলাম। তাহাদিগকে তোমার কাছে লাগাইয়া রাখা হইয়াছে। আর তুমি আল্লাহর দরবারের গোলাম। আল্লাহ তাআলা বলিয়াছেন-

اللَّهُ الَّذِي خَلَقَ سَبْعَ سَمَوَاتٍ وَمِنَ الْأَرْضِ مِثْلَهُنَّ يَتَنَزَّلُ الْأَمْرُ بَيْنَهُنَّ لِتَعْلَمُوا أَنَّ اللَّهَ عَلَىٰ كُلِّ شَيْءٍ قَدِيرٌ وَأَنَّ اللَّهَ قَدْ أَحَاطَ بِكُلِّ شَيْءٍ عِلْمًا *

"আল্লাহ পাক এমন এক সত্তা যিনি সাত আসমান ও ইহার অনুরূপ সংখ্যক যমীন সৃষ্টি করিয়াছেন। ইহাদের মধ্যে নির্দেশ অবতীর্ণ হয়। যাহাতে তোমরা জানিতে পার যে, আল্লাহ পাক সমস্ত জিনিসের উপর শক্তিমান এবং তাঁহার জ্ঞান সবকিছুকে পরিবেষ্টন করিয়া রাখিয়াছেন।"

আল্লাহ পাক বলিয়াছেন যে, সমস্ত আসমান যমীন তিনিই সৃষ্টি করিয়াছেন যাহাতে আল্লাহর কুদরত সম্পর্কে জ্ঞান অর্জিত হয়। সুতরাং ইহাদের সৃষ্টি তোমাদের জন্যই হইয়াছে। যখন তুমি বুঝিতে পারিয়াছ যে সমস্ত জগত তোমাদের জন্যই সৃষ্টি করা হইয়াছে। ইহাদের কোন কোনটি তোমাদের কাছে ব্যবহৃত হয় আবার কোন কোনটি তোমাদের চিন্তাভাবনার ক্ষেত্রে সাহায্য করিয়া তোমাদের উপকার করিয়া থাকে। এখন তোমাদের একটু চিন্তা করিয়া দেখা উচিত যে, আল্লাহ পাক যে সকল জিনিস তোমাদের জন্য সৃষ্টি করিয়াছেন তিনি ইহাদের রিয়ক প্রদান করিতেছেন, সুতরাং তোমাদিগকে রিয়ক দিবেন না ইহা কিভাবে হইতে পারে? তবে কি তুমি কুরআনের নিম্নোক্ত আয়াতগুলি শুন নাই?

وَكُلِّمَتْ زَكَرِيَّا وَإِسْمَاعِيلَ وَإِبْرَاهِيمَ

"তিনি তোমাদের জন্য ফল সৃষ্টি করিয়াছেন। আবার তোমাদের ও তোমাদের চতুষ্পদ জন্তুর ফায়দার জন্য ঘাস সৃষ্টি করিয়াছেন।"

আয়াতে উল্লিখিত

وَيَعْلَمُ مَسْجِدَكُمْ وَمَسْجِدَآءَآ

বাক্য আল্লাহ পাকের অভিভাবক হওয়ার অর্থের তাগিদ করিতেছে। অর্থাৎ এমন কোন প্রাণী নাই যাহার অবস্থা ও স্থান সম্পর্কে তিনি জানেন না; বরং সবকিছু জানেন। প্রত্যেকের কাছে তাঁহার প্রদত্ত রিয়ক পৌঁছে।

রিয়ক সম্বন্ধে পঞ্চম আয়াত

وَفِي السَّمَاءِ رِزْقُكُمْ وَمَا تَعْبُدُونَ فُورِيقَ السَّمَاءِ وَالْأَرْضِ إِنَّهُ لَحَقٌّ مِّثْلَ مَا أَنَّكُمْ تَنفِقُونَ *

"তোমাদের রিয়ক এবং তোমাদের কাছে যে জিনিসের ওয়াদা করা হইয়াছে তাহা আসমানে রহিয়াছে। আসমান ও যমীনের প্রতিপালকের শপথ যে, নিশ্চয়ই ইহা তোমাদের বাক্যলাপের ন্যায় সত্য।"

ইহা এমন এক আয়াত যাহা ঈমানদারদের অন্তর হইতে সন্দেহ সংশয়সমূহ ধৌত করিয়া ফেলিয়াছে এবং তাহাদের অন্তরে একীনের নূর আরও ফরসা করিয়া দিয়াছে। উল্লিখিত আয়াতে রিয়ক, রিয়কের স্থান, শপথ, উপমা প্রভৃতি রহিয়াছে। ইহা হইতে বুঝা যায় যে, ইহাতে অনেক উপকারী আলোচনা নিহিত রহিয়াছে। এক এক করিয়া এই সব বিষয়গুলি আলোচনা করা হইতেছে।

প্রথম ফায়দা : যেহেতু আল্লাহ পাক জানেন যে, মানুষ রিয়কের ব্যাপারে অস্থিরচিত্ত ও পেরেশান। তাই তিনি বার বার ইহারই আলোচনা করিয়াছেন। কেননা ইহার বিভিন্ন আনুসঙ্গিক দিক বার বার অন্তরে উঁকি মারিয়া থাকে। তাই ইহা প্রতিরোধ করার জন্য রিয়কের বার বার আলোচনা অত্যন্ত জরুরী। অধিকন্তু কাহারও অন্তরে সন্দেহ ও সংশয় জমাট বাঁধিয়া গেলে উহা দূর করিবার জন্য বার বার দলীল বর্ণনা করার নীতিও প্রচলিত রহিয়াছে।

উদাহরণ স্বরূপঃ কিয়ামত সংঘটিত হওয়া সম্বন্ধে নাস্তিক ও কাফেররা সন্দেহ সংশয় করিতেছিল। আর তাহাদের মধ্যে সন্দেহ জমাট বাঁধিয়া গিয়াছিল। ইহা একটি অসম্ভব ব্যাপার বলিয়া মনে করিত। তাহারা বলিত যে, মানুষের পৈশিগুলি যখন পৃথক পৃথক হইয়া পড়িবে, তাহার গঠন নষ্ট হইয়া মাটির নাথে মিশিয়া যাইবে। পোকামাকড় তাহার দেহের অস্থিমাংশগুলি ভক্ষণ করিয়া ফেলিবে। এমতাবস্থায় সে কি করিয়া পুনরায় জীবন লাভ করিতে পারিবে? তাহাদের এই সন্দেহ ও সংশয় দূর করিয়া কিয়ামত সংঘটিত হওয়ার সত্যতা সাব্যস্ত করার জন্য বিভিন্ন আয়াতের মাধ্যমে দলীল পেশ করা হইয়াছে।

তন্মধ্যে এক আয়াত এই যে,

وَصَرَبْنَا مَثَلًا لَّنِيَّ خَلَقَهُ * قَالَ مَنْ يَحْيِي الْعِطَامَ وَهِيَ رَمِيمٌ كُلُّ يَحْيِيهَا
الَّذِي أَنْشَأَهَا أَوَّلَ مَرَّةٍ *

“এবং মানুষ আমার জন্য উদাহরণ বর্ণনা করে এবং নিজের সৃষ্টির কথা ভুলিয়া গিয়াছে। সে বলে জরাজীর্ণ এই হাড়গুলি কে জীবিত করিবে? হে মুহাম্মদ (ছাড়াছাড়া আলাইহি ওয়াসাল্লাম)! আপনি বলিয়া দিন যে, এইগুলি এমন এক সত্ত্বা জীবিত করিবেন যিনি প্রথমে এইগুলি সৃষ্টি করিয়াছেন।”

অন্য এক আয়াতে তিনি বলিয়াছেন, وَهُوَ أَهْوَنُ عَلَيْهِ “পুনরায় সৃষ্টি করা তাহার জন্য অধিকতর সহজ।”

তিনি আরও বলেন, إِنَّ الَّذِي أَحْيَاهَا لِحَيِّ الْمَوْتَى “নিশ্চয় যে সত্ত্বা যমীনে প্রাণ সঞ্চার করিয়াছেন তিনিই মৃতদিগকে জীবিত করিবেন।”

সুতরাং আল্লাহ পাক যখন দেখিলেন যে, মানুষ রিয়কের ব্যাপারে অধিকতর কিংকর্তব্যবিমূঢ়, তখন আল্লাহ পাক এই সম্পর্কে কয়েকটি দলীল পেশ করিয়া বিষয়টি মজবুত করিলেন যে, রিয়ক প্রদাতা একমাত্র আল্লাহ পাক। তিনিই ইহার যিহাদার। তন্মধ্যে আমরা কয়েকটি আয়াতের উল্লেখ করিয়াছি। আর কিছু আয়াত এই পর্যন্ত উল্লেখ করা হয় নাই। যেহেতু আল্লাহ পাক মানুষের মনের অবস্থা জানেন। তাই তিনি কখনও বলেন, إِنَّ اللَّهَ هُوَ الرِّزَاقُ “নিশ্চয় আল্লাহ পাকই রিয়কদাতা।”

কখনও বলেন, اللَّهُ الَّذِي خَلَقَكُمْ ثُمَّ رَزَقَكُمْ “আল্লাহ এমন সত্ত্বা যিনি তোমাদিগকে সৃষ্টি করিয়াছেন, অতঃপর তোমাদিগকে রিয়ক প্রদান করিয়াছেন।”

কখনও বলেন, نَحْنُ نَرْزُقُكُمْ “আমিই আপনাকে রিয়ক দিয়া থাকি।”

কখনও বলেন,

أَمَّنْ هَذَا الَّذِي يَرْزُقُكُمْ إِنْ أَمْسَكَ رِزْقَهُ *

“তবে ঐ সত্ত্বা যিনি তোমাদিগকে রিয়ক প্রদান করেন যদি তিনি রিয়ক বন্ধ করিয়া দেন, তাহা হইলে তোমরা কি করিবে? এই ক্ষেত্রে তিনি আরও বলেন,

وَفِي السَّمَاءِ رِزْقُكُمْ وَمَا تَعْلَمُونَ *

“এবং আসমানে রহিয়াছে তোমাদের রিয়ক এবং তোমাদের কাছে যে জিনিসের ওয়াদা দেওয়া হইয়াছে”

এই সব আয়াত উল্লেখ করা হইয়াছে যাহাতে বান্দার রিয়কের পর্যায় বুঝে আসে (অর্থাৎ রিয়ক আল্লাহর পক্ষ হইতে প্রতিশ্রুত, না বান্দার দায়িত্বে অর্পিত?) আর রিয়কের পর্যায় বুঝে আসার পর যেন বান্দার অন্তর অস্থিরতা মুক্ত হইয়া শান্ত হইয়া পড়ে। অথচ রিয়কের পর্যায় বর্ণনা করা আল্লাহর জন্য জরুরী নহে। যেন আল্লাহ পাকের পক্ষ হইতে এই ইরশাদ হইয়াছে যে, তোমাদের রিয়কের পর্যায় বর্ণনা করা আমার উপর ওয়াজিব নয়। বরং তোমাদের রিয়ক আমার কাছে জমা আছে। যখন ইহার সময় আসিবে তোমাদের কাছে পৌঁছাইয়া দেওয়া হইবে। ইহা ব্যয়ান করিয়া দেওয়া আমার দায়িত্বে জরুরী নহে। ইহা সত্ত্বেও বীয অনুগ্রহ ও দয়ায় ইহার পর্যায় ব্যয়ান করিয়া দিয়াছি। যাহাতে রিয়কের ব্যাপারে আমার প্রতি অধিক ভরসা হয় এবং সন্দেহ ও সংশয় সম্পূর্ণরূপে দূরীভূত হয়। রিয়কের পর্যায় বর্ণনা করিয়া দেওয়াতে আরও একটি ফায়দা রহিয়াছে। তাহা এই যে, রিয়ক অন্বেষণকারীর নির্ভরতা মাখলুকের উপর হইতে সম্পূর্ণরূপে উঠিয়া যায় এবং হাকিকী বাদশাহ আল্লাহ পাক ব্যতীত অন্য কাহারও কাছে রিয়ক তলব না করে।

কেননা, যখন তোমার অন্তর কোন মাখলুকের কাছে রিয়কের আশা করে অথবা কোন মাধ্যমের প্রতি তোমার নির্ভরতা আসিয়া পড়ে তখনই তোমার সামনে আল্লাহ পাকের ইরশাদ উপস্থিত হয়,

وَفِي السَّمَاءِ رِزْقُكُمْ وَمَا تَعْلَمُونَ *

“অর্থাৎ হে রিয়কের অন্বেষণকারী! দুনিয়াতে যত মাখলুক রহিয়াছে সবই দুর্বল ও অক্ষম। তোমার রিয়ক তাহাদের কাছে নাই। তোমার রিয়ক তো আমার কাছে। আমি হেকমত ও কুদরতওয়াল। এইদিকে খেয়াল করিয়াই কোন এক গ্রাম্য লোক উল্লিখিত আয়াত শ্রবণ করিয়া বীয উট যবেহ করিয়া, সবকিছু ছাড়িয়া আল্লাহর দিকে চলিয়াছিল।

সে বলিতেছিল সুবহানাল্লাহ! আমার রিয়ক তো রহিয়াছে আসমানে আর আমি তাহা তালাশ করিতেছি যমীনে। একটু লক্ষ্য করিয়া দেখ যে, এই গ্রাম্য ব্যক্তি আল্লাহর এই কথাটি কেমনভাবে গ্রহণ করিয়াছে। আর আল্লাহ পাকেরও ইহাই উদ্দেশ্য। তিনি চান যে, বান্দাদের সমস্ত ইচ্ছা আকাঙ্ক্ষা যেন তাহার দিকে মনোনিবেশিত হয় এবং তাহার কাছে যাহা আছে সেদিকে তাহাদের আগ্রহ পয়দা

হয়। যেমন, অন্য এক আয়াতে তিনি বলিয়াছেন-

وَأَن مِّن شَيْءٍ إِلَّا عِندَنَا خَزَائِنُهُ وَمَا نُنَزِّلُهُ إِلَّا بِقَدَرٍ مَّعْلُومٍ *

“এমন কোন জিনিস যাহার খাযানা আমার কাছে নাই এবং আমি নির্ধারিত পরিমাণ অপেক্ষা অধিক নাখিল করি না।”

ইহাও এইজন্যই বলিয়াছেন যাহাতে আমাদের শক্তি সাহস তাহার দরজার দিকে অগ্রসর হয় এবং অন্তর তাহার দরবারের দিকে ঝুঁকে। সুতরাং হে শ্রোতা! তুমি আসমান ওয়াল্লাহ ও, উপরের দিকে খেয়াল কর; যমীন ওয়াল্লাহ ইহ ও না। নীচের দিকে খেয়ালী ইহ ও না। এক উর্দু কবি এই বিষয়ে একটি কবিতা রচনা করিয়াছেন। ইহার অনুবাদ নিয়ে প্রদত্ত হইল-

১। যখন কোন কবিতা হাত তোমাকে পানি না দেয়। তখন তুমি অঙ্গে ছুটির গুণে তোমার উদর ভর্তি রাখ।

২। যদিও তোমার দেহ মাটির উপর থাকে কিন্তু তুমি সাহস ও আশার দিক দিয়া উচ্চ আসমানে থাকিবে।

৩। প্রাণ বিসর্জন দেওয়া তো সোজা কিন্তু ইয্যত সম্মান নষ্ট করিয়া আবেদন করা বড় কঠিন।

আমি শায়খ আবুল আব্বাস (রহঃ)-এর কাছে শুনিয়াছি, তিনি বলিতেন, মাখলুকের থেকে কোন কিছু পাওয়ার আশা করা থেকে বিরত থাকা ব্যতীত অন্য কোন কিছুতে আমি ইয্যত ও সম্মান দেখি নাই। এই ক্ষেত্রে আল্লাহ পাকের ইরশাদ স্বরণ কর,

وَاللَّهِ الْعَظِيمُ وَالرَّسُولُ وَلِلْمُؤْمِنِينَ *

“আল্লাহ, তদীয় রাসূল এবং মুমিনদের জন্য ইয্যত ও সম্মান।”

সুতরাং আল্লাহ পাক মুমিনকে যে ইয্যত দান করিয়াছেন ইহার ফলে মুমিন স্বীয় ইচ্ছা এরাদাকে আল্লাহর দিকে মনোনিবেশ করিয়াছে। তাহার প্রতি নির্ভর করিয়াছে। অন্য কাহারও প্রতি করে নাই।

আল্লাহর সামনে তোমার লজ্জা করা উচিত এই জন্য যে, তিনি তোমাকে ঈমানের পোষাক পরিধান করাইয়াছেন। স্বীয় পরিচয়ের অলংকার দ্বারা সজ্জিত করিয়াছেন। এতদসত্ত্বেও অসতর্কতা তোমাকে আশঙ্কিত করিয়া রাখিয়াছে। তুমি মাখলুকের প্রতি ঝুঁকিয়া রহিয়াছ। স্তম্ভিকর্তাকে ভুলিয়া গিয়াছ। তাহাকে ছাড়িয়া অন্যান্যদের কাছে অনুগ্রহ ও এহসান তলব করিতেছ।

যদি তোমার গাফেল মন তোমাকে বলে যে, তুমি স্বীয় প্রয়োজনাদি মাখলুকের কাছে প্রার্থনা কর, এই ক্ষেত্রে তোমার উচিত যে তুমি স্বীয় প্রয়োজন পূরা করার জন্য এমন এক সত্ত্বার কাছে যাও যাহার কাছে উক্ত মাখলুকও স্বীয় প্রয়োজন পূরা করার জন্য যায়। তুমি তোমার স্বীয় প্রবৃত্তির চাহিদা পূরা করিবার জন্য তোমার ঈমানকে বেকদর কর এবং ইহার আকাঙ্ক্ষা অর্জিত হওয়ার জন্য তুমি অপমানও লাঞ্চিত হও। ইহা তোমার এই গাফেল মনের বড়ই প্রিয় চাহিদা। এই সম্পর্কে এক কবি বলেন, (বাংলা অনুবাদ প্রদত্ত হইল)

১। প্রবৃত্তি স্বীয় ইয্যত অর্জন করার জন্য

আমার অপমান ও লাঞ্ছনাকেও মানিয়া লইয়াছে।

২। সে আমাকে বলে তুমি ইয়াহইয়া ইবনে আকছামের কাছে প্রার্থনা কর।

কিন্তু আমি ইয়াহইয়ার প্রতিপালকের কাছে প্রার্থনা করিয়াছি।

আল্লাহর একত্ব, অধিতীয়তা ও সর্বময় ক্ষমতার প্রতি মুমিনের বদ্ধমূল বিশ্বাস থাকার পরও আল্লাহ ব্যতীত অন্য কাহারও কাছে নিজের প্রয়োজন পূরা করার জন্য যাওয়া মুমিনের জন্য একবারেই অশোভনীয়। আল্লাহ পাক নিজেই ইরশাদ করেন-

أَكَيْسَ اللَّهُ بِكَافٍ عَبْدَهُ *

“তবে কি আল্লাহ স্বীয় বান্দাদের জন্য যথেষ্ট নয়?”

স্বীয় প্রয়োজন পূরা করিবার জন্য মাখলুকের দ্বারস্ত হওয়া তো সকলের জন্যই অশোভনীয় তবে মুমিনের জন্য অধিক অশোভনীয়।

আল্লাহ পাকের নিম্নোক্ত বাণী স্বরণ রাখা একান্ত প্রয়োজন। তিনি বলেন-

يَا أَيُّهَا الَّذِينَ آمَنُوا أَوْفُوا بِالْعُقُودِ *

“হে ঈমানদাররা! তোমরা ওয়াদাসমূহ পূরা কর।”

আল্লাহ পাকের কাছে যে সব ওয়াদা করা হইয়াছে, তন্মধ্যে এক ওয়াদা ইহাও যে, স্বীয় প্রয়োজন অন্য কাহারও সামনে পেশ করিবে না এবং আল্লাহ পাকের প্রতিই ভরসা করিবে। আর এই ওয়াদার কথা বুঝা যায় রূহের জগতের ওয়াদার দিনের ঘটনা হইতে। সেদিন আল্লাহ পাক সকল রূহগুলিকে একত্র করিয়া জিজ্ঞাসা করিয়াছিলেন **الست بركم** “তবে কি আমি তোমাদের প্রতিপালক নছি?” তখন সকলে সম্মুখের তাহাকে প্রতিপালক বলিয়া স্বীকার

করিয়া লইয়াছিল। সুতরাং ইহা কেমন কথা যে, তথায় তো তাঁহার পরিচয় লাভ করিয়াছিল। তাঁহার একত্বকে একবাক্যে স্বীকার করিয়াছিল। আর এখানে আসিয়া তাহা ভুলিয়া বসিয়াছে? অথচ তাহাদের প্রতি এখনও তাঁহার এহসানের বৃষ্টি বর্ষিত হইতেছে এবং তাঁহার অনুগ্রহ তাহাদিগকে অহরহ পরিবেষ্টন করিয়া রাখিয়াছে।

এক কবি বলেন, (ইহার বাংলা অনুবাদ দেওয়া হইল।)

১। হে আল্লাহ! আমার অন্তর তোমার ঘর হইয়াছে।

এখন আর লাইলীরও স্থান নাই, শিরীরও স্থান নাই।

২। তোমাকে তো আমি প্রতিশ্রুতির দিনে চিনিতে পারিয়াছিলাম তবে এখন বৃদ্ধ বয়সে কি ভুলিয়া যাইব?

ইচ্ছা ও চাহিদা মাখলুক থেকে উর্শে রাখা হইল ফকিরী বা দরবেশীর মাপকাঠি। ইহার দ্বারা প্রকৃত মরদের (পুরুষ) পরিচয় হয়। ইচ্ছা এবং চাহিদাও ওজন করা যায়। পদার্থের ওজন করার ব্যস্তবতা তো সর্বজনস্বীকৃত। অনুরূপভাবে অবস্থা এবং দোষগুণেরও পরিমাপ করা যায়। যেমন আল্লাহ পাক বলেন-

رَأَيْتُمَا الزَّوْنَ بِالْقِسْطِ

“ইনসাফের সাথে ওজন কয়েম কর।”

যাহাতে সত্য স্বীয় সত্যসহ এবং বানোয়াট স্বীয় ভেজালসহ প্রকাশিত হইয়া পড়ে। বর্তমানে যে ব্যক্তি যে অবস্থায় আছে আল্লাহ পাক তাহাদিগকে এই অবস্থায় রাখিবেন না। বরং একদিন অপবিত্র হইতে পবিত্রদের পৃথক করিয়া ফেলিবেন।

ফকীর দরবেশদের মধ্যে যাহারা বানোয়াট অবলম্বন করিয়াছে আল্লাহ পাক তাহাদিগকে এইভাবে পরখ করিলেন যে, তাহাদের মধ্যে দুনিয়ার প্রেম ও প্রবৃত্তির তাবেদারী যতটুকু রহিয়াছে তিনি তাহা প্রকাশ করিয়া দিলেন। তাহা এইভাবে প্রকাশ পাইল যে, তাহারা দুনিয়াদারদের সামনে নিজেদেরকে অসম্মানিত করিতেছে। দুনিয়াদারদের সাথে নির্ধিখায় চলাফিরা, মিলামিশা করিতেছে। তাহাদের প্রতি নম্রতা দেখাইতেছে। নিজেদেরকে তাহাদের চাহিদা মোতাবেক পরিচালনা করিতেছে। ধাক্কা খাইয়াও তাহাদের দরজায় যাইতেছে। এমনকি তাহাদের কতককে এমনও দেখা যায় যে, তাহারা নববধুর ন্যায় নিজকে

সজ্জিত করিয়া রাখিতেছে। বাহ্যিক সাজসজ্জার ফাঁদে পড়িয়া আন্তরিক সংশোধন থেকে গাফেল হইয়া রহিয়াছে। আল্লাহ পাক তাহাদের উপর এক দাগ লাগাইয়া দিয়াছেন। ফলে তাহাদের ক্রটিগুলি প্রকাশিত হইয়া পড়িয়াছে।

যদি তাহারা আল্লাহর সাথে সত্য আচরণ করিত তাহা হইলে তাহাদিগকে আল্লাহর বান্দা বা আল্লাহওয়ালা বলা হইত। কিন্তু তাহাদের অসত্যতার পরিণামে তাহারা এই প্রশংসিত উপাধি লাভ হইতে দূরে ছিটকাইয়া পড়িয়াছে। এখন তাহাদিগকে অমুক আমীরের শায়খ, অমুক আমীরের দরবারী ওস্তাদ বলা হয়।

তাহাদের প্রতি যে দাগ লাগানো হইয়াছে তাহা এই যে, প্রথমে তাহাদিগকে সম্পর্কমুক্ত করা হইত আল্লাহর দিকে, এখন করা হয় আমীরের বা বাদশাহের দিকে।

এই সকল বানোয়াট দরবেশরা মিথ্যুক। অন্যান্য লোক আল্লাহর ওলীদের সম্পর্শে আসার পথে প্রতিবন্ধক। কেননা যে সকল সাধারণ লোক তাহাদের অবস্থার সাথে পরিচিত তাহারা অন্যান্য আল্লাহওয়ালাদিগকেও এইসব ভণ্ড দরবেশদের সাথে তুলনা করিয়া দেখে। তাহাদিগকে আল্লাহওয়ালা হিসাবে গ্রহণ করার মাপকাঠি বানায়। ফলে সাধারণ মানুষ সত্যিকার আল্লাহওয়ালা থেকে দূরে সরিয়া থাকে।

এই সব বানোয়াট দরবেশীর দাবীদাররা প্রকৃত আল্লাহওয়ালা যাচাইয়ের পথের পর্দা। তাওফীকের সূর্যের সামনে কালমেঘ। যেমন বিভিন্ন জিনিস ও আলো পর্দা ও মেঘের নীচে ঢাকা পড়িয়া যায় অনুরূপভাবে ভাল ভাল লোক এইসব মিথ্যুকদের মধ্যে ঢাকা পড়িয়া যায়।

এই সকল লোক বাহ্যিকভাবে সত্যিকার আল্লাহওয়ালাদের নাক্ষারা বাজাইতেছে। তাহাদের নিশান হাতে লইয়া দাঁড়াইয়াছে। তাহাদের ন্যায় পোশাক পরিধান করিয়া আছে। কিন্তু যখন হামলা হইবে তখন তাহারা পীঠ ফিরাইয়া খাড়া হইবে। অর্থাৎ পরীক্ষার সময় তাহাদের মিথ্যা প্রকাশ হইয়া পড়িবে। তাহাদের মুখে রহিয়াছে তাকওয়ার দাবী। কিন্তু অন্তর তাকওয়া থেকে সম্পূর্ণরূপে খালি। তাহারা কি আল্লাহ পাকের ইরশাদ শুনে নাই যে, আল্লাহ পাক বলেন-

لَيْسَ لِّلصَّادِقِينَ عَنْ صَلَافِهِمْ

“আল্লাহ পাক সত্যবাদীদের সত্যতা যাচাই করিয়া লইবেন।”

তাহা হইলে তুমি কি মনে কর যে, আল্লাহ পাক যখন সভাবাদীদের যাচাই করিবেন তখন তাহাদিগকে ছাড়িয়া দিবেন? তাহারা কি আল্লাহ পাকের এই ইরশাদ শুনে নাই? আল্লাহ পাক বলিয়াছেন-

وَقُلْ اَعْمَلُوا فَسَيَرَى اللّٰهُ عَمَلَكُمْ وَرَسُولُهُ وَالْمُؤْمِنُونَ وَسَتُرَدُّونَ اِلٰى عَالَمِ الْاٰفِئَةِ
وَالشَّهَادَةُ فَبَيْنَكُمْ يَمَّا كُنْتُمْ تَعْمَلُونَ *

“হে মুহাম্মদ (ছাল্লাল্লাহু আলাইহি ওয়াসাল্লাম)! আপনি মুনাফিকদিগকে বলিয়া দিন যে, তোমরা নিজেদের কাজ করিয়া যাও; আল্লাহ পাক, তদীয় রাসূল এবং মুমিনগণ তোমাদের আমল দেখিতেছেন। অতিসত্ত্বর তোমরা দৃশ্য ও অদৃশ্যের জ্ঞানীর প্রতি ফিরিয়া যাইবে। অতঃপর তোমাদের কৃতকার্য সম্পর্কে তোমাদিগকে অবহিত করা হইবে।”

এইসব বাণীয়াট দরবেশরা তো বাহ্যিকভাবে প্রকৃত আল্লাহওয়ালাদের আকৃতি ধারণ করিয়া আছে। কিন্তু তাহাদের আমল উদ্দেশ্য প্রণোদিত। যেমন এক কবি বলেন-

خمس تو ایسه هین جسے ان کے تھے + عورتوں ان عورتیں کے ہیں سوا

میں قسم کھاتا ہوں ذات پاک کی + لوگ کرتے حج ہیں جس کے بیت کا

آگیا جب کوئی جیم بھی نکل + سامنے ہو کر کھڑا روتا رہا

“১। তানুগুলি তো তাহাদেরই তাবুর ন্যায়

কিন্তু রমনীগুলি তাহাদের তাবুর রমনী নয়।

২। আমি এমন পবিত্র সত্ত্বার শপথ করিতেছি।

মানুষ যাহার ঘরে হজ্জ করে।

যখন কোন তাবু দৃষ্টিগোচর হইয়াছে।

উহার সামনে দাঁড়াইয়া ক্রন্দন করিতে থাকে।”

সুতরাং তুমি বুঝিতে পারিয়াছ যে, স্বীয় আকাঙ্ক্ষা মাখলুক হইতে উপরে রাখা (অর্থাৎ শুধু আল্লাহর কাছে আকাঙ্ক্ষা করা) তরীকতপন্থীদের সৌন্দর্য্য এবং হাকীকত অনুসারীদের নিদর্শণ। এই বিষয়ে আমাদের রচিত একটি কবিতা রহিয়াছে। (উহার বাংলা অনুবাদ নীচে প্রদত্ত হইল।)

সে যুগের দোষারূপ করিতে লাগিল।

আমি তাহাকে বলিলাম যে, ইহা থেকে তোমার ক্লথ ফিরিয়া লও।

এমন যুগের কেন দোষারূপ করিতেছ?

যাহার থেকে সামান্য পরিমাণ প্রয়োজন মিটানোর আশাও করা যায় না।

আমি অপরিচিত হইলে ক্ষতি কি?

চন্দ্র খোলা থাকে বা মেঘে ঢাকা থাকে তাহাতে চন্দ্রের ক্ষতি কি?

মানুষের থেকে স্বীয় ইশ্বত বাচাইব না কেন?

কেন তাহারা আমার শাহানশাহী জাকজমক দেখিবে না?

আমি তাহাদের কাছে আমার অভাব কেন প্রকাশ করিব?

যেহেতু (তাহারা ও আমি) সকলেই তাকদীরের সামনে অপারগ।

সৃষ্টিকর্তা রিয়কদাতা, সুতরাং এই রিয়ক মাখলুকের কাছে চাইব কেন?

যদি ইহা করি; তাহা হইলে ইহা হইবে সম্পূর্ণ জুলুম।

যদি এক অক্ষম অপর অক্ষমের কাছে ওজর আপত্তি ও স্বীয় অভাব প্রকাশ করে তাহা হইলে ইহা বড়ই কম হিন্সতের কথা।

আল্লাহ পাকের কাছে রিয়ক প্রার্থনা কর; যাহার দয়া সমস্ত মাখলুককে পরিবেষ্টন করিয়া রাখিয়াছে।

তাঁহার কাছেই আবেদন কর; স্বীয় উদ্দেশ্য হাসিল হইবে।

তাঁহার দরজা হইতে তুমি কখনও দূরে থাকিও না।

দ্বিতীয় ফায়দা : আল্লাহ পাক বলিয়াছেন- **وَفِي السَّمَاءِ رِزْقُكُمْ** এই আয়াতাংশের দুইটি অর্থ হইতে পারে। এক অর্থ আসমানে রিয়ক আছে। অর্থ- আসমানে রিয়ক নির্ধারিত আছে। অর্থাৎ লওহে মাহফুজে তোমাদের রিয়ক নির্ধারিত আছে। এই অর্থে অত্র আয়াতাংশের উদ্দেশ্য হইল রিয়ক সম্বন্ধে মানুষকে নিশ্চিত করিয়া দেওয়া এবং তাহাদিগকে জানাইয়া দেওয়া যে তোমাদিগকে যে সকল বস্তু দ্বারা রিয়ক দেওয়া হয় তাহা আমার কাছে লিপিবদ্ধ রহিয়াছে। তোমাদের অস্তিত্বের পূর্বেই স্বীয় গ্রন্থে তাহা লিখিয়া রাখিয়াছি। সুতরাং তোমাদের অস্তিত্ব প্রকাশ পাওয়ার পূর্বেই ইহা নির্ধারিত হইয়াছে। এতদ্ব্যসত্ত্বেও তোমরা এই ব্যাপারে কেন অস্থির হইতেছ? তোমাদের কি হইল যে, তোমরা আমার কাছে আশ্রয় লইতেছ না এবং আমার ওয়াদার প্রতি নির্ভর করিতেছ না?

আয়াতাংশের সজাবনাময় দ্বিতীয় অর্থ এখানে রিয়ক বলিয়া এমন সব মাধ্যমকে বুঝানো হইয়াছে যাহাদের সহায়তায় রিয়ক অস্তিত্ব লাভ করে। যেমন,

পানি। যেমন আল্লাহ পাক অন্য এক স্থানে পানিকে অন্যান্য বস্তুর অস্তিত্বের সহায়ক মাধ্যম হিসাবে ঘোষণা করিয়াছেন—

وَجَعَلْنَا مِنَ الْمَاءِ كُلَّ شَيْءٍ حَيٍّ * أَفَلَا يُؤْمِنُونَ *

“এবং আমি সমস্ত জীবিত জিনিস পানি দ্বারা বানায়াছি। তবুও কি তোমরা বিশ্বাস কর না?”

হযরত ইবনে আব্বাস (রাঃ) অত্র আয়াতের তাকসীর করিতে গিয়া বলিয়াছেন যে এখানে রিয়ক শব্দ উল্লেখ করিয়া বৃষ্টি বুঝানো হইয়াছে। তাঁহার তাকসীর অনুসারে আয়াতাংশের এক অর্থঃ যে বস্তু তোমাদের রিয়কের মূল তাহা আসমানে রহিয়াছে। দ্বিতীয় অর্থঃ স্বয়ং বৃষ্টিই রিয়ক।

তৃতীয় ফায়দাঃ রিয়ক উপার্জনে মানুষের ক্ষমতা রহিয়াছে— মানুষের এই দাবীতে মানুষকে অক্ষম ঘোষণা করাও এই আয়াতের উদ্দেশ্য হইতে পারে। কেননা মানুষ বিভিন্ন উপায়ে রিয়ক উপার্জন করে। যেমন কৃষক জমির মাধ্যমে। ব্যবসায়ী ব্যবসার মাধ্যমে। দর্জি সেলাই কার্খের মাধ্যমে। অথবা অন্য যে কোন মাধ্যমে। আর এই সকল উপায় সরাসরিভাবে অথবা কোন স্তরের মাধ্যমে পানির উপর নির্ভরশীল। সাধারণভাবে মানুষ মনে করে যে, উল্লিখিত উপায়ের দ্বারা ই মানুষ রিয়ক লাভ করে কিন্তু আল্লাহ পাক বৃষ্টি বন্ধ করিয়া দিলে তাহাদের সকল উপায়ই বেকার ও অক্ষম। যেমন আল্লাহ পাকের ঘোষণা হইতেছে যে, তোমাদের অবলম্বিত এই সকল উপায় তোমাদিগকে রিয়ক প্রদান করে না বরং আমিই রিয়ক প্রদান করি। তোমাদের উপায়সমূহের কার্যক্ষমতা সম্পূর্ণভাবে আমার নিয়ন্ত্রনে রহিয়াছে। কেননা, যে জিনিসের সাহায্যে তোমাদের উপায়সমূহ দূরত্ব থাকে এবং তোমাদের পরিশ্রম ফলপ্রদ হয় তাহা আমি অবতীর্ণ করিয়া থাকি। আর তাহা হইল পানি।

চতুর্থ ফায়দাঃ অত্র আয়াতাংশে আল্লাহ পাক বলিয়াছেন যে, “তোমাদের রিয়ক এবং তোমাদিগকে যাহার ওয়াদা দেওয়া হইয়াছে উভয় আসমাণে আছে।” এখানে রিয়কের সাথে প্রতিশ্রুত বিষয়কে একত্রে উল্লেখ করার মধ্যে একটি বিশেষ দিকের প্রতি ইঙ্গিত রহিয়াছে। তাহা হইল মুমিনদের বন্ধমূল বিশ্বাস এই যে, আল্লাহ পাক যাহার ওয়াদা করেন তাহা অবশ্যই সংঘটিত হইবে। তিনি যে সময়ে সংঘটিত করার ওয়াদা করিয়াছেন, তখনই সংঘটিত হইবে। অন্য কেহ শত টেঁটা করিয়াও ইহা আগ পিছ করিতে পারিবে না। ইহা হস্তগত করিবার জন্য যে কোন প্রকার ব্যবস্থা অবলম্বন বেকার হইয়া যাইবে।

মোটকথা আল্লাহ ব্যতীত অন্য কাহারও প্রভাব এখানে খাটিবে না। যাহা ওয়াদা করিয়াছেন তাহা অবশ্যই হইবে। ছুটিয়া যাওয়ার কোন সম্ভাবনা নাই।

এই ব্যাখ্যার আপোকে আল্লাহ পাকের ইরশাদের সারকথা দাঁড়ায় যেভাবে আমার ওয়াদাকৃত জিনিস আমার কাছে থাকার ব্যাপারে তোমাদের কোনরূপ সন্দেহ সংশয় নাই, অনুরূপভাবে তোমার রিয়ক আমার কাছে মওজুদ থাকার ব্যাপারে তোমাদের কোনরূপ সন্দেহ থাকা উচিত নয়। আমি আমার ওয়াদাকৃত জিনিস প্রদানের জন্য যে ওয়াক্ত নির্ধারণ করিয়াছি তোমরা আমার নির্ধারিত সময়ের পূর্বে তাহা হস্তগত করিতে অক্ষম। তদুপ আমি তোমাদের রিয়কের জন্য যে ওয়াক্ত নির্ধারিত করিয়াছি এই নির্ধারিত ওয়াক্তের পূর্বে রিয়ক পাওয়ার বেলায়ও তোমরা অক্ষম।

পঞ্চম ফায়দাঃ আল্লাহ শপথ করিয়া বলিয়াছেন—

فَوَرَبِّ السَّمَاءِ وَالْأَرْضِ إِنَّهُ لَحَقٌّ مِّثْلَ مَا أَنَّكَ تَنْطِقُونَ *

“আসমান যমীনের প্রতিপালক শপথ করিয়া বলেন যে, নিচুই ইহা তোমাদের বাক্যলাপের ন্যায় সত্য।”

অত্র আয়াতে এমন এক সত্তা শপথ করিয়া বলিতেছেন, যাহার ওয়াদা সত্য হয়। যিনি কখনও ওয়াদা ভঙ্গ করেন না। আর এমন জিনিস সম্পর্কে শপথ করিতেছেন, যাহার সূত্র ব্যবস্থার দায়িত্ব তিনি নিজ হৃদয়ে গ্রহণ করিয়াছেন। তিনি এইভাবে শপথ করিবার পিছনে কারণ হইল যে, তিনি রিয়কের দায়িত্ব গ্রহণ করার কথা ঘোষণার পরও মানুষের অন্তরে সন্দেহ ও অস্থিরতা বিরাজ করিতেছে। তিনি তাহা ভালভাবেই অবগত আছেন। তাই তিনি শপথ করিয়াছেন যাহাতে তাহাদের সন্দেহ ও অস্থিরতা দূর হইয়া যায়। সুতরাং অত্র আয়াত আল্লাহ পাকের পক্ষ হইতে মানুষের উপর একটি অত্যন্ত ভারী দলীল। এই জন্যই ফিরিশতারা এই আয়াত শুনার পর বলিয়া উঠিয়াছিল ঐ ব্যক্তি ধ্বংস হইয়া যাক যে স্বীয় পরাক্রমশালী প্রতিপালককে রাগান্বিত করিয়াছে। এমন কি তাহাকে কসম খাইতে হইল। এক ব্যক্তি এই আয়াত শুনিয়া বলিল, সুবহানাল্লাহ! কে এমন মহান দাতাকে রাগান্বিত করিল যাহার ফলে তাহাকে শপথ করিতে হইল? ঐ ব্যক্তি ধ্বংস হইয়া যাক। আল্লাহ পাকের শপথ করার দ্বারা বুঝা গেল যে, আল্লাহ পাকের প্রতি বান্দাদের নির্ভরতা নেই। তাই তিনি শপথ করিয়া কোন কিছু বলার ক্ষেত্রে বিধান এই যে, যদি বক্তার বক্তব্যের উপর শ্রোতার নির্ভরতা থাকে তাহা হইলে শপথ করিয়া বলার প্রয়োজন নাই। আর যদি নির্ভরতা না থাকে তাহা হইলে শপথ করিয়া বলিতে হয়।

যাহা হউক অত্র আয়াত অনেককে খুশী করিয়াছে। আবার অনেককে লজ্জিত করিয়াছে। অত্র আয়াত যাহাদিগকে খুশী করিয়াছে তাহারা প্রথম শ্রেণীর লোক। কেননা এই শপথের ফলে তাহাদের ঈমান আরও বৃদ্ধি পাইয়াছে। একীন সুদৃঢ় হইয়াছে। শয়তানের কুমন্ত্রণা ও প্ররোচনা থেকে বাঁচিয়া থাকিতে সহায়তা লাভ করিয়াছে।

এই আয়াত যাহাদিগকে লজ্জিত করিয়াছে তাহাদের ধারণা যে আল্লাহ পাক তাহাদের অনির্ভরতা ও অস্থিরতা দেখিয়া তাহাদিগকে সন্দেহ ও সংশয় পোষণকারীর স্থলাভিষিক্ত বিবেচনা করিয়া শপথ করিয়া বলিয়াছেন। তাহাদের এই ধারণা তাহাদিগকে লজ্জিত করিয়াছে। তাহাদের এই লজ্জা তাহাদের ধারণার ফল। অনেক সময় মানুষের ধারণার তারতম্য এবং অনুধাবনের তাওফীক লাভের তারতম্যের কারণে একই বিষয় কাহারও জন্য খুশীর কারণ আর কাহারও জন্য বিষন্নতা ও লজ্জার কারণ হইয়া থাকে।

লক্ষ্য করিয়া দেখ-

الَّذِينَ آمَنُوا وَلَمْ يَلْبِسُوا إِيمَانَهُمْ بِشَيْءٍ مِنْ دُونِ الْإِسْلَامِ رَبَّنَا *

“আজ তোমাদের জন্য তোমাদের ধীন কামেল করিয়া দিয়াছি। তোমাদের প্রতি আমার নেয়ামত পূর্ণ করিয়া দিয়াছি। আর তোমাদের জন্য ধীন হিসাবে ইসলামকে পছন্দ করিয়াছি।”

এই আয়াত নাযিল হওয়ার পর সকল ছাহাবা খুশী হইলেন। কিন্তু হযরত আবু বকর সিদ্দিক (রাঃ) চিন্তিত হইলেন। কেননা, তিনি অত্র আয়াতের দ্বারা রাসূলুল্লাহ ছাল্লাল্লাহু আলাইহি ওয়াসাল্লামের মৃত্যু সংবাদ বুঝিয়া ছিলেন। তাই তিনি কাদিতে লাগিলেন। এই ঘটনা থেকে বুঝা যায় যে, যখন কোন জিনিস পরিপূর্ণতা লাভ করে তখন ক্ষতিগ্রস্ততা ও অপূর্ণতা ফিরিয়া আসার আশংকা পড়াতা হয়। হযরত আবু বকর সিদ্দিক (রাঃ) জানিতেন যে, রাসূলুল্লাহ ছাল্লাল্লাহু আলাইহি ওয়াসাল্লাম যতদিন জীবিত আছেন ততদিন ধীনে কোন প্রকার ক্ষতিগ্রস্ততা ও অপূর্ণতা আসিতে পারে না। আর ক্ষতিগ্রস্ততা এবং অপূর্ণতা যখন আসিবেই তখন রাসূলুল্লাহ ছাল্লাল্লাহু আলাইহি ওয়াসাল্লাম-এর জাগতিক হযাতি খতম হওয়ার পর আসিবে। ইহা হইতে তিনি তাঁহার (ছাল্লাল্লাহু আলাইহি ওয়াসাল্লাম) মৃত্যু সংবাদ বুঝিতে পারিয়াছিলেন। পক্ষান্তরে অন্যান্য ছাহাবাগণ আয়াতের বাহ্যিক সংবাদের দিকে খেয়াল করিয়া খুশী হইয়াছিলেন। আবু বকর সিদ্দিক (রাঃ) এই আয়াতের মর্ম অনুধাবন করিতে গিয়া যতদূর পর্যন্ত

পৌছিয়াছিলেন অন্যান্য ছাহাবাগণ ততদূর পর্যন্ত পৌছেন নাই। এই বর্ণনা হইতে হযরত আবু বকর সিদ্দিক (রাঃ) সম্পর্কে রাসূলুল্লাহ ছাল্লাল্লাহু আলাইহি ওয়াসাল্লাম-এর বাণীর রহস্য আঁচ করা যায়। তাঁহার সম্পর্কে রাসূলে করীম ছাল্লাল্লাহু আলাইহি ওয়াসাল্লাম ইরশাদ করেন- “রোযা, নামায প্রভৃতিতে আবু বকর তোমাদের অপেক্ষা অগ্রগামী নয়। বরং তাঁহার অন্তরে একটি জিনিস বসিয়া গিয়াছে।”

সুতরাং যে জিনিস তাঁহার অন্তরে থাকার কারণে তিনি অন্যান্যদের থেকে অগ্রগামী ছিলেন ঐ জিনিসের সহায়তায়ই তিনি অত্র আয়াত থেকে এমন মর্ম বুঝিতে পারিয়াছিলেন যাহা অন্য কেহ বুঝিতে পারেন নাই।

একই বিষয় কাহারও খুশী হওয়া আর কাহারও বিষন্ন হওয়ার উদাহরণ স্বরূপ দ্বিতীয় আয়াত-

إِنَّ اللَّهَ اشْتَرَىٰ مِنَ الْمُؤْمِنِينَ أَنْفُسَهُمْ وَأَمْوَالَهُمْ بِأَنْ لَهُمُ الْجَنَّةُ يُقَاتِلُونَ فِي سَبِيلِ اللَّهِ لِيَقَتُلُوا وَ يُقَاتَلُوا *

“আল্লাহ পাক বেহেশতের বিনিময়ে মুমিনদের জীবন ও মাল সম্পদ খরিদ করিয়া লইয়াছেন। তাহারা আল্লাহর রাস্তায় জিহাদ করে। আর তাহারা অপরকে হত্যা করে এবং তাহারা নিজেও শহীদ হইয়া থাকে।”

আমি শায়খ আবু মুহাম্মদ শারজানীর (রহঃ) কাছে শুনিয়াছি। তিনি বলিতেন, এক সম্প্রদায়ের লোকজন এই আয়াত শুনার পর খুব খুশী হইয়াছিল। খুশীতে তাহাদের মুখমণ্ডল এই জন্য হাস্যোজ্জ্বল হইয়াছিল যে, তাহারা আল্লাহ পাকের পক্ষ হইতে বড় মর্যাদা লাভ করিয়াছে। আল্লাহ পাক তাহাদের সাথে বেচা-কেনা করিয়াছেন। তাহাদের মর্যাদা বৃদ্ধি করিয়াছেন। বেচাকেনা করার জন্য তাহাদিগকে পছন্দ করিয়াছেন। অবিকল্প তাহাদের জীবন ও মাল সম্পদের বিনিময় স্বরূপ এক অমূল্য জিনিস দান করিয়াছেন। পক্ষান্তরে অন্য এক সম্প্রদায়ের লোকজন এই আয়াত শুনার পর তাহাদের চেহারা লজ্জায় পীতবর্ণ হইয়া পড়িয়াছে। তাহারা এই জন্য লজ্জিত হইল যে, আল্লাহ পাক তাহাদের থেকে যাহা খরিদ করিয়াছেন উহার মালিক তিনি নিজেই। আর তিনি নিজের জিনিস নিজে লইয়া উহার বিনিময় হিসাবে তাহাদিগকে বেহেশত দিয়াছেন।

সুতরাং এই আয়াত শুনিয়া খুশীতে যাহাদের চেহারা শুভ হইয়াছিল তাহারা দুইটি জান্নাত লাভ করিবে যাহাতে পাত্তগুলি হইবে রৌপ্যের এবং ইহাতে যত জিনিস থাকিবে তাহাও পাইবে রৌপ্যের। আর যাহাদের চেহারা লজ্জায় পীত

বর্ণের হইয়াছিল তাহারাও দুইটি জ্ঞানাত লাভ করিবে। যাহাতে স্বর্ণের পাত্র থাকিবে। অধিকন্তু ইহার অন্যান্য সব জিনিসও হইবে স্বর্ণের। শায়খের কথা এখানেই শেষ।

যাহাদের চেহারা শুভ হইয়াছিল তাহারা রৌপ্যের পাত্রবিশিষ্ট জ্ঞানাত পাইবে। কারণ রৌপ্য শুভ হয়। আর যাহাদের চেহারা নীত বর্ণের হইয়াছিল তাহারা স্বর্ণের পাত্রবিশিষ্ট জ্ঞানাত লাভ করিবে। কারণ স্বর্ণ নীত বর্ণের হয়।

যদি ঈমানদারদের মধ্যে ভিত্তিপূর্বে উল্লিখিত রিয়ক সম্বন্ধে অস্থিরতার কোন অংশও বিদ্যমান না থাকিত। তাহা হইলে আয়াতে উল্লিখিত বেচাকেনা তাহাদের সাথে সংঘটিত হইত না। এই জন্য আল্লাহ পাক উল্লেখ করিয়াছেন যে, তিনি মুমিনদের থেকে খরিদ করিয়াছেন। নবী এবং রাসূলদের থেকে খরিদ করিয়াছেন বলেন নাই।

শায়খ আবুল হাসান (রহঃ) বলিয়াছেন, জীবন তিন প্রকার। এক প্রকার জীবন বেদামী। তাই বেচাকেনা হয় নাই। দ্বিতীয় প্রকার জীবনের বেচাকেনা হইয়াছে। কারণ ইহা দামী ও সম্মানিত। তৃতীয় প্রকার জীবনের বেচাকেনা হয় নাই। কারণ ইহা মুক্ত। প্রথম প্রকার জীবন হইল কাফেরদের জীবন। ইহা বেদামী বলিয়া ইহার বেচাকেনার কথা হয় নাই। দ্বিতীয় প্রকার জীবন হইল মুমিনদের জীবন। ইহা সম্মানিত ও দামী বিধায় ইহার বেচাকেনার কথা উল্লিখিত হইয়াছে। তৃতীয় প্রকার জীবন নবী-রাসূলদের জীবন। ইহা মুক্ত হওয়ার কারণে ইহা বেচাকেনা হয় নাই।

ষষ্ঠ ফায়দা : আল্লাহ পাক অত্র আয়াতে স্বীয় গুণবাচক নামে শপথ করিয়াছেন। অধিকন্তু গুণবাচক নামের মধ্য হইতে প্রতিপালক নাম ব্যবহার করিয়াছেন। তিনি আসমান এবং যমীনেরও প্রতিপালন করেন, বিধায় তিনি ইহাদের অভিভাবক। যেহেতু তিনি আসমান ও যমীনের অভিভাবকত্ব করেন। তিনি ইহাদের প্রতিপালন করেন সেহেতু এই গুণের প্রতি লক্ষ্য রাখিয়া তাঁহার প্রতি নির্ভর করার ক্ষেত্রে ঈমানদাররা কোনরূপ দ্বিধা সংকোচে পতিত হইতে পারে না। কেননা আল্লাহকে এতবড় দুনিয়ার অভিভাবক দেখিয়া বান্দা চিন্তা করে যে, এতবড় দুনিয়ার তুলনায় আমি বা কড়টুকু? এত বড় বিশ্বের তুলনায় আমি তো নগন্য। যেহেতু তিনি এত বড় বিশ্বের প্রতিপালন করিতেছেন। সুতরাং আমার রিয়ক প্রদান তো তাঁহার জন্য সাধারণ ব্যাপার।

অতএব আল্লাহর অন্যান্য গুণবাচক নাম যেমন- সর্বপ্রোতা, মহাজ্ঞানী, দয়ালু প্রভৃতি নাম উল্লেখ করার পরিবর্তে 'প্রতিপালক' নামটি উল্লেখ করা অধিক

উপযুক্ত হইয়াছে।

সপ্তম ফায়দা : আল্লাহ পাক বলিয়াছেন, “আসমান ও যমীনের প্রতিপালকের শপথ! নিশ্চয়ই ইহা সত্য।”

বাতিল সত্যের বিপরীত। এমন জিনিসকে বাতিল বলা হয় যাহার কোন বাস্তবতা থাকে না।

রিয়ক সত্য যেমন রিয়কদাতা সত্য। রিয়কের ব্যাপারে সন্দেহ করা রিয়কদাতার প্রতি সন্দেহ পোষণ করার নামান্তর। এই সম্পর্কে একটি ঘটনা বর্ণিত আছে। এক ব্যক্তি কবর হইতে কাফন চুরি করিত। অবশ্য পরে সে এই গর্হিত কার্য থেকে তওবা করিয়াছিল। সে এক বুয়ূর্গের কাছে বর্ণনা করিল যে, সে এক হাজার কাফন চুরি করিয়াছে। কিন্তু সে দেখিতে পাইল যে, কাফনের ভিতরের সকল মৃতের মুখই কেবলার দিক হইতে অন্য দিকে ফিরিয়া রহিয়াছে। বুয়ূর্গ বলিলেন, দুনিয়াতে রিয়ক সম্বন্ধে তাহাদের ধারণা ভাল ছিল না। আর তাহাদের বদ ধারণার কারণেই তাহাদের মুখ কেবলা হইতে অন্য দিকে ফিরিয়া রহিয়াছে। অর্থাৎ আল্লাহ পাকের প্রতি তাহাদের বদ ধারণা ছিল যে, আল্লাহ পাক রিয়ক দিবেন না। তাই তাহারা রিয়ক উপার্জনে বিভিন্ন উপায়ের দিকে মনোযোগী হইয়াছিল। আর ইহার শাস্তি স্বরূপ তাহাদের রুখ বায়তুল্লাহ হইতে ফিরাইয়া দেওয়া হইয়াছে।

অষ্টম ফায়দা : অত্র আয়াতে আল্লাহ পাক রিয়কের বিষয়টি উপমা দিয়া বলিয়াছেন-

مثل ما انكم تنظفون *

“ইহা তোমাদের বাক্যলাপের ন্যায় সত্য।”

আল্লাহ পাকই রিয়ক প্রদান করেন। প্রতিটি সৃষ্টির রিয়ক তাঁহার কাছে মজুদ রহিয়াছে। উল্লিখিত উপমা দ্বারা এই কথাটি সুদৃঢ় ও মজবুত করা হইয়াছে। বান্দার রিয়ক আল্লাহ পাকের কাছে মজুদ থাকার মহা সত্যটির হাকীকত বান্দার অন্তরে বদ্ধমূল করিয়া দেওয়া হইয়াছে। প্রকারান্ত্রে তাহাকে বলিয়া দেওয়া হইয়াছে যে কোন ঈমানদারের জন্য এই বিষয়ে সামান্য সন্দেহ সংশয় থাকা উচিত নয়। সামনাসামনি বাক্যলাপ যেমন চোখের সামনে একটি বাস্তব সন্দেহহীন সত্য বিষয়, রিয়ক মজুদ থাকাও অন্তর্দৃষ্টির সামনে তেমনি একটি সত্য ও বাস্তব বিষয়। এইজন্য এই অদৃশ্য বিষয়টি দৃশ্যমান বিষয়ের সাথে এবং পঞ্চ ইন্দ্রের পরিধি বহির্ভূত বিষয়কে ইন্দ্রিয় অনুভূত বিষয়ের সাথে

ভুলনা দিয়া উল্লেখ করা হইয়াছে। আর এইভাবে রিয়ক সম্পর্কে বান্দার সন্দেহ দূরীভূত করা হইয়াছে। বলা হইয়াছে যে, তোমরা একে অপরের সাথে বাক্যালাপ কর তখন ইহাতে তোমাদের সন্দেহ থাকে না। কেননা তোমরা ইন্দ্రిয়ের দ্বারা ইহার বাস্তবতা প্রত্যক্ষ করিতেছ। অনুরূপভাবে রিয়কের ব্যাপারেও সন্দেহ পোষণ করিও না। কেননা ঈমানের নূর দ্বারা ইহার বাস্তবতাও প্রমাণিত।

সূতরাং হে শ্রোতা! লক্ষ্য কর আল্লাহ পাক কত গুরুত্বের সাথে রিয়কের আলোচনা করিয়াছেন এবং ইহার পর্যায় বর্ণনা করিয়াছেন। পঞ্চ ইন্দ্రిয়ের দ্বারা অনুভূত জিনিসের মাধ্যমে ইহার উপমা দিয়াছেন বাহ্যতে চক্ষুস্থান কোন ব্যক্তির এই সম্পর্কে কোনরূপ সন্দেহ বা সংশয় না থাকে। অধিকন্তু স্বীয় প্রতিপালনের গুনবাচক নামের শপথ করিয়াছেন। অনুরূপভাবে রাসূলুল্লাহ ছাড়া আল্লাহি ওয়াসাল্লাম-এর পবিত্র যবান মোবারকের দ্বারা ইহার দ্বিতীয়বার আলোচনা করা হইয়াছেন। তিনি (ছাড়া আল্লাহি ওয়াসাল্লাম) ইরশাদ করেন-

ان روح القدس نث في روعي ان نفسا لن تموت حتى تستكمل رزقها فاتقوا

الله واجملوا في الطلب *

“জিবরাঈল (আঃ) ফুকের মাধ্যমে আমার অন্তরে এই কথা ঢালিয়া দিয়াছেন যে, কোন প্রাণী যতক্ষণ পর্যন্ত তাহার জন্য নির্ধারিত রিয়ক সম্পূর্ণরূপে ভোগ না করিবে ততক্ষণ পর্যন্ত সে মৃত্যুবরণ করিবে না। সুতরাং তোমরা আল্লাহকে ভয় কর, এবং সুন্দর পন্থায় রিয়ক তালাশ কর।

রাসূলুল্লাহ ছাড়া আল্লাহি ওয়াসাল্লাম আরও বলিয়াছেন-

توكلتم على الله حق توكله لرزقكم كما يرزق الطير تغدو خماصا و تروح بطانا *

“যদি তোমরা আল্লাহ পাকের প্রতি পরিপূর্ণ ভরসা করিতে তাহা হইলে তিনি তোমাদিগকে পাখীকে রিয়ক দেওয়ার ন্যায় রিয়ক প্রদান করিতেন। যেমন পাখীতো সকালে ক্ষুধার্ত অবস্থায় বাসা ত্যাগ করে আর সন্ধ্যায় উদরপূর্ণ করিয়া ফিরিয়া আসে।”

তিনি (ছাড়া আল্লাহি ওয়াসাল্লাম) অন্য এক স্থানে ইরশাদ করেন যে,

طالب العلم تكفل الله برزقه *

“আল্লাহ পাক ইলম অন্বেষণকারীর রিয়কের যিম্মাদার।”

অনুরূপভাবে এই সম্পর্কে আরও অনেক হাদীছ রহিয়াছে।

বিশেষ আলোচনা : রিয়ক লাভ করিতে গিয়া আসবাব (উপায়) অবলম্বন করা আল্লাহর প্রতি তাওয়াক্কুল করার পরিপন্থী নয়। রাসূলুল্লাহ ছাড়া আল্লাহি ওয়াসাল্লাম-এর ইরশাদে ইহার প্রমাণ পাওয়া যায়। ইতিপূর্বে তাহার যে বাণী উল্লেখ করা হইয়াছে উহাতে রহিয়াছে যে,

فاتقوا الله واجملوا في الطلب *

“আল্লাহকে ভয় কর এবং সুন্দর পন্থায় তালাশ কর।”

হাদীছের এই অংশে রিয়ক তালাশ করার বৈধতা ঘোষণা করা হইয়াছে। সুতরাং হাদীছাংশের সারকথা হইল যখন রিয়ক তালাশ কর; তখন সুন্দর পন্থায় তালাশ করিও অর্থাৎ রিয়ক তালাশ করার সময় তাহারই প্রতি নির্ভরশীল থাকিও। তাহার প্রতি ভরসা রাখিও। যেন রাসূলুল্লাহ ছাড়া আল্লাহি ওয়াসাল্লাম রিয়ক তালাশ করার পন্থাসমূহ বৈধ বলিয়া ঘোষণা করিয়াছেন। আর তালাশ করা উপায় অবলম্বনের অন্তর্ভুক্ত। এক হাদীছের মধ্যে আছে যে, রাসূলুল্লাহ ছাড়া আল্লাহি ওয়াসাল্লাম ইরশাদ করিয়াছেন,

“মানুষ যাহা আহার করে। তন্মধ্যে সর্বাধিক হালাল খাদ্য হইল সে যাহা নিজ হাতে উপার্জন করে।”

অনুরূপ আরও অনেক হাদীছ রহিয়াছে যাহা উপায় অবলম্বন করার বৈধতা প্রমাণ করে বরং এ সব হাদীছে রিয়ক উপার্জনের ক্ষেত্রে উপায় অবলম্বন করার প্রতি উৎসাহ প্রদান করা হইয়াছে। এমনকি উপায় অবলম্বন করা উত্তম বলিয়া বুঝা যাইতেছে।

উপায় অবলম্বনে অনেক উপকার বিদ্যমান আছে। এখানে ইহাদের আলোচনা করা হইল।

প্রথম উপকার : মানুষের অন্তর খুব দুর্বল। তাহার জন্য রিয়ক নির্ধারিত রহিয়াছে কিন্তু তাহা সে দেখিতে পারে না। তাই সত্যিকার ভরসা করিতে অক্ষম। আল্লাহ পাক তাহার অন্তরের এই অবস্থা ভাল করিয়া জানেন। তাই তিনি উপায় অবলম্বন করা মানবের জন্য বৈধ করিয়াছেন। যাহাতে ইহা তাহার অস্থির অন্তরের একটি আশ্রয়স্থল হয় এবং তাহার মন ঠিক থাকে। সুতরাং উপায় অবলম্বনের অনুমতি প্রদান মানবের প্রতি আল্লাহ পাকের মহা অনুগ্রহ।

দ্বিতীয় উপকার : মাখলুকের কাছে চাওয়ার মধ্যে সম্মান ও মর্যাদা জুলুষ্ঠিত

হওয়ার এবং ঈমানের সতেজতা নষ্ট হওয়ার আশংকা রহিয়াছে। উপায় অবলম্বনের ফলে মানবের এই দুইটি বৈশিষ্ট্য নিরাপদ থাকে। সুতরাং আল্লাহ পাক তোমাকে যে কোন উপায়েই অবলম্বন করার সুযোগ দিয়া থাকেন না কেন ইহাতে কোন মাখলুকের দ্বারা তুমি অপমানিত হওয়ার সম্ভাবনা নাই। কোন মাখলুক তোমাকে খুটাও দিতে পারিবে না। কেননা কেহ কখনও এইভাবে খুটা দেয় না যে আমি তোমার থেকে এই জিনিসটি খরিদ করিয়াছি অথবা তোমাকে আমি কর্মচারী রাখিয়াছি। কারণ এই সব কার্যের দ্বারা তুমি নিজের জীবিকা অর্জনের জন্য নিজেই চেষ্টা করিতেছ। আর এইসব কার্য উপায়। ইহাতে অপমানিত হওয়ার কোন সম্ভাবনা নাই। সুতরাং উপায় অবলম্বন করার ফলে কোনরূপ খুটা ও অপমান ব্যতীত রিয়ক অর্জিত হইল।

তৃতীয় উপকার : মানুষকে আসবাবের মধ্যে লাগাইয়া দিয়া গোনাহ ও নাকরমানী হইতে বাঁচাইয়া দিয়াছেন। লক্ষ্য কর ঈদের দিনে সাধারণতঃ মানুষ কোন আসবাবে লাগিয়া থাকে না অর্থাৎ তাহার কোন কাজ থাকে না। এই সুযোগে গাফেল ব্যক্তির আল্লাহর কউই না নাকরমানী করিয়া থাকে। তাহার বিরুদ্ধাচরণে লাগিয়া যায়। সুতরাং তাহাদিগকে কাজে লাগাইয়া দেওয়া আল্লাহ পাকের মহাঅনুগ্রহ।

চতুর্থ উপকার : আসবাব (উপায়) অবলম্বনের ব্যবস্থা ক'য়ম করা দুনিয়া বিমুখ, ইবাদতের প্রতি আসক্ত এবং ইবাদতে নিমগ্ন ব্যক্তিদের জন্য আল্লাহ পাকের বড় অনুগ্রহ ও ইহসান। যদি উপায় অবলম্বনকারীরা এই ব্যবস্থার পিছনে পরিশ্রম না করিত তাহা হইলে নির্জনতা অবলম্বনকারী কিভাবে নির্জনতা অবলম্বন করিতে পারিত? আর আল্লাহর রাস্তায় মেহনতকারীর মেহনত করা কিভাবে সম্ভব হইত? আল্লাহ পাক আসবাবসমূহকে এই সব ব্যক্তিদের খেদমতে নিয়োগ করিয়াছেন। সমস্ত আসবাব তাহাদের খেদমত করার জন্য সदा প্রস্তুত।

পঞ্চম উপকার : আল্লাহ পাক ঈমানদারদের মধ্যে পারস্পরিক সম্পর্ক ও মিলামিশার বদোবাস্ত করিতে ইচ্ছা করিলেন। যেমন তিনি নিজেই ইরশাদ করিয়াছেন-

اِنَّا الْمُؤْمِنُونَ اخوةٌ

“নিঃসন্দেহে মুমিনগণ পরস্পর ভ্রাতা।”

সুতরাং উপজীবিকা: জন্য উপায় অবলম্বন তাহাদের পারস্পরিক পরিচয় ও সৌহার্দের মাধ্যম হিসাবে কাজ করিতেছে।

অতএব জাহেল এবং আল্লাহ সম্পর্কে গাফেল ব্যক্তিই আসবাব অস্বীকার করিয়া থাকে।

রাসূলুল্লাহ ছালাল্লাহু আলাইহি ওয়াসাল্লাম যখন মানুষকে আল্লাহর দিকে আহ্বান করিতেছিলেন তখন তিনি তাহাদিগকে আসবাব বর্জন করার কথা বলিয়াছিলেন। এমন কোন কথা আমরা জানি না বরং যে সব আসবাব আল্লাহ পাক পছন্দ করেন এবং তাহাদিগকে হেদায়েতের পথে আহ্বান করে এমন সব আসবাবের উপর তাহাদিগকে কায়ম রাখিলেন। কুরআন হাদীছ উভয়ে আসবাব অবলম্বনের বৈধতার ভরপুর প্রমাণাদি রহিয়াছে। এক উর্দু কবি বলেন-

ديكهر مريم كوهها حكم خدا و نخل بن كوتو هلا اوركهو رطب

چاهتا گرشاخ کردیتا قریب و همی مگر عالم مین رهشے۔ کا سبب

“লক্ষ্য কর মরিয়মের প্রতি আল্লাহ পাকের নির্দেশ হইল তুমি খেজুর বৃক্ষের শাখা নাড়া দাও এবং পুষ্ট খেজুর খাও।

যদি তিনি ইচ্ছা করিতেন তাহা হইলে বৃক্ষ শাখাকে তাহার নিকট করিয়া দিতেন।

কিন্তু (তাহা করেন নাই) দুনিয়াতে প্রত্যেক জিনিসের কোন না কোন সবব (উপায়) রহিয়াছে।”

কবি এই পংক্তিদ্বয়ের মাধ্যমে কুরআনে পাকের একটি আয়াতের দিকে ইঙ্গিত করিয়াছেন। আয়াতটি এই যে,-

و هزى اليك بجذع النخلة تساقط عليك رطباً جنياً

“অর্থাৎ মরিয়ম (আঃ)-এর প্রতি নির্দেশ করা হইয়াছে যে, তুমি খেজুর বৃক্ষের শাখা নিজের প্রতি নাড়া দাও। দেখিবে ইহাতে সদ্য পাকা খেজুর তোমার কাছে ঝরিয়া পড়িবে।

অধিকন্তু ওহদের যুদ্ধে রাসূলুল্লাহ ছালাল্লাহু আলাইহি ওয়াসাল্লাম স্বয়ং দুইটি লৌহবর্ম পরিধান করিয়াছিলেন। একদা তিনি খেজুরের সাথে কাকড়ি মিলাইয়া আহার করিয়াছিলেন। অতঃপর তিনি বলেন যে, ইহা উহার ক্ষতিকারক দিক নষ্ট করিয়া দেয়।

পক্ষী সম্পর্কে রাসূলুল্লাহ ছালাল্লাহু আলাইহি ওয়াসাল্লাম ইরশাদ করিয়াছেন যে, পক্ষীর প্রত্যুষে ক্ষুধার্ত অবস্থায় বাসা ত্যাগ করে আবার সন্ধ্যার সময় উদর ভর্তি হইয়া ফিরিয়া আসে। ইহাতেও আসবাব অবলম্বনের প্রমাণ পাওয়া যায়।

কেননা সকাল সন্ধ্যার আসা যাওয়া উহাদের ক্ষেত্রে আসবাব। মানবের কর্মকাণ্ডের সাথে ইহাকে এইভাবে তুলনা করা যায় যে, মানবও তো নিজেরদের জীবিকা উপার্জনের জন্য আসা যাওয়া করে। পক্ষীরাও তদ্রূপ করিয়া থাকে। এই ক্ষেত্রে সিদ্ধান্তমূলক কথা এই যে, আসবাবের অস্তিত্ব তো অবশ্যই থাকিবে কিন্তু ইহার প্রতি দৃষ্টি না হওয়া চাই। সুতরাং আসবাব অস্বীকার করিও না। কেননা আল্লাহ পাক বিশেষ হেকমতের মাধ্যমে ইহাদের অস্তিত্ব দিয়াছেন। তবে ইহাদের প্রতি নির্ভরশীল হইও না।

ইতিপূর্বে রাসূলুল্লাহ ছাড়াই আল্লাহই ওয়াসাল্লাম-এর এক হাদীছ বর্ণিত হইয়াছে যাহাতে উল্লেখ রহিয়াছে-

فَاتَّقُوا اللَّهَ وَاجْمِلُوا فِي الطَّلَبِ

“আল্লাহকে ভয় কর এবং জীবিকা উপার্জনে সুন্দর পস্থা গ্রহণ কর।”

এই ক্ষেত্রে সুন্দর পস্থা কি তাহা অবগত হওয়া চাই। জীবিকা অন্বেষণে সুন্দর পস্থা অবলম্বনের কয়েকটি অর্থ হইতে পারে। এই সম্পর্কে আল্লাহ পাক আমাদের সামনে যতটুকু খুলিয়াছেন আমরা তাহা আলোচনা করিব।

জীবিকা অন্বেষণকারী দুই ধরণের হইয়া থাকে। এক ধরণের লোক যাহারা ইহাতে ডুবিয়া গিয়াছে এবং তাহাদের সমস্ত শক্তি সামর্থ্য ইহার জন্যই ব্যয় করে। তাহাদের রুখতো অবশ্যই আল্লাহ হইতে ফিরিয়া যায়। কেননা শক্তি সামর্থ্য যখন একদিকে নিয়োজিত হয় তখন অন্যদিক থেকে ফিরিয়া যায়। শায়খ আবু মাদইয়ান (রহঃ) বলেন, অন্তর মাত্র একদিকে মনোনিবেশিত হয়। একদিকে মনোনিবেশ করিলে অন্য দিক হইতে ফিরিয়া আসে। আল্লাহ পাক বলেন,

وَمَا جَعَلَ اللَّهُ لِرَجُلٍ مِنْ قَلْبَيْنِ فِي جُوفِهِ

“আল্লাহ পাক এক ব্যক্তির মধ্যে দুইটি অন্তর সৃষ্টি করেন নাই।”

অর্থাৎ সে একই সময় দুইদিকে মনোনিবেশ করিতে পারে না। ইহা মানবীয় দুর্বলতা। দুইদিকে মনোনিবেশ করা তাহার জন্য সম্ভব নয়। সুতরাং মানুষ যখনই দুইদিকে মনোনিবেশ করিবে তখন এক দিক অবশ্যই ক্ষতিগ্রস্ত হইবে। কোন দিকে ক্ষতি করা ব্যতীত একই সময়ে সর্বদিকে কার্য সুচারুরূপে সম্পন্ন করা একমাত্র আল্লাহ পাকের বৈশিষ্ট্য।

এইজন্যই কুরআনে বলা হইয়াছে-

هُوَ الَّذِي فِي السَّمَاءِ إِلَهُ وَفِي الْأَرْضِ إِلَهُ

“তিনি ঐ সত্তা যিনি আসমানেও উপাস্য আবার যমীনেও উপাস্য।”

অত্র আয়াতে বলিয়া দেওয়া হইয়াছে যে, তিনি আসমানবাসীর প্রতিও মনোনিবেশ করেন এবং যমীনবাসীর প্রতিও মনোনিবেশ করেন। আসমানবাসীর প্রতি মনোযোগ দেওয়া যমীনবাসীর অবস্থার প্রতি মনোযোগ দেওয়ার পথে অন্তরায় হয় না। যমীনবাসীর প্রতি মনোযোগ দেওয়া আসমানবাসীর প্রতি মনোযোগ দেওয়ার পথে অন্তরায় হয় না। অনুরূপভাবে কোন জিনিস তাহাকে কোন জিনিস থেকে অসতর্ক ও বেবশ্বর করিয়া রাখিতে পারে না। এইজন্যই অত্র আয়াতে ۱) শব্দটি পুনঃবার লওয়া হইয়াছে। যদি শব্দটি পুনঃ ব্যবহৃত না হইত তাহা হইলে উল্লিখিত কথাটুকু বুঝা যাইত না।

অতএব উল্লিখিত আলোচনার দ্বারা স্পষ্টভাবে বুঝা গেল যে, যদি কোন ব্যক্তি এমনভাবে রিয়িক উপার্জন করে যে, সে আল্লাহ থেকে গাফেল হইয়া পড়ে তাহা হইলে সে রিয়িক অনুসন্ধানে সুন্দর পস্থা অবলম্বন করিল না। আর যে ব্যক্তি রিয়িক উপার্জন করিতে গিয়া এমন অবস্থায় পতিত হইল না সে রিয়িক উপার্জনে সুন্দর পস্থা অবলম্বন করিল। রিয়িক উপার্জনে সুন্দর পস্থা অবলম্বনের দ্বিতীয় অর্থ হইল বান্দা আল্লাহ পাকের কাছে রিয়ক চাইবে। কিন্তু রিয়কের পরিমাণ, পস্থা এবং সময় নির্ধারণ করিবে না। আল্লাহ যাহা ইচ্ছা করেন, যেভাবে ইচ্ছা করেন এবং যে সময় ইচ্ছা করেন রিয়ক প্রদান করিবেন। অধিকন্তু আবেদন নিবেদন করার আদবও এইটাই। যে ব্যক্তি রিয়ক প্রার্থনা করে আর ইহার পরিমাণ, পাওয়ার পস্থা, এবং সময় নির্ধারণ করিয়া দেয় সে যেন আল্লাহর উপর হুকুমত (শোশন) চালাইতেছে। আল্লাহ সম্পর্কে তাহার অন্তর আচ্ছাদিত করিয়া রাখিয়াছেন।

জনৈক ব্যক্তির ঘটনা সে বলিত আমার অন্তর চায় যে, আমি রিয়ক উপার্জনের উপায়গুলি পরিত্যাগ করি। আর প্রতিদিন আমি দুইটি রুটি পাই। তাহার এই চাহিদার উদ্দেশ্য ছিল উপায় অবলম্বনের বামেলা মুক্ত হওয়া। একটু অপেক্ষা করিয়া দেখ যে, রিয়কের পরিমাণ নির্ধারণ করার কারণে তাহার প্রতি কি বিপদ আপত্তি হইয়াছে। এই ব্যক্তি নিজের পরিণাম সম্পর্কে বলিল যে, ঘটনাচক্রে সে বন্দী হইয়া পড়িল। বন্দীখানায় প্রতিদিন তাহাকে দুইটি করিয়া রুটি সরবরাহ করা হইত। এইভাবে দীর্ঘ সময় অতিবাহিত হইল। আশ্চে আশ্চে সে সংকীর্ণ মন হইয়া পড়িল। একদিন এই বিষয়ে চিন্তা করিতেছিল। এমন সময় অদৃশ্য হইতে তাহাকে বলা হইল যে, তুমি তো আমার কাছে দৈনিক দুইটি করিয়া রুটি চাহিয়াছ। সুস্থতা চাও নাই। সুতরাং তুমি যাহা চাহিয়াছ

আমি তোমাকে তাহাই দিয়াছি। সে বলিল, আমি অদৃশ্যের এই কথা শুনিয়া ক্ষমা প্রার্থনা করিলাম আর আল্লাহর প্রতি মনোনিবেশ করিলাম। তখন কোন এক ব্যক্তি বন্দীখানার দরজা খুলিয়া দিল আর আমি মুক্তি লাভ করিলাম। অতএব, হে ঈমানদারগণ, এই ঘটনা থেকে শিক্ষা গ্রহণ কর। তুমি যে অবস্থার উপর আছ তাহা যদি শরীয়ত সম্মত হয় তাহা হইলে এই অবস্থা ছাড়িয়া অন্য অবস্থার দিকে স্থানান্তর হওয়ার সুযোগ অন্বেষণ করিও না। কেননা এই ধরনের সুযোগ অন্বেষণ করা আল্লাহর সাথে বেয়াদবী করা। সুতরাং তুমি কোন এক অবস্থা থেকে অন্য অবস্থার দিকে স্থানান্তর হওয়ার চাহিদা না করিয়া ধৈর্যধারণ কর। কেননা, যদিও তোমার কাম্ভিত বিষয় হাসিল হইয়া যায় কিন্তু সুখ ও আরাম তোমার নসীব না হওয়ার সম্ভাবনা রহিয়াছে। কেননা অনেকের এমনও হইয়া থাকে যে, তাহারা ধন সম্পদ ও আরাম লাভের উদ্দেশ্যে এক অবস্থা থেকে অন্য অবস্থার দিকে স্থানান্তর হইয়া থাকে। কিন্তু তাহারা অধিক কষ্টে পতিত হয়। সুখের পরিবর্তে ক্লেশে নিমজ্জিত হয়। ইহা তাহার নিজের পক্ষ হইতে অবস্থা নির্ধারণের শাস্তি।

আমাদের অন্য এক গ্রন্থে লিপিবদ্ধ আছে যে, আল্লাহ পাক যদি তোমাকে রিয়ক উপার্জনের ক্ষেত্রে আসবাব (উপায়) অবলম্বনকারী করিয়া রাখেন। তাহা হইলে আসবাব (উপায়) মুক্ত হওয়ার চাহিদা করা অপ্রকাশ্য কুপ্রবৃত্তির অনুসরণ। আর যদি তোমাকে আসবাব অবলম্বন করার উর্ধে রাখেন তাহা হইলে আসবাব অবলম্বনের চাহিদা উচ্চ মনোবলের পরিপন্থী। খুব ভালভাবে বুঝিয়া লও যে, এই শত্রুর অর্থাৎ শয়তানের কাজ হইল তুমি যে কাজে লাগিয়া আছ শয়তান ঐ কার্যের পথ ধরিয়াই তোমার কাছে আসিবে। আর সে তাহার কাজটিকে তোমার দৃষ্টিতে ঘৃণিত করিয়া তুলিবে। যাহাতে তুমি এই কাজ থেকে সরিয়া আস এবং দ্বিতীয় কোন কাজে লাগিয়া যাও। অথচ আল্লাহ পাক তোমাকে এই কার্যে লাগাইয়াছিলেন। এইভাবে সে তোমাকে স্বীয় অবস্থান থেকে সরাইয়া ফেলার জন্য কুমন্ত্রনা দিয়া দিয়া তোমার অন্তর ভেজাল পূর্ণ করিয়া তোলে। শয়তান এইক্ষেত্রে তৎপরতাটি এইভাবে চালায় যে, সে উপায় (আসবাব) অবলম্বনকারীর কাছে আসিয়া বলে যে, যদি তোমরা আসবাব ছাড়িয়া খালি হইয়া যাও অর্থাৎ আসবাব পরিত্যাগ করিয়া চলিতে থাক তাহা হইলে তোমাদের অন্তর নূরে আলোকিত হইয়া উঠিবে, সাথে সাথে উদাহরণও উপস্থাপন করিতে থাকে যে, দেখ, অমুক অমুক ব্যক্তিও আসবাব ছাড়িয়া দিয়া চলিতেছে। অথচ যাহাকে আসবাব পরিত্যাগের জন্য পরামর্শ দেওয়া হইতেছে আসবাব পরিত্যাগ করার আশা তাহার থেকে করা যায় না এবং আসবাব পরিত্যাগ করিয়া ফেলার

যোগ্যতা তাহার মধ্যে বিদ্যমান নাই। আসবাব অবলম্বন করিয়া চলার মধ্যেই তাহার মঙ্গল নিহিত আছে। সুতরাং এমন ব্যক্তি যখন আসবাব বর্জন করে তখন তাহার ঈমান নড়বড় করিতে থাকে। একীন নষ্ট হইতে থাকে। মাখলুকের কাছে চাওয়ার দিকে এবং রিয়ক অর্জনের প্রতি গুরুত্ব দেওয়ার দিকে ঝুঁকিয়া পড়ে। তখন সে প্রভুর সান্নিধ্য থেকে দূর সমুদ্রে নিশ্চিন্ত হয়। ঈমানের দূশমন শয়তানের তো ইহাই উদ্দেশ্য। শয়তান তো তোমার হিতাকাঙ্ক্ষীর পোষাকে সজ্জিত হইয়া সামনে আসে। কেননা যদি সে অন্য পোষাকে তোমার সামনে আসে তাহা হইলে তাহার কথা কে মানিতে যাইবে? দেখ হযরত আদম ও হাওয়া (আঃ)-এর কাছেও সদুপদেশ দাতা হিসাবে শয়তান আগমন করিয়াছিল। কুরআনে উল্লেখিত হইয়াছে যে, সে তাহাদিগকে বলিয়াছিল-

مَا نَهَكَا رَبُّكَ عَنْ هَذِهِ السَّعَةِ ۖ إِنَّكَ تَكُونُ مِنَ الْخَالِدِينَ *

“আপনাদের প্রতিপালক আপনাদিগকে এই বৃক্ষ থেকে ভক্ষণ করিতে নিষেধ করিয়াছেন না জানি আপনারা ফিরিতা হইয়া যান অথবা আপনারা বেহেতে চিরস্থায়ী হইয়া যান।”

অনুরূপভাবে সে আসবাব বর্জনকারীদের কাছেও আগমন করে এবং বলে যে, কতদিন পর্যন্ত আসবাব বর্জন করিয়া থাকিবে? তোমরা (হে আসবাব বর্জনকারী) জান না যে আসবাব বর্জন করার ফলে অন্তর মাল সম্পদের দিকে মনোনিবেশিত হইয়া পড়ে। অন্য তোমাদিগকে ঠাট্টা বিদূষ করার সুযোগ লাভ করে। এই অবস্থার কাহারও প্রয়োজন মিটানো তোমাদের জন্য সম্ভব হয় না। কাহাকেও কোন কিছু দান করিতে পার না। অন্যান্যদের হক আদায় করিতে পার না। অন্য মাখলুক থেকে কোন কিছু পাওয়ার অপেক্ষায় বসিয়া থাকিতে হয়। এইভাবে শয়তান তাহাদের মস্তিষ্কে অনেক ধরনের চিন্তার উদ্ভব ঘটায়। অথচ আসবাব বর্জন করার সময় এই ব্যক্তিদের অবস্থা ভাল ছিল। তাহাদের অন্তর নূরে নুরানিত ছিল। মাখলুকের থেকে সম্পর্ক বিচ্ছিন্নতার অবস্থায় অনেক আরাম ও প্রশান্তি ভোগ করিতেছিল। এইভাবে শয়তান তাহাদিগকে কুমন্ত্রনা দিবে থাকে। এমনকি শেষ পর্যন্ত তাহারা আসবাবের শয়তানের এইরূপ কুমন্ত্রনার ফলে আসবাবের প্রতি ঝুঁকিয়া পড়ে। আসবাব অবলম্বন করে। আসবাবের ময়লা তাহাদিগকে স্পর্শ করে। ইহার অন্ধকার তাহাদিগকে আচ্ছন্ন করিয়া লয়।

যাহারা পূর্ব হইতেই আসবাব অবলম্বন করিয়াছিল তাহাদের অবস্থা এই সকল ব্যক্তি অপেক্ষাও ভাল। কেননা তাহারা প্রকৃত রাস্তায় চলার পর রাস্তা

ছাড়িয়া আসে নাই। উদ্দেশ্যের দিকে পথ চলিয়া ফিরিয়া যায় নাই। কিন্তু যে সকল আসবাব বর্জনকারী নতুনভাবে আসবাব অবলম্বন করিয়াছে তাহারা তো প্রভুর রাস্তায় পথ চলিয়া এখন মুখ ফিরাইয়া লইয়াছে। (নাউম্বিল্লাহ্)

খুব ভাল করিয়া বুঝিয়া লও এবং আল্লাহর রাস্তায় আস। যে ব্যক্তি আল্লাহর আশ্রয়ে চলিয়া আসিয়াছে সে সোজা পথে চলিয়াছে। শয়তানের কাজ হইল যখন সে মানুষকে দেখিবে যে, আল্লাহ পাক তাহাদিগকে যে অবস্থায় রাখিয়াছেন সে অবস্থায় তাহারা আল্লাহ পাকের প্রতি সম্বৃত্ত তখন আল্লাহর প্রতি তাহাদের সম্বৃত্তির মনোভাব থেকে তাহাদিগকে বিরত রাখা। অধিকন্তু আল্লাহ পাক তাহাদের জন্য যে অবস্থা পছন্দ করিয়াছেন সে অবস্থা থেকে তাহাদিগকে পৃথক করিয়া তাহাদের মন চাহি অবস্থার মধ্যে আটকাইয়া দেওয়া। অথচ আল্লাহ পাক যাহাকে যে অবস্থায় রাখেন ঐ অবস্থায় তাহাকে সাহায্য করেন। আর সে নিজেই ইচ্ছা করিয়া যে অবস্থায় প্রবেশ করে আল্লাহ পাক ঐ অবস্থায় তাহাকে তাহারই দায়িত্বে সোপর্দ করেন। আল্লাহ পাক বলেন-

قُلْ رَبِّ اَدْخِلْنِيْ مُدْخَلَ صِدِّقٍ وَّاَخْرِجْنِيْ مُخْرَجَ صِدِّقٍ وَّاَجْعَلْ لِّىْ مِنْ كَلِمٰتِكَ سُلْطٰنًا نَّصِيْرًا*

“(হে নবী!) আপনি দোয়া করুন যে হে আমার পালনকর্তা! আপনি আমাকে উত্তম প্রবেশ করুন এবং উত্তম নির্গত করুন। আর আপনার পক্ষ হইতে আমার জন্য সাহায্যকারী এবং বিজয় দান করুন।”

সূতরাং আয়াতে উল্লিখিত **مُدْخَلَ صِدِّقٍ** (উত্তম প্রবেশকরন) এর অর্থ তোমাকে প্রবেশ করানো; তোমার নিজের প্রবেশ করা নহে। অনুরূপভাবে **مُخْرَجَ صِدِّقٍ** (উত্তম নির্গতকরন) এর অর্থও ইহাই। অর্থাৎ তোমাকে নির্গত করা। তুমি নিজের নির্গত হওয়া নহে। ইহা হইতে বুঝা যায় যে, তোমার থেকে আল্লাহ পাক যাহা চান তাহা হইল তিনি তোমাকে যে অবস্থায় রাখেন তুমি ঐ অবস্থায়ই চলিতে থাক। এমনকি ঐ অবস্থা থেকে তিনিই তোমাকে বাহির করার ব্যবস্থা করিবেন। যেমন তিনিই তোমাকে ঐ অবস্থায় প্রবেশ করিয়াছিলেন। উপায় অবলম্বন পরিত্যাগ করা কোন বড় কথা নহে। কোন এক বুয়ুর্গ বলিয়াছেন, আমি এত এত বার আসবাব (উপায় অবলম্বন) ছাড়িয়াছি। কিন্তু প্রত্যেক বারই পুনরায় আসবাবের দিকে ফিরিয়া আসিয়াছি। অতঃপর আসবাব আমাকে পরিত্যাগ করিয়াছে। তখন আর আসবাবের দিকে ফিরিয়া আসি নাই। গ্রন্থকার বলেন, আমি একদা শায়খ আবুল আব্বাস মুরসী (রহঃ) এর দরবারে উপস্থিত

হইয়াছিলাম। তখন আমার দৃঢ় ইচ্ছা ছিল যে, আমি আসবাব বর্জন করিয়া চলিব। আমার মনে এই চিন্তার উদ্ভব হইয়াছিল যে আমি তো ইলমে জাহেদীতে ডুবিয়া আছি। মানুষের সাথে আমার যোগসাজ্জ রহিয়াছে। ঐ অবস্থায় তো আল্লাহ পর্যন্ত পৌঁছা বহু দূরের কথা। আমি স্বীয় ইচ্ছার কথা তাঁহার সামনে ব্যক্ত করার পূর্বেই তিনি একটি ঘটনা বর্ণনা করিতে শুরু করিলেন। তিনি বলেন, “জনৈক ব্যক্তি ইলমে জাহেদীর চর্চায় লিপ্ত ছিল। আর এই ক্ষেত্রে তাহার বড় দখলও ছিল। তাহার ইচ্ছা হইল আমাদের রাস্তায় পথ চলার। তাই সে আমার সংস্পর্শে আসিয়া বলিতে লাগিল হযরত! আমি যে বিষয়ে লিপ্ত আছি আমি চাহিতেছি যে, আমি তাহা বর্জন করিয়া আপনার সৎস্বাব অবলম্বন করিব। আমি তাহাকে জবাব দিলাম- ইহা কোন বড় কথা নহে। তুমি বরং নিজের অবস্থার উপরই থাক। আল্লাহ পাক আমার দ্বারা যাহা কিছু হওয়ার তোমার ভাগ্যে রাখিয়াছেন তাহা অবশ্যই পৌঁছিবে।”

(গ্রন্থকার বলেন) ঘটনাটি বর্ণনা করিয়া শায়খ আমার দিকে ফিরিয়া বলিলেন, সিদ্ধিকদের অবস্থা এই যে, যতক্ষণ পর্যন্ত আল্লাহ পাক তাহাদিগকে কোন অবস্থা থেকে বাহির করিয়া না আনেন ততক্ষণ পর্যন্ত তাহারা স্ব-ইচ্ছায় বাহির হইয়া আসেন না। অতঃপর আমি শায়খের দরবার হইতে বাহির হইয়া আসিলাম। তখন আল্লাহ পাক আমার অন্তর হইতে ঐ সব খেয়াল বিদূরিত করিয়া দিয়াছেন। আমি আন্তরিক প্রশান্তি অনুভব করিতেছিলাম। বাস্তবিক পক্ষে ঐ ধরনের লোকদের সম্পর্কে রাসূলুল্লাহ ছাড়াইয়া ওয়াসাল্লাম বলিয়াছেন-

“তাহারা এমন ধরনের লোক যে তাহাদের কাছে যাহারা বসে তাহারা বঞ্চিত হয় না।”

রিযক অনুসন্ধানে সুন্দর পস্থা অবলম্বনের তৃতীয় অর্থ ইহাও হইতে পারে যে, আল্লাহর কাছে চাইবে ঠিক কিন্তু যাহা চাইবে তাহা যেন উদ্দেশ্য না হয় রবং উদ্দেশ্য হইবে আল্লাহর সাথে কথা বলার। চাওয়াটা হইবে কথা বলার সুযোগ গ্রহণের বাহানা মাত্র। এই জন্যই শায়খ আবুল হাসান (রহঃ) বলেন, যে জিনিসের জন্য দু’আ করে তাহা হাসিল হওয়া দু’আর মধ্যে উদ্দেশ্য না হওয়া চাই। কারণ এইরূপ উদ্দেশ্য হইতে দু’আকারী স্বীয় প্রভু হইতে অন্তরালে পড়িয়া যায়। বরং দু’আতে আসল উদ্দেশ্য হইল স্বীয় প্রভুর সাথে কথা বলা। বর্ণিত আছে যে, হযরত মুসা (আঃ) বনী ইসরাঈলের ঘরে ঘরে গিয়া জিজ্ঞাসা করিতেন যে, আল্লাহ পাকের কাছে তাহাদের কোন কথা আছে কিনা? তাহার

এই ব্যবস্থা গ্রহণ এই জন্য ছিল যে, আল্লাহর সাথে তাঁহার কথাবার্তা দীর্ঘস্থায়ী হয়।

রিয়ক অনুসন্ধানে সুন্দর পস্থা অবলম্বনের চতুর্থ অর্থ রিয়ক অনুসন্ধানের সময় এমন বদ্ধমূল বিশ্বাস পোষণ করা যে যেন সে প্রত্যক্ষ করিতেছে যে যাহা কিছু তাহার ভাগ্যে আছে তাহা নিজেই তাহাকে তাল্লাশ করিয়া তাহার কাছে আসিবে এবং ইহাও বিশ্বাস করিবে যে, তাহার অনুসন্ধান তাহাকে ইহা পর্যন্ত পৌঁছাইতে পারিবে না।

রিয়ক অনুসন্ধানে সুন্দর পস্থা অবলম্বন কখনও কখনও এইভাবেও হয়। থাকে যে, মানবিক চাহিদা পূরণের জন্য অনুসন্ধান নয় বরং প্রভুর সামনে নিজকে বান্দা হিসাবে প্রকাশ করার জন্য নয়। যেমন, হযরত ছামউন (রহঃ) এশকের অবস্থায় বলিতেছেন,

“তোমার ব্যতীত আমার কোন উপায় নাই।

যেভাবে মনে চায় আমাকে যাচাই করিয়া লও।”

অতঃপর তাহার প্রশ্নাব বন্ধ হইয়া গেল। এই কঠিন রোগে পতিত হইয়া তিনি খুব ধৈর্যধারণ করিলেন। আর দৃঢ়পদ থাকিলেন। এমনকি তাঁহার এক শিষ্য আসিয়া বলিতে লাগিল যে, হে ওস্তাদ! আমি গতরাতে আপনার আওয়াজ শুনিয়াছি যে আপনি সুস্থতা ও আরোগ্যতা প্রার্থনা করিতেছিলেন। অথচ তিনি এই ধরণের কোন প্রার্থনা করেন নাই। কিন্তু একইভাবে তাহার আরও তিনজন শিষ্য আসিয়া একই কথা বলিল। তিনি বৃষ্টিতে পারিলেন আল্লাহ পাক চাহিতেছেন তিনি যেন স্বীয় মুখাপেক্ষীতা ও সুস্থতার প্রয়োজনীয়তা আল্লাহ পাকের কাছে প্রকাশ করেন। পরে সুস্থতার জন্য দোয়া করেন। তাই তিনি মক্তবের বান্দাদের কাছে ঘুরিয়া ঘুরিয়া বলিতে থাকেন যে, তোমরা স্বীয় ছোট চাচার জন্য দোয়া করো।

রিয়ক অনুসন্ধানে সুন্দর পস্থা অবলম্বনের পঞ্চম অর্থ আল্লাহ পাকের কাছে এতটুকু চাও যতটুকু তোমার জন্য যথেষ্ট হয়। সীমাতিক্রম হইয়া যায় এমন পরিমাণ চাহিও না। প্রয়োজনের অতিরিক্ত মালের দিকে যেন লোলুপ দৃষ্টি না হয়। অগ্নাহের সাথে ইহার দিকে মনোনিবেশ না করা চাই। রাসূলুল্লাহ ছাড়া আল্লাহই ওয়াসাল্লাম স্বয়ং আমাদিগকে এই শিক্ষা দিয়াছেন, তিনি একদা দোয়া করিয়াছিলেন,

اللهم اجعل موت ال محمد كفافا *

“হে আল্লাহ! মুহাম্মদ (ছাড়া আল্লাহই ওয়াসাল্লাম)-এর পরিবার-পরিজনকে এত পরিমাণ প্রদান করুন যাহা তাহাদের মৃত্যু পর্যন্ত যথেষ্ট হয়।” (অতিরিক্ত না হয়।)

যথেষ্ট হয় এই পরিমাণ অপেক্ষা অধিক যে চায় সে ভৎসনাযোগ্য। পক্ষান্তরে যথেষ্ট হয় এই পরিমাণ যে চায় তাহার প্রতি কোন ভৎসনা হয় না। হাদীছ শরীফে আসিয়াছে রাসূলুল্লাহ ছাড়া আল্লাহই ওয়াসাল্লাম ইয়াদদ করেন, “যথেষ্ট হয় এই পরিমাণের জন্য কোন ভৎসনা নাই।” এই ক্ষেত্রে ছায়লাবা ইবনে হাতেবের ঘটনা প্রনিধানযোগ্য। ছায়লাবা ইবনে হাতেব রাসূলুল্লাহ ছাড়া আল্লাহই ওয়াসাল্লাম-এর কাছে আসিয়া আবেদন করিল যে, ইয়া রাসূলুল্লাহ (ছাড়া আল্লাহই ওয়াসাল্লাম)! আমার জন্য দোয়া করুন যে, আল্লাহ পাক যেন আমাকে ধন দৌলত দান করেন। রাসূলুল্লাহ ছাড়া আল্লাহই ওয়াসাল্লাম বলিলেন, “হে ছায়লাবা! অল্প সম্পদে যখন তুমি ইহার তকরীয়া আদায় করিবে উহার ঐ অধিক সম্পদ অপেক্ষা উত্তম যাহা পরবর্তীতে তোমার কাছ থেকে সরাইয়া লওয়া হইবে।” কিন্তু ছায়লাবা পুনরায় একই আবেদন করিল। রাসূলুল্লাহ ছাড়া আল্লাহই ওয়াসাল্লাম একই জবাব দিলেন। কিন্তু সে বার বার আবেদন করার পর রাসূলুল্লাহ ছাড়া আল্লাহই ওয়াসাল্লাম ছায়লাবার চাহিদা মোতাবেক দোয়া করিয়া দিলেন। লক্ষ্য কর রাসূলুল্লাহ ছাড়া আল্লাহই ওয়াসাল্লাম ছায়লাবার জন্য যে অবস্থা পছন্দ করিয়াছেন সে উহার বিরোধিতা করিয়া স্বীয় মনচাই অবস্থা অবলম্বন করিল। কিন্তু ইহার শেষফল ভাল হইল না। তাহার ধন সম্পদ বৃদ্ধি পাইতে লাগিল। এমনকি ধন সম্পদ বাড়িয়া যাওয়ার কারণে কখনও কখনও রাসূলুল্লাহ ছাড়া আল্লাহই ওয়াসাল্লাম-এর সাথে জামাতে নামায পড়া থেকেও পিছনে পড়িয়া যাইত। অতঃপর সম্পদ আরও বৃদ্ধি পাইতে লাগিল। এমন কি সে “জুম্মা” ব্যতীত অন্য কোন নামাযে রাসূলুল্লাহ ছাড়া আল্লাহই ওয়াসাল্লাম-এর সাথে শরীক হইতে পারিতেছিল না। অতঃপর রাসূলুল্লাহ ছাড়া আল্লাহই ওয়াসাল্লাম-এর পক্ষ হইতে যাকাত উসূলকারী তাহার কাছে আসিল। যাকাত উসূলকারী যাকাতের মাল চাহিলে সে জবাব দিল আমার ধারণা মতে যাকাত জিমিয়া কর বা জিমিয়া করের অনুরূপ। এই কথা বলিয়া সে যাকাত দেয় নাই। তাহার ঘটনা বহুল আলোচিত। আল্লাহ পাক তাহার সম্পর্কে আয়াত নাহিল করিয়াছেন। আয়াতের সারকথা এই যে, “এই সকল মুশাফিকদের কতক লোক এমনও রহিয়াছে যে তাহারা আল্লাহ পাকের কাছে প্রতিশ্রুতিবদ্ধ হইয়াছে যদি আল্লাহ পাক আমাদিগকে স্বীয় অনুগ্রহের কিছু অংশ দান করেন তাহা হইলে

আমরা খুব দান স্বরূপে করিব এবং ভাল লোকদের অন্তর্ভুক্ত হইয়া পড়িব। অতঃপর যখন আল্লাহ পাক তাহাদিগকে স্বীয় অনুগ্রহ থেকে দান করিলেন তখন তাহারা কৃপণতা করা শুরু করিয়াছিল। বিমুখ হইয়া পড়িল। তাই আল্লাহ পাক তাহাদের বিনিময় এইভাবে দান করিলেন যে, তাহাদের অন্তরের মধ্যে নেফাক সৃষ্টি করিয়া দিলেন। ইহা আমার সাথে তাহাদের সাক্ষাতের দিন পর্যন্ত থাকিবে। আর ইহা তাহাদের এই কারণে যে তাহারা মিথ্যা বলিত।”

রিয়ক অনুসন্ধানে সুন্দর পন্থা অবলম্বনের ষষ্ঠ অর্থ : কখনও কখনও দুনিয়া চাহিদা করার দ্বারাও ইহা হইয়া থাকে। অবশ্য শুধু দুনিয়ার চাহিদা নয় বরং দুনিয়া চাওয়ার সাথে সাথে যখন আখেরাতকেও সাথে মিলাইয়া লও। শুধু দুনিয়া চাওয়ার ব্যাপারে আল্লাহ পাক বলেন-

فَمَنْ النَّاسِ مَنْ يَقُولُ رَبَّنَا إِنَّا فِي الدُّنْيَا وَمَا لَنَا فِي الْآخِرَةِ مِنْ خَلْقٍ

“কতক লোক তো এমন দো’আও করে যে, হে পরোয়ারদিগার! আমাদিগকে দুনিয়াতে কল্যাণ দান করুন। এমন ব্যক্তির জন্য আখেরাতে কোন অংশ নাই।”

কতক লোক দুনিয়ার সাথে আখেরাতকে মিলাইয়া দো’আ করে যে, হে পরোয়ারদিগার! আমাদিগকে দুনিয়াতেও কল্যান দান করুন এবং আখেরাতে এবং আমাদিগকে জাহান্নামের আযাব থেকে রক্ষা করুন।”

সপ্তম অর্থ- রিয়ক এইভাবে তলব করা যে রিয়ক লাভ সম্পর্কে কোন সন্দেহ না থাকা। সাথে সাথে যাহা তলব করিবে তাহা হালাল বা হারাম উহার প্রতিও খেয়াল রাখা।

অষ্টম অর্থ : তলব করিতে থাকা আর তাড়াতাড়ি কবুল হওয়ার চাহিদা না করা। তাড়াতাড়ি কবুল হওয়ার চাহিদা করা রিয়ক অনুসন্ধানের ক্ষেত্রে সুন্দর পন্থা অবলম্বনের পরিপন্থী। তাড়াতাড়ি কবুল হওয়ার চাহিদা করিতে রাসুল্লাহ ছাড়া আল্লাহই ওয়াসাল্লাম নিষেধ করিয়াছেন। তিনি (ছাড়া আল্লাহই ওয়াসাল্লাম) ইরশাদ করেন, তোমাদের মধ্যে কোন একজন যতক্ষণ পর্যন্ত এইরূপ না বলে যে, আমি দো’আ করিয়াছি কিন্তু কবুল হয় নাই ততক্ষণ পর্যন্ত দোয়া কবুল হইতে থাকে।

হযরত মুসা (আঃ) এবং হযরত হারুন (আঃ) ফিরাউনের জন্য বদদু’আ করিয়াছিলেন। কুরআনে পাকে তাহাদের বদদু’আর কথা উল্লেখিত হইয়াছে। যেমন-

رَبَّنَا اطْمِسْ عَلَى أَمْوَالِهِم إِلَهُهِمْ *

“হে আমাদের প্রভু! তাহাদের সম্পদ ধ্বংস করিয়া দিন এবং তাহাদের অন্তরসমূহ কঠিন করিয়া দিন। যতক্ষণ পর্যন্ত তাহারা মর্মভূত আযাব না দেখিবে ততক্ষণ পর্যন্ত তাহারা ঈমান গ্রহণ করিবে না।”

আল্লাহ পাক তাহাদের এই দু’আ কবুল করিয়াছেন। কুরআনে উল্লেখিত হইয়াছে-

قَالَ قَدْ اجْتَبَيْتَ دَعْوَتَكُمْ كَأَسْفَيْنَا وَلَا تَبْعِنَنَّ سَبِيلَ الَّذِينَ لَا يَعْلَمُونَ *

“আল্লাহ পাক বলেন, তোমাদের উভয়ের দু’আ কবুল করা হইয়াছে। তোমরা (নিজ দায়িত্বে) স্থির থাক। ঐ সকল লোকের পথে চলিও না যাহাদের জ্ঞান নাই।”

“তোমাদের উভয়ের দু’আ কবুল করা হইয়াছে” আল্লাহ পাকের এই কথার এবং ফিরাউনের ধ্বংসের মধ্যে চল্লিশ বৎসরের পার্থক্য ছিল।

শায়খ আবুল হাসান (রহঃ) شافعي শব্দের তাফসীর করিতে গিয়া বলেন যে, ইহার অর্থ তোমরা স্থির থাক অর্থাৎ তোমাদের কাঙ্ক্ষিত বস্তু তাড়াতাড়ি পাওয়ার চাহিদা করো না।

নবম অর্থ : এর তাফসীরে বলেন যে, এখানে ঐ সকল লোকদের কথা বলা হইয়াছে যাহারা দু’আ তাড়াতাড়ি কবুল হওয়ার চাহিদা করে।

নবম অর্থ : কখনও কখনও রিয়ক অনুসন্ধানে সুন্দর পন্থা অবলম্বন এইভাবে হইয়া থাকে যে, রিয়ক অনুসন্ধান করার পর যদি রিয়ক অর্জিত হয় তাহা হইলে শুকরিয়া আদায় করে। আর যদি রিয়ক না মিলে তাহা হইলেও সে একীক করে যে, ইহাও আল্লাহ পাকের মঙ্গলময় ইচ্ছা এবং তাঁহার উত্তম পদ্বন্দ্ব। অনেক রিয়ক তলবকারী এমনও রহিয়াছে যে রিয়ক লাভ হইলে শুকরিয়া আদায় করে না।

পক্ষান্তরে রিয়ক না পাওয়া আল্লাহ পাকের বিশেষ হেকমতের উপর নির্ভরশীল বলিয়াও মনে করে না। অথচ এই কাণ্ডজ্ঞানহীন পক্ষ জানে না যে তাহার এই অবস্থা তাহাকে কত নাচে নামাইয়া দিয়াছে। কেননা সে তো আল্লাহর ইলমের মোকাবিলায় নিজের পক্ষ হইতে এক হুকুম লাগাইয়া দিয়াছে। অর্থাৎ এই অবস্থায় তাহাকে রিয়ক না দেওয়া আল্লাহ পাকের বিশেষ হেকমতের উপর নির্ভরশীল অথচ সে তাহা মানিয়া লইতে পারিতেছে না।

সারকথা- বান্দার অবস্থা ইহা সাব্যস্ত হইল যে, সে স্বীয় প্রভুর সিদ্ধান্তের মোকাবিলায় নিজের পক্ষ হইতে সিদ্ধান্ত করিয়া লয়। সুতরাং বান্দার কর্তব্য হইল যখন সে আল্লাহর কাছে কোন কিছু চাহিবে তখন সে এই ধারণাসহ চাহিবে যে তাহার কাঙ্ক্ষিত বস্তু তাড়াতাড়ি অর্জিত হইবে না বরং বিলম্বে অর্জিত হইবে। উহার অর্জন আল্লাহ পাকের দায়িত্বে সোপর্দ করিয়া দিবে। তাহার ইচ্ছার মোকাবিলায় কোন তদবীর করিবে না এবং নিজের পক্ষ হইতে কোন প্রকার নির্ধারণ সাব্যস্ত করিবে না। আল্লাহ পাক নিজেই বলেন-

وَرَبِّكَ يَخْلُقُ مَا يَشَاءُ *

“এবং আপনার প্রতিপালক যাহা ইচ্ছা করেন সৃষ্টি করেন।”

উল্লিখিত নীতি এমন সব বিষয়ের ক্ষেত্রে অবলম্বনযোগ্য যে সব বিষয়ের মঙ্গল ও অমঙ্গল সম্পর্কে আমরা অবগত নহি।

ইহার বিস্তারিত বিবরণ এই যে, মানুষ যে সব জিনিসের জন্য দু'আ করে তাহা তিন প্রকারের হইয়া থাকে। এক যাহা নিঃসন্দেহে কল্যাণকর। ইহারে প্রত্যেকটি আল্লাহ পাকের কাছে চাওয়া উচিত। কোনটাই বাদ না দেওয়া চাই। যেমন ঈমান ও সর্বপ্রকারের ইবাদত। দ্বিতীয় প্রকার নিঃসন্দেহে এই প্রকারের প্রত্যেকটি জিনিস ক্ষতিকর। ইহাদের প্রতিটি জিনিস হইতে বাঁচিয়া থাকা উচিত। যেমন কুফুরী ও সর্বপ্রকারের গোনাহ। তৃতীয় প্রকারঃ ইহাদের অবস্থা সম্পর্কে জানা নাই। যেমন বিতশালী হওয়া, সম্মানিত হওয়া, উচ্চ মর্যাদাসম্পন্ন হওয়া। এইসব জিনিসের ক্ষেত্রে আল্লাহ পাকের কাছে এইভাবে দু'আ করা চাই যে, হে আল্লাহ! যদি ইহা আমার জন্য কল্যাণকর হয় তাহা হইলে আমাকে দান করুন। অন্যথায় আমার প্রয়োজন নাই।

রিয়ক চাওয়ার ক্ষেত্রে সুন্দর পন্থা অবলম্বনের দশম অর্থঃ চাওয়ার সময় তাকদীরের বন্টনের প্রতি নির্ভরতা রাখা নিজের দো'আর সাথে রিয়ক পাওয়ার সম্পর্ক না করা যে, আমি দু'আর বদৌলতে ইহা পাইয়াছি। কখনও কখনও ইহা এইভাবেও হইয়া থাকে যে, রিয়ক অনুসন্ধান করিতেছে কিন্তু ইহাও বিশ্বাস করিতেছি যে, আমি তো ইহার উপযুক্ত নহি। প্রকৃতপক্ষে এই ধরণের লোকই আল্লাহর অনুগ্রহ পাওয়ার যোগ্য।

হযরত শায়খ আবুল হাসান (রহঃ) বলেন, আমি যখন আল্লাহ পাকের কাছে কোন জিনিস প্রার্থনা করি তখন নিজের দোষত্রুটিগুলি সামনে উপস্থাপিত করি। এই কথার দ্বারা হযরত শায়খ (রহঃ)-এর উদ্দেশ্য হইল আল্লাহ পাকের কাছে

কোনকিছু চাওয়ার সময় এমন অবস্থার সৃষ্টি না করা যাহা দ্বারা বুঝা যায় যে, প্রার্থনাকারী উহা পাওয়ার হকদার। বরং শুধু আল্লাহ পাকের অনুগ্রহের মাধ্যমে পাওয়ার আশা করিয়া প্রার্থনা করা চাই।

রিয়ক তলবের ক্ষেত্রে সুন্দর পন্থা অবলম্বনের দশটি অর্থ উল্লেখ করা হইল। তবে ইহা দশ অর্থের মধ্যেই সীমাবদ্ধ নয়। অর্থাৎ মাত্র দশটি অর্থই হইতে পারে এমন নয়। বরং ইহার অর্থ আরও অধিক হওয়ার সম্ভাবনা রহিয়াছে। তবে আল্লাহ পাক অদৃশ্য থেকে আমাদেরিকে যতগুলি অর্থ বুঝার তাওফীক দিয়াছেন। আমরা ততগুলিই এখানে বর্ণনা করিয়াছি।

ইহা সাইয়েদুল মুরসালিন মুহাম্মদ ছাল্লাল্লাহু আলাইহি ওয়াসাল্লাম-এর পবিত্র বাণী। সুতরাং ইহা দ্বারা উপকৃত হওয়ার ইচ্ছুক ব্যক্তি তাহার আন্তরিক নূর মোতাবেক উপকৃত হইতে পারে। রাসূলুল্লাহ ছাল্লাল্লাহু আলাইহি ওয়াসাল্লাম-এর মনিমুক্তার সাগরে যে যত ডুব দিবে সে তত বেশী কুড়াইতে সক্ষম হইবে। মোটকথা, প্রত্যেক ব্যক্তি স্বীয় অবস্থান মোতাবেক হাদীছের অর্থগুলি হৃদয়ঙ্গম করিতে পারিবে। বিষয়টি একটি উদাহরণের মাধ্যমে উপলব্ধি করা যায়। যেমন, বিভিন্ন প্রকারের বৃক্ষ। এই গুলি পানির মাধ্যমে সজীবতা লাভ করে। কিন্তু ফল প্রদানের সময় ইহাদের মধ্যে পার্থক্য হইয়া যায়। এক বৃক্ষের ফল অপেক্ষা অপর বৃক্ষের ফল অধিক চিষ্টাকর্ষক হয়। আর ইহা হইয়া থাকে পানি দ্বারা বৃক্ষের উপকৃত হওয়ার যোগ্যতার তারতম্য অনুসারে। হাদীছের অর্থ বুঝার ব্যাপারটিও অনুরূপ। মানুষ যাহা অর্জন করিয়াছে উহার পরিমাণ অনার্জিত জিনিস অপেক্ষা অনেক কম। অর্থাৎ অনার্জিত ও অবশিষ্টের পরিমাণ বেশী। রাসূলুল্লাহ ছাল্লাল্লাহু আলাইহি ওয়াসাল্লাম-এর ইরশাদ শুন-রাসূলুল্লাহ ছাল্লাল্লাহু আলাইহি ওয়াসাল্লাম ইরশাদ করিয়াছেন, “আমাকে সারগর্ভমূলক কথা প্রদান করা হইয়াছে এবং আমি অতি স্বল্প শব্দে পূর্ণ মনোভাব প্রকাশ করিয়া থাকি।”

যদি আলেমগণ রাসূলুল্লাহ ছাল্লাল্লাহু আলাইহি ওয়াসাল্লাম-এর বাণীর একটি মাত্র শব্দের ভেদ ও রহস্য জীবন ভরিয়া বর্ণনা করিতে থাকেন তাহা হইলেও তাহাদের জ্ঞান এই একটি শব্দের বর্ণনাই শেষ করিতে পারিবে না। তাহাদের বিবেক ইহার পরিমাপ করিতে পারিবে না।

কোন এক ব্যুর্গ বলিয়াছেন আমি সন্তর বৎসর পর্যন্ত এক হাদীছের উপর আমল করিয়াছি। কিন্তু এখন পর্যন্ত ইহার আমল শেষ করিতে পারি নাই। হাদীছটি এই-

من حسن اسلام المرء تركه ما لا يعنيه *

“মানুষের ইসলামের সৌন্দর্য হইল অনর্থক কাজ কর্ম ও কথাবার্তা পরিত্যাগ করা।”

উল্লেখিত বুয়ুর্গ যথার্থই বলিয়াছেন।

যদি সে কিয়ামত পর্যন্ত জীবিত থাকে এমনকি অনন্তকালও জীবিত থাকে তাহা হইলেও এই হাদীছের হক আদায় করিতে পারিবে না এবং এই হাদীছে জগতের যে সব বিশ্বয়কর বিষয় এবং রহস্য ও ভেদ রহিয়াছে তাহা অনুধাবন করিয়া শেষ করিতে পারিবে না।

প্রকৃত উদ্দেশ্যের দিকে প্রত্যাবর্তন

রাসূলুল্লাহ ছালাল্লাহু আলাইহি ওয়াসাল্লাম-এর বাণীর প্রতি লক্ষ্য কর। তিনি (ছালাল্লাহু আলাইহি ওয়াসাল্লাম) ইরশাদ করিয়াছেন। যদি তোমরা আল্লাহ পাকের প্রতি যথার্থ নির্ভর করিতে তাহা হইলে তিনি তোমাদিগকে এমনভাবে রিয়ক প্রদান করিতেন যেমন তিনি পক্ষীকুলকে রিয়ক প্রদান করিয়া থাকেন। পক্ষীকুল প্রত্যয়ে ক্ষুধার্ত অবস্থায় বাহির হইয়া পড়ে আবার উদরপূর্ণ অবস্থায় ফিরিয়া আসে।”

হাদীছটির প্রতি খুব ভালভাবে লক্ষ্য করিয়া দেখ যে, হাদীছ তাওয়াক্কুল করার নির্দেশের প্রতি ইঙ্গিত বহন করে। কিন্তু জীবন ধারণের জন্য কোন মাধ্যম বা উপায় অবলম্বনের কথা অস্বীকার করিতেছে না। বরং মাধ্যম বা উপায় অবলম্বনের প্রতি ইঙ্গিত বহন করিতেছে। কেননা, রাসূলুল্লাহ ছালাল্লাহু আলাইহি ওয়াসাল্লাম বলিয়াছেন পক্ষীকুল সকালে বাহির হইয়া পড়ে আবার সন্ধ্যার সময় ফিরিয়া আসে। সুতরাং সকালের বাহির হইয়া পড়া আবার সন্ধ্যার সময় ফিরিয়া আসাইতো ইহাদের জন্য সবব বা উপায়। তবে সঞ্চয় করিয়া রাখার কথা অস্বীকার করা হইয়াছে। যেমন ইরশাদ হইয়াছে যে, যদি তোমাদের যথার্থ তাওয়াক্কুল থাকিত তাহা হইলে তোমরা সঞ্চয় করিতে না।

সুতরাং তোমাদের তাওয়াক্কুল তোমাদিগকে সঞ্চয় করার মুখাপেক্ষী করিবে না। অতএব এই পন্থায় তোমাদের রিয়ক লাভ পক্ষীর ন্যায় রিয়ক লাভের উদাহরণ। যেমন পক্ষীকুলের একদিনের রিয়ক লাভ হইলেই ইহাদের জন্য যথেষ্ট হইয়া যায়। আগামীদিনের জন্য আর সঞ্চয় করে না। যেহেতু ইহাদের বহুমূল বিশ্বাস রহিয়াছে যে, আল্লাহ পাক ইহাদিগকে ধ্বংস করিবেন না। তাই ইহারা এইরূপ করিয়া থাকে।

হে ঈমানদারগণ! এই ক্ষেত্রে তোমরা ইহাদের অপেক্ষা অধিক হকদার। তাই রাসূলুল্লাহ ছালাল্লাহু আলাইহি ওয়াসাল্লাম পরিস্কারভাবে বলিয়া দিলেন যে, সঞ্চয় করা দুর্বল একীনের পরিচায়ক। যদি কেহ প্রশ্ন করে যে, সর্বপ্রকার সঞ্চয় সম্পর্কেই এই হুকুম না সঞ্চয়ের প্রকার ভেদে হুকুম বিভিন্ন হয়। তাহা হইল ইহার উত্তরে আমরা বলিব যে, সঞ্চয় তিন প্রকার। এক- যালেমদের সঞ্চয় করা, দুই- মধ্যপন্থা অবলম্বীদের সঞ্চয় রাখা। তিন- পূর্ববর্তী লোকদের সঞ্চয় রাখা। সঞ্চয়ের ক্ষেত্রে যালেম এমন সমস্ত লোকদিগকে বলা হয় যাহারা কুপণভাবশতঃ সঞ্চয় করে। ধন সম্পদ বৃদ্ধি করে অহংকার ও বড়ত্ব প্রকাশের জন্য। সুতরাং এই সমস্ত লোকদের অন্তর অত্যন্ত গাফেল (অসতর্ক)। তাহাদের মধ্যে লোভ-লালসা প্রধান্য বিস্তার করিয়া আছে। তাহাদের অন্তরের এই লালসা পার্শ্ববতার জালে আবদ্ধ। তাহাদের শক্তি সামর্থ্য পার্শ্ববতা ব্যতীত অন্য কোন দিকে ব্যবহৃত হয় না। যদিও বাহ্যিক দৃষ্টিতে তাহাদিগকে সম্পদশালী বলিয়া মনে হয় কিন্তু বাস্তবিকপক্ষে তাহারা অভাবী। যদিও তাহারা দেখিতে সম্মানিত কিন্তু প্রকৃতপক্ষে তাহারা লাঞ্চিত। তাহাদের দুনিয়া যতই অর্জিত হউক না কেন তাহারা ভুই হইতে পারে না। দুনিয়া লাভের চাহিদার ক্ষেত্রে তাহারা অলসতা করে না। দুনিয়ার চিজ আসবাব তাহাদের লইয়া খেলা করে। তাহাদের প্রতিপালক বিভিন্ন। তাহারা চতুর্দশ জন্তুর তুল্য। এমনকি ইহাদের অপেক্ষাও অধিক পথভ্রষ্ট। তাহারা গাফেল।

ইলম স্বরণ রাখার এবং নহিহত কবুল করার জন্য তাহাদের অন্তরে কোন স্থান নাই। তাহাদের খুব স্বল্প আমলই কবুল হইয়া থাকে। অনুরূপভাবে তাহাদের অবস্থাও খুব কম পরিস্কার থাকে। কেননা দারিদ্রতার ভয় তাহাদের অন্তরে লাগিয়াই আছে। রাসূলুল্লাহ ছালাল্লাহু আলাইহি ওয়াসাল্লাম ইরশাদ করেন,

“দারিদ্রতার ভীতি যাহাদের অন্তরে স্থান করিয়া লইয়াছে তাহাদের আমল খুব কমই কবুল হইয়া থাকে।”

সুতরাং একজন ঈমানদার ঐ ব্যক্তি অপেক্ষা অধিক নিরাপদে রহিয়াছে যে দারিদ্রতার ভীতির জালে আটকা পড়িয়াছে।

সে যে বিপদে পতিত হইয়াছে ঈমানদার উহা হইতে মুক্ত রহিয়াছে এবং সে যে ক্রমে নিমজ্জিত রহিয়াছে উহা হইতে দূরে রহিয়াছে। আল্লাহ পাকের শোকরিয়া আদায় করা ঈমানদারদের অপরিসীম কর্তব্য। তিনি তাহার প্রতি বিশেষ অনুগ্রহ করিয়াছেন এবং তাহাকে স্বীয় দান দ্বারা অলংকৃত করিয়াছেন।

সুতরাং তুমি যখন এই ধরণের যালেম লোকদিগকে দেখিবে তখন এই দু'আ পড়িবে-

الحمد لله الذي عافاني مما ابتلاك به وفضلني على كثير ممن خلقه تفضيلاً *

“সমস্ত প্রশংসা আল্লাহ পাকের জন্য। তিনি তোমাকে যে (নাযুক্ত) অবস্থায় লিপ্ত করিয়াছেন ঐ অবস্থা থেকে আমাকে মুক্ত রাখিয়াছেন এবং আমাকে অনেক সৃষ্টির উর্ধ্বে বিশেষ অনুগ্রহ করিয়াছেন।”

যেমন যখন তুমি কোন বিপদগ্রস্ত লোককে দেখিতে পাইয়া আল্লাহ পাকের প্রশংসা কর। কারণ তিনি তোমাকে বিপদমুক্ত রাখিয়াছেন। আর এই সময় তুমি দীর্ঘ প্রভুর বিশেষ অনুগ্রহ প্রত্যক্ষ করিতে থাক। অনুরূপভাবে যখন তুমি দেখিতেছ যে, আল্লাহ পাক কোন ব্যক্তিকে দুনিয়াবী ভিজ আসবাবের জালে আটকাইয়া দিয়াছেন আর তোমাকে ইহা হইতে মুক্ত রাখিয়াছেন তখন তোমার জন্য অপরিহার্য হইল আল্লাহ পাকের শুকরিয়া আদায় করা। কিন্তু তুমি ঐ ব্যক্তিকে অবজ্ঞা করিও না। বরং তুমি তাহার প্রতি অনুগ্রহ করিও। বদদু'আর পরিবর্তে তাহার জন্য মঙ্গলের দু'আ করিও।

আরিফ বিল্লাহ হযরত মারুফ কারখী (রহঃ)-এর অনুকরণ কর। মারুফ অর্থ নেক কাজ। প্রকৃতপক্ষে তাহার কাজকর্ম এমন ছিল যে, এই নামের উপযুক্ত পাত্র তিনি। তাহার একটি ঘটনাঃ একদা মারুফ কারখী (রহঃ) শীঘ্র সঙ্গী সাথীসহ দজলা নদী পার হইতেছিলেন। তাঁহার সঙ্গীসাথীরা দেখিতে পাইল যে, সেখানে কয়েকজন খারাপ চরিত্রের লোক একত্রিত হইয়াছে। তাহারা নারীপুরুষে মিলিতভাবে বিভিন্ন প্রকার গোনাহের কার্যে লিপ্ত রহিয়াছে। সঙ্গীসাথীরা আরম্ভ করিল, হে ওস্তাদ! তাহাদের জন্য বদদোয়া করুন। তিনি দুই হাত উঠাইয়া আরম্ভ করিলেন, “হে আল্লাহ! আপনি তাহাদিগকে দুনিয়াতে আনন্দে লিপ্ত রাখিয়াছেন। অনুরূপভাবে তাহাদিগকে আখেরাতেও আনন্দে লিপ্ত রাখুন।”

সঙ্গীসাথীরা আরম্ভ করিল, হে ওস্তাদ! আমরা বদদু'আ করার আবেদন করিয়াছিলাম। তিনি জবাব দিলেন, যদি আল্লাহ পাক আখেরাতে তাহাদিগকে আনন্দে রাখিতে মঞ্জুর করেন তাহা হইলে তাহাদিগকে তাওবা করার তাওফীক দিবে। যদি আল্লাহ পাক তাহাদিগকে তাওবা করার তাওফীক দেন তাহা হইলে তোমাদের কি ক্ষতি হইবে? দেখা গেল তখনই এ জলসার লোকগুলি নদী হইতে পাড়ে উঠিয়া আসিল। পুরুষ নারী হইতে পৃথক হইয়া পড়িল। নারীরা

একদিক দিয়া নদীতে নামিয়া গোসল করিল আর পুরুষরা অন্যদিক দিয়া গোসল করিল। অতঃপর তাহারা তাওবা করিয়া আল্লাহর ইবাদতের প্রতি মনোনিবেশ করিল। হযরত মারুফ কারখী দু'আ তাহাদের অনেকেই বড় বড় গুলী ও ইবাদতকারীতে পরিণত হইল।

সুতরাং যদি গোনাহগারের প্রতি তোমার দৃষ্টি নিবদ্ধ হয় তাহা হইলে মনে করিবে যে আল্লাহর ইলম ও ইচ্ছায় তাহাদের জন্য এইরূপই লিখা হইয়াছিল। যদি মনের মধ্যে এইভাব সৃষ্টি না কর তাহা হইলে সন্ধান রাখিয়াছে যে হয়তবা তুমিও এই ধরণের কার্যে লিপ্ত হইয়া পড়িবে এবং তোমাকেও তাহাদের ন্যায় দূরে ফেলিয়া দেওয়া হইবে। শায়খ আবুল হাসান (রহঃ)-এর ইরশাদ শুন। তিনি বলেন,

ঈমানদারকে সম্মান কর যদিও সে গোনাহগার ও ফাসেক হয়। তাহাদিগকে সদোদেশ প্রদান করা। খারাপ কার্য করা হইতে তাহাকে বারণ কর। যদি তাহাদের সঙ্গে মিশামিশা করা ছাড়িয়া দাও তাহা হইলেও তাহাদের প্রতি স্নেহ-পরবশ হইয়া ছাড়িও। নিজের বড়ত্ব প্রকাশের জন্য যেন না হয়। তাহাদের প্রতি স্নেহ-পরবশ হওয়ার অর্থ তাহাদের সাথে মেলামেশা পরিত্যাগ করার দ্বারা যেন তাহারা সতর্ক হইয়া যায় এবং তাহারা পথভ্রষ্টতা থেকে মুক্ত হইয়া সঠিক পথে আসিয়া পড়ে।

হযরত শায়খ ইহাও বলিয়াছেন, “ঈমান এত বড় সম্পদ যে, যদি গোনাহগার ঈমানদারের নূর প্রকাশ হইয়া পড়ে তাহা হইলে এই নূর যমীন ও আসমানের মধ্যবর্তী সমুদয় ফাঁকা জায়গা ভরপুর করিয়া ফেলিবে। সুতরাং একজন নেককার খোদাভক্ত ঈমানদারের নূরের অবস্থা কি হইবে?

ঈমানদার যদিও গাফেল হয় তবুও তাহার প্রতি সম্মান প্রদর্শন করার জন্য আল্লাহ পাকের ইরশাদ রহিয়াছে। আল্লাহ পাক বলেন,

﴿مَّا أَوْزَكُنَا الْكِتَابَ الَّذِينَ اصْطَفَيْنَا..... بِإِذْنِ اللَّهِ﴾ *

“অতঃপর আমি আমার বান্দাসমূহ থেকে ঐ সকল লোকদিগকে কিতাবের উত্তরাধিকারী করিয়াছি তাহাদিগকে আমি পছন্দ করিয়াছি। তন্মধ্যে কতক লোক জুলুম করবেনোয়ালা। কতক মধ্যপন্থা অবলম্বনকারী। আর কতক আল্লাহ পাকের হুকুমে নেককাজের আগে আগে থাকে।”

এখানে একটি বিষয় লক্ষ্যনীয় যে, তাহারা জালেম হওয়া সত্ত্বেও আল্লাহ পাক তাহাদিগকে কিতাবের উত্তরাধিকারীদের জন্য মনোনীত করিয়াছেন।

জন্ম করার কারণে তাহাদিগকে স্বীয় পছন্দ ও মনোয়ন অথবা গ্রন্থের উত্তরাধিকারী নির্ধারণ করা থেকে বাদ দেন নাই। তাহারা জালেম হওয়া সত্ত্বেও তাহাদের ঈমানের কারণে তাহাদিগকে পছন্দ করিয়াছেন। আল্লাহ পাক মহান, পবিত্র, প্রস্তুত, অনুগ্রহকারী ও এহসানকারী। সুতরাং আল্লাহর রাজত্বে এমনসব বান্দা থাকা একান্ত আবশ্যিক যাহারা জ্ঞানের যোগ্য হইবে এবং আল্লাহ পাকের রহমত ও ক্ষমা আর রাসূলুল্লাহ ছালাল্লাহু আলাইহি ওয়াসাল্লাম-এর শাফায়াত পাওয়ার প্রকাশ স্থল হইতে পারে। রাসূলুল্লাহ ছালাল্লাহু আলাইহি ওয়াসাল্লাম-এর নিম্নোক্ত হাদীসটি ভালভাবে বুঝিয়া লও।

তিনি ইরশাদ করিয়াছেন, “এ সত্ত্বার শপথ যাহার কুদরতী হস্তে আমার জীবন। যদি তোমরা গোনাহ না করিতে তাহা হইলে আল্লাহ পাক তোমাদিগকে ধ্বংস করিয়া এমন এক সম্প্রদায় সৃষ্টি করিতেন যাহারা গোনাহ করিত। অতঃপর তাহারা তাঁহার কাছে ক্ষমা প্রার্থনা করিত আর তিনি তাহাদিগকে ক্ষমা করিয়া দিতেন।”

অন্য এক হাদীছে রাসূলুল্লাহ ছালাল্লাহু আলাইহি ওয়াসাল্লাম বলেন, “আমার উম্মতের কবীরা গোনাহ করেনওয়ালা ব্যক্তিদের জন্য আমার শাফায়াত।”

অত্র হাদীছে আল্লাহ পাকের প্রশস্ততা, রহমত এবং গোনাহের কার্যের হেকমত বর্ণনা করা হইয়াছে। অত্র হাদীছসমূহ হইতে এই কথা বুঝা ঠিক হইবে না যে, গোনাহ করার ফলে আল্লাহ ও তদীয় রাসূল খুশী হন। কখনও তাহা হইতে পারে না।

এক ব্যক্তি শায়খ আবুল হাসান (রহঃ)-এর কাছে আসিয়া বলিতে লাগিল যে, হযরত গতরায়ে আমাদের প্রতিবেশীদের মধ্যে এমন এমন খারাপ কথাবার্তা হইয়াছে। শায়খ আবুল হাসান (রহঃ) তাহার আলোচনা দ্বারা বুঝিতে পারিলেন যে, এমন ধরনের কথা বলাকে ঐ ব্যক্তি অপোত্তমীয় বলিয়া মনে করিতেছে। তাই তিনি বলিলেন, হে মিঞা! মনে হয় তুমি চাহিতেছ যে, আল্লাহ পাকের রাজত্বে কোন প্রকার অপরাধই না হউক। যে ব্যক্তি ইহা চায় প্রকারান্তে তাহার চাহিদা হইল আল্লাহ পাকের ক্ষমা করার গুণের প্রকাশ না হওয়া। আর রাসূলুল্লাহ ছালাল্লাহু আলাইহি ওয়াসাল্লাম-এর শাফায়াত সাবেত না হওয়া। (এই পর্যন্ত শায়খের বক্তব্য)

অনেক গোনাহগার এমন রহিয়াছে যাহাদের গোনাহ ও অপরাধের আধিক্যতা আল্লাহ পাকের রহমত নাথিল হওয়ার উসিলা হয়। সুতরাং তাহাদের প্রতি অনুগ্রহ করা এবং তাহাদের ঈমানকে সম্মানিত মনে করা উচিত।

দ্বিতীয় প্রকার : সম্পদ জমা করার ক্ষেত্রে মধ্যপন্থা অবলম্বনকারী। তাহারা এমন প্রকারের লোক যাহারা সম্পদ বৃদ্ধি, অহংকার প্রদর্শন এবং বড়ত্ব প্রকাশ করার জন্য সম্পদ জমা করে না। বরং অভাব অনটনের অবস্থায় তাহাদের যে মানসিক অবস্থার সৃষ্টি হয় উহা অনুভব করিয়া বুঝিতে পারিয়াছে যে যদি সম্পদ জমা না করে তাহা হইলে তাহাদের ঈমান টলমল করিতে থাকে, একীন নড়বড় হইতে থাকে। যেহেতু তাহারা তাওয়াক্কুলকারীদের পর্যায়ে উঠিতে সাহস করে না এবং তাহারা বুঝিতে পারিয়াছে যে, একীনের পর্যায়ে উন্নীত হইতে অক্ষম তাই তাহারা সম্পদ জমা করিয়া লইয়াছে।

রাসূলুল্লাহ ছালাল্লাহু আলাইহি ওয়াসাল্লাম ইরশাদ করেন,

প্রত্যেক মুমিনের মধ্যেই কল্যাণ রহিয়াছে। তবে সুদৃঢ় ঈমানদার দুর্বল ঈমানদার অপেক্ষা উত্তম।”

সুদৃঢ় ঈমানদার ব্যক্তি হইল যাহার একীনের নুর উজ্জ্বল। সে বদ্ধমূল বিশ্বাস স্থাপন করিয়াছে যে, রিয়ক জমা করি বা না করি আল্লাহ পাক আমার রিয়ক আমার কাছে পৌঁছাইয়া দিবেন। যদি আমি জমা না করি তাহা হইলে আল্লাহ পাক আমার জন্য জমা করিবেন। আর যে সম্পদ জমা করে তাহাকে তাহার জমাকৃত সম্পদের প্রতি নির্ভরশীল করিয়া দেন। তাওয়াক্কুলকারী আল্লাহ পাকের দায়িত্বে থাকে। তাহাকে অন্য কাহারও দায়িত্বে দেওয়া হয় না।

সুতরাং সুদৃঢ় ঈমানদার পার্থিব সম্পদের অধিকারী হউক না হউক কোন অবস্থায় ইহার প্রতি নির্ভরশীল হয় না। দুর্বল ঈমানদার যদি পার্থিব সম্পদের অধিকারী হয় তাহা হইলে উহাকে সামান্য আশ্রয় মনে করে। আর যদি ইহা হইতে দূরে থাকে তাহা হইলে ইহার প্রতি দৃষ্টি নিবদ্ধ করিয়া থাকে।

তৃতীয় প্রকার : সম্পদ জমা করা আর না করার দিক থেকে যাহারা প্রথম শ্রেণীর লোক। মর্যাদার দিক থেকে তাহারা অগ্রগামী। তাহারা আল্লাহর দিকে অগ্রসর হইয়াছে। কেননা, তাহাদের অন্তর আল্লাহ ব্যতীত অন্য সবকিছু থেকে খালি হইয়া একমাত্র আল্লাহর সাথেই জুড়িয়া রহিয়াছে। সুতরাং আল্লাহর পথে বাধাবিঘ্ন তাহাদিগকে ফিরাইয়া রাখিতে পারে নাই। আল্লাহর সাথে সম্পর্কের ক্ষেত্রে অসতর্ক রাখিতে পারে নাই। সুতরাং তাহারা আল্লাহর দিকে দৌড়াইয়া আসিয়াছে। কেননা তাহাদের পথে কোন বাধা নাই। অন্যান্য লোকেরা গায়রুপ্তাহর সাথে সম্পর্ক জুড়িবার চেষ্টা করিয়াছে। আর এই চেষ্টা তাহাদিগকে আল্লাহ থেকে ফিরাইয়া রাখিয়াছে। যখন তাহারা আল্লাহর দিকে চলিতে চায়। তখন যে জিনিসের সাথে তাহাদের সম্পর্ক রহিয়াছে ঐ জিনিস তাহাদিগকে

নিজের দিকে আকর্ষণ করে। সুতরাং স্বীয় ইচ্ছা থেকে ফিরিয়া আসে এবং ঐ জিনিসের দিকে ঝুঁকিয়া পড়ে। কাজেই এই সকল লোকের ভাগ্যে কি করিয়া মুখাপেক্ষীহীন মহান দরবার জুটিতে পারে? কোন এক আরিফ বলেন, তবে কি তুমি ধারণা কর যে, কোন জিনিস তোমাকে পিছন দিক হইতে টানিয়া রাখা সত্ত্বেও তুমি খোদার দরবারে পৌঁছিয়া যাইবে? এখানে আসিয়া আল্লাহ পাকের ইরশাদ শুন-

يَوْمَ لَا يَنْفَعُ مَالٌ وَلَا بَنُونَ إِلَّا مَنَ اتَى اللَّهَ يَتَّقِلُ سَلِيمٌ *

“ঐ দিনের কথা স্বরণ কর যেদিন কোন সম্পদ এবং সন্তানাদি উপকারে আসিবে না তবে যে সলীম অন্তর লইয়া আল্লাহর কাছে উপস্থিত হইয়াছে।”

সলীম অন্তর এমন এক অন্তরকে বলা হয় আল্লাহ ব্যতীত অন্য কোন কিছুর সাথে যাহার সম্পর্ক না থাকে। আল্লাহ পাক বলেন,

لَقَدْ جِئْتُمُونَا فَرَادَىٰ كَمَا خَلَقْنَاكُمْ أَوَّلَ مَرَّةٍ *

“তোমরা আমার কাছে একাকী আসিয়াছ যেমন আমি তোমাদিগকে প্রথমাবস্থায় সৃষ্টি করিয়াছিলাম।”

ইহা হইতে বুঝা যায় যে, আল্লাহর কাছে আসা, তাহার পরিতৃপ্ত পৌঁছা সমস্ত গায়রুল্লাহ থেকে পৃথক হওয়া ব্যতীত সম্ভব নয়।

আল্লাহ পাক বলেন,

أَلَمْ يَجِدْكَ يَتِيمًا فَآوَىٰ *

“তবে কি আল্লাহ আপনাকে ইয়াতীম পান নাই, অতঃপর আপনাকে আশ্রয় দেন নাই?”

ইহা হইতে বুঝা যায় যে, আল্লাহ পাক নিজের কাছে তখনই আশ্রয় দেন যখন আল্লাহ ব্যতীত অন্য সবকিছু থেকে ইয়াতীম হইয়া যায়।

রাসূলুল্লাহ ছালাল্লাহু আলাইহি ওয়াসাল্লাম ইরশাদ করেন,

إِنَّا لِلَّهِ وَإِنَّا إِلَيْهِ رَاغِبُونَ *

“আল্লাহ পাক বেজোড়। তিনি বেজোড় পছন্দ করেন।”

অর্থাৎ আল্লাহ পাক এমন অন্তর পছন্দ করেন যাহাতে মাখলুকের স্থান নাই। সুতরাং এই অন্তর আল্লাহর জন্য। ইহা আল্লাহর সাথে থাকে। তাহারা ইহা আল্লাহর ব্যবহারে দিয়া দিয়াছে। আল্লাহ পাক এই অন্তরকে অন্তরওয়ালার হাতে

সোপর্দ করেন নাই। ইহার ব্যবস্থাপনার দায়িত্ব তাহাদের হস্তে অর্পণ করেন নাই। এই সকল লোকই (মহান প্রভুর) দরবারের লোক। তাহাদের সাথে সন্ধ্যাবহার করা হইয়া থাকে। মাখলুক তাহাদিগকে আল্লাহ থেকে পৃথক করিতে পারে না। পার্থিব সৌন্দর্য তাহাদিগকে আল্লাহ থেকে বিরত রাখিতে সক্ষম হয় না।

জনৈক ব্যক্তি বলেন, যদি আমাকে অন্যের দিকে দৃষ্টি দেওয়ার জন্য বলা হয়। তাহা হইলে আমার দ্বারা ইহা সম্ভব হইবে না। কেননা অন্য আর কে আছে? কেহই নাই। থাকিলে তো দৃষ্টি দিব। আল্লাহর হেফাজত যাহাদের যিহাদার আর তাহার অনুগ্রহ যাহাদের পাহারাদার তাহাদের আন্তরিক অবস্থাই এমন হয়। এই ধরণের লোকদের দ্বারা ধন সম্পদ ভাগরজাত করা কখন সম্ভব হয়? তাহারা তো প্রভুর দরবারে সর্বদা হাজির থাকে। যদি কোন কারণে সম্পদ জমাও করে কিন্তু ইহার প্রতি নির্ভরশীল হয় না। অন্যের আশ্রয়ের আশা তাহারা কিভাবে করিতে পারে? তাহারা তো সর্বদাই মহান প্রতিপালকের অধীনীয়তা ও একত্ব প্রত্যক্ষ করিতে থাকে।

শায়খ আবুল হাসান শাজলী (রহঃ) বলেন, একদা আমার মধ্যে এমন এক অবস্থার সৃষ্টি হইল যে, যখন আমি কোন কিছুর দিকে তাকাই তখন উহাকে ঐ জিনিস দেখি না বরং আমি ইহাকে খোদা দেখি। তখন আমার এই অবস্থা দূরীভূত হওয়ার জন্য আমি দু'আ করিতে শুরু করিলাম। তখন আমাকে বলা হইল যে, যদি সকলে মিলিয়াও দু'আ কর; তাহা হইলেও কবুল করা হইবে না। তবে এই অবস্থা বরদাশত করিবার শক্তি লাভের দু'আ করিতে থাক। অতঃপর আমি এই দু'আই করিলাম। আল্লাহ পাক আমাকে সহ্য করার ক্ষমতা দান করিলেন। সুতরাং যাহার অবস্থা এইরূপ হয় সে কেন সম্পদ জমা করার মুখাপেক্ষী হইবে? অথবা অপরের আশ্রয় তলব করা তাহার জন্য কিভাবে ঠিক হইতে পারে? ঈমানদারের জন্য জরুরী হইল ঈমান ও তাওয়াক্কুল সঞ্চয় করা। আল্লাহ পাক যাহাকে বিবেক বুদ্ধি দান করিয়াছেন, সে আল্লাহর প্রতি তাওয়াক্কুল করিয়া থাকে। আর আল্লাহ পাক নিজে তাহার জন্য জমা করিয়া রাখেন। সে আল্লাহ পাকের কাছে গিয়াছে। সুতরাং আল্লাহ পাক তাহার যিহাদার হইয়াছেন। তাহার গুরুত্বপূর্ণ কার্যের জন্য আল্লাহ পাক যথেষ্ট। তিনি তাহার চিন্তা দূর করিয়াছেন। প্রকারান্তরে এই ব্যক্তি রিয়ক উপার্জনের গুরুত্ব থেকে দৃষ্টি সরাইয়া আল্লাহ পাকের নির্দেশাবলীর প্রতি দৃঢ় বিশ্বাস করিয়া তাহার হুকুম পালনে লাগিয়া গিয়াছে। তাহার বদ্ধমূল বিশ্বাস যে, আল্লাহ পাক তাহার দায়িত্ব তাহার রুক্কদে অর্পণ করিবেন না এবং স্বীয় অনুগ্রহ থেকে তাহাকে বঞ্চিত করিবেন না।

সুতরাং এই ব্যক্তি আরাম ও শান্তির জীবনে প্রবেশ করিয়াছেন। নিজকে সৃষ্টিকর্তার হাতে অর্পণ করিয়াছে। আর এই কার্যের স্বাদ গ্রহণের বাগানে পৌঁছিয়াছে। আল্লাহ পাক তাহার মর্যাদা উচ্চ করিয়াছেন। তাহার অন্তরের আলো পরিপূর্ণ করিয়াছে। এমনকি সে এমন পর্যায়ে উন্নীত হইয়াছে যে আল্লাহ পাক স্বীয় অনুগ্রহে তাহার হিসাব নিকাশও মফ করিয়া দিতে পারেন। রাসূলুল্লাহ ছাড়া আল্লাহি ওয়াসাল্লাম ইরশাদ করেন, আমার উম্মতের মধ্য হইতে সত্তর হাজার মানুষ বিনা হিসাবে জন্ম্নাতে প্রবেশ করিবে। উপস্থিত ছাড়া বাগণের মধ্য হইতে একজন প্রশ্ন করিলেন, তাহার কাহার? রাসূলুল্লাহ ছাড়া আল্লাহি ওয়াসাল্লাম জবাব দিলেন, যাহারা ঝাড়-ফুক করে না। (কোন শরয়ী দলীল ব্যতীত) কোন কার্যের অভ্যস্ততা সম্পর্কে মতামত ব্যক্ত করে না। (যেমন গণক ঠাকুর, জ্যোতিষী প্রভৃতিরা করিয়া থাকে) আর স্বীয় প্রতিপালকের প্রতি ভরসা করে।”

সুতরাং এমন ব্যক্তির কি হিসাব হইবে যাহার কাছে কোন কিছু নাই। এমন ব্যক্তিকে কি জিজ্ঞাসাবাদ করা হইবে যে, এমন ধারণা রাখে যে, কোন কাজই তো আমার দ্বারা হয় নাই।

যাহারা কাজ করিয়াছে বলিয়া দাবী করে হিসাব তো তাহাদেরই হয়। আর যাহারা অসতর্ক নিজদেরকে মালিক বলিয়া ধারণা করে অথবা আল্লাহ থেকে বাড়িয়া কিছু করিতে চায়, ধর পাকড় তো তাহাদেরই হয়।

পক্ষান্তরে যাহারা আল্লাহর প্রতি তাওয়াক্কুল ভরসা করিয়া দন সম্পদ জমা করিয়া রাখে না আল্লাহ পাক তাহাদেরকে সুন্দর সুস্বাদু রিয়ক দান করেন। তাহাদের অন্তরে মাখলুকের মুখাপেক্ষীহীনতা পয়দা করিয়া দেন।

কোন একজন খোদা প্রেমিক দরিদ্র হইয়া পড়িলেন। তিনি স্বীয় স্ত্রীকে বলিলেন, ঘরে যাহা কিছু আছে দান করিয়া দাও। স্ত্রী স্বামীর নির্দেশ মোতাবেক সবকিছু দান করিয়া দিল। তাহার দান সম্পদের মধ্যে একটি যাঁতাও ছিল। স্ত্রী যাঁতাটি দান করিল না। সে ভাবিল হয়ত বা কখনও যাঁতার প্রয়োজন দেখা দিবে তখন পাইবে কোথায়? তাই যাঁতাটি রাখিয়া দিল। অল্পকালের মধ্যেই এক ব্যক্তি উল্লেখিত খোদা প্রেমিকের ঘরের দরজাতে খটখট আওয়াজ দিল। স্ত্রী দরজা খুলিয়া দেখিতে পাইল যে, বাড়ীর আগ্নি গম দ্বারা পরিপূর্ণ হইয়া রহিয়াছে। লোকটি বলিল যে, গমগুলি এই শায়খের জন্য দিয়া যাইতেছি। কতক্ষণ পর স্বামী ঘরে ফিরিয়া আসিল। আগ্নিা ভর্তি গম দেখিয়া স্ত্রীকে জিজ্ঞাসা করিল। তুমি কি ঘরের সবকিছুই দান করিয়াছ? স্ত্রী বলিল, হ্যাঁ, স্বামী বলিল, ইহা

কখনও হইতে পারে না? তুমি সত্য কথা বল নাই। স্ত্রী বলিল, হ্যাঁ। একটি যাঁতা অবশিষ্ট রহিয়াছে। ইহা ব্যতীত সবকিছু দান করিয়াছি। অধিকন্তু ইহাও এই নিয়তে রাখিয়া দিয়াছি যে, হয়তবা কখনও ইহার প্রয়োজন পড়িবে। স্বামী বলিল, যদি তুমি যাঁতাটিও দান করিয়া ফেলিতে তাহা হইলে গমের পরিবর্তে আটা আসিত। কিন্তু তুমি যাঁতা রাখিয়া দিয়াছ বিধায় এমন জিনিস আসিয়াছে যাহার জন্য যাঁতার প্রয়োজন। আর গম পিষিয়া পিষিয়া তুমি নিজেও ক্লান্ত হইয়া পড়িবে।

পূর্ববর্তী লোকজন মাল সম্পদ জমা করিতেন সত্য কিন্তু নিজের জন্য জমা করিতেন না। বরং আমানত হিসাবে জমা করিতেন। কেননা তাহারা সত্যিকার অর্থে আমানতদার ও তহবিলদার ছিলেন। যদি দুনিয়ার সম্পদ জমা করিতেন হকভাবে জমা করিতেন। না হক করিতেন না। যদি কাহাকেও দিতেন তাহাও হকভাবে দিতেন। না হক দিতেন না। যে ব্যক্তি হকভাবে মাল সম্পদ জমা করিয়া রাখে তাহার মর্যাদা হকভাবে সম্পদ ব্যয়কারী অপেক্ষা কম নহে। তাহারা নিজেদের সম্পর্কে এই ধারণা রাখে না যে আল্লাহর পরে তাহারা এই সব সম্পদের মালিক বরং তাহারা মনে করে যে, তাহারা ইহাদের আমানতদার মাত্র। স্বইচ্ছায় তাহারা এইগুলি ব্যবহারও করে না। তাহারা আল্লাহ পাকের নির্দেশ শ্রবণ করিয়াছে—

وَأَنْفِقُوا مِمَّا جَعَلَكُمْ مُتَسَلِّطِينَ فِيهِ *

“তোমরা ঐ সব জিনিস থেকে খরচ কর যে সব জিনিসের তোমাদিগকে নায়েব (প্রতিনিধি) নির্ধারণ করা হইয়াছে।”

তাই তাহারা বিশ্বাস করে যে, সমস্ত মালিকানা আল্লাহ পাকের। সুতরাং এই বাহ্যিক মালিকানা তাহাদের প্রতি আল্লাহর একটি সম্পর্ক মাত্র আর তাঁহার মিশ্রিত একটি নিমন্ত্রণ যাহা দ্বারা তিনি বান্দার প্রতি অনুগ্রহ করিয়াছেন। উদ্দেশ্য আল্লাহ পাক বান্দাকে পরীক্ষা করিবেন যে, বান্দা আল্লাহর প্রতি কি বিশ্বাস পোষণ করে। বান্দা কি বাহ্যিক অবস্থার প্রতি বিশ্বাস পোষণ করে না অবস্থার হাকিকত পর্যন্ত পৌঁছে। এইজন্য নবীগণের উপর যাকাত ওয়াজিব হয় না। কেননা আল্লাহর সামনে তাহারা কোন কিছুর মালিক হন না। আর এমন সম্পদের যাকাত ওয়াজিব হয় যাহা তোমার ব্যক্তি সত্ত্বাবধীন থাকে। নবীগণ তো নিজেদের সম্পদকে আল্লাহ পাকের আমানত মনে করিতেন। খরচ করার উপযুক্ত স্থলে খরচ করিতেন। সঠিক স্থান ব্যতীত অন্য কোথায়ও খরচ করিতেন না। যাকাত প্রদানের অন্য একটি হেকমত হইল যাকাত প্রদান করার দ্বারা বান্দা

যীয় পাপ থেকে পরিস্কার হয়। মুক্তি লাভ করে। আল্লাহ পাক বলেন,

خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا

“তাহাদের মাল হইতে সদকা (যাকাত) গ্রহণ কর। ইহা দ্বারা তাহাদিগকে পাক পবিত্র কর।”

নবীগণ পাপ পঙ্কিল হইতে পবিত্র। তাই নবীগণের উপর যাকাত ওয়াজিব হয় না। পাপ পঙ্কিল হইতে পবিত্র মানুষের উপর যাকাত ওয়াজিব হয় না বলিয়া ইমাম আবু হানিফা (রহঃ)-এর মাহাবাব মতে নাবাগেণ হেলেমেয়ের উপর যাকাত ওয়াজিব হয় না। কারণ তাহারাও তো গোনাহ থেকে পবিত্র হয়। কেননা গোনাহগার হওয়া না হওয়ার সম্পর্ক হয় শরীয়তের আহকাম পালনে আদিষ্ট হওয়ার পর। আর শরীয়তের আহকাম পালনে আদিষ্ট হয় বালেগ হওয়ার পর। এই ক্ষেত্রে রাসুলুল্লাহ ছালাল্লাহু আলাইহি ওয়াসাল্লাম-এর ইরশাদ শ্রবণ কর-

“আমরা নবীগণের জামাত। আমাদের কোন উত্তরাধিকারী থাকে না। আর আমরা যে ‘সকল মাল সম্পদ ছাড়িয়া যাই তাহা সদকা।’ সুতরাং এই পর্যন্ত যে কথাগুলি আমরা আলোচনা করিয়াছি উল্লেখিত হাদীছের দ্বারা স্পষ্ট হইয়া উঠিয়াছে।

আল্লাহ পাকের একত্ব প্রত্যক্ষ করার পর আহলে মারৈফাতেরই যখন এই অবস্থা হয় যে, আল্লাহ পাকের সামনে যীয় মালিকানাকে মালিকানা মনে করে না। এই অনুপাতে নবীগণের সম্বন্ধে কি ধারণা করা যায়? নবীগণ সমুদ্র তুল্য। আর আহলে মারৈফাত (আধ্যাত্মিক সাধকগণ) যেন তাহাদের সমুদ্র থেকে অলিখিত পানি গ্রহণ করিতেছেন মাত্র। তাহাদেরই নূর ধারা উপকৃত হইতেছেন। একটি ঘটনা শুন- একদা ইমাম শাফেয়ী এবং ইমাম আহমদ (রহঃ) এক স্থানে বসিয়াছেন। তখন হযরত শায়বান রাযী (রহঃ) তথায় পৌঁছেন। ইমাম আহমদ (রহঃ) ইমাম শাফেয়ী (রহঃ)কে বলিলেন, তাহার খুব সুখ্যাতি রহিয়াছে। তাহার থেকে কিছু কথা জিজ্ঞাসা করুন। ইমাম শাফেয়ী (রহঃ) বলিলেন, এমন করা ঠিক হইবে না। ইমাম আহমদ (রহঃ) বলিলেন, অবশ্যই জিজ্ঞাসা করা দরকার। অতঃপর হযরত শায়বান রাযীর দিকে মুখ করিয়া জিজ্ঞাসা করিলেন, হে শায়বান! যদি কোন ব্যক্তি চার রাকাত নামাযে চারটি সিজদা ভুলিয়া যায় তাহা হইলে এমন ব্যক্তি সম্পর্কে আপনার অভিমত কি? তিনি উত্তর দিলেন, হে আহমদ! এই অন্তর আল্লাহ থেকে গাফেল হইয়া রহিয়াছে। তাহাকে এমনভাবে শান্তি দেওয়া চাই যাহাতে দ্বিতীয়বার এইরূপ না করে। ইহা শুনিয়া ইমাম আহমদ (রহঃ) বেইশ হইয়া পড়িয়া গেলেন। ইশ ফিরিয়া আসিলে তিনি

বলিলেন, “যদি কোন ব্যক্তির কাছে চল্লিশটি ছাগল থাকে তাহার সম্পর্কে আপনার কি অভিমত? তাহার কি পরিমান যাকাত আসে? হযরত শায়বান (রহঃ) জবাব দিলেন, “আমার অভিমত কি আমাদের ভরীকা মোতাবেক পেশ করিব না আপনারদের ভরীকা মোতাবেক? ইমাম আহমদ (রহঃ) বলিলেন, তবে কি এই মাসআলাতে দুই ভরীকা রহিয়াছে? তিনি জবাব দিলেন, হ্যাঁ, দুই ভরীকা। যাহা হউক আপনারদের ভরীকা মতে তো চল্লিশ ছাগলে এক ছাগল যাকাত আসে। আর আমাদের ভরীকা মতে গোলাম মনিবের হইয়া থাকে। সে কোন কিছুই মালিক হয় না। হাদীছে আসিয়াছে যে, রাসুলুল্লাহ ছালাল্লাহু আলাইহি ওয়াসাল্লাম এক বৎসরের খাদ্য জমা করিয়া রাখিয়াছিলেন। ইহার বিভিন্ন কারণের মধ্যে এক কারণ ইহাও হইতে পারে যাহা আমরা ইতিপূর্বে উল্লেখ করিয়াছি। তাহা হইল নবীগণ আমানত হিসাবে মাল সম্পদ জমা করিয়া রাখিতেন। অর্থাৎ তাহারা উপযুক্ত সময়ে তাহা খরচ করিয়া থাকেন। অথবা তিনি (ছালাল্লাহু আলাইহি ওয়াসাল্লাম) যীয় আমলের মাধ্যমে দেখাইয়াছেন যে, সম্পদ জমা করিয়া রাখা উম্মতের জন্যও বৈধ। কেননা জমাকৃত সম্পদের প্রতি ভরসা না থাকিলে সম্পদ জমা করা তাওয়াক্কুলের পরিপন্থী নয়। সম্পদ জমা করার বৈধতা বর্ণনা করার উদ্দেশ্যে রাসুলুল্লাহ ছালাল্লাহু আলাইহি ওয়াসাল্লাম এক বৎসরের জন্য সম্পদ জমা করিয়াছিলেন। ইহার দলীল এই যে তিনি (ছালাল্লাহু আলাইহি ওয়াসাল্লাম) অধিকাংশ সময় সম্পদ জমা করিতেন না। আর যখন জমা করিয়াছিলেন তখন শুধু এই উদ্দেশ্যে জমা করিয়াছিলেন যাহাতে উম্মতের জন্য বিষয়টি সংকীর্ণ না হইয়া পড়ে। তাহাদের জন্য তাহার এই আমল রহমত স্বরূপ হয় এবং দুর্বলদের প্রতি মেহেরবানী হয়। কেননা, তিনি (ছালাল্লাহু আলাইহি ওয়াসাল্লাম) যদি সম্পদ জমা না করিতেন তাহা হইলে উম্মতের কোন ব্যক্তির জন্য সম্পদ জমা করা জায়েয হইত না। সুতরাং সম্পদ জমা করার ক্ষেত্রে শরীয়তের দৃষ্টিকোণ বর্ণনা করিবার জন্য তিনি এইরূপ করিয়াছিলেন। রাসুলুল্লাহ ছালাল্লাহু আলাইহি ওয়াসাল্লাম বলিয়াছেন, আমি ভুলিয়া যাই বা আমাকে ভুলাইয়া দেওয়া হয় যাহাতে আমি নীতি নির্ধারণ করিতে পারি। সুতরাং তিনি পরিস্কারভাবে বলিয়া দিয়াছেন যে, ভুলিয়া যাওয়া আমার বৈশিষ্ট্য নহে। তবে আমি কখনও কখনও ভুলিয়া যাই যাহাতে ভুলিয়া যাওয়ার হুকুম ও ইহার আনুসঙ্গিক বিষয়গুলি উম্মতের সামনে পরিস্কার হইয়া আসে। হাদীছটি খুব ভালভাবে বুঝিয়া লও।

ফায়দা : রাসুলুল্লাহ ছালাল্লাহু আলাইহি ওয়াসাল্লাম ইরশাদ করিয়াছেন, “আল্লাহ পাক তালিব ইলমের (দ্বীনী ইলম অন্বেষণকারীর) রিয়কের যিখাদার।”

কুরআন ও হাদীছের যেখানে যেখানে ইলমের আলোচনা আসিয়াছে সেখানে ইলম দ্বারা ইলমে নাফে (উপকারী ইলম) বুঝানো হইয়াছে। আর ইলমে নাফের সাথে জড়িত রহিয়াছে আল্লাহর ভয়। মূলতঃ আল্লাহর ভয় ইলমে নাফের একটি উপকরণ। আল্লাহ পাক কুরআনে পাকে ঘোষণা করিয়াছেন-

أَتَا يَخْشَى اللَّهَ مِنْ عِبَادِهِ الْعُلَمَاءُ .

“নিশ্চয় আল্লাহর বান্দাদের মধ্যে আলেমগণই তাঁহাকে ভয় করে।”

অত্র আয়াতে আল্লাহ পাক উল্লেখ করিয়াছেন যে, আল্লাহর ভয় ইলমের অপরিহার্য অংশ। ইহা হইতে স্পষ্ট বুঝা যায় যে, তাহারাই আলেম যাহারা আল্লাহকে ভয় করে। অনুরূপভাবে নিম্নোল্লিখিত আয়াতসমূহেও ইলম দ্বারা ইলমে নাফে বুঝানো হইয়াছে।

قَالَ الَّذِينَ أُوتُوا الْعِلْمَ

১। “যাহাদিগকে ইলম প্রদান করা হইয়াছে তাহারা বলে-”

الرَّسُولَ قَدْ عَلِمَ

২। “ইলমের ক্ষেত্রে যাহারা সুদৃঢ়।”

وَقُلْ رَبِّ زِدْنِي عِلْمًا

৩। “এবং বলুন হে পরোয়ারদিগার! আমার ইলম বাড়াইয়া দিন।”

অনুরূপভাবে নিম্নোল্লিখিত হাদীছসমূহও-

ان الملائكة لتضع ارجلها لطالب العلم

“নিশ্চয় ফিরিশতারা ইলম অন্বেষণকারীর জন্য স্বীয় ডানা বিছাইয়া দেয়।”

العلماء ورثة الانبياء

“আলেমগণ নবীগণের উত্তরাধিকারী।”

طالب العلم تكفل الله برزقه

“আল্লাহ পাক ইলম অন্বেষণকারীর রিয়কের যিম্মাদার।”

উল্লিখিত আয়াত ও হাদীছ সমূহে ইলম বলিয়া ইলমে নাফে (উপকারী ইলম) বুঝানো হইয়াছে।

কারণ এইগুলি আল্লাহ ও তদীয় রাসূল ছাড়াই আল্লাহই ওয়াসাল্লাম-এর

বাণী। তাহাদের বাণীসমূহ উল্লিখিত অর্থে ব্যবহার না করিয়া তদাপেক্ষা উত্তম আর কোন অর্থে ব্যবহার করা যাইতে পারে?

ইলমে নাফে এমন এক ইলমকে বলা হয় যাহা আল্লাহ পাকের অনুগত বান্দা হওয়ার পক্ষে সহায়ক হয়।

আল্লাহ পাককে ভয় করা অপরিহার্য হইয়া পড়ে আর শরয়ী আহকামের গতির ভিতর থাকিতে বাধ্য করে। ইহা হইল ইলমে মারেকাত। অধিকন্তু আল্লাহ পাকের জাত গুণাবলীর ইলম এবং আহকাম সম্পর্কীয় ইলমও ইলমে নাফের অন্তর্ভুক্ত।

এইমাত্র এক হাদীছ উল্লেখ করা হইয়াছে যে, “আল্লাহ পাক ইলম অন্বেষণকারীর রিয়কের যিম্মাদার।”

হাদীছের সারকথা হইল এই যে, আল্লাহ পাক তাহাদের কাছে রিয়ক পৌছানোর দায়িত্ব লইয়াছেন। তিনি তাহাদিগকে ইয়যত ও সম্মানের সাথে রিয়ক পৌছাইবেন এবং তাহাদিগকে আল্লাহর আড়াল হওয়া থেকে নিরাপদ রাখিবেন। এখন প্রশ্ন হইল যে, আল্লাহ পাক তো সকলেরই রিয়কের যিম্মাদার। ইলম অন্বেষণকারী হউক বা না হউক। ইহাতে কোন পার্থক্য নাই। ইহা সত্ত্বেও হাদীছে বিশেষ করিয়া ইলম অন্বেষণকারীর কথা উল্লেখ করা হইয়াছে। প্রশ্নের সমাধান ইতিপূর্বে উল্লেখ করা হইয়াছে যে আল্লাহ পাক তাহাদের রিয়কের বিশেষ যিম্মাদার। কেননা, তিনি তাহাদের রিয়ক সম্মানের সাথে প্রদান করিবেন।

শায়খ আবুল আক্বাস (রহঃ) নিম্নোক্ত দোয়া করিলেন, “হে আল্লাহ! আমাদিগকে খুশ গাওয়ার রিয়ক প্রদান করুন। যাহা দুনিয়াতে আল্লাহ থেকে আড়াল হওয়ার কারণ না হয় এবং এই সম্পর্কে পরকালে সওয়াল জওয়াব না হয় এবং আযাবে পতিত হইতে না হয়। আমরা যেন হাকীকত ও তাওহীদের স্থানে কয়েম থাকিতে পারি এবং লোভ লালসা ও প্রবৃত্তির চাহিদা থেকে নিরাপদ থাকিতে পারি।”

তিনি এখানে খুশ গাওয়ার রিয়ক প্রার্থনা করিয়াছেন। খুশ গাওয়ার এমন এক প্রকার রিয়ক যাহা ইলম অন্বেষণকারীকে প্রদান করা হয়। আর এই প্রকার রিয়কের ব্যাখ্যা দেওয়া হইয়াছে যে, ইহার দ্বারা দুনিয়াতে আল্লাহ থেকে আড়াল পয়দা হয় না আর পরকালে ইহার হিসাব গ্রহণ করা হয় না। কেননা যে রিয়কের দ্বারা দুনিয়াতে আল্লাহ থেকে আড়াল পয়দা হয় তাহা খুশ গাওয়ার

রিয়ক হইতে পারে না। কারণ দুনিয়াতে আল্লাহ থেকে আড়াল পয়দা হওয়ার দ্বারা অন্তর নষ্ট হইয়া যায়। আল্লাহর সান্নিধ্য ও নৈকট্য লাভে বঞ্চিত হইতে হয়। তাঁহার সান্নিধ্য হইতে দূরে ছিটকাইয়া পড়িতে হয়। সাধারণ মানুষ খুশ গাওয়ার রিয়কের যে অর্থ বুঝিয়া থাকে এখানে সে অর্থ গ্রহণীয় নয়। সাধারণ লোক বুঝিয়া থাকে যে, খুশ গাওয়ার রিয়ক এমন এক প্রকার রিয়ক যাহা বিনা পরিশ্রম ও বিনা মেহনতে অর্জিত হয়। গাফেল লোকেরা মনে করে খুশ গাওয়ার রিয়কের সম্পর্ক দেহের সাথে আর বিবেকবান ব্যক্তির মনে করে ইহার সম্পর্ক অন্তরের সাথে। রিয়কের কারণে আল্লাহ থেকে আড়াল পয়দা হয় দুই কারণে। তাহা হইল ১। রিয়ক অর্জন করার জন্য আসবাবে জড়িত হইয়া পড়িতে হয়। আর আসবাবে জড়িত হওয়ার ফলে আল্লাহর ব্যাপারে অসতর্কতা জন্মাতে পারে। ২। অধিকন্তু আসবাব ব্যবহার করার সময় ইচ্ছাও হয় না যে আল্লাহর ইবাদতে শক্তি অর্জন হউক।

প্রথম কারণে সৃষ্ট আড়াল হইল রিয়ক অর্জন করার বেলায় সৃষ্ট আড়াল আর দ্বিতীয় কারণে সৃষ্ট আড়াল হইল রিয়ক ব্যবহার করার ক্ষেত্রে সৃষ্ট আড়াল।

হযরত শায়খ আবুল আব্বাস (রহঃ) এর দোয়া ইতিপূর্বে উল্লেখ করা হইয়াছে যে, তিনি দু'আতে উল্লেখ করিয়াছেন— এই সম্পর্কে আখেরাতে যেন সওয়াল জবাব ও আযাব না হয়।

প্রকৃতপক্ষে পরকালে জিজ্ঞাসা করা হইবে তো নিয়ামতের হকসমূহ সম্পর্কে। যেমন আল্লাহ পাক বলেন,

كَمَا كُنْتُمْ تُؤْمِنُونَ عَنِ النَّعِيمِ *

“যেমন তোমাদিগকে সেদিন নিয়ামতের ব্যাপারে জিজ্ঞাসা করা হইবে।”

রাসূলুল্লাহ ছালাল্লাহু আলাইহি ওয়াসাল্লাম এবং কতক ছাহাবা একত্রে আহ্বার করিয়াছিলেন। অতঃপর তিনি (ছালাল্লাহু আলাইহি ওয়াসাল্লাম) বলিলেন, আজকের এই নিয়ামত সম্পর্কে তোমাদিগকে জিজ্ঞাসাবাদ করা হইবে। হযরত শায়খ (রহঃ) বলেন, জিজ্ঞাসা দুই প্রকার। এক প্রকার জিজ্ঞাসার নাম “সওয়ালে তাশরীফ।” অর্থাৎ এই প্রকারের জিজ্ঞাসার দ্বারা মর্যাদা প্রকাশ করা উদ্দেশ্য হয়। দ্বিতীয় প্রকার জিজ্ঞাসার নাম “সওয়ালে তা'নীফ।” এই প্রকার জিজ্ঞাসা দ্বারা লানত ও ভৎসনা করা উদ্দেশ্য হয়। সুতরাং ইবাদতকারী এবং পুরস্কারের যোগ্য ব্যক্তির প্রথম প্রকারের জিজ্ঞাসাবাদ হইবে। অর্থাৎ তাহাদিগকে জিজ্ঞাসাবাদ করার দ্বারা তাহাদের মর্যাদার প্রকাশ উদ্দেশ্য হইবে। আর খোদার

আনুগত্য থেকে বিমুখ ও গাফেল ব্যক্তিদের জিজ্ঞাসাবাদ হইবে দ্বিতীয় প্রকারের। অর্থাৎ তাহাদের জিজ্ঞাসাবাদের দ্বারা উদ্দেশ্য হইবে তাহাদিগকে ভৎসনা ও লানত করা।

আল্লাহ পাক যদিও সত্যবাদীদের সংবাদ ও তাহাদের গোপন রহস্য সম্পর্কে সম্পূর্ণরূপে অবগত তবুও তাহাদিগকে জিজ্ঞাসা করিবেন যাহাতে তাহাদের সত্যতার মর্যাদা অন্যান্যদের সামনে প্রকাশ হইয়া পড়ে এবং কিয়ামতের দিন তাহাদের সৌন্দর্য খুলিয়া সামনে আসে। ইহা এই উদাহরণের মাধ্যমে বুঝা যায়, যেমন এক মনিব স্বীয় গোলামকে জিজ্ঞাসাবাদ করিল যে, তুমি অমুক অমুক বিষয়ে কি কি করিয়াছ? অথচ মনিব খুব ভাল করিয়া জানে যে, গোলাম বিষয়গুলি খুব ভালভাবে মজবুত করিয়া সম্পাদন করিয়াছে। এতদ্ব্যসত্ত্বেও জিজ্ঞাসা করার দ্বারা তাহার উদ্দেশ্য হইল উপস্থিত লোকদের অবগত করানো যে, গোলাম মনিবের দোয়া দায়িত্বের প্রতি কত বেশী গুরুত্ব প্রদান করিয়াছে আর গোলামের প্রতি মনিবেরও কত অনুগ্রহ রহিয়াছে। হযরত শায়খ (রহঃ) দু'আর মধ্যে উল্লেখ করিয়াছেন তাহার হিসাব যেন না হয়। হিসাব তো জিজ্ঞাসাবাদেরই ফল। সুতরাং কাহারও জিজ্ঞাসাবাদ না হইলে হিসাবও হইবে না। আর যে এই দুইটি বিষয় হইতে মুক্ত রহিল সে আযাব থেকে মুক্ত থাকিবে। বিষয়ত্রয় এমন এক সম্পর্কে আবদ্ধ যে, একটি অপরটির অপরিহার্য ফল। কিন্তু হযরত শায়খ (রহঃ) প্রত্যেকটি বিষয় পৃথক পৃথক উল্লেখ করিয়াছেন। যাহাতে খুশ গাওয়ার রিয়কের মধ্যে কতগুলি অনুগ্রহ নিহিত রহিয়াছে তাহা স্পষ্ট হইয়া উঠে। ইহারা এত মূল্যবান অনুগ্রহ যে যদি খুশ গাওয়ার রিয়কে এইসব অনুগ্রহের মধ্যে মাত্র একটিও বিদ্যমান থাকিত তাহা হইলেও ইহা যথোপযুক্ত হইত।

শায়খ (রহঃ) দু'আর মধ্যে বলিয়াছিলেন—

“আমরা যেন হাকীকত ও তাওহীদের উপর কায়ম থাকিতে পারি।”

তাঁহার এই দোআর সারকথা হইল এই যে, হে পরোয়ারদিগার! আপনি আমাদিগকে রিয়ক হিসাবে যে সব জিনিস দিয়াছেন তাহাতে যেন আপনার মুশাহিদা করি অর্থাৎ আপনাকে প্রত্যক্ষ করি। আপনার প্রদত্ত আহার্য বস্তুতে যেন আপনাকে দেখি। অন্য কাহাকেও না দেখি। অন্যের দিকে যেন ইহাদের সম্পর্ক না করি বরং আপনার দিকে করি।

আল্লাহ ওয়াল্লাদের অবস্থা এইরূপই হইয়া থাকে। যদি বাহ্যিকভাবে দেখা যায় যে অন্য লোক তাহাদিগকে আহ্বার করাইতেছে কিন্তু প্রকৃতপক্ষে তাহার

আল্লাহর দস্তুরখানাতেই আহার করিতে থাকে। কেননা তাহাদের বন্ধমূল বিশ্বাস এই যে, আল্লাহ ব্যতীত অন্য কোন মালিক নাই। এই বিশ্বাসের কারণে তাহাদের অন্তর থেকে সৃষ্টির মুশাহিদা (সৃষ্টির প্রতি দৃষ্টি) মিটিয়া যাইতে থাকে। সুতরাং তাহারা আল্লাহ ব্যতীত অন্য কাহারও প্রতি ভালবাসা নিবন্ধ করে না। স্বীয় আন্তরিক আকর্ষণ অন্য কাহারও প্রতি মনোনিবেশ করে না। কারণ তাহারা প্রত্যক্ষ করিতেছে যে, আল্লাহ পাকই তাহাদিগকে আহার করান আর স্বীয় অনুগ্রহে তিনিই তাহা প্রদান করেন। তিনিই সহানুভূতি প্রদর্শন করেন।

শায়খ আবুল হাসান (রহঃ) বলেন, আল্লাহ ব্যতীত অন্য কাহারও প্রতি আমাদের ভালবাসা নাই অর্থাৎ আমাদের ভালবাসা মাখলুকের প্রতি ধাবিত হয় না।

জৈনিক ব্যক্তি তাহার এই বক্তব্যের প্রতি আপত্তি উত্থাপন করিয়া বলিল যে, আপনার পিতামহ তো আপনার দাবী অস্বীকার করিয়াছেন। তিনি ইহা অস্বীকার করিতে গিয়া দলীল হিসাবে হাদীছ পেশ করিয়াছেন। যেমন-

جلبت القلوب على حب من احسن اليها

“অন্তর এমনভাবে সৃষ্টি করা হইয়াছে যে ইহা ইহসানকারীকে ভালবাসে।”

তিনি উত্তর দিলেন, “আমরা এমন লোক যে আমরা খোদা ব্যতীত অন্য কাহাকেও ইহসানকারী মনে করি না। এই জন্যই আমাদের অন্তরে তাঁহার মহব্বত পয়দা হয়। যে ব্যক্তি বিশ্বাস করে যে আল্লাহই আহার করাইয়া থাকেন। তাহার প্রতি আল্লাহ পাকের নতুন নতুন নিয়ামত যতই বৃদ্ধি পাইতে থাকিবে দিন দিন তাহার অন্তরে ততই আল্লাহর মহব্বত বৃদ্ধি পাইতে থাকিবে।

রাসূলুল্লাহ ছাড়াই আল্লাহই ওয়াসাল্লাম বলিয়াছেন, আল্লাহকে মহব্বত কর। কেননা তিনি তোমাদিগকে নিয়ামত আহার করাইতেছেন। ইতিপূর্বে এই সম্পর্কে বিস্তারিত আলোচনা করা হইয়াছে।

যখন কোন ব্যক্তি বিশ্বাস করে যে, আল্লাহই খাদ্য প্রদান করেন তাহার এই মোরাকাবা তাহাকে মাখলুকের সামনে লাক্ষিত হওয়া থেকে এবং খোদা ব্যতীত অন্য কাহারও দিকে মহব্বতের সাথে অন্তর ঝুঁকিয়া দেওয়া থেকে রক্ষা করে। তোমরা কি হযরত ইবরাহীম (আঃ)-এর কথা শুন নাই?

والذي هو يطعمني ويسقني

“আল্লাহ পাকই আমাকে আহার করান এবং আমাকে পান করান।”

সুতরাং তিনি এই ব্যাপারে আল্লাহকে অদ্বিতীয় শরীকহীন বলিয়া সাক্ষ্য দিয়াছেন।

শায়খ (রহঃ) স্বীয় দোআতে বলিয়াছেন, তিনি যেন তাওহীদ ও শরীয়তের উপর কায়ম থাকেন।”

ইহার কারণ যে ব্যক্তি বলে যে, এক মাত্র আল্লাহ পাকই সবকিছুর মালিক। তাহার ব্যতীত অন্য কাহারও মালিকানা সত্ত্বা নাই। এই কথা বলিয়াও বেপরোয়া হইয়া গিয়াছে। শরীয়তের বাহ্যিক আহকাম পালনে পাবন্দী করে না। এই ব্যক্তি নিজকে ধৈর্যহীনতার মধ্যে নিক্ষেপ করিয়াছে। তাহার এই অবস্থা তাহার জন্য বিপদ। কিন্তু বাস্তবে তো এমন হওয়া উচিত ছিল যে, আল্লাহর তাওহীদ সম্পর্কে তাহার এই বিশ্বাসের সাথে সম্পৃক্ত হওয়া এবং শরীয়তের পাবন্দ হওয়া। মোহাক্কেক ব্যক্তি এমনই হইয়া থাকে। এমন যেন না হয় যে, শুধু এই বিশ্বাস লইয়াই বসিয়া আছে আর শরীয়তের আহকামের প্রতি লক্ষ্য করে না। আবার এমনও না হয় যে, শুধু শরীয়তের আহকামের সাথে লাগিয়া আছে কিন্তু এই প্রকৃত আন্তরিক অবস্থার খবরই নাই। বরং উভয় বিষয় লইয়া চলা উচিত। বাহ্যিকভাবে তো দেখা যায় যে, মালিকানা মাখলুকের রহিয়াছে। একটুকুতে ক্ষান্ত থাকা হাকিকতের পরিভাষায় শিরক। পক্ষান্তরে আল্লাহর মালিকানার এই বিশ্বাস লইয়া চলা এবং শরীয়তের পাবন্দ না থাকা তো অর্থহীন। সুতরাং হেদায়েত প্রাপ্ত ব্যক্তির অবস্থান উভয়ের মধ্যে। (অর্থাৎ হেদায়েত উভয়ের মধ্য হইতে বাহির হইয়া আসে) যেমন গোবর ও রজের মধ্য হইতে পরিষ্কার ও নির্ভেজাল দুধ বাহির হইয়া আসে যাহা পানকারীদের গলার ভিতর দিয়া সহজে নীচে নামিয়া আসে।

রিয়ক সম্পর্কিত আনুসঙ্গিক বিষয়াবলী

রিয়কের ক্ষেত্রে অনেক অসুবিধা দেখা দিয়া থাকে। ইহাদের অনেকগুলি শায়খ (রহঃ) স্বীয় নিম্নোক্ত বক্তব্যে উল্লেখ করিয়াছেন। শায়খ বলেন, হে আল্লাহ! রিয়ক সম্পর্কিত বিষয়গুলি আমার অধীনস্থ করিয়া দিন। রিয়কের প্রতি লোভ-লালসা করা থেকে, রিয়ক উপার্জনে কষ্ট ভোগ করা থেকে, ইহার প্রতি অন্তর ঢুবিয়া যাওয়া থেকে, ইহার কারণে মাখলুকের সামনে লাক্ষিত হওয়া থেকে, ইহার উপার্জনে চিন্তা ভাবনায় ঢুবিয়া যাওয়া থেকে এবং ইহা অর্জিত হওয়ার পর ইহার লোভ লালসা করা এবং কুপণতা থেকে রক্ষা করুন। রিয়কের ক্ষেত্রে যে সকল সুবিধা অসুবিধা দেখা দেয় ইহা সীমাবদ্ধ নহে। সুতরাং পরিপূর্ণ বর্ণনা পেশ করা সম্ভব নয়। এই জন্য আমরা শুধু শায়খের উল্লেখিত বিষয়গুলি

সম্পর্কে আলোচনা করিব। রিয়কের সাথে বান্দার তিনটি অবস্থা সম্পর্কিত। প্রথমাবস্থা রিয়ক লাভের পূর্ববস্থা অর্থাৎ রিয়ক অর্জনে প্রয়াস চালানোর অবস্থা। দ্বিতীয়তঃ ইহার পরের অবস্থা। অর্থাৎ অর্জিত হওয়ার সময় অবস্থা। তৃতীয়তঃ উল্লেখিত অবস্থায় কাটিয়া যাওয়ার পরের অবস্থা। অর্থাৎ রিয়ক শেষ হইয়া যাওয়ার অবস্থা।

রিয়ক অর্জিত হওয়ার পূর্ববর্তী অবস্থা লোভ-লালসার অবস্থা। সুতরাং রিয়ক অর্জন করিতে গিয়া মেহনত পরিশ্রম করা, ইহার প্রতি অন্তর লাগাইয়া দেওয়া, স্বীয় ধ্যান ধারণা ইহার সাথে সম্পর্কিত করা, ইহার জন্য মাখলুকের সামনে লজ্জিত ও লাক্ষিত হওয়া, ইহার অর্জনে ধ্যান ধারণা মনোনিবেশ করিয়া বিভিন্ন পন্থা অবলম্বন করা লোভ লালসার অন্তর্ভুক্ত। অতএব লোভ লালসার সারকথা হইল রিয়ক উপার্জনে ঝুকিয়া পড়া এবং অন্ধপ্রায় হইয়া যাওয়া। আর বান্দার মধ্যে এই অবস্থা জনা লাভ করে খোদার উপর ভরসা না থাকা এবং একীনে দুর্বল হওয়ার কারণে। একীনে দুর্বল হয় এবং খোদার উপর ভরসা হারায় অন্তরে নূর না থাকার কারণে। অন্তরে নূর না থাকার কারণ হইল অন্তরের সামনে পর্দা পড়া। কেননা, একীনের নূর যদি তাহার অন্তরে ছড়াইয়া থাকিত তাহা হইলে তাহার জন্য নির্ধারিত রিয়কের প্রতি তাহার বিশ্বাস স্থাপিত হইত। তাহার অন্তরে লোভলালসা স্থান পাইত না। সে দৃঢ় বিশ্বাস করিত যে, আল্লাহ পাক আমার জন্য যতটুকু রিয়ক নির্ধারিত করিয়াছেন তাহা অবশ্যই আমার কাছে পৌঁছাবে।

রিয়ক উপার্জন করার ক্ষেত্রে দুই প্রকার ক্লাস্তি আসিয়া থাকে। দৈহিক ক্লাস্তি এবং রহানী ক্লাস্তি। যদি দৈহিক ক্লাস্তি আসে তাহা হইলে ইহা থেকে আল্লাহর কাছে আশ্রয় প্রার্থনা করা উচিত। কেননা রিয়ক অন্বেষণকারী যদি দৈহিকভাবে ক্লাস্ত হইয়া পড়ে। তখন তাহার এই ক্লাস্তি তাহাকে আহকাম পালনে বিরত করিয়া ফেলে। আরামের সাথে যে রিয়ক পাওয়া যায় ইহার ফলে ইবাদত ও আহকাম পালন সাবলীল হয়। পক্ষান্তরে যদি রহানী ক্লাস্তি আসে তখন আরও অধিক আশ্রয় প্রার্থনা করা উচিত। কারণ তাহার এই অবস্থা রিয়ক অন্বেষণের ক্ষেত্রে তাহাকে আরও কষ্টে পতিত করিবে। ইহাতে চিন্তা ফিকির করার দ্বারা তাহার বোঝা আরও ভারী হইবে। অবশ্য তাওয়াক্কুল ব্যতীত আরাম অর্জিত হয় না। যে ব্যক্তি আল্লাহর প্রতি তাওয়াক্কুল করে আল্লাহ পাক তাহার বোঝা হালকা করিয়া দেন। তিনি নিজেই ইহার বিনিময় প্রদান করেন। আল্লাহ পাক বলেন, و من يتوكل على الله فهو حسبه "যে ব্যক্তি আল্লাহর প্রতি তাওয়াক্কুল করে আল্লাহ পাক তাহার জন্য যথেষ্ট।"

অতঃপর হযরত শায়খ (রহঃ) দোআতে বলেন, আল্লাহ পাক যেন তাহার অন্তরকে রিয়ক উপার্জনে জড়াইয়া পড়া হইতে এবং ইহার ফিকিরে পড়া হইতে হেফাজত করেন। সুতরাং রিয়কের ব্যাপারে অন্তর জড়াইয়া পড়া আল্লাহর ও বান্দার মধ্যে মারাত্মক প্রতিবন্ধকতা সৃষ্টি করে। শায়খ আবুল হাসান (রহঃ) বলেন, যে সব জিনিস অধিকাংশ ক্ষেত্রে সৃষ্টি ও শ্রুতার মধ্যে প্রতিবন্ধকতা সৃষ্টি করিয়া রাখে তাহা মাত্র দুইটি জিনিস। রিয়কের ফিকির ও মাখলুকের ভয়। কিন্তু উভয়ের মধ্যে রিয়কের ফিকিরও প্রতিবন্ধকতা। কেননা অনেক লোক এমনও রহিয়াছে যাহারা মাখলুককে ভয় করে না, কিন্তু রিয়কের চিন্তামুক্ত হইতে পারে না। ইহা প্রমাণের জন্য তুমি নিজের মধ্যে খেয়াল কর যে, তোমার সন্তানের সাথে সাথেই তুমি রিয়কের মুখাপেক্ষী। আর রিয়ক এমন জিনিস যাহা দ্বারা তোমার দেহ ঠিক থাকে আর তোমার শক্তি সুদৃঢ় হয়।

হযরত শায়খ (রহঃ) রিয়কের চিন্তায় পড়া হইতে হেফাজত চাহিয়া দোআ করিয়াছেন। রিয়কের চিন্তায় পড়ার অর্থ রিয়ক অর্জন করার জন্য স্বীয় শক্তি এইভাবে নিয়োজিত করা যে, সে এই চিন্তায় নিমজ্জিত হওয়ার অবস্থায় পতিত হইয়া যায়। ইহার সাথে অন্য কোন কিছু চিন্তা করার সুযোগ পায় না। আর বান্দার এমন অবস্থা বান্দা আল্লাহ হইতে দূরে ছিটকাইয়া পড়ার কারণ হইয়া দাঁড়ায়। এই অবস্থা আল্লাহ পর্যন্ত পৌঁছান নূরকে নির্বাপিত করিয়া দেয়। বান্দার এই অবস্থা উচ্চস্বরে ঘোষণা করিতে থাকে যে, এই ব্যক্তির অন্তর একীনের নূর হইতে উজাড় হইয়া গিয়াছে এবং শক্তির দিক থেকে দরিদ্র হইয়া গিয়াছে। শায়খ (রহঃ) স্বীয় দোআতে উল্লেখ করিয়াছেন যে রিয়কের জন্য তাহাকে মাখলুকের সামনে যেন লজ্জিত ও অপমানিত না করা হয়। যে ব্যক্তির বিশ্বাসে দুর্বলতা রহিয়াছে এবং বিবেক নামক মহামূল্য সম্পদ যাহার ভাগ্যে স্বল্প জুটিয়াছে তাহার লজ্জা ও অপমান তো অবশ্যস্বাভাবিক। কেননা এমন ব্যক্তি মাখলুক থেকেই আশা করে, পক্ষান্তরে সৃষ্টিকর্তার প্রতি হয় না তাহার নির্ভরতা। সে আল্লাহ পাকের বটনের প্রতি লক্ষ্য করে না। ওয়াদা পূরণে তিনি সভ্যবাদী এই কথার বিশ্বাসে বিশ্বাসী হয় না। এই জন্যই সে মাখলুককে খোশামোদ করে। তাহার কাছে আশা করে। তাই সে আল্লাহ থেকে বিরাগী হইয়াছে। পরকালে তাহার যে শাস্তি হইবে তাহা আরও কঠিন হইবে।

যদি এই ব্যক্তির ঈমান ও তাওয়াক্কুল বিতর্ক হইত তাহা হইলে সে আল্লাহ পাক থেকে সম্মান লাভ করিত। আল্লাহ পাক বলেন,

“এবং আল্লাহর জন্যই সম্মান এবং তাঁহার রাসূল ও মুমিনীনদের জন্যও।”

সুতরাং মুমিন স্বীয় প্রতিপালক থেকে সম্মান অর্জন করিয়া থাকে। অন্য কাহারো নিকট হইতে সম্মান লাভ করে না। কেননা মুমিন দৃঢ় বিশ্বাস রাখে যে, সকল সম্মান আল্লাহরই। তিনিই সম্মানিত। তাঁহার সামনে কেহও সম্মানিত নহে। তিনিই সম্মান প্রদান করেন। অন্য কেহ নহে। অতএব এই ব্যক্তির খোদার প্রতি দৃঢ় বিশ্বাস তাহাকে সম্মানিত করিয়াছে। তাওয়াক্কুল তাহাকে সহায়তা করিয়াছে।

সে লাক্ষিত হইতে পারে না কারণ আল্লাহর পক্ষ হইতে তাহার ভাগ্যে যাহা নির্ধারিত হইয়াছে উহার প্রতি তাহার নির্ভেজাল ভরসা রহিয়াছে। তাহার কোন চিন্তা নাই কারণ আল্লাহর অনুগ্রহের প্রতি তাহার পূর্ণ নির্ভরতা রহিয়াছে। সে আল্লাহ পাকের নিম্নোক্ত বাণী শ্রবন করিতেছে-

وَلَا تَهِنُوا وَلَا تَحْزَنُوا وَأَنْتُمْ الْأَعْلَوْنَ إِنْ كُنْتُمْ مُؤْمِنِينَ *

“তোমরা লাক্ষিত হইও না এবং চিন্তাযুক্ত হইও না, তোমরাই উর্দ্ধে থাকিবে যদি তোমরা ঈমানদার হও।”

সুতরাং মাখলুক থেকে কোন কিছু আশা না করা এবং প্রকৃত বাদশাহ মহান আল্লাহ পাকের প্রতি আস্থা রাখার মধ্যেই ঈমানদারের সম্মান। তাই আল্লাহ ব্যতীত অন্য কাহারো কাছে স্বীয় প্রয়োজন পূরা করার জন্য যাওয়া এবং আল্লাহ ব্যতীত অন্যের প্রতি স্বীয় অন্তর ঝুঁকানো ঈমানদারের ঈমান মানিয়া লইতে পারে না। জনৈক ব্যক্তি বলেন,

ঈমানদার ব্যক্তির জন্য কখনও নহে বৈধ।

কাহারো কাছে কিছু পাওয়ার আশা করে আল্লাহ ব্যতীত।

হে বন্ধু! থামিয়া দাঁড়াও এবং আল্লাহর যিকির করিতে থাক।

তাঁহার মধ্যে নিজকে বিলাইয়া দাও। ইহাতেই তোমার জীবন।

মূলক জয় করা তো বাদশাহদের ভাগ্য।

কিন্তু তিনি এমন এক বাদশাহ কখনও নাই ধ্বংস যাহার।

আল্লাহ পাক যাহাকে লোভ লালসার দাসত্ব থেকে মুক্তি দান করিয়াছেন আর আল্লাহর ভয়ে গুণান্বিত হওয়ার সম্মান দান করিয়াছেন তাহার উপর আল্লাহ পাকের বড় অনুগ্রহ হইয়াছে। তাহাকে পরিপূর্ণ পুরস্কারে পুরস্কৃত করিয়াছেন।

ইহাও মনে রাখা চাই যে, আল্লাহ পাক আমাদিগকে বিভিন্ন পোষাক প্রদান

করিয়াছেন। যেমন ঈমান, আল্লাহর পরিচয়, ইবাদত, রাসূলুল্লাহ ছালাল্লাহু আলাইহি ওয়াসাল্লামের প্রদর্শিত পথ প্রভৃতি। সুতরাং মাখলুকের কাছে পাওয়ার আশা করিয়া, অন্যের আশ্রয় তালাশ করিয়া উল্লিখিত পোষাক ময়লাযুক্ত করিও না।

শায়খ আবুল হাসান (রহঃ) বলেন, আমি স্বপ্নে রাসূলুল্লাহ ছালাল্লাহু আলাইহি ওয়াসাল্লাম-এর ঘিয়ারত লাভ করিয়াছি। তিনি (ছালাল্লাহু আলাইহি ওয়াসাল্লাম) আমাকে বলিলেন, “হে আলী! তোমার কাপড়-চোপড় ময়লা থেকে পরিষ্কার রাখ। প্রতি স্বপ্নে তোমার কাছে আল্লাহর সাহায্য পৌঁছিবে।” আমি আরম্ভ করিলাম, ইয়া রাসূলুল্লাহ (ছালাল্লাহু আলাইহি ওয়াসাল্লাম)! আমার কাপড় চোপড় কি? তিনি (ছালাল্লাহু আলাইহি ওয়াসাল্লাম) জবাব দিলেন মনে রাখিও, আল্লাহ পাক তোমাকে ঈমান, আল্লাহর পরিচয়, তাওহীদ, মহব্বত প্রভৃতি পোশাক দান করিয়াছেন।

হযরত শায়খ (রহঃ) বলেন যে, তখন আমার কুরআনের وَثِيَابَكَ نَظَرُ (তোমার কাপড় পাক রাখ) আয়াতের অর্থ বুঝে আসিয়াছে। সুতরাং যে ব্যক্তি আল্লাহকে চিনিবে সব জিনিসই তাহার দৃষ্টিতে ক্ষুদ্র মনে হইবে। যে আল্লাহকে ভালবাসিবে অন্য সব কিছু তাহার কাছে সম্মানহীন বলিয়া মনে হইবে। যে ব্যক্তি আল্লাহ পাককে অধিত্যম বলিয়া জানিবে সে তাঁহার সাথে কোন কিছুকে শরীক করিবে না। যে আল্লাহর প্রতি ঈমান রাখিবে সে যে কোন বিপদাপদ হইতে নিরাপদ থাকিবে। যে আল্লাহর অনুগত হইবে সে তাঁহার নাফরমানী করিবে না। যদি কোন কথায় তাঁহার নাফরমানী করিয়া ফেলে তাহা হইলে ওজর পেশ করিয়া ক্ষমা চাহিতে থাকিবে। আর ওজর পেশ করিয়া ক্ষমা প্রার্থনা করিলে কবুল হয়।

একটি বিষয় বুঝিয়া লওয়া আবশ্যক যে, আখেরাতের সফলতার পথের পথিকের জন্য মাখলুক থেকে কিছু পাওয়ার আশা উঠাইয়া লওয়া এবং ইহাদের সাথে সম্পর্ক না রাখা এমন শোভনীয় ভূষণ যে নববধুর অলংকারাদিও ততটুকু নয় শোভনীয়। এমনকি জীবনের জন্য পানির যতটুকু প্রয়োজনীয়তা রহিয়াছে তাহার এই দুইটি গুণে গুণান্বিত হওয়ার আরও অধিক প্রয়োজনীয়তা রহিয়াছে।

যখন কাহাকেও রাজ পোশাক পরিধান করানো হয় আর সেও তাহা যত্নের সাথে হেফাজত করিয়া রাখে। তাহা হইলে এই পোষাক তাহার কাছে থাকাই সমীচীন এবং তাহার থেকে এই পোশাক ছিনাইয়া লওয়া ঠিক নয়। তবে এই পোশাক পাওয়ার পর যদি তাহা ময়লাযুক্ত করিয়া ফেলে তাহা হইলে ইহা

তাহার কাছে থাকিতে দেওয়া সম্ভব নয়।

সূতরাং হে ভাতা! মাখলুকের কাছে পাওয়ার আশা রাখিয়া স্বীয় ঈমান ময়লাযুক্ত করিও না। মহান প্রতিপালক আল্লাহ পাক ব্যতীত অন্য কাহারও প্রতি নির্ভর করিও না। যদি তুমি আল্লাহ পাকের নিকট থেকে সম্মান অর্জন কর তাহা হইলে জানিয়া রাখ যে, এই সম্মান চিরস্থায়ী হইবে। কারণ আল্লাহ পাক চিরস্থায়ী। পক্ষান্তরে যদি কেহ অন্যের নিকট থেকে সম্মান অর্জন করে তাহা হইলে উহা স্থায়ী হইবে না। কারণ আল্লাহ ব্যতীত অন্য কেহ চিরস্থায়ী নহে।

এক জ্ঞানী ব্যক্তি আমাকে এক পংক্তি শুনাইয়াছেন।

(ইহার অনুবাদ দেওয়া হইল)

“মহান প্রতিপালকের কাছে সম্মান চাও। এই সম্মান স্থায়ী হয়। মৃত ব্যক্তিরও সম্মান আছে। কিন্তু ইহা চিরস্থায়ী নয়।”

এক ব্যক্তি কাদিতে কাদিতে ক্রোদ এক আরিফের কাছে আসিল। তিনি তাঁহার ক্রন্দনের কারণ জিজ্ঞাসা করিলেন। সে ব্যক্তি জবাব দিল যে, তাহার ওস্তাদ মারা গিয়াছে। আরিফ বলিলেন, তুমি এমন ব্যক্তিকে ওস্তাদ বানাইলে কেন যে মরিয়া যায়? আরিফের কথার উদ্দেশ্য হইল এমন এক সত্তাকে তোমার ওস্তাদ বানানো উচিত ছিল যাহার কখনও মৃত্যু আসিবে না।

তোমাকে বলা হইতেছে যে, যদি তুমি আল্লাহ ব্যতীত অন্য কাহারো কাছে সম্মান তালাশ কর সম্মান পাইবে না। অনুরূপভাবে অন্য কাহারও কাছে আশ্রয় প্রার্থনা কর আশ্রয়ও পাইবে না। যেমন হযরত মুসা (আঃ) সামেরীকে বলিয়াছিলেন, তুমি যে মানুষদের কাছে নিজকে নিয়োজিত করিয়া রাখিয়াছিলে সে মানুষদের অবস্থার প্রতি লক্ষ্য কর যে, আমি উহাকে পূড়াইয়া ভস্ম করিয়া নদীতে উড়াইয়া দিব। ইহা তোমার মানুষ হইতে পারে না বরং এমন এক সত্তা তোমার মানুষ তাহার ব্যতীত অন্য কেহ ইবাদতের যোগ্য নহে। তাঁহার জ্ঞান সমস্ত কিছুকে পরিবেষ্টন করিয়া লইয়াছে।

সূতরাং হে ব্যক্তি! তুমি ইবরাহীমী হও। তোমার প্রতিপালক ইবরাহীম (আঃ)-এর প্রতিপালক। ইবরাহীম (আঃ) বলিয়াছেন,

لا أحب الاثنيين

“নিঃশেষ হইয়া যায় এমন জিনিসকে আমি পছন্দ করি না।”

আল্লাহ ব্যতীত সবকিছু নিঃশেষ হইয়া যায়। ধ্বংসশীল। কোন কোন জিনিস

এমন রহিয়াছে যাহা এখনই ধ্বংস হইতেছে বা হইয়াছে। আবার কতক জিনিস এমনও রহিয়াছে যাহা এখনও ধ্বংস হয় নাই তবে একদিন না একদিন ধ্বংস হইয়া পড়িবে। সূতরাং আল্লাহ ব্যতীত অন্য সব জিনিস অবশ্যই ধ্বংসশীল। আল্লাহ পাক নির্দেশ দিয়াছেন হযরত ইবরাহীম (আঃ)-এর ধর্ম নীতি অনুসরণ করার অর্থ্য হে মানুষ! তোমরা স্বীয় পিতা ইবরাহীম (আঃ)-এর ধর্ম নীতি অনুসরণ কর। সূতরাং ঈমানদার ব্যক্তির জন্য হযরত ইবরাহীম (আঃ)-এর ধর্ম নীতির অনুকরণ করা ওয়াযিব। মাখলুকের কাছে কোন কিছুর আশা না করা হযরত ইবরাহীম (আঃ)-এর ধর্ম নীতির অন্তর্ভুক্ত।

লক্ষ্য কর যেদিন হযরত ইবরাহীম (আঃ)কে দূরে নিক্ষেপকারী যন্ত্রের উপর বসাইয়া তাঁহাকে দূর হইতে আগ্নেতে নিক্ষেপ করা হইয়াছিল। হযরত জিবরাঈল (আঃ) সামনে উপস্থিত হইলেন এবং তাঁহাকে সাহায্য করিবার প্রস্তাব দিলেন। তিনি হযরত জিবরাঈল (আঃ)কে জবাব দিলেন যে, আপনার কাছে আমার কোন প্রয়োজন নাই। তবে আল্লাহর কাছে আমার প্রয়োজন রহিয়াছে। আমি তাঁহার মুখাপেক্ষী। হযরত জিবরাঈল (আঃ) বলিলেন, ঠিক আছে। তাহা হইলে তাঁহার নিকট দোআ করুন। হযরত ইবরাহীম (আঃ) জবাব দিলেন, আল্লাহ পাক আমার অবস্থা সম্পর্কে অবগত আছেন। তাঁহার অবগত থাকাই আমার জন্য যথেষ্ট। সূতরাং আমার চাওয়া লাগিবে না। একটু লক্ষ্য কর হযরত ইবরাহীম (আঃ) কিভাবে নিজের হিম্মতকে মাখলুকের উর্ধে তুলিয়া ধরিয়াছেন? আর ইহাকে কিভাবে প্রকৃত বাদশাহের দিকে নিয়োজিত করিয়াছেন? তিনি জিবরাঈল (আঃ)-এর কাছেও সাহায্য প্রার্থনা করিলেন না আর নিজকে দোআর ঘিমায়েও সোপর্দ করিলেন না। বরং আল্লাহ পাককে হযরত জিবরাঈল (আঃ) এবং দোআ করা অপেক্ষাও নিকটবর্তী দেখিতে পাইয়াছিলেন। আল্লাহ পাকও তাহাকে নমস্কানের হাত থেকে রক্ষা করিলেন এবং তাঁহার প্রতি স্বীয় অশেষ রহমত ও অনুগ্রহ বর্ষণ করিলেন। তাঁহার প্রতি বিশেষ দৃষ্টি দিলেন।

মোটকথা হযরত ইবরাহীম (আঃ)-এর ধর্মনীতির মধ্যে একটি বিশেষ নীতি হইল এই যে, আল্লাহ পাক থেকে গাফেল করিয়া ফেলে এমন জিনিসের প্রতি শক্রতা পোষণ করা এবং স্বীয় শক্তি সাহস আল্লাহ পাকের প্রতি নিয়োজিত করা। উদাহরণ স্বরূপ তাঁহার কথা কুরআনে পাকে উল্লেখ করা হইয়াছে-

فانهم عدو الى رب العالين

“নিখিল বিশ্বের প্রতিপালক আল্লাহ পাক ব্যতীত তাহাদের (সকলের) সাথে আমার শত্রুতা রহিয়াছে।”

অতএব তাহাদের কাছে কোন কিছু পাওয়ার আশা কাটিয়া দেওয়া ইবরাহীমী ধর্মনীতির অনুকরণ।

শায়খ আবুল হাসান (রহঃ) বলিয়াছেন যে, “আমি নিজের কোন উপকার করিতে পারা সম্বন্ধে নিরাশ হইয়া পড়িয়াছি। সুতরাং অন্যে আমার উপকার করিতে পারিবে এই সম্বন্ধে কেন নিরাশ হইব না। অন্যান্যদের জন্য আল্লাহ থেকে পাওয়ার আশা রাখি আর নিজের জন্য অনুরূপ আশা কেন রাখিব না?”

ইহা একটি বড় নিয়ামত। যে ব্যক্তি ইহা অর্জন করিতে সক্ষম হইয়াছে সে তো এমন এক দৌলত অর্জন করিয়াছে যাহার কোন অভাব দেখা দিতে পারে না। সে এমন এক সম্মান লাভ করিয়াছে যাহাতে কখনও অপদস্থতা আসে না। সে খরচ করার নিমিত্ত এমন সম্পদ লাভ করিয়াছে যাহা নিঃশেষ হইবার নয়। ইহা এমন ব্যক্তির জন্য কিমিয়া যাহার বিবেক আল্লাহর দিকে।

হযরত শায়খ আবুল হাসান (রহঃ)-এর কাহিনী

হযরত শায়খ আবুল হাসান (রহঃ) বলেন, এক ব্যক্তি আমার পিছু ধরিয়াছে। ইহা কিন্তু আমার কাছে খুবই অপছন্দনীয় মনে হইল। আমি তাহার সাথে সহজ হইতে চাহিলাম। ফলে সেও ইহা বুঝিতে পারিয়া আমার সাথে সহজ হইয়া পড়িল। অতঃপর আমি তাহাকে জিজ্ঞাসা করিলাম, হে বৎস! তোমার কি প্রয়োজন? তুমি আমার পিছনে পিছনে আসিতেছ কেন? সে বলিল, হযরত! আমি শুনিয়াছি যে, আপনি কিমিয়া জানেন? আমি ইহা শিক্ষা করার জন্য আপনার পিছনে আসিয়াছি। আমি তাহাকে বলিলাম, তুমি সত্য বলিয়াছ। আর যে তোমাকে এই সম্বন্ধে খবর দিয়াছে সেও সত্য বলিয়াছে। কিন্তু আমার ধারণা যে তুমি তাহা কবুল করিবে না। সে বলিল, কেন কবুল করিব না? অবশ্যই কবুল করিব। আমি বলিলাম, আমি মাখলুকের (সৃষ্টি জগতের) প্রতি দৃষ্টি দিয়াছি। দেখিতে পাইয়াছি যে, ইহা দুইভাগে বিভক্ত। কতক শত্রু আর কতক বন্ধু। শত্রুর দিকে দেখিয়াছি। তখন আমার বিশ্বাস হইয়াছে যে, তাহারা আল্লাহ পাকের অনুমতি ব্যতীত কোন কাঁটাও ফুটাইতে পারে না। তখন আমি তাহাদের থেকে দৃষ্টি ফিরাইয়া লইয়াছি। এখন আমি ইহাদের কোন পরওয়া করি না।

অতঃপর বন্ধুদের প্রতি লক্ষ্য করিয়াছি। বুঝিতে পারিয়াছি যে, তাহারাও আল্লাহর অনুমতি ব্যতীত কোন উপকার করিতে পারে না। সুতরাং তাহাদের

থেকেও নিরাশ হইয়াছি। অতঃপর আল্লাহর সাথে সম্পর্ক করিয়াছি। তখন আল্লাহর পক্ষ হইতে আমাকে বলা হইয়াছে যে এই বিষয়ে ইহার হাকিকত পর্যন্ত তখনই পৌঁছিতে পারিবে যখন আমার (আল্লাহ) সম্বন্ধে সম্পূর্ণ সন্দেহমুক্ত হইবে এবং তোমার ভাগ্যে নির্ধারিত বিষয়ের অতিরিক্ত কেহ কিছু করিতে পারা সম্পর্কে সম্পূর্ণরূপে নিরাশ না হইবে।

একদা তিনি বলেন, তখনও তাহার কাছে কোন ব্যক্তি কিমিয়া সম্বন্ধে জিজ্ঞাসা করিয়াছিল। তখন তিনি জবাব দিয়াছিলেন অন্তর থেকে লোভ লালসা দূরীভূত কর। তোমার ভাগ্যে নির্ধারিত অংশ অপেক্ষা অধিক পাইতে পার বলিয়া আশা পরিত্যাগ কর।

বী্য দৈনন্দিন আমল নিয়মিতভাবে সর্বদা করিতে থাকে। ফলে অন্তরে নূর পয়দা হইবে। নূর পয়দা হওয়ার আলামত হইল যে, অন্তর অন্যান্যদের থেকে মুখ ফিরাইয়া আল্লাহর দিকে ঝুঁকিয়া পড়িবে।

আন্তরিকভাবে আল্লাহ পাকের সাথে সম্পর্কমুক্ত হইয়া যাও। তাঁহার অধীন হও।

স্বভাবের দাসত্ব হইতে মুক্ত হও। তাকওয়ার সৌন্দর্য দ্বারা সুশোভিত হও। ইহার দ্বারা আমলের মধ্যে সৌন্দর্য আর অবস্থার মধ্যে সাক্ষাৎ আসে।

আল্লাহ পাক বলেন-

إِنَّا جَعَلْنَا مَا عَلَى الْأَرْضِ زِينَةً لَهَا لِنَبْلُوَهُمْ إِنَّهُمْ أَكْثَرُ غَفْلًا *

“নিশ্চয়ই আমি যমীনের উপরস্থ জিনিসসমূহকে যমীনের জন্য শোভা হিসাবে সৃষ্টি করিয়াছি যাহাতে আমি তাহাদিগকে পরীক্ষা করিতে পারি যে, তাহাদের মধ্যে কাহার আমল সুন্দর।”

আমলের মধ্যে সৌন্দর্য অর্জিত হইতে যেসব গুণের প্রভাব রহিয়াছে তাহা হইল বিবেক আল্লাহর দিকে হওয়া। বিবেক আল্লাহর দিকে হওয়ার অর্থ আল্লাহ ব্যতীত অন্য থেকে বিমুখ হইয়া আল্লাহর মুখাপেক্ষী হইয়া যাওয়া। শুধু তাঁহাকে যথেষ্ট মনে করা। তাঁহারই উপর নির্ভর করা। তাঁহার কাছেই নিজের প্রয়োজন পেশ করা। সর্বদা তাঁহার সামনে থাকা। এই সবকিছু বিবেক আল্লাহর দিকে হওয়ার ফলশ্রুতি।

অন্যান্য গুণাবলী অপেক্ষা নিজের মধ্যে তাকওয়া পয়দা করার প্রয়াস অধিক চালাও। মাখলুক থেকে কোন কিছু পাওয়ার আশা থেকে পবিত্র থাক। কেননা

মাখলুক থেকে পাওয়ার আশাবাদী যদি সন্ত সমুদ্রের পানি দ্বারাও পবিত্র হইতে চায় তাহা হইলেও কোন কিছু তাহাকে পবিত্র করিতে পারে না। তবে মাখলুক থেকে নিরাশ হওয়া এবং তাহাদের থেকে স্বীয় আশা আকাঙ্ক্ষা উর্ধ্বে রাখা ব্যতীত এই ব্যক্তি পবিত্র হইতে পারে না।

হযরত আলী (রাঃ) বসরায় আগমন করিয়াছেন। জামে মসজিদে আসিয়া দেখিলেন যে, বিভিন্ন বক্তা ওয়াজ করিতেছেন। তিনি বক্তাদেরকে একে একে খামাইয়া দিলেন। অবশেষে হযরত হাসান বসরী (রহঃ)-এর কাছে পৌঁছিলেন এবং বলিলেন, হে যুবক! আমি তোমাকে একটি বিষয় সম্পর্কে জিজ্ঞাসা করিব। যদি সঠিক উত্তর দিতে পার তাহা হইলে তোমাকে ওয়াজ করিবার অনুমতি প্রদান করিব। অন্যথায় তোমাকেও উঠাইয়া দিব। অবশ্য হযরত আলী (রাঃ) তাহার মধ্যে উত্তর প্রদানের যোগ্যতার নিদর্শনও দেখিতে পাইয়াছিলেন।

হযরত হাসান বসরী (রহঃ) আরম্ভ করিলেন, আপনি কি জিজ্ঞাসা করিতে ইচ্ছা করিয়াছিলেন জিজ্ঞাসা করুন।

হযরত আলী (রাঃ) বলিলেন, 'বলউ দেখি! দ্বীনের মূল জিনিস কি? তিনি জবাব দিলেন, তাকওয়া। অতঃপর হযরত আলী (রাঃ) জিজ্ঞাসা করিলেন, দ্বীনের মধ্যে অনিষ্টকারী কি? তিনি জবাব দিলেন, লোভ-লালসা। হযরত আলী (রাঃ) বলিলেন, ঠিক আছে! বসিয়া ওয়াজ কর। তোমার মত মানুষ ওয়াজ করিতে পারিবে।

শায়খ আবুল আক্বাস (রঃ)-এর কাছে শুনিয়াছি যে তিনি বলিতেন আমি জীবনের প্রাথমিককালে ইসকান্দরিয়া শহরের সীমান্ত এলাকায় থাকিতাম। কোন একজন পরিচিত ব্যক্তির নিকট হইতে অর্থ দেরহাম মূল্যে কোন একটি জিনিস খরিদ করিলাম। অতঃপর আমি মনে মনে চিন্তা করিলাম যে, হযরতবা এই ব্যক্তি আমার কাছ থেকে ইহার দাম নিবে না। তখনই অদৃশ্য থেকে এক ব্যক্তি আওয়াজ দিল যে মাখলুকের কাছে কোন কিছু লোভ না করার মধ্যে দ্বীনের হেফাজত। আমি তাহার কাছে শুনিয়াছি যে মাখলুকের কাছে আশাবাদী ব্যক্তি সন্তুষ্ট হয় না। লক্ষ্য কর طمع (লোভ) শব্দটি তিন বর্ণে গঠিত। আর তিনটি বর্ণই খালী। যেমন ط-م-ع

সূত্রং হে মুরীদ! তোমার জন্য একান্ত অপরিহার্য যে, মাখলুকের কাছে কোন কিছু আশা করা হইতে তোমার আকাঙ্ক্ষা উর্ধ্বে রাখ। রিয়কের ব্যাপারে তাহাদের সামনে অপদস্থ হইও না। কেননা রিয়কের বিষয়টি সম্পূর্ণ আল্লাহর

হাতে। তোমার সন্তিভূত পূর্বই তোমার রিয়ক বস্তু করিয়া রাখা হইয়াছে। আর তুমি প্রকাশ্যে আসার পূর্বই তাহা স্থির করা হইয়াছে।

এক বুয়ুর্গের বাণী শ্রবণ কর, হে মানব! যে সকল জিনিস চোয়ালের দ্বারা চাবানোর জন্য নির্ধারিত করা হইয়াছে চোয়াল অবশ্যই তাহা চাবাইবে। (অর্থাৎ যাহা যেভাবে সম্পাদন হওয়ার জন্য নির্ধারিত হইয়াছে তাহা অবশ্যই সেভাবে হইবে।) সূত্রং তোমার রিয়ক তুমি সম্মানের সাথে খাও। অপমানের সাথে খাইও না।

যে ব্যক্তি আল্লাহ পাককে চিনিবে সে আল্লাহ পাকের অভিভাবকত্বও দায়িত্ব গ্রহণের প্রতি নির্ভরশীল হইবে। নিজের কাছে রক্ষিত বস্তু অপেক্ষা আল্লাহর কাছে মওজুদ বস্তুর প্রতি যতক্ষণ পর্যন্ত অধিক নির্ভরতা না থাকিবে আর যতক্ষণ পর্যন্ত মাখলুকের দায়িত্ব গ্রহণ অপেক্ষা আল্লাহর দায়িত্ব গ্রহণের প্রতি অধিক ভরসা না থাকিবে বুঝিতে হইবে যে, ততক্ষণ পর্যন্ত তাহার বুদ্ধি পরিপক্ব হয় নাই। জাহেল (মূর্খ) সাব্যস্ত হওয়ার জন্য এতটুকুই যথেষ্ট যে তাহার মধ্যে এই অবস্থা বিদ্যমান নাই।

এক আরিফ ব্যক্তির কাহিনী

এক ব্যক্তি এক আরিফ ব্যক্তিকে দেখিতে পাইল যে, সে সর্বদা জামে মসজিদে নিজকে আবদ্ধ করিয়া রাখে। মসজিদ হইতে বাহির হয় না। ইহা দেখিয়া তাহার খুব আশ্চর্য হইল। তাহার মনে এক প্রশ্নের উদ্বেগ হইল যে, এই আরিফ ব্যক্তি খানাপিনা করে কোথায় থেকে? আরিফ ব্যক্তি তাহার অন্তরের কথা বুঝিতে পারিয়া একদিন জিজ্ঞাসা করিল যে, তোমার খানাপিনা কোথায় থেকে আসে? তুমি কোথায় থেকে খানাপিনা কর? সে জবাব দিল আমার একজন ইহুদী বন্ধু আছে। সে আমার সাথে ওয়াদা করিয়াছে যে, সে প্রতিদিন আমাকে দুইটি করিয়া রুটি প্রদান করিবে। ওয়াদা মোতাবেক সে দুইটি করিয়া রুটি দিয়া যাইতছে। আরিফ ব্যক্তি বলিল, তুমি তো নিজের জন্য ইহুদী বন্ধুর ওয়াদার প্রতি ভরসা করিয়াছ। কিন্তু আমার জন্য আল্লাহ পাকের ওয়াদার প্রতি ভরসা কর নাই। অথচ আল্লাহ পাকের ওয়াদা সর্বদা সত্য। তিনি কখনও ওয়াদা ভঙ্গ করেন না। তিনি নিজেই বলেন-

وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا وَيَعْلَمُ مُسْتَقَرَّهَا وَمُسْتَوْدَعُهَا *

“এমন কোন প্রাণী নাই যাহার জীবিকার দায়িত্ব আল্লাহর হিমায়ে নহে। তিনি ইহার দীর্ঘস্থায়ী অবস্থিতি ও ক্ষণস্থায়ী অবস্থিতি সম্পর্কে অবহিত আছেন।”

সে ব্যক্তি তাহার কথা শুনিয়া লজ্জিত হইয়া চলিয়া গেল। এক বুয়ুর্গের ঘটনা। কয়েক দিন ধরিয়া এক ইমামের পিছনে নামাজ পড়িতেছিল। ইমাম দেখিল যে, এই বুয়ুর্গ সর্বদা মসজিদে বসিয়া থাকেন এবং জাগতিক বাহ্যিক আসবাব বর্জন করিয়াছেন। ইমাম বড়ই আশ্চর্য বোধ করিল। ইমাম তাকে জিজ্ঞাসা করিল যে, আপনি কোথায় থেকে আহার করেন? বুয়ুর্গ বলিলেন, তুমি কিছুক্ষণ অপেক্ষা কর। আমি তোমার পিছনে পঠিত নামাজ প্রথমে পূর্ণবার পড়িয়া নই। অতঃপর তোমার প্রশ্নের জবাব দিব। কেননা, আমি এমন ব্যক্তির পিছনে নামাজ পড়িতে চাই না যে আল্লাহ সম্পর্কে সন্দেহ পোষণ করে।

এই সম্বন্ধে আরও অনেক ঘটনা রহিয়াছে।

কোন এক ব্যক্তি হযরত আলী (রাঃ)-এর কাছে জিজ্ঞাসা করিল যে, যদি কোন ব্যক্তিকে একটি কোঠায় আবদ্ধ করিয়া উপরের দিক হইতে ঢালাই করিয়া পাকা করিয়া দেওয়া হয় তাহা হইলে তাহার রিয়ক কোথায় হইতে কিভাবে আসিবে? হযরত আলী (রাঃ) জবাব দিলেন যে, যেখান থেকে মৃত্যু আসিবে সেখান থেকেই রিয়ক আসিবে। লক্ষ্য কর. এই দলীলটি কত উজ্জ্বল ও সুদৃঢ়।

হযরত শায়খ (রহঃ) বলিয়াছিলেন, “আমাদিগকে রিয়কের ফিকির করা হইতে এবং তদবীর করিয়া ইহা অর্জন করা হইতে বাঁচান।” ফিকির করার অর্থ দেহ ঠিক থাকার জন্য অবশ্যই খাদ্য প্রয়োজন এই খেলাল অন্তরে পয়দা করা।

আর তদবীর করার অর্থ মনে মনে কল্পনা করা যে, অমুক অমুক পন্থায় রিয়ক উপার্জিত হইবে। অতঃপর কল্পনা করা যে রিয়ক অর্জন করার জন্য অমুক অমুক জিনিস ব্যবহারে আনিতে হইবে। এইরূপ কল্পনা জল্পনায় লিপ্ত হওয়া আর ধীরে ধীরে কল্পনা বাড়িতে থাকা। অবশেষে এমন এক পর্যায়ে পৌঁছিয়া যাওয়া যে নামাজেও তাহার খবর নাই যে এই চিন্তা কতটুকু বাড়িয়াছে। তিলাওয়াতের খবর নাই যে, কতটুকু বাড়িয়াছে। এমন অবস্থায় পৌঁছার পর যে ইবাদতে প্রথমে তাহার অন্তর লাগিত এখন তাহাতে অন্তর লাগে না। ইবাদত ময়লাযুক্ত বস্তুর ন্যায় বিরক্তিকর মনে হয়। ইহার নূর তাহার ভাগ্য হইতে উধাও হয়। ইহার বিভিন্ন রহস্য থেকে হয় বঞ্চিত।

সূতরাং যখন এই ধরণের কল্পনা তোমাকে পাইয়া বসে তখন তাওয়াযুলের কোদাল ঘারা ইহা ভাসিয়া চুরমার করিয়া ফেল। একীনের অস্তিত্ব ঘারা ইহাকে চূর্ণ-বিচূর্ণ করিয়া দাও।

জানিয়া রাখ যে, তোমার তদবীরের ফলাফল কি হইবে তাহা তোমার

জন্মের পূর্বেই আল্লাহ পাক বলিয়া দিয়াছেন। সুতরাং যদি তুমি নিজের জন্য মঙ্গল প্রত্যাশী হও তাহা হইলে তদবীর করা হইতে বিরত থাক। কেননা তদবীর করিলে তোমাকে তোমার প্রতি সোপর্দ করা হইবে। আল্লাহর মেহেরবানীর সাহায্য তোমার কাছে পৌঁছিবে না। আল্লাহ পাক ঈমানদারকে তদবীর করিতে আর তকদীরের মোকাবিলা করিতে দেন না।

যদি কোন কারণে তোমার মধ্যে তদবীর করার অবস্থা সৃষ্টি হয় অথবা তদবীরের আশংকা দেখা দেয় তাহা হইলে তুমি নিজের মধ্যে এই অবস্থা স্থায়ী হইতে দিও না।

কেননা, ঈমানদারের ঈমানের নূর তাহাকে এই অবস্থায় থাকিতে দেয় না। আল্লাহ পাক বলেন-

كَانَ حَقًّا عَلَيْنَا نَصْرَ الْمُؤْمِنِينَ

“ঈমানদারদের সাহায্য করা আমার দায়িত্ব।”

অন্য এক স্থানে বলেন,

بَلْ تَغْتَذِرُ بِالْحَقِّ عَلَى الْبَاطِلِ فَيَدْمَغُهُ فَإِذَا هُوَ زَاهِقٌ

“বরং আমি সত্যকে বাতিলের প্রতি নিক্ষেপ করি। তখন সত্য বাতিলের মস্তিষ্ক বাহির করিয়া দেয়। আর বাতিল দূরীভূত হইতে থাকে।”

হযরত শায়খ (রহঃ) আরও বলিয়াছেন “রিয়ক অর্জিত হওয়ার পর আমাদিগকে লোভ লালসা এবং কৃপণতা হইতে বাঁচান।” ইহা এমন দুইটি অবস্থা যাহা রিয়ক অর্জিত হওয়ার পর সৃষ্টি হয়। একীনের দুর্বলতা এবং আল্লাহর প্রতি সুদৃঢ় নির্ভরতার অভাবে এই অবস্থার জন্ম হয়। আল্লাহ পাক কুরআনে পাকে উভয় অবস্থার নিন্দা করিয়াছেন। তিনি বলেন-

وَمَنْ يَتَوَكَّلْ عَلَى نَفْسِهِ فَوَلِّكَهُمُ الْفُلُوحُونَ

“যাহাদিগকে লোভ-লালসা থেকে দূরে রাখা হইয়াছে তাহারাই সফলকাম।”

এই আয়াত থেকে বুঝা যায় যে, লোভীর জন্য সফলতা নাই। অর্থাৎ সে নূর হইতে বঞ্চিত। কেননা, সফলতা নূরকে বলা হয়। অন্য এক আয়াতে আল্লাহ পাক মোনাফেকদের অবস্থা বর্ণনা করেন-

أَشِجَّةٌ عَلَى الْحَبِيرِ وَلَوْلِكَ لَمْ يَوْمِتُوا فَأَحْطِ اللَّهُ أَعْمَالَهُمْ

“তাহারা সম্পদের লোভী। তাহারা ঈমানদার নহে। সুতরাং আল্লাহ পাক তাহাদের আমল বাতিল করিয়া দিয়াছেন।” অন্য এক আয়াতে বলেন-

وَمِنْهُمْ مَّنْ عَاهَدَ اللَّهَ إِلَى قَوْمٍ مَّعْرُوضُونَ *

“আর মোনাফেকদের মধ্যে এমন কতক লোক আছে। যাহারা আল্লাহর সহিত এই অঙ্গীকার করে; যদি আল্লাহ তাআলা আমাদিগকে স্বীয় অনুগ্রহে অধিক সম্পদ দান করেন তবে আমরা অধিক দান করিতাম ও সং কাজ করিতাম। অতঃপর যখন আল্লাহ পাক স্বীয় অনুগ্রহে অনেক সম্পদ দান করিলেন তখন তাহারা কার্পণ্য ও উপেক্ষা করিতে লাগিল।”

তিনি আরও বলেন-

وَمَنْ يَبْتَغِ غَيْرَ الْوَسِيلَةِ عَنْ نَفْسِهِ *

“যে ব্যক্তি কৃপণতা করে; প্রকৃতপক্ষে সে নিজের সাথেই কৃপণতা করে।”

কেননা খরচ করার সওয়াব তাহার নিজের। কৃপণতা শব্দটি তিনটি ক্ষেত্রে ব্যবহৃত হইয়া থাকে। প্রথম ক্ষেত্রে যেখানে সম্পদ ব্যয় করা ওয়াজিব সে সব স্থানে ব্যয় করিতে কৃপণতা করা। দ্বিতীয় ক্ষেত্রে যেখানে ব্যয় করা ওয়াজিব নহে সে সব স্থানে ব্যয় করিতে কৃপণতা করা। তৃতীয় ক্ষেত্রে স্বীয় জীবন আল্লাহর জন্য ব্যয় করিতে কৃপণতা করা।

প্রথম প্রকারের কৃপণতার বিবরণ কৃপণতা বশতঃ যাকাত প্রদান না করা। অথচ যাকাত প্রদান করার নির্দেশ দেওয়া হইয়াছে। অথবা এমন কোন হক আদায় না করা যাহা আদায় করা তাহার জন্য অপরিহার্য। যেমন, পিতা মাতা যখন সন্তানের প্রতি মুখাপেক্ষী হয় তখন তাহাদের ব্যয়ভার বহন করার জন্য খরচ করা। অনুরূপভাবে সন্তানের খরপোষ দেওয়া, স্ত্রীর খরপোষ দেওয়া, প্রাপ্ত বয়স্ক সন্তানাদি যখন পিতার মুখাপেক্ষী হয় তখন তাহার ব্যয়ভার বহনের জন্য খরচ করা। মোটকথা যে সকল হক আদায় করা আল্লাহ পাক তোমার উপর ওয়াজিব করিয়াছেন উহা আদায় করিতে অলসতা করিলে তুমি নিন্দাবাদ ও শাস্তির যোগ্য হইয়া পড়িবে। এই সম্পর্কে কুরআনে আরও একটি আয়াত রহিয়াছে। যেমন-

وَالَّذِينَ يَكْتَرُونَ بِعَذَابِ الْيَمِ *

অত্র আয়াতে কানয (كنز) শব্দ ব্যবহার করা হইয়াছে। কানয শব্দের অর্থ সম্পদ জমা করা যাহার যাকাত আদায় করা হয় নাই। যে সম্পদের যাকাত

আদায় করা হইয়াছে উহাকে কানয বলা হয় না। অর্থাৎ যাকাত আদায় করা হইয়াছে এমন সম্পদ আয়াতে উল্লিখিত আযাবের আওতায় পড়িবে না।

কৃপণতার দ্বিতীয় ক্ষেত্র এমন সম্পদের সাথে সম্পর্কিত যাহা ব্যয় করা ওয়াজিব নহে। যেমন এক ব্যক্তি স্বীয় সম্পদের যাকাত আদায় করিয়াছে কিন্তু অন্য কোন দান করে নাই। যদিও সে ব্যক্তি আল্লাহ পাকের এমন একটি নির্দেশ পালন করিয়াছে যাহা তাহার জন্য অপরিহার্য ছিল। কিন্তু শুধু এতটুকু করিয়া ক্ষান্ত করা উচিত নয়; কেননা শুধু ফরয ওয়াজিব আদায় করিয়া ক্ষান্ত করা আর নফল দান ষরয়াত থেকে ফিরিয়া থাকা নিচ মনা মানুষের কাজ। সুতরাং যদি কোন ঈমানদার ব্যক্তি আল্লাহর সাথে স্বীয় সম্পর্ক ঠিক রাখিতে চায় তাহার জন্য শোভনীয় নয় যে, আল্লাহ পাক তাহার দায়িত্বে যাহা অপরিহার্য করিয়াছেন তাহা ব্যতীত অন্য কোন দিক দিয়া আল্লাহর সাথে সম্পর্ক রাখিবে। যে ব্যক্তি তাহার দায়িত্বে অপরিহার্য ব্যয় ব্যতীত অন্য কোন ব্যয় না করে সে এমন এক ব্যক্তির তুল্য যে শুধু ফরয আদায় করে আর সুন্নত নামায থেকে বিরত থাকে। যে শ্রোতা আল্লাহ পাকের নিম্নোক্ত ইরশাদ তোমার জন্য যথেষ্ট। হাদীছে কুদসীতে আসিয়াছে যে, “ফরয আদায়ের দ্বারা আমার যতটুকু নৈকট্য অর্জিত হয় অন্য কোন আমলের দ্বারা ততটুকু হয় না। বান্দা সর্বদা নফল নামাযের মাধ্যমে আমার নৈকট্য খুঁজিতে থাকে। এমন কি আমি তাহাকে আমার প্রিয় করিয়া লই। আমি যখন তাহাকে আমার প্রিয় করিয়া লই তখন আমি তাহার কান, তাহার চক্ষু, তাহার অন্তর, তাহার রসনা, তাহার বিবেক, তাহার হাত এবং তাহার সাহায্যকারী হইয়া যাই।”

লক্ষ্য কর আল্লাহ পাক এখানে বলিয়াছেন যে, বারবার নফল ইবাদত করার দ্বারা এবং গুরুত্ব সহকারে করার দ্বারা তিনি বান্দাকে প্রিয় বানাইয়া লন। আর নফল এমন আমলকে বলা হয় যাহা আদায় করা অপরিহার্য করা হয় নাই। নামায, রোজা, দান ষরয়াত, হজ্জ এবং অন্যান্য ইবাদতও নফল আছে।

একজন শুধু ফরয নামায আদায় করে অপরজন ফরয ও নফল উভয় নামায আদায় করে অথবা একজন শুধু যাকাত আদায় করে। অপরজন যাকাত আদায় করার সাথে সাথে দান ষরয়াতও করিয়া থাকে। এই দুই ব্যক্তির মর্যাদার পার্থক্য একটি উদাহরণের মাধ্যমে বুঝা যায়। যেমন এক মনিব তাহার দুইটি দাসের দায়িত্বে দৈনিক দুই দেরহাম করিয়া ট্যান্ড নির্ধারিত করিল। তন্মধ্যে এক দাস প্রতিদিন স্বীয় মনিবকে দুই দেরহাম করিয়া পরিশোধ করিয়া যাইতেছে। দুই দেরহাম অপেক্ষা অধিক কিছু দিতেছে না। আর কোন প্রকার হাদিয়া

(উপটৌকন)ও দিতেছে না। এমনকি মনিবকে স্বীয় ভক্তি শ্রদ্ধাও প্রদর্শন করিতেছে না। দ্বিতীয় দাস তাহার দায়িত্বে নির্ধারিত ট্যাক্স আদায় করার পরও বিভিন্ন প্রকারের ফলমূল ও অন্যান্য হাদিয়া পেশ করিতেছে। সুতরাং দ্বিতীয় দাসটি নিঃসন্দেহে মনিবের কাছে অধিক ভাগ্যবান, মনিবের স্নেহ লাভের অধিক উপযোগী এবং তাহার অনুগ্রহ লাভের অধিকতর নিকটবর্তী। কেননা, যে দাসটি তাহার দায়িত্বে নির্ধারিত পরিমান বস্তু মালিকের সামনে পেশ করে সে তো ইহা মনিবের প্রতি তাহার ভালবাসার ভিত্তিতে দেয় না বরং শান্তির ভয়ে দেয়। পক্ষান্তরে যে দাসটি নির্ধারিত ট্যাক্স ব্যতীত মনিবকে অন্যান্য হাদিয়াও দিয়া থাকে সে মনিবকে ভালবাসার পথে চলিতেছে। মনিবের প্রতি ভালবাসাই তাহার মূল লক্ষ্য। এই দাসটি মনিবের নৈকট্য ও ভালবাসা লাভের অধিকতর উপযোগী। শুধু ফরয আহকাম আদায়কারী প্রথম দাসের তুল্য। ফরযের সাথে সন্নত-নফল আদায়কারী দ্বিতীয় দাসের তুল্য।

আল্লাহ পাক বান্দার দুর্বলতা ও অলসতা সম্পর্কে সম্পূর্ণ অবগত। তিনি যে সব আহকাম তাহাদের দায়িত্বে ওয়াজিব করিয়াছেন যদি এই সব আহকামের ক্ষেত্রে তাহাদিগকে এবাতিয়ার দিতেন তাহা হইলে অধিকাংশ লোক এইসব আহকাম পালনে বিরত থাকিত। অবশ্য অল্প সংখ্যক লোক পালন করিত। কিন্তু এই ধরণের লোক খুবই বিরল। তিনি তাহাদের দায়িত্বে এইসব আহকাম ওয়াজিব করিয়া বস্তুত তাহাদের বেহেশতে প্রবেশ অপরিহার্য করিয়া দিলেন। যেন তাহাদিগকে ওয়াজিব আহকাম সমূহের শিকলে বাঁধিয়া বেহেশতের দিকে গুরুত্বান্বিত করাইয়া দিলেন। হাদীছে আসিয়াছে “আপনার পরোয়ারদিগার কতগুলি লোক সম্পর্কে আশ্চর্যবোধ করেন যাহাদিগকে শিকলে আবদ্ধ করিয়া বেহেশতে প্রেরণ করা হইয়া থাকে।”

বিশেষ জ্ঞাতব্য নফল ইবাদত

শরীয়তে বৈধ হওয়ার হেকমত

আমরা ওয়াজিব (অবশ্যই করণীয়) আহকাম সম্বন্ধে খুব চিন্তা ভাবনা করিয়া দেখিয়াছি যে, আল্লাহ পাক যে যে ইবাদত ওয়াজিব করিয়াছেন ঠিক ঐ জাতীয় ইবাদত হইতে কিছু না কিছু ইবাদত নফল হিসাবেও বৈধ করিয়াছেন। যাহাতে ওয়াজিব ইবাদত আদায় করিতে যে ক্রটি হইয়া যায় নফল ইবাদতের দ্বারা তাহা পূরা হইয়া যায়। হাদীছেও অনুরূপ কথা আসিয়াছে “হিসাব নিকাশের সময় সর্ব প্রথম বান্দার ফরয নামাজসমূহ দেখা হইবে। যদি ইহাতে কিছু ক্রটি পাওয়া যায় তাহা নফলের দ্বারা পূরা করিয়া দেওয়া হইবে।” হাদীছটি খুব

ভালভাবে রুদয়সম করিয়া লও। আল্লাহ পাক তোমার উপর যে সকল আমল ফরয করিয়াছেন শুধু তাহা পালন করাকে যথেষ্ট মনে করিও না। “বরং আল্লাহ পাক যে কাজ তোমার দায়িত্বে ওয়াজিব করেন নাই এমন সব আমলের মাধ্যমেও আল্লাহর সাথে সম্পর্ক রাখিতে পার” এই দিকের প্রতি উৎসাহ প্রদানকারী কোন আকর্ষণ তোমার মধ্যে হওয়া চাই। যদি বান্দা স্বীয় পাল্লায় শুধু ওয়াজিব আহকাম সমূহ আদায় করিবার এবং হারাম কার্যসমূহ পরিহার করিবার সওয়াব দেখিতে পায় তখন সে বুঝিতে পারিবে যে, তাহার এত অধিক পরিমান কল্যাণকর আমল ছুটিয়া গিয়াছে যাহা কেহ গণনা করিয়াও শেষ করিতে পারিবে না এবং কোন অনুমানকারী অনুমান করিয়াও শেষ করিতে পারিবে না। সুতরাং ঐ মহান সত্তা পবিত্র, যিনি বান্দাদের আমলের দরজা প্রশস্ত করিয়াছেন এবং তাহার পর্যন্ত পৌঁছার মাধ্যমসমূহ বর্ণনা করিয়া দিয়াছেন।

আল্লাহ পাক অবগত আছেন যে, তাহার বান্দাদের মধ্যে কতক বান্দা দুর্বল। আর কতক বান্দা শক্তি ও সাহসের অধিকারী। তিনি কিছু আহকাম ওয়াজিব করিয়াছেন আর হারাম বিষয়গুলি বর্ণনা করিয়াছেন যাহাতে দুর্বল বান্দারা শুধু ওয়াজিব আহকামসমূহ আদায় করিয়া এবং হারাম কাজসমূহ হইতে বাঁচিয়া ক্ষান্ত হইতে পারে। তাহাদের অন্তরে প্রভুর মহক্বতের পিপাসা নাই যে তাহারা ওয়াজিব আহকামসমূহ ব্যতীত অন্যান্য আমলগুলি পালন করিতে পারে। তাহাদের উদাহরণ এমন এক দাসের উদাহরণ যাহার সম্বন্ধে মনিবের জানা আছে যে, যদি মনিব তাহার উপর ট্যাক্স নির্ধারণ না করে তাহা হইলে সে মনিবকে কোন কিছুই দিবে না। এই জন্যই আল্লাহ পাক এ ধরণের বান্দার জন্য মৌখিক রিয়ক ওয়াজিব করেন নাই বরং দাসের আমলের অনুরূপ আমল নির্ধারিত করিয়াছেন। সূর্যোদয়ের ও সূর্যাস্তের এবং দিবসের মধ্যভাগে নামাজ পড়া নির্ধারণ করিয়াছেন। নগদ টাকা পয়সা, ব্যবসায়ের মাল এবং গৃহপালিত পশুর ক্ষেত্রে এক বৎসর অভিজ্ঞতা হওয়ার পর যাকাত নির্ধারণ করিয়াছেন। যমীনের ফসলের উপর নির্ধারিত পরিমান বায়তুল মাল প্রদানের ফয়সালা করিয়াছেন। যেমন ইরশাদ হইয়াছে-

و اتوا حقه يوم حصاده *

“ফসল কাটার দিনে তাহার হক দিয়া দাও।” মিলহজ্জ মাসের দশ তারিখে হজ্জ নির্ধারণ করিয়াছেন। রমযান মাসের রোযা ফরয করিয়াছেন। মোটকথা, তাহাদের আমল নির্ধারিত করিয়াছেন। আমলের ওয়াত্তও নির্ধারিত করিয়াছেন। ইহার পরে যে সময়টুকু অতিরিক্ত থাকে উহাতে মানবিক চাহিদা পূরণের জন্য

সুযোগ দেওয়া হইয়াছে।

যাহারা আল্লাহ ওয়াল্লা হয় তাহাদের বিবেক আল্লাহর দিকে হয়। তাহারা সকল ওয়াক্কে একই ওয়াক্ত বলিয়া গণনা করে। অর্থাৎ ইবাদতের জন্য ওয়াক্ত নির্ধারণ করে না বরং রাত্ৰ দিন সর্বক্ষণকে আল্লাহর ইবাদতের ওয়াক্ত মনে করে। পুরা জীবনটাই আল্লাহর ইবাদতের মাধ্যম হিসাবে গ্রহণ করে। তাহারা বিশ্বাস করে যে, সর্ব ওয়াক্ত তাঁহার জন্য। জীবনের কোন একটি মুহূর্ত অন্য কোন কাজের জন্য নয়।

শায়খ আবুল হাসান (রহঃ) বলেন, জীবনে একটিই মাত্র আমল গ্রহণ কর। তাহা হইল মনের চাহিদা পরিহার করা আর মালিককে মহব্বত করা। প্রেমিকের ভালবাসা প্রেমিককে প্রেমাম্পদ ব্যতীত অন্য কাহারও অনুগত হইতে দেয় না।

আল্লাহ ওয়ালারা জানে যে তাহাদের প্রতিটি নিঃশ্বাস তাহাদের কাছে আল্লাহ পাকের আমানত। তাহারা বিশ্বাস করে-যে প্রতিটি নিঃশ্বাসের হিসাব-নিকাশ লওয়া হইবে। সুতরাং তাহারা নিজেদের সমস্ত শক্তি তাঁহার দিকে নিয়োজিত করিয়া রাখে। আল্লাহ পাক প্রতিপালক। চিরস্থায়ী। সুতরাং প্রতিপালকের যে হকসমূহ তোমার উপর রহিয়াছে তাহাও চিরস্থায়ী। তাঁহার প্রতিপালন কোন এক বিশেষ সময়ের সাথে সীমাবদ্ধ নহে। সুতরাং তাঁহার প্রতিপালনের ফলে যে সকল হকসমূহ আদায় করা তোমার জন্য অপরিহার্য তাহাও কোন বিশেষ সময়ের সাথে সীমাবদ্ধ নয়। শায়খ আবুল হাসান (রহঃ) বলিয়াছেন, আল্লাহ পাক প্রতিপালক। এই ভিত্তিতে যে সকল হক আদায় করা তোমার দায়িত্বে অপরিহার্য সর্বদা ইবাদত করা উহারই একাংশ।

কৃপণতার তৃতীয় ক্ষেত্র

আল্লাহর রাস্তায় প্রাণ উৎসর্গ করার ক্ষেত্রে কৃপণতা করা। আল্লাহর রাস্তায় প্রাণ উৎসর্গ করা সর্বপ্রকার বদান্যতা অপেক্ষা উত্তম বদান্যতা। বদান্যতার অন্যান্য প্রকার সমূহ এই প্রকার অর্জন করার পক্ষে সহায়ক স্বরূপ। আল্লাহর রাস্তায় প্রাণ উৎসর্গ করা উত্তম হওয়ার কারণ ইহা অপেক্ষাকৃত কঠিন কাজ। যে ব্যক্তি ওয়াজিব আদায় করিতে অলসতা করে না অনেক সময় ওয়াজিব নয় এমন দান করিতে অলসতা করে। কারণ ইহা নফসের উপর অধিকতর ভারী। আবার যে ব্যক্তি ওয়াজিব নয় এমন দান করিতে তো অলসতা করে না কিন্তু আল্লাহর রাস্তায় প্রাণ উৎসর্গ করিতে অলসতা করে অর্থাৎ ইহা হইতে বিরত থাকে। এই

ক্ষেত্রে অগ্রসর হয় না। কারণ ইহা আরও কঠিন ব্যাপার। আল্লাহর রাস্তায় প্রাণ উৎসর্গ করা সিদ্দীকীনদের আমল। আল্লাহর পরিচয় লাভ করিয়াছে এমন সব একীনওয়ালাদের হালাত (অবস্থা)। তাহারা আল্লাহর রাস্তায় নিজেদের প্রাণ উৎসর্গ করিয়াছেন। তাহারা বিশ্বাস করেন যে, মালিকের সামনে গোলাম কোন কিছুই মালিক হয় না। তাই তাহারা মালিকের উদ্দেশ্যে প্রাণ উৎসর্গ করিতে দ্বিধাবোধ করে না। যেহেতু আল্লাহর রাস্তায় প্রাণ উৎসর্গ করা সর্বপ্রকার বদান্যতা অপেক্ষা উত্তম সেহেতু এই ক্ষেত্রের কৃপণতাও সর্বাপেক্ষা ঘৃণিত ও অপকৃষ্ট।

লোড-লালসা ও কৃপণতা সম্বন্ধে উল্লিখিত আলোচনার দ্বারা হয়ত শায়খের দো'আ “রিয়ক অর্জিত হওয়ার পর ইহার লোড লালসা ও কৃপণতা হইতে আমাদিগকে বাঁচান” এর অর্থ ও উদ্দেশ্য পরিষ্কার হইয়া গেল।

রিয়ক সম্বন্ধে কতগুলি আনুসঙ্গিক অবস্থার বর্ণনা

আমরা ইতিপূর্বে আলোচনা করিয়াছি যে, রিয়কের সাথে সম্পর্কিত অবস্থা তিন প্রকার। এক প্রকার অবস্থা সৃষ্টি হয় রিয়ক অর্জিত হওয়ার পূর্বে। দ্বিতীয় প্রকার অবস্থা সৃষ্টি হয় রিয়ক উপার্জন করার সময়। শায়খের কথার মধ্যে তো এই দুই প্রকারের আলোচনা হইয়াছে। আমরাও তাহা বর্ণনা করিয়াছি। তৃতীয় প্রকারের এমন কতগুলি অবস্থা যাহা রিয়ক অর্জিত হওয়ার পর এবং রিয়ক নিঃশেষ হওয়ার পর জন্ম লাভ করে। অর্থাৎ ইহার জন্য আফসোস হওয়া, আক্ষেপ করিতে থাকা প্রভৃতি। এই সব অবস্থা হইতেও মুক্ত থাকা উচিত। আল্লাহ পাকের ইরশাদ শ্রবণ কর-

لِكَيْلَا تَأْسَوْا عَلَىٰ مَا فَاتَكُمْ وَلَا تَفْرَحُوا بِمَا آتَاكُمْ *

“যাহাতে তোমরা এমন জিনিসের জন্য আফসোস না কর যাহা তোমাদের থেকে ছুটিয়া গিয়াছে। আর উল্লাস না কর ঐ জিনিসের জন্য যাহা তিনি তোমাদিগকে দিয়াছেন।”

রাসূলুল্লাহ ছাড়া আল্লাহই ওয়াসাল্লাম-এর এক কন্যার শিশু সন্তান মরিয়া গিয়াছে। তিনি (ছাড়া আল্লাহই ওয়াসাল্লাম) এক সংবাদদাতার মাধ্যমে সংবাদ দিলেন তাহাদিগকে বলিয়া দাও যে, আল্লাহ পাক যাহা লইয়া গিয়াছেন তাহা আল্লাহরই ছিল। আর যাহা দিয়া রাখিয়াছেন তাহাও তাঁহারই।

যে ব্যক্তি আল্লাহ ছাড়া অন্য যে কোন জিনিস অর্জিত হয় নাই বলিয়া আফসোস করে। সে যেন উচ্চস্বরে স্বীয় মূর্খতা এবং আল্লাহ থেকে নিজের দূরে

থাকার ঘোষণা দিতেছে। কেননা, যদি সে আল্লাহকে পাইত তাহা হইলে আল্লাহ ব্যতীত অন্য কিছু তালাশ করিয়া ফিরিত না। পক্ষান্তরে যে ব্যক্তি আল্লাহকে পাইয়াছে সে তালাশ করার মত কোন কিছুই পাইতে পারে না।

বান্দার ভালভাবে বুঝিয়া লওয়া চাই যে, যে বস্তু তাহার হস্তগত হয় নাই তাহা তাহার ভাগ্যেই ছিল না। আবার কোন বস্তু তাহার কাছে ছিল এখন তাহার হস্তচ্যুত হইয়াছে; বুঝিতে হইবে যে, ইহাতে তাহার অধিকার ছিল না। কেননা, যদি ইহাতে তাহার অধিকার থাকিত তাহা হইলে অন্যের কাছে যাইতে পারিত না। বরং বুঝিতে হইবে যে, এই বস্তুটি তাহাকে ধার দেওয়া হইয়াছিল। ধারদাতা ফিরিয়া লইয়াছে।

কোন এক ব্যক্তির এক চাচাত বোন ছিল। এই বোনের সাথে তাহার বিবাহ হওয়ার কথাবার্তা শৈশবকাল থেকেই পাকাপোক্ত ছিল। প্রাপ্তবয়স্ক হওয়ার পর কোন না কোন কারণে তাহাদের মধ্যে বিবাহ হয় নাই। বরং অন্য এক ব্যক্তির সাথে এই বালিকার বিবাহ হইয়া গেল। এক বিবেকবান ব্যক্তি তাহার কাছে আসিয়া বলিল, যাহার সাথে তোমার এই চাচাত বোনের বিবাহ হইয়াছে তোমার উচিত তাহার কাছে যাওয়া। আর তাহার কাছে ক্ষমা প্রার্থনা করা। কেননা তুমি এই বালিকাকে বিবাহ করিতে চাহিয়াছিলে অথচ আবহমানকাল থেকে এই বালিকার বিবাহ তাহার তকদীরে লিখা হইয়াছে। সুতরাং তুমি এই বলিয়া ক্ষমা প্রার্থনা কর যে, আমি তোমার হক ছিনাইয়া লইতে চাহিয়াছিলাম। অজান্তে আমার দ্বারা এই ত্রুটি হইয়া গিয়াছে। তুমি আমাকে ক্ষমা করিয়া দাও। আমার প্রতি মনোকষ্ট রাখিও না।

কোন বস্তু হস্তচ্যুত হওয়ার পর উহার জন্য বিষণ্ণ হওয়া ঈমানদারের জন্য উচিত নয়। এই বিষয়ে নিম্নোল্লিখিত আয়াত যথেষ্ট।

وَمِنَ النَّاسِ مَن يَعْصِي اللَّهَ عَلَىٰ حَرْفٍ فَإِنْ أَصَابَهُ خَيْرٌ لِّطَمَانٍ بِهِ * وَإِنْ أَصَابَتْهُ فِتْنَةٌ انقلب علىٰ وجهه خسر الذَّنْبِ وَالْآخِرَةُ * ذَلِكَ هُوَ الْخُسْرَانُ الْمُبِينُ *

“কোন কোন লোক এমনও রহিয়াছে যাহারা ঈমানদারের জন্য উচিত নয়। এই বিষয়ে নিম্নোল্লিখিত আয়াত যথেষ্ট।

সম্পদ লাভ হওয়ার পর সম্পদের সাথে অন্তর লাগাইয়া দিয়াছে। আল্লাহ পাক তাহার সম্বন্ধে বলিয়াছেন-

فَانصَابَهُ خَيْرٌ لِّطَمَانٍ بِهِ *

“অর্থাৎ সে সম্পদের সাথে অন্তর লাগাইয়া বসিয়াছে।”

তাহার যদি বুদ্ধি থাকিত তাহা হইলে সে আল্লাহ ব্যতীত অন্য কাহারও সাথে অন্তর লাগাইত না। শুধু আল্লাহর সাথেই অন্তর লাগাইয়া রাখিত। অনুরূপভাবে ঐ ব্যক্তিরও নিন্দা করিয়াছেন যাহার সম্পদ হস্তচ্যুত হইয়া যাওয়ার পর চিন্তাযুক্ত হইয়াছে। দেখ আল্লাহ পাক ইরশাদ করিয়াছেন فِتْنَةٌ انصَابَهُ خَيْرٌ لِّطَمَانٍ بِهِ * আয়াতে উল্লিখিত ফিতনা শব্দের অর্থ এমন প্রিয়বস্তু হস্তচ্যুত হইয়া যাওয়া যাহার সহিত সে অন্তর লাগাইয়া ছিল। انقلب على وجهه অর্থ অস্থির চিত্ত হইয়া যায়। নিজকে ভুলিয়া যায়। অন্তর পাকফেল হইয়া যায়। আর এই অবস্থার সৃষ্টি হয় আল্লাহর পরিচয় না থাকার কারণে। যদি সে আল্লাহকে চিনিত তাহা হইলে আল্লাহর অস্তিত্ব তাহাকে অন্য সব কিছু থেকে অমনোযোগী করিয়া দিত। ফলে যে কোন হস্তচ্যুত বস্তুর জন্য উৎকর্ষতা করিত না। যে আল্লাহকে পায় নাই সে কিছুই পায় নাই। যে আল্লাহকে পাইয়াছে কোন বস্তু তাহার হস্তচ্যুত হয় নাই। যে এমন বস্তুকে পাইয়াছে যাহার হস্তে সবকিছুর মালিকানা তাহার সম্বন্ধে কিভাবে বলা যায় যে, কোন বস্তু তাহার হস্তচ্যুত হইয়াছে। যে ব্যক্তি সবকিছুর সৃষ্টিকর্তাকে পাইয়াছে তাহার সম্বন্ধে কিভাবে বলা যায় যে, কোন বস্তু তাহার হস্তচ্যুত হইয়াছে? যে এমন জিনিস পাইয়াছে যাহার মধ্যে সমস্ত জিনিস প্রকাশিত হয় তাহার সম্বন্ধে কিভাবে বলা যায় যে কোন জিনিস তাহার হস্তচ্যুত হইয়াছে।

আল্লাহর পরিচয় লাভকারীদের মতানুসারে আল্লাহ ব্যতীত অন্য কোন জিনিস সম্বন্ধে পাওয়া না পাওয়ার কথা হইতে পারে না। কারণ আল্লাহর তুলনায় কোন কিছুই মওজুদ নহে। অনুরূপভাবে কোন কিছু হস্তচ্যুতও হয় না। কেননা হস্তচ্যুত এমন বস্তু হইয়া থাকে যাহা প্রথমে হাতে মওজুদ ছিল। যখন ধারণার পর্দা ফাটিয়া যাইবে তখন পরিষ্কারভাবে দেখা যাইবে যে, দুনিয়াতে কোন জিনিস অস্তিত্বশীল নহে। তখনই একীনের নূর চমকিয়া উঠিবে। যেহেতু তুমি উপরোক্ত আলোচনা ভালভাবে হৃদয়ঙ্গম করিয়া লইয়াছ এখন তোমার জন্য অপরিহার্য হইল কোন জিনিস হস্তচ্যুত হওয়ার কারণে অস্থির না হওয়া। আর কোন জিনিস পাইল্লে উহার প্রতি ঝুঁকিয়া না পড়া। কেননা, যে ব্যক্তি কোন জিনিস পাইলে উহার প্রতি ঝুঁকিয়া পড়ে আর হস্তচ্যুত হইলে অস্থির হইয়া পড়ে

সে প্রমাণ করিয়া দিল যে, সে ঐ জিনিসের বান্দা। তাই সে উহা পাইলে খুশী হয় আর না পাইলে বিষণ্ণ হয়। এখানে রাসুলুল্লাহ ছালাল্লাহু আলাইহি ওয়াসাল্লাম-এর ইরশাদ শ্রবণ কর।

“দীনারের দাস ধ্বংস হউক। দেরহামের দাস ধ্বংস হউক। কয়লার দাস ধ্বংস হউক। ধ্বংস হউক এবং মাথা নীচু হউক। যদি তাহার গায়ে কাঁটা ফুটে। বাহির হয় না।”

সূতরাং স্বীয় অন্তরে আল্লাহর মহাবত ও প্রেম ব্যতীত অন্য কোন জিনিস স্থান লইতে দিও না। কেননা আল্লাহ ব্যতীত অন্য কাহারও বান্দা হওয়া অপেক্ষা তুমি অনেক উর্ধ্বের লোকের। আল্লাহ তোমাকে উপযুক্ত গোলাম বানাইয়াছেন। তুমি আনোপযুক্ত গোলাম বনিতো যাইতেছে কেন? যাহার বিবেক আল্লাহর দিকে রহিয়াছে। তাহার এই বিবেক তাহাকে কোন জিনিসের প্রতি ঝুকিয়া পড়িতে দেয় না আবার কোন জিনিস না পাওয়ার কারণে অস্থির হইতে দেয় না। যাহাতে আল্লাহ ব্যতীত অন্য সবকিছু থেকে মুক্ত হইয়া পড়ে।

আমি শায়খ আবুল আক্বাস (রহঃ)-এর কাছে শুনিয়াছি যে তিনি বলেন, আহলে হাল “দুই প্রকারের হইয়া থাকে।

একঃ এমন ব্যক্তি যে হাল নামক বিশেষ অবস্থায় হালের হইয়াই থাকে। দ্বিতীয়ঃ এমন ব্যক্তি যে এই বিশেষ অবস্থায় এই অবস্থার সৃষ্টিকর্তার হইয়া থাকে। যে ব্যক্তি হালের অবস্থায় হালের হইয়া থাকে। সে হালের বান্দা। তাহার অবস্থা হইল যদি হাল থাকে তাহা হইলে খুব খুশী। আর যখন হাল থাকে না তখন খুব বিষন্ন। আর যে ব্যক্তি হালের অবস্থায় হাল সৃষ্টিকর্তার হইয়া থাকে। সে হালের সৃষ্টিকর্তার বান্দা অর্থাৎ খোদার বান্দা। সে হালের বান্দা নহে। তাহার অবস্থা হইল যদি তাহার মধ্যে হাল না থাকে। তাহা হইলে বিষণ্ণ হয় না আর হাল থাকিলেও খুশী হয় না। সুতরাং আল্লাহ পাকের বাণী-

ومن الناس من يعبد الله على حرف

এর তাফসীর এই যে, আল্লাহর ইবাদত করে এক কারণে। যদি সে কারণ দূরীভূত হইয়া যায় তাহা হইলে ইবাদত দূরীভূত হইয়া যায়। ইবাদত বন্ধ হইয়া যায়। যদি তাহার বিবেক আমার দিকে হইত তাহা হইলে সর্বাবস্থায় ও সর্বকারণে সে আমার ইবাদত করিত। যেমন, আমি সর্বাবস্থায় তোমার প্রতিপালক। তেমনি তুমি সর্বাবস্থায় আমার বান্দা হইয়া থাক।

فان يصيبه خير اطمأن به *

আয়াতাংশের তাফসীর এই যে, যদি সে কোন সম্পদ পায় যাহা তাহার মনমত হয়। অর্থাৎ বাস্তবে তাহা মঙ্গলময় না হইলেও তাহার দৃষ্টিতে মঙ্গলময় হয়। তখন সে সন্তুষ্ট হয়, খুশী হয়। وان اصابته فتنه انقلب *

অর্থাৎ যে সম্পদ পাইয়া সে সন্তুষ্ট হইয়াছিল যদি তাহা দূরীভূত হইয়া যায়। তাহা হইলে সে অস্থির হইয়া যায়। অত্র আয়াতে এইরূপ সম্পদ দূরীভূত হওয়াকে ফিতনা বলা হইয়াছে। ফিতনা আরবী শব্দ। আমাদের ভাষায় ইহার অনুবাদ ‘পরীক্ষা’। ইহাকে পরীক্ষা বলার কারণ হইল নিয়ামত হস্তচ্যুত হইলে ঈমানদারের ঈমানের পরীক্ষা হইয়া যায়। যেমন অনেক লোক ধারণা করে যে, তাহার রিয়কের সম্পর্ক আল্লাহর সাথে। অথচ তাহারা বাস্তবক্ষেত্রে ইহার সম্পর্ক করিয়া রাখিয়াছে দুনিয়াবী আসবাবের সাথে এবং উপার্জন করার পন্থার সাথে। যদি তাহাদের সম্পর্ক সত্যিকার অর্থে আল্লাহর সাথে হইত তাহা হইলে সম্পদ হস্তচ্যুত হইলেও অস্থির হইত না। আবার অনেকে মনে করে তাহাদের প্রীতি রহিয়াছে স্বীয় প্রতিপালকের সাথে। অথচ তাহাদের প্রীতি স্বীয় হালের (বিশেষ অবস্থার সাথে) ইহার প্রমাণ এই যে, তাহাদের হাল দূরীভূত হইলে প্রীতিও দূরীভূত হইয়া যায়। যদি স্বীয় প্রতিপালকের সাথে প্রীতি থাকিত তাহা হইলে তাহা স্থায়ী হইত। কারণ প্রতিপালক স্থায়ী। সুতরাং তাহার সাথে প্রীতিও স্থায়ী হইয়া থাকে। অত্র আয়াতে আল্লাহ পাক এই ব্যক্তি সম্বন্ধে বলেন-

خسر الدنيا والاخرة *

“সে দুনিয়া ও আখেরাতে ক্ষতিগ্রস্ত।”

দুনিয়াতে এইভাবে ক্ষতিগ্রস্ত যে তাহার উদ্দেশ্য বাস্তবায়িত হইল না। আর আখেরাতে এইভাবে ক্ষতিগ্রস্ত যে সে আখেরাতের জন্য আমল করিল না। সুতরাং তাহার যাহা উদ্দেশ্য ছিল তাহা হাসিল হয় নাই। কেননা সে আমাকে চায় নাই। যদি আমাকে চাহিত তাহা হইলে আমি তাহার জন্য হইয়া যাইতাম।

উদাহরণের অধ্যায়

অত্র অধ্যায়ে তদবীর চালানোর, তদবীরকারীর, রিয়কের এবং আল্লাহ পাক যিম্মাদার হওয়ার উদাহরণ বর্ণনা করা হইবে। কারণ, উদাহরণের মাধ্যমে বিষয়বস্তু খুব পরিষ্কার হইয়া সামনে আসে।

প্রথম উদাহরণ তদবীর চালানোর। যেমন এক ব্যক্তি সমুদ্রের তীরে ঘর

নির্মাণ করিতেছে। এই দিকে সমুদ্রের তরঙ্গ তাহার ঘরে আঘাত করিতেছে। ঘর নির্মাণে তাহার চেষ্টা যত বাড়িতেছে তরঙ্গের উত্তালতাও ততই বাড়িয়া চলিয়াছে। এইভাবে তরঙ্গ তাহার সমস্ত পরিশ্রম পণ্ড করিয়া দিয়াছে। যে ব্যক্তি আল্লাহর সামনে তদবীর চালায় তাহার অবস্থাও অনুরূপ। সে তদবীর করার ইমারত নির্মাণ করিতেছে আর তাকদীর এই ইমারত ধ্বংস করিয়া দিতেছে। এই জন্যই কথিত আছে যে, তদবীরকারী তদবীর করিতেছে আর তাকদীর (ভাগ্য) হাসিতেছে। কবি বলেন-

عمارت کب پوری ہو کہ تو اسکو بناتام

مگر ہو دوسرا ارس جا کہ وہ اسکو گرانہو

“তুমি যে ইমারত নির্মাণ করিতেছ তাহা কখন পুরা হইবে?”

কিন্তু ইহার স্থলে অন্য একটা হইয়া যাইতেছে আর প্রথমটাকে ধ্বংস করিতেছে।”

তদবীরকারীর উদাহরণ : এক ব্যক্তি বালির স্তূপে বসিয়া বালি দ্বারা ঘরের ন্যায় ইমারত নির্মাণ করিল। তখন বাটকা হাওয়া আসিয়া সমস্ত বালি উড়াইয়া লইয়া গেল। ফলে তাহার নির্মিত বালির ইমারত বালির স্তূপে হারািয়া গেল। তদবীরকারীর অবস্থাও তদ্রূপ। তদবীর করিয়া যাহা কিছু করিল তাকদীরের (ভাগ্য) হাওয়া তাহা উড়াইয়া লইয়া গেল। কবি বলেন-

مٹ گئے گھر انکے ملکر ریگ مین + کب رہے قائم جو ہو گھر ریگ مین

“তাহাদের ঘর বালির মধ্যে মিশিয়া ধ্বংস হইয়া গেল।

বালির মধ্যে যে ঘর হয় তাহা কখন স্থিতি থাকে?

তৃতীয় উদাহরণ : তদবীরকারীর। এক বালক স্বীয় পিতার সাথে সফরে ছিল। উভয়ে রাতে চলিতেছে। যেহেতু পিতা পুত্রের প্রতি অত্যন্ত স্নেহপ্রায়ান। তাই এই অন্ধকারের মধ্যেও পুত্রের দেখাশুনা করিতেছে। কিন্তু পুত্র পিতার এই সতর্কতা সত্বেও বৈধব্য। পুত্র যেহেতু অন্ধকারের কারণে পিতাকে দেখিতে পাইতেছে না। তাই সে নিজের চিন্তায় চিত্তিত; নিজের হেফাজতে লিপ্ত। হঠাৎ করিয়া চন্দ্র উদিত হইল। সবকিছু ফর্সা হইয়া গেল। সে দেখিতে পাইল যে, পিতা তাহার নিকটেই রহিয়াছে। পিতা তাহার দেখাশুনা করিতেছে। তখন তাহার অন্তর শান্ত হইল। পিতাকে পার্শ্বে দেখিয়া পুত্র নিজ সত্বে চিন্তা পরিত্যাগ করিল। যে ব্যক্তি নিজের জন্য তদবীর করে। সে পুত্রের ন্যায়। সে

এইজন্যই তদবীর করে যে, সে ধারণা করিয়াছে যে, আল্লাহ তাহার থেকে অনেক দূরে রহিয়াছেন। আল্লাহর নৈকট্য তাহার জানা নাই। যদি তাওহীদের চন্দ্র অথবা আল্লাহর পরিচয়ের সূর্য উদিত হয় আর সে আল্লাহকে প্রত্যক্ষ করিতে পায় তাহা হইলে সে নিজের জন্য তদবীর করিতে লজ্জিত হইবে। আল্লাহ পাক তাহার জন্য যে ব্যবস্থা গ্রহণ করিয়াছেন উহার প্রতি নির্ভর করিয়া নিজের জন্য নিজের ব্যবস্থা অবলম্বন পরিহার করিবে।

চতুর্থ উদাহরণ : তদবীর একটি বৃক্ষের সাথে তুলনীয়। বৃক্ষের জন্য পানি বদ ধারণার তুল্য। বৃক্ষের ফল আল্লাহ থেকে দূরে থাকার তুল্য। বৃক্ষে পানি দিলে বৃক্ষ তাজা থাকে। পানি বৃক্ষের খাদ্য। খাদ্য না পাইলে বৃক্ষ শুকাইয়া যায়। অনুরূপভাবে বান্দা নিজের জন্য তদবীর করে আল্লাহর প্রতি সুধারণা থাকে না বলিয়া। বান্দার প্রতি সুধারণা থাকিলে বদ ধারণা খতম হইয়া যায়। আর বদ ধারণা তদবীরের খাদ্য। সুতরাং যখন তদবীর তাহার পাইবে না তখন এমনই এমনিতেই শুকাইয়া মিটিয়া যাইবে। বান্দা তদবীর করা হইতে বিরত হইয়া পড়িবে। আল্লাহ হইতে দূর হইয়া যাওয়াকে তদবীরের ফল বলা হইয়াছে। কারণ যে ব্যক্তি নিজের জন্য তদবীর করে সে বিবেকের উপর নির্ভর করে। স্বীয় তদবীরের উপর সন্তুষ্ট থাকে। তদবীরের পর প্রাপ্ত বস্তুকে স্বীয় ব্যক্তিত্বের উপার্জিত বলিয়া মনে করে। এই অবস্থা তখনই জনা লাভ করে যখন আল্লাহ থেকে বান্দা দূর হইয়া পড়ে। এইরূপ ব্যক্তির শান্তি হইল তাহার সবকিছু তাহার নিজের দায়িত্বে ছাড়িয়া দেওয়া এবং আল্লাহ পাকের সাহায্য তাহার কাছে যাইতে না দেওয়া।

পঞ্চম উদাহরণ : তদবীরের দৃষ্টান্ত কোন এক মনিব স্বীয় গোলামকে এক শহরে প্রেরণ করিল উক্ত শহরের আসবাবপত্র গুছাইয়া রাখার জন্য। গোলাম উক্ত শহরে পৌঁছিয়াছে। সেখানে পৌঁছিয়া সে নিজের আরাম আয়েশের চিন্তায় লিপ্ত হইয়া পড়িয়াছে। সে কোথায় অবস্থান করিবে? কি খাইবে? কাহাকে বিবাহ করিবে? এইসব তাহার চিন্তা। মূলকথা সে এইসব চিন্তায় এইভাবে জড়াইয়া পড়িয়াছে যে মনিব তাহাকে যে উদ্দেশ্যে প্রেরণ করিয়াছিল তাহা ভুলিয়া গিয়াছে। অতঃপর মনিব গোলামকে ডাকিয়া নিজের কাছে লইয়া আসিল। এইরূপ গোলামের শান্তি হইল তাহাকে বিভাড়িত করিয়া দেওয়া। কেননা সে নিজের ঝামেলায় জড়িত হইয়া মালিকের নির্দেশ পালনে অসাবধান হইয়া পড়িয়াছে। সুতরাং হে ঈমানদার! তোমার অবস্থাও তদ্রূপ। আল্লাহ পাক তোমাকে এই দুনিয়াতে প্রেরণ করিয়াছেন এবং স্বীয় নির্দেশ পালনের হুকুম

দিয়াছেন। তোমার জন্য সর্বপ্রকার ব্যবস্থা গ্রহন করিয়াছেন। তোমার জন্য সবকিছুর বন্দোবস্ত করিয়াছেন। কিন্তু তুমি নিজের ফিকিরে লাগিয়া গিয়া মালিকের নির্দেশ পালনে অসতর্ক হইয়া পড়িয়াছ। হেদায়েতের পথ হইতে সরিয়া পড়িয়াছ। ধ্বংসের পথ ধরিয়া চলিয়াছ।

ষষ্ঠ উদাহরণ : তদবীরকারী আর তদবীর পরিহারকারীর উদাহরণঃ এক বাদশাহ। তাহার দুই গোলাম। এক গোলাম স্বীয় মনিবের হুকুম পালনে সর্বদা নিয়োজিত। ফলে নিজের খানা পিনার প্রতিও ততটা খেয়াল রাখার সময় পায় না। তাহার সদাসর্বদা চিন্তা হইল মনিবের খেদমত করা। এই চিন্তা তাহাকে নিজের প্রয়োজন পূরা করা হইতে গাফেল করিয়া রাখিয়াছে। দ্বিতীয় গোলাম তাহার মত নয়। বরং নিজের চিন্তায় অধিকাংশ সময় কাটায়। মনিব যখন তাহাকে ডাকে তখন দেখা যায় কখনও কখনও সে নিজের কাপড়-চোপড় বৌত করাতে লিপ্ত রহিয়াছে। কখনও কখনও স্বীয় পশুর পরিচর্যা লাগিয়া আছে। আবার কখনও কখনও স্বীয় সাজ সজ্জায় লাগিয়া আছে। প্রথম গোলাম দ্বিতীয় গোলামের তুলনায় সর্বদাই স্বীয় মনিবের অনুগ্রহ লাভের অধিকতর হকদার। কেননা গোলাম ক্রয় করা হয় মনিবের সেবা করার জন্য। নিজের প্রয়োজনে লিপ্ত থাকার জন্য নয়। অনুরূপ অবস্থা বিবেক সম্পন্ন বান্দার। যখন তাহার দিকে লক্ষ্য করিবে তাহাকে দেখিতে পাইবে যে, সে সর্বদাই স্বীয় মনঃপূত ও মনঃভটিকর জিনিসসমূহ পরিহার করিয়া আল্লাহ পাকের হুক ও আহকামসমূহ আদায় করার মধ্যে লাগিয়া আছে। যেহেতু তাহার অবস্থা এইরূপ সেহেতু আল্লাহ পাক তাহার সমস্ত কাজকর্ম আগ্রাম দেওয়ার ব্যবস্থা করেন। স্বীয় অপরিণামী দানের ভাণ্ডার এই বান্দার দিকে ঝুঁকিয়া দেন। কেননা সে আল্লাহর প্রতি ভরসা করার ক্ষেত্রে সত্যবাদী। যে আল্লাহর প্রতি ভরসা করে আল্লাহই তাহার জন্য যথেষ্ট। গাফেল ব্যক্তি এমন নহে। বরং তাহার অবস্থার দিকে যখন তাকাইবে তখন দেখিবে যে, সে দুনিয়ার আসবাবপত্র অর্জনে লিপ্ত। স্বীয় প্রবৃত্তির চাহিদা পূরা করিবার মাধ্যম সংগ্রহ করিতেছে। নিজের জীবিকা উপার্জনে বিভিন্ন ব্যবস্থা অবলম্বন করিতেছে। সে সৌন্দর্য, নির্ভরতা, সত্যতা এবং তাওয়াক্কুল হইতে দূরে সরিয়া পড়িয়াছে।

সপ্তম উদাহরণ তদবীর অবলম্বনকারীর : যেমন সূর্য যখন ঠিক সোজা উপরে না থাকে তখন উহার ছায়া লম্বা হইয়া পড়ে। আর যখন ঠিক সোজা মাথার উপরে আসে তখন ছায়া প্রায় শেষ হইয়া যায়। শুধু ছায়া নামে একটি নিশানা অবশিষ্ট থাকিয়া যায়। ইহা আর ছোট হয় না। তদবীর অবলম্বনকারী ছড়ানো লম্বা ছায়ার ন্যায়। আল্লাহর পরিচয়ের সূর্য যখন তাহার অন্তরের

সোজাসোজি আসে তখন তাহার ব্যবস্থা অবলম্বনের লম্বা ছায়া ধ্বংস করিয়া ছাড়ে। অবশ্য তখনও বান্দার মধ্যে ব্যবস্থা অবলম্বনের সামান্য স্পৃহা থাকে। যাহাতে তাহার উপর শরীয়তের আহকাম জারী হইতে পারে।

অষ্টম উদাহরণ : তদবীর অবলম্বনকারীর : যেমন এক ব্যক্তি একটি বাড়ী অথবা একটি দাস বিক্রি করিল। লেনদেন শেষ হইয়া যাওয়ার পর বিক্রেতা ক্রেতার কাছে আসিয়া বলিল যে, এখানে কোন ঘর নির্মাণ করিতে পারিবে না। অথবা এই বাড়ীর অমুক কোঠাটি ভাঙ্গিয়া ফেল। অথবা বিক্রেতা নিজেই এই কাজগুলি করিতে উদ্যত হইল। তখন তাহাকে বলা হইবে যে তুমি তো বিক্রি করিয়া দিয়াছ। আর বিক্রি করিয়া দেওয়ার পর কোন ক্ষমতা থাকে না। কেননা বিক্রি করিয়া দেওয়ার পর ক্ষমতা খাটানো বগড়ার বীজ রোপন করা। যাহা কোন অবস্থায়ই ঠিক নয়। আল্লাহ পাক বলিয়াছেন যে, তিনি সকল মুমিনের জান ও মাল জাহান্নামের বিনিময়ে খরিদ করিয়া লইয়াছেন। সুতরাং মুমিনগণ বিক্রেতা। আর আল্লাহ পাক ক্রেতা। তাই মুমিনের জন্য অপরিহার্য হইল নিজকে এবং নিজের সবকিছু আল্লাহর কাছে সোপর্দ করা। কেননা, তিনি তাহাদিগকে সৃষ্টি করিয়াছেন এবং তিনিই আবার খরিদ করিয়া লইয়াছেন। যে জিনিস সোপর্দ করা হয় তাহা সম্বন্ধে সোপর্দকারী ব্যবস্থা অবলম্বন করিতে পারে না। বরং ব্যবস্থা অবলম্বন পরিহার করা তাহার জন্য অপরিহার্য। সুতরাং জান ও মাল সম্পর্কে যে কোন প্রকার তদবীর পরিহার করা মুমিনের জন্য কর্তব্য।

রিয়কের উদাহরণ : পার্থিব জগতে রিয়কের উদাহরণ। যেমন কোন মনিব স্বীয় দাসকে বলিল, বাড়ীর অমুক অমুক কার্যের প্রতি খুব লক্ষ্য কর। এইগুলি সুচারুরূপে সম্পন্ন কর। সুতরাং ইহা হইতে পারে না যে, মনিব কার্যে লাগিয়া থাকার নির্দেশ দিবে আর তাহার খানাপিনার ব্যবস্থা করা সম্পর্কে উদাসীন থাকিবে এবং তাহার ভরন-পোষণের বন্দোবস্ত করিবে না। একইভাবে আল্লাহ পাক বান্দাকে ইবাদতের এবং স্বীয় আহকাম পালনের নির্দেশ দিয়াছেন। তাই তিনিই তাহার রিয়কের যিহাদার হইয়াছেন। সুতরাং বান্দার কর্তব্য হইল মালিকের খেদমত করা, তাহার নির্দেশ পালন করা। আর মালিক স্বীয় অনুগ্রহে তাহার খোঁজ খবর লইবেন।

নবম উদাহরণ : আল্লাহর সাথে বান্দার যে সম্পর্ক সন্তানের সাথে মাতার সম্পর্কের সাথে তুলনা করা যায়। মাতা স্বীয় সন্তানের অভিভাবকত্ব কখনও পরিহার করে না এবং স্নেহ মমতা কম করে না। অনুরূপভাবে আল্লাহ পাক মুমিনদের অভিভাবক। তিনি তাহাদের প্রতি নেয়ামত প্রেরণ করেন। তাহাদের

কষ্ট-ক্লেশ দূর করেন। একদা রাসূলুল্লাহ ছালাল্লাহু আলাইহি ওয়াসাল্লাম এক মহিলাকে দেখিতে পাইলেন যাহার সাথে একটি শিশু সন্তান ছিল। তিনি (ছালাল্লাহু আলাইহি ওয়াসাল্লাম) ছাহাবাদিগকে বলিলেন, তোমাদের কি ধারণা হয় যে, এই মহিলা স্বীয় শিশুটিকে অগ্নিতে নিক্ষেপ করিতে পারিবে? উপস্থিত ছাহাবাগণ বলিলেন, ইয়া রাসূলুল্লাহ (ছালাল্লাহু আলাইহি ওয়াসাল্লাম)! না, পারিবে না। রাসূলুল্লাহ ছালাল্লাহু আলাইহি ওয়াসাল্লাম বলিলেন, এই মাতা স্বীয় সন্তানের প্রতি যতটুকু স্নেহময়ী, আল্লাহ পাক স্বীয় মুমিন বান্দার প্রতি আরও অধিক দয়ালু।

দশম উদাহরণ : পার্শ্বিক জগতে বান্দার উদাহরণ। যেমন এক দাস। মনিব তাহাকে নির্দেশ দিয়াছে যে, অমুক স্থানে যাও। সেখানে নিজের পুঁজি পাকা করিয়া লও। কেননা, সেখান থেকে অন্য কোথায়ও তোমাকে সফর করিতে হইবে। সুতরাং সেখান থেকেই সফরের আসবাবপত্র লইয়া লও। মনিবের এইরূপ অনুমতি প্রদানের দ্বারা স্পষ্টভাবে বুঝা যায় যে, শারিরিক গঠন বহাল রাখিতে সহায়তা করে এমন যে কোন-জিনিস আহার করা তাহার জন্য বৈধ এবং এমন যে কোন জিনিস সে ব্যবহার করিতে পারে যাহা তাহার সফরের আসবাবপত্র প্রস্তুত করিতে কাজে আসে। অনুরূপ অবস্থা আল্লাহ ও বান্দার মধ্যে। আল্লাহ পাক এই দুনিয়াতে বান্দাদিগকে সৃষ্টি করিয়াছেন এবং আখেরাতের সফরের জন্য পাথেয় সংগ্রহ করার নির্দেশ দিয়াছেন। যেমন তিনি ইরশাদ করিয়াছেন-

* وتزودوا فان خير الزاد التقوى

“তোমরা পাথেয় গ্রহণ কর। তবে আল্লাহকে ভয় করা সর্বোত্তম পাথেয়।”

সুতরাং যখন আখেরাতের সফরের জন্য পাথেয় গ্রহণ করার নির্দেশ দিয়াছেন। তাহা হইতে বুঝা গেল যে, দুনিয়া হইতে এমন এমন জিনিসসমূহ ব্যবহার করা বৈধ যাহা পাথেয় সংগ্রহ করিতে, সফরের জন্য প্রস্তুত হইতে এবং আখেরাতের জন্য আসবাবপত্র তৈয়ার করিতে সাহায্য করে।

একাদশ উদাহরণ : আল্লাহর সাথে বান্দার উদাহরণ : যেমন কোন মালিকের একটি বাগান রহিয়াছে। মালিক স্বীয় দাসকে উক্ত বাগানে চায়া লাগানোর, শস্য উৎপাদন করার এবং বাগানের অন্যান্য কাজকর্ম ওরুত্বের সাথে করিবার নির্দেশ দিয়াছে। নির্দেশ পাওয়ার সাথে সাথে দাস স্বীয় কর্তব্যে লাগিয়া গিয়াছে। কখনও বাগান থেকে বাহির হয় না। এখন যদি এই দাস এই বাগানের ফলমূল খায় তাহা হইলে মালিক তাহাকে ভৎসনাও করিবে না

তিরস্কারও করিবে না। আবার ফলমূল খাইতে নিষেধও করিবে না। কেননা সে বাগানের ফলমূল খাইলে বাগানের উন্নতির জন্য পরিশ্রমও করিবে। কিন্তু এক নির্ধারিত পরিমাণ খাওয়া উচিত। যে পরিমাণ খাইলে বাগানের কাজকর্ম করার সহায়তা লাভ করিতে পারে। কামনা ও অভিশাষের চাহিদা মিটানোর উদ্দেশ্যে, স্বাদ উপভোগ করিবার জন্য খাওয়া উচিত নয়।

দ্বাদশ উদাহরণ আল্লাহর সাথে বান্দার উদাহরণ : যেমন কোন ব্যক্তি খুব বড় একটি বাগান করিয়াছে। অথবা খুব বড় একটি বাড়ী নির্মাণ করিয়াছে। কেহ জিজ্ঞাসা করিল যে, কাহার জন্য এতবড় জিনিস প্রস্তুত করিয়াছ? সে বলিল, স্বীয় বড় ছেলের জন্য। কিন্তু তাহার এই ছেলে এখনও জন্ম লাভ করে নাই। এই ব্যক্তি তাহার জন্মের আশা করিতেছে মাত্র। এই ব্যক্তির সন্তানের প্রতি মহব্বত থাকার কারণে সন্তানের জন্মের পূর্বেই তাহার জন্য প্রয়োজনীয় জিনিসপত্র সংগ্রহ করিয়া রাখিয়াছে। তবে কি তোমাদের এই ধারণা হয় যে, এই ব্যক্তি সন্তানের জন্মের পূর্বেই যেহেতু সন্তানের প্রয়োজনীয় জিনিসপত্র সংগ্রহ করিয়া রাখিয়াছে। এখন সন্তানের জন্মের পর তাহাকে সংগৃহীত জিনিসপত্র দিবে না? আল্লাহর সাথে বান্দার সম্পর্কও তদ্রূপ। আল্লাহ পাক বান্দা সৃষ্টি করার পূর্বেই দুনিয়াতে তাহাদের জন্য বিভিন্ন প্রকারের নিয়ামতের ব্যবস্থা করিয়া রাখিয়াছেন।

তুমি কি জ্ঞাত নহে যে, আল্লাহ পাকের নিয়ামতসমূহ তোমার জন্মের পূর্বেই অস্তিত্ব লাভ করিয়াছে। কেননা, আল্লাহ পাক বান্দার জন্মের পূর্বেই এবং সে কোন আমল করার পূর্বেই নিয়ামত সৃষ্টি করিয়াছেন। সুতরাং আল্লাহ পাক আবহমানকাল হইতে যে জিনিস তোমার ভাগ্যে লিখিয়া দিয়াছেন এবং তোমার জন্য জমা করিয়া রাখিয়াছেন তাহা হইতে তোমাকে বঞ্চিত করিবেন না। এমনকি কখনও হইতে পারে যে কোন কিছু অস্তিত্বে আসার পূর্বে উহার জন্য যাহা কিছু তৈয়ার করিয়া রাখা হয় তাহার অস্তিত্বের পর তাহাকে সেগুলি দেওয়া হইবে না?

ত্রয়োদশ উদাহরণ : আল্লাহর সাথে বান্দার উদাহরণ যেমন এক বাদশাহ কোন ব্যক্তিকে চাকর নিযুক্ত করিয়াছে এবং কি কি কাজ করিবে তাহা দেখাইয়া দিয়াছে। বাদশাহ তাহাকে চাকর নিযুক্ত করিয়া ঘরের কাজ করাইবে আর তাহাকে না খাওয়াইয়া ছাড়িয়া দিবে তাহা কখনও হইতে পারে না। কেননা বাদশাহের মর্যাদা ইহা অপেক্ষাও অনেক উর্ধ্বে। আল্লাহর সাথে বান্দার সম্পর্ক অনুরূপ। দুনিয়া আল্লাহর ঘর। তুমি চাকর। আল্লাহর ইবাদত কাজ। বিনিময়

বেহেশত। সুতরাং আল্লাহ তোমাকে কাজ করার হুকুম দিবেন আর কাজ সম্পাদন করিতে যে সব জিনিস তোমাকে সহায়তা করে তাহা তোমাকে দিবেন না এমন হইতে পারে না।

চতুর্দশ উদাহরণ : বান্দার উদাহরণ এক ব্যক্তি কোন দয়ালু বাদশাহের ঘরে মেহমান হইল। এই মেহমানের উচিত খানাপিনার চিন্তা না করা। যদি সে এই চিন্তা করে তাহা হইলে বাদশাহের প্রতি তাহার কুধারণার প্রকাশ হইল। বরং ইহা বাদশাহের প্রতি তাহার অপবাদ। দুনিয়া আল্লাহর ঘর। এখানে যে সব লোক বসবাস করে তাহারা আল্লাহর মেহমান। তিনি স্বীয় রাসূল ছাড়াই আল্লাহই ওয়াসাল্লাম-এর মাধ্যমে মানুষকে মেহমানদারী করার কথা ঘোষণা করিয়া দিয়াছেন। এখন তিনি তাহাদের মেহমানদারী করিবেন না- তাহা হইতে পারে না। সুতরাং যে ব্যক্তি দুনিয়াতে স্বীয় খানাপিনার চিন্তায় থাকে সে এই বাদশাহের দৃষ্টিতে ঘৃণিত। কেননা, যদি সে আল্লাহ সযস্ক সন্দেহে না থাকিত তাহা হইলে নিজের রিয়কের চিন্তায় কেন পড়িত?

পঞ্চদশ উদাহরণ : আল্লাহর সাথে বান্দার সম্পর্কের উদাহরণ : এক বাদশাহ এক দাসকে কোন এক স্থানে গিয়া অবস্থান করার নির্দেশ দিল। আর বলিল যে, সেখানে তুমি দূশমনের মোকাবিলা করিবে। তাহার মোকাবিলা করিতে স্বীয় শক্তি সাহস ব্যয় করিবে। সর্বদাই তাহার মোকাবিলা করিতে থাকিবে। বাদশাহ দাসকে এই নির্দেশ দেওয়ার দ্বারা অপরিসীমভাবে বুঝা যায় যে, এই শহরের জনসাধারণ থেকে উপার্জিত ট্যাক্স এবং রাজকোষ থেকে আমানতদারীর সাথে সম্পদ ব্যবহার করার অনুমতি রহিয়াছে। কারণ এই সম্পদ ব্যবহারের দ্বারা সে শত্রুর মোকাবিলায় শক্তি ও সাহস লাভ করিতে পারিবে। অনুরূপভাবে শয়তানের মোকাবিলা করিবার জন্য আল্লাহ পাক বান্দাদিগকে নির্দেশ দিয়াছেন। যেমন

وَجَاهِدُوا فِي اللَّهِ حَقَّ جِهَادِهِ *

“আল্লাহর রাস্তায় যথাসাধ্য মোজাহিদা কর।”

অন্য এক স্থানে বলেন-

إِنَّ الشَّيْطَانَ لَكُمْ عَدُوٌّ فَاتَّخِذُوهُ عَدُوًّا *

“নিশ্চয়ই শয়তান তোমাদের শত্রু। তাহাকে শত্রু হিসাবে গ্রহণ কর।”

সুতরাং বান্দাদের যখন শয়তানের মোকাবিলা করার নির্দেশ দেওয়া হইয়াছে। তাঁহার এই নির্দেশের অধীনে বুঝা গিয়াছে যে, দুনিয়ার নিয়ামত এই পরিমাণ

ভোগ করিবার অনুমতি পাওয়া গিয়াছে যে পরিমাণ ভোগ করার দ্বারা শয়তানের মোকাবিলা করার শক্তি অর্জিত হয়। কেননা যদি পানাহার ছাড়াই দেয় তাহা হইলে ইবাদত করা এবং আল্লাহর হুকুম পালনের জন্য প্রস্তুত হওয়া সম্ভব হইবে না। সুতরাং মোজাহিদা করার জন্য বাদশাহের নির্দেশ প্রদান করা প্রমাণ করে যে, বাদশাহ তাহার জন্য যতগুলি জিনিস প্রস্তুত করিয়াছে উহাদের প্রত্যেকটি ব্যবহার করা তাহার জন্য বৈধ। তবে আমানতদারীর সাথে অর্থাৎ অন্যের হক ভোগ না করিয়া ব্যবহার করিবে।

ষোড়শ উদাহরণ : আল্লাহর সাথে বান্দার সম্পর্কের উদাহরণ : এক ব্যক্তি বৃক্ষের একটি চারা রোপন করিয়াছে। তাহার ইচ্ছা এই চারাটি বড় হয়। সুতরাং বৃক্ষ চারা যদি জানে যে উহার গোড়ায় পানি দেওয়া হইবে ভাল কথা। অন্যথায় আমরা অবশ্যই জানি যে, চারা রোপন করিতে এই ব্যক্তির ইচ্ছা হইল চারা বড় বৃক্ষে পরিণত হয়। তাহার এই উদ্দেশ্য সফল করিতে সে অবশ্যই চারার গোড়ায় পানি দিবে। সে পানি দিবে না এমন হইতে পারে না। হে মানব! অনুরূপভাবে তুমি বৃক্ষতুল্য, আল্লাহ পাক রোপনকারী ও পানি সেচনকারী; সর্বদা তোমার খাদ্য প্রেরণকারী তাঁহার প্রতি সুধারণা পোষণ করিও। তাঁহার প্রতি ধারণা খারাপ করিও না যে তোমাকে রোপন করার পর তিনি পানি দিবেন না। অর্থাৎ তোমার রিয়কের ব্যবস্থাপনা করিয়া অসতর্ক হইয়া থাকিবেন।

সপ্তদশ উদাহরণ : আল্লাহর সাথে বান্দার সম্পর্ক : যেমন, এক বাদশাহ কোন এক স্থানে তাহার অনেকগুলি দাস রহিয়াছে। এই সকল দাসের জন্য অন্য এক স্থানে একটি সুন্দর মনোরম বাড়ী নির্মাণ করিয়াছে। বাড়ীটি খুব করিয়া সজ্জিত করিয়াছে। ইহাতে এক উদ্যান সৃষ্টি করিয়া সর্বপ্রকার চিত্তাকর্ষক বস্তুসমূহ রাখিয়াছিল। বাদশাহের ইচ্ছা যে, দাসসমূহকে ঐ স্থান হইতে এই মনোরম বাড়ীতে স্থানান্তরিত করিবে। তবে কি কেহ ধারণা করিতে পারে যে, বাদশাহ যাহাদের জন্য মহামূল্যবান মনোরম বাড়ী প্রস্তুত করিল তাহাদিগকে ইহাতে স্থানান্তরিত করিবার পূর্বে আহার প্রদান করিবে না? বান্দার অবস্থা তদুপ। আল্লাহ পাক তাহাদিগকে দুনিয়াতে সৃষ্টি করিয়াছেন। তাহাদের জন্য জান্নাত প্রস্তুত করিয়াছেন। দুনিয়াতে তাহাদের দেহ টিকিয়া থাকিতে যে সব জিনিস ব্যবহার করা প্রয়োজন তিনি তাহা মঞ্জুর করিয়াছেন। আল্লাহ পাক বলেন-

كُلُوا وَاشْرَبُوا مِنْ رِزْقِ اللَّهِ *

“আল্লাহ পাকের প্রদত্ত রিয়ক হইতে পানাহার কর।”

অন্য এক স্থানে বলেন,

كُلُّا مِنْ رِزْقِ رَبِّكُمْ وَاشْكُرُوا لَهُ

“তোমাদের প্রতিপালকের রিয়ক থেকে আহার কর এবং তাঁহার শুকরিয়া আদায় কর।”

অন্য আয়াতে আছে-

يَا أَيُّهَا الرُّسُلُ كُلُوا مِنَ الطَّيِّبَاتِ وَاعْمَلُوا صَالِحًا

“হে রাসূল! পবিত্র বস্তু আহার করুন এবং নেক আমল করুন।”

অন্য এক আয়াতে আছে-

يَا أَيُّهَا الَّذِينَ آمَنُوا كُلُوا مِنْ طَيِّبَاتِ مَا رَزَقْنَاكُمْ

“হে ঈমানদাররা! আমি তোমাদিগকে যে রিয়ক দিয়াছি উহার পবিত্রগুলি আহার কর।”

সুতরাং তোমার জন্য যখন চিরস্থায়ী নিয়ামত সংগ্রহ করিয়া রাখা হইয়াছে তাহা হইলে কিভাবে তোমাকে অস্থায়ী-নিয়ামত থেকে বঞ্চিত করিতে পারেন? যদি বঞ্চিত করিয়া থাকেন তাহা হইলে এমন জিনিস থেকে তোমাকে বঞ্চিত করা হইয়াছে যাহা তোমার ভাগ্যে ছিল না। ইহাতে তোমার কোন অধিকার ছিল না। উপরন্তু ইহা থেকে বঞ্চিত করার মধ্যে তোমার কল্যাণ নিহিত রহিয়াছে। যেমন বৃক্ষে সর্বদা পানি দিলে বৃক্ষ নষ্ট হইয়া যাইবে বিধায় কখনও কখনও বৃক্ষে পানি দেওয়া থেকে বিরত থাকিতে হয়। অথচ এই বিরতির মধ্যেই বৃক্ষের কল্যাণ।

অষ্টাদশ উদাহরণ : যে ব্যক্তি দুনিয়ার পিছনে পড়িয়া আখেরাতের সঞ্চল উপার্জনের ক্ষেত্রে বিমুখ হইয়া রহিয়াছে তাহার উদাহরণ যেমন এক ব্যক্তিকে এক হিংস্র প্রাণী অর্থাৎ সিংহ হামলা করিয়া বসিয়াছে। হয়তবা তাহাকে ছিড়িয়া ফাঁড়িয়া খাইবে। অপর দিকে তাহার গায়ে একটি মাছিও বসিয়াছে। সে সিংহের হামলা থেকে আত্মরক্ষার কোন চিন্তা করিতেছে না; বরং মাছি বিতাড়িত করার চিন্তায় লাগিয়া গিয়াছে। এই ব্যক্তি চরম পর্যায়ে আত্মরক্ষা। তাহার বিবেক বুদ্ধি বলিতে কিছু আছে বলা যাইবে না। যদি তাহার বিবেক বুদ্ধি থাকিত তাহা হইলে অবশ্যই প্রথমে সিংহের আক্রমণ হইতে আত্মরক্ষার চিন্তা করিত। মাছি বিতাড়িত করার চিন্তাও করিত না।

আখেরাতের চিন্তা বর্জন করিয়া যে দুনিয়ার চিন্তায় ব্যস্ত তাহার উদাহরণ তদুপ। ইহা তাহার আত্মরক্ষা হওয়ার দলীল। যদি বিবেক বুদ্ধি থাকিত তাহা

হইলে আখেরাতের প্রস্তুতির কাজে লাগিয়া থাকিত। কারণ আখেরাতেও অবশ্যই তাহার সওয়াল জবাব হইবে। সে জিজ্ঞাসিত হইবে। খোদার সামনে তাহাকে দাঁড়াইতে হইবে। এই বিশ্বাস থাকিলে সে রিয়কের উপার্জনের প্রতি গুরুত্ব দিত না। কারণ, আখেরাতের চিন্তা বর্জন করিয়া ইহকালের গুরুত্ব দেওয়া সিংহের হামলা হইতে আত্মরক্ষার চিন্তা বর্জন করিয়া মাছি তাড়াইবার চিন্তায় লাগিয়া যাওয়ার ন্যায়।

উনবিংশ উদাহরণ : আল্লাহর সাথে বান্দার সম্পর্কের উদাহরণ যেমন পিতার সামনে পুত্র। পিতা থাকা অবস্থায় পুত্রের কোন চিন্তা থাকে না। দারিদ্রতার ভয় পায় না। অভাবের চিন্তা করে না। কেননা সে জানে যে, পিতা তাহার অভিভাবক। তাহার এই বিশ্বাস তাহার জীবন সুখময় করিয়া তুলে। তাহার চিন্তা দূরীভূত করিয়া দেয়। আল্লাহ পাকের সাথে মুমিনের সম্পর্কের অবস্থাও তদুপ। তাহার অন্তরে রিয়ক সম্বন্ধে চিন্তা আসিতে পারে না। কারণ সে বিশ্বাস করে যে আল্লাহ পাক তাহাকে ক্ষুধার্ত ছাড়িবেন না। স্বীয় অনুগ্রহ হইতে দূরে ঠেলিয়া দিবেন না। স্বীয় দান ও ইহসান থেকে বঞ্চিত করিবেন না।

বিংশতম উদাহরণ : আল্লাহর সাথে বান্দার সম্পর্ক সম্বন্ধে। যেমন এক গোলাম। তাহার মালিক বিতৃষ্ণাশীল, ধণাত্য ব্যক্তি। গোলামদের প্রতি খুব সদয় ও উদারমনা। কখনও কিছু দিতে অস্বীকার করে না। দান খয়রাত করার সুখ্যাতি রহিয়াছে। তাহার দয়ামায়া, উদারতা ও অনুগ্রহের প্রতি গোলামের বিশ্বাস রহিয়াছে। তাই গোলাম সর্বাবস্থায় তাহার হাতের দিকেই চাহিয়া থাকে। স্বীয় মালিকের ধন সম্পদ সম্পর্কে জ্ঞাত। এই জন্য সে সর্ব প্রকার অস্থিরতা ও পেরেশানী মুক্ত। এই ভাবধারা হযরত শকীক বলখী (রহঃ)-এর তওবার কারণ হইয়াছিল। তিনি নিজেই বলেন, একবার বলখের মধ্যে মারাত্মক দুর্ভিক্ষ দেখা দিয়াছিল। তিনি কোথায়ও যাইতেছিলেন। পথে দেখিলেন যে, এক গোলাম খুব আনন্দ উল্লাসে মাতিয়া রহিয়াছে। দুর্ভিক্ষের কারণে আপতিত বিপদের খবরও তাহার নাই। তিনি তাহাকে বলিলেন, হে যুবক! তোমার কি জানা নাই যে, মানুষ কত দুঃখ-কষ্টে দিনাতিপাত করিতেছে? কি পরিমাণ বাল্য-মুছিবতে দিন কাটাতেছে? গোলাম জবাব দিল যে, আমার এই বিষয়ে কোন পরওয়া নাই। কারণ আমার মালিক একটি গ্রামের মালিক। আমার যাহা খরচাদির প্রয়োজন হয় প্রতিদিন তাহা পাঠাইয়া দেন। হযরত শকীক বলখী (রহঃ) বলেন, আমি মনে মনে বলিলাম, তাহার মালিক মাত্র একটি গ্রামের মালিক। আর আমার মালিক তো সকল আসমান যমীনের মালিক। এই সবার ধন ভাণ্ডার তাঁহারই হাতে। সুতরাং আমার মালিকের প্রতি আমার ভরসা তো তাহার তুলনায় অনেক

বেশী হওয়া উচিত। এই চিন্তাই তাহার সতর্ক হওয়ার কারণ হইয়াছিল।

একবিংশ উদাহরণ : যে ব্যক্তি রিয়ক উপার্জন করার জন্য কোন উপায়ে জড়িত রহিয়াছে তাহার উদাহরণ। যেমন এক গোলাম। তাহার মালিক তাহাকে বলিল, কাজ কর এবং ইহার উপার্জিত অর্থ হইতে ভরনপোষণ চালাও। পক্ষান্তরে যে ব্যক্তি উপায় বর্জন করিয়াছে তাহার উদাহরণ এক গোলাম। তাহার মালিক তাহাকে অভয় দিয়াছে যে, আমার সেবা কর। আমি তোমাকে আমার নিয়ামত প্রদান করিব।

ষাৰ্বিংশ উদাহরণ : যে ব্যক্তি রিয়ক উপার্জনে উপায় অবলম্বন করার পরও আল্লাহর দিকে দৃষ্টি রাখে উপায়ের দিকে রাখে না তাহার উদাহরণ। যেমন আকাশ থেকে বৃষ্টি হইতেছে। এক ব্যক্তি বিস্মিৎ-এর ছাদ থেকে নীচের দিকে ঝুলানো জলনালীর নীচে গিয়া বসিল। আর আল্লাহর শুকরিয়া আদায় করিতে থাকিল। জলনালীর নীচে বসার কারণে তাহার জন্য অপরিহার্য নহে যে, সে মনে করিবে যে, জলনালী বৃষ্টি প্রদান করিতেছে। কারণ সে দৃঢ় বিশ্বাসের সহিত জানে যে, যদি বৃষ্টি না আসিত তাহা হইলে এক ফোটা পানি দেওয়ার ক্ষমতা জলনালীর ছিল না। অনুরূপভাবে উপায় আল্লাহ পাকের নিয়ামত আসার জলনালী স্বরূপ। যে ব্যক্তি রিয়ক উপার্জনে উপায় অবলম্বন করে। কিন্তু অন্তর আল্লাহর সাথে সম্পর্কিত করিয়া রাখে। উপায়ের সাথে সম্পর্কিত করে না। তাহার উপায় অবলম্বন করাতে কোন ক্ষতি নাই। আল্লাহর দরবার হইতে দূর হইয়া যাওয়ার ভয় তাহার নাই। কিন্তু যে ব্যক্তি উপায় গ্রহণ করিয়া আল্লাহ থেকে গাফেল হইয়া পড়িয়াছে সে চতুষ্পদ জন্তুর তুল্য। চতুষ্পদ জন্তুর নিকট দিয়া উহার মালিক যাইতেছে অথচ ইহা মালিকের দিকে লক্ষ্যও করে না। যদিও সে ইহার মালিক। কিন্তু ইহার চারক যখন কাছে আসে তখন ভোষামোদের দৃষ্টিতে তাহার দিকে তাকায় এবং তাহার প্রতি স্বীয় আনুগত্য প্রদর্শন করিয়া থাকে। কেননা এই জন্তু তাহার হাতে ঘাস পানি ভক্ষণ করিতে অভ্যস্ত হইয়াছে। অথচ প্রকৃতপক্ষে ঘাস পানি পাঠায় মালিক। মালিক বন্ধ করিয়া দিলে চারকের কোন ক্ষমতা নাই। অনেক বান্দাদের অবস্থাও অনুরূপ। তাহারা সর্বদা প্রত্যক্ষ করিতেছে যে, মাখলুকের হাতের মাধ্যমেই অনুগ্রহ জারী হইয়াছে। কাহার থেকে অনুগ্রহ আসিয়াছে সেদিকে দৃষ্টিপাত করে না। তাহাদের তুলনা চতুষ্পদ জন্তুর সাথে। এমনকি চতুষ্পদ জন্তুর অবস্থার চেয়েও তাহাদের অবস্থা খারাপ। যেমন আল্লাহ পাক বলেন-

وَلَيْكُمُ كَذَلِكَ نِعَامَ بَلْ هُمْ أَصْلَٰ أُولَٰئِكَ هُمُ الْغَافِلُونَ *

“তাহারা চতুষ্পদ জন্তুর ন্যায়; বরং ইহাদের চেয়েও পথভ্রষ্ট। তাহারা ই গাফেল।”

ত্রয়োবিংশ উদাহরণ : এক ব্যক্তি রিয়ক উপার্জনে উপায়ের উপর নির্ভর করে আর অপর ব্যক্তি উপায় অবলম্বন করার পরও দৃষ্টি আল্লাহর দিকে রাখে এমন দুই ব্যক্তির তুলনামূলক আলোচনা- উদাহরণ পেশ করার মাধ্যমে। যেমন দুই ব্যক্তি। এক গোসলখানায় প্রবেশ করিল গোসল করিবার জন্য। একজনের বিবেক পরিপক্ব। অপরজন বিবেকহীন আহম্বক। গোসল করার সময় হঠাৎ করিয়া পানি বন্ধ হইয়া গিয়াছে। বিবেকবান জানে যে এই পানির একজন পরিচালক রহিয়াছে। সে পানি নিয়ন্ত্রণ করে। কখনও বন্ধ করে আবার কখনও জারী করে। বিবেকবান ব্যক্তি তাহার কাছে আসিবে। পানি ছাড়িয়া দেওয়ার জন্য তাহাকে অনুরোধ করিবে। পক্ষান্তরে আহম্বক ব্যক্তি পানির নালীর কাছে আসিয়া নালিকে অনুরোধ করিয়া বলিতে শুরু করিয়াছে যে, হে নালী! আমাদের জন্য পানি ছাড়িয়া দাও। তোমার কি হইল যে, তুমি আমাদের পানি বন্ধ করিয়া রাখিয়াছ? এই অবস্থায় তাহাকে বলা হইবে যে, তুমি তো আহম্বক। নালী শুনিতে পায় নাকি? ইহা কি কিছু করিতে পারে? ইহা তো পানি আসার একটি পথ মাত্র।

চতুর্বিংশ উদাহরণ : সম্পদ জমা করনোয়ালার উদাহরণ। যেমন কোন বাদশাহের কোন গোলাম আছে। বাদশাহ তাহাকে বাগানের কাজে নিয়োজিত করিল যাহাতে সে বাগান পরিপাটি সুন্দর করিয়া রাখে এবং বাগানের অন্য কাজগুলি সম্পাদন করে। এই গোলাম বাগান হইতে ততটুকু পরিমাণ ফলমূল খাইতে পারে যতটুকু ফলমূল খাইলে বাগানের কাজকর্ম সৃষ্টভাবে সম্পাদন করিতে পারে। তবে জমা করিয়া রাখা বৈধ হইবে না। কেননা এই বাগানের ফল সর্বদাই মণ্ডুভূদ থাকে। অধিকন্তু বাগানের মালিকও বিস্তাশালী, শক্তিশালী। সুতরাং যদি মালিকের অনুমতি ব্যতীত ফল জমা করিয়া রাখে এবং মালিকের প্রতি সুধারণা পোষণ না করে তাহা হইলে এই গোলাম ধোঁয়ানতকারী।

যে ব্যক্তি সম্পদ জমা করিয়া রাখে না তাহার উদাহরণ। যেমন এক গোলাম। মালিকের বাগানে বা বাড়ীতে নিযুক্ত। সে জানে যে, তাহার মালিক তাহাকে ভুলিবে না এবং তাহাকে বেকারও ছাড়িবে না। বরং তাহার জন্য খচা করিতে থাকিবে। তাহার প্রয়োজনাদি মিটাইবে। সুতরাং এই গোলাম স্বীয় মালিকের কারণে মাল জমা করিবে না। মালিক বিস্তাশালী বলিয়া অভাবের ভয় করিবে না। মালিক ব্যতীত অন্য কাহারও প্রতি ভরসাও করিবে না। এই ধরণের

গোলামের প্রতি মনিবের সুদৃষ্টি পড়িয়া থাকে এবং মনিব ইহসান ও অনুগ্রহ বর্ষণ করিয়া থাকে।

পঞ্চবিংশ উদাহরণ : যে ব্যক্তি সম্পদ জমা করে কিন্তু মনে করে যে আল্লাহ পাকের পক্ষ হইতে আমানত স্বরূপ এইরূপ ব্যক্তির উদাহরণ। যেমন এক বাদশাহের এক গোলাম। সে কোন জিনিস নিজের মনে করে না। আবার তাহার কাছে যাহা কিছু আছে তাহা জমা করিয়া রাখার উপরও নির্ভর করে না। খরচ করিতেও পরওয়া করে না। তাহার প্রকৃত দৃষ্টি হইল বাদশাহের দিকে। বাদশাহ যাহা পছন্দ করে সে তাহাই অবলম্বন করে। যখন বুঝিতে পারে যে, তাহার মালিক অমুক জিনিসটি রাখিতে চাহিতেছে তখন তাহা রাখিয়া দেয়। তবে নিজের জন্য রাখে না। খরচ করার সুযোগ তালাশ করে। যখন বুঝিতে পারে যে, এই জিনিসটি খরচ করিলে মালিক খুশী তখন তাহা বিনা দ্বিধায় খরচ করিয়া ফেলে। সুতরাং এমন ব্যক্তি সম্পদ জমা করিয়া রাখিলেও মালিকের পক্ষ হইতে কোন প্রকার অসন্তুষ্টির কথা হইতে পারে না। কেননা সে রাখিলেও মালিকের জন্যই রাখে। নিজের জন্য রাখে না। মারফাত হাসিল করিয়াছে এমন ব্যক্তির অবস্থাও তদ্রূপ। যদি খরচ করে তাহা হইল তো আল্লাহর জন্যই খরচ করে। আর জমা করিয়া রাখে তো আল্লাহর জন্য জমা করিয়া রাখে। খরচ করা এবং জমা করিয়া রাখা উভয় আল্লাহর সন্তুষ্টি তালাশের উদ্দেশ্যেই হইয়া থাকে। সুতরাং এই লোক আল্লাহর উচ্চ মর্যাদা সম্পন্ন গোলাম। আল্লাহ পাক তাহাকে মাখলুকের গোলামী থেকে স্বাধীন করিয়া দিয়াছেন। এই ব্যক্তি মহব্বত ও ভালবাসার দৃষ্টিতে মাখলুকের দিকে ঝুকিয়া পড়ে না। তাহার অন্তরে আল্লাহর মহব্বত বদ্ধমূল হইয়া পড়িয়াছে। আল্লাহর বড়ত্বে তাহার বন্ধ ভরপুর হইয়াছে। ইহা তাহার মাখলুকের দিকে ঝুকিয়া পড়ার পথে প্রতিবন্ধক হইয়া রহিয়াছে। যে ব্যক্তি আল্লাহর জন্য জমা করে। সে কত উচ্চ পদে আসীন? এই ব্যক্তির মর্যাদা ঐ ব্যক্তি হইতে কম নহে, যে আল্লাহর জন্য খরচ করে। কোন জিনিস তাহার হাতে পৌঁছার আগে আল্লাহর খানানায় থাকিতে যে অবস্থা ছিল এখন তাহার হাতে পৌঁছার পরও ঐ অবস্থায়ই যেন রহিয়াছে। কারণ সে জানে যে, আল্লাহ তাহার। আর তাহার সম্পদের মালিকও আল্লাহ। যে ব্যক্তি আল্লাহর জন্য জমা করিতে জানে না সে আল্লাহর জন্য খরচ করিতেও জানে না। বিষয়টি খুব ভাল করিয়া বুঝিয়া লও।

রিয়ক ও উপায় অবলম্বনের ক্ষেত্রে অবস্থার ভাষায়

আল্লাহর পক্ষ হইতে সম্বোধন

প্রথম সম্বোধন : হে বান্দা! খুব মনোযোগের সাথে তোমার কান আমার প্রতি পাতিয়া রাখ আর শুন যে আমার পক্ষ হইতে তুমি নিয়মত লাভ করিবে। তোমার অন্তরের কান এই দিকে ঝুঁকাও আর শুন যে আমি তোমার থেকে দূরে নহি।

দ্বিতীয় সম্বোধন : হে বান্দা! যখন তুমি তোমার নিজের ছিলে না তখন থেকেই আমি তোমার জন্য ব্যবস্থা গ্রহণে (অর্থাৎ তোমার জন্য তদবীর করিতে) আছি। সুতরাং তুমি নিজে এমন হও যেন তুমি নিজের না থাক। আমি তোমার প্রকাশের পূর্বেই তোমার হেফাজত করিয়াছি; এখনও তোমার হেফাজতে আছি।

তৃতীয় সম্বোধন : হে বান্দা! সৃষ্টি করার ক্ষেত্রে এবং পঠন করার ক্ষেত্রে আমি অদ্বিতীয়। আদেশ দেওয়ার বেলায় ও ব্যবস্থা গ্রহণের বেলায়ও আমি অতুলনীয়। সৃষ্টি ও পঠনের ক্ষেত্রে তুমি তো আমার শরীক নও। সুতরাং হুকুম করার ও ব্যবস্থা গ্রহণের বেলায় আমার শরীক হইওনা। স্বীয় রাজত্বের বিভিন্ন বিষয়ের বন্দোবস্ত আমি করিয়া থাকি। আমার কোন সহায়তাকারী নাই। নির্দেশ প্রদানে আমি অদ্বিতীয়। আমি কোন পরামর্শদাতার মুখাপেক্ষী নহি।

চতুর্থ সম্বোধন : হে বান্দা! তোমার অস্তিত্বের পূর্ব হইতেই যে সত্ত্বা তোমার জন্য প্রয়োজনীয় জিনিসপত্রের বন্দোবস্তে লাগিয়া আছে। তাহার থেকে তোমার উদ্দেশ্য অর্জনে তাহার সাধে ঝগড়া করিও না। যে তোমার স্নেহ-মমতায় সর্বদা নিয়োজিত তাহার সাথে শত্রুতামী করিয়া মোকাবিলা করিও না।

পঞ্চম সম্বোধন : হে বান্দা! তোমাকে স্নেহ-মমতা করিতে আমি অভ্যস্ত। সুতরাং তুমি আমাকে ডিসাইয়া নিজের জন্য ব্যবস্থা অবলম্বন হইতে বিরত থাক।

ষষ্ঠ সম্বোধন : হে বান্দা! অভিজ্ঞতা অর্জিত হওয়ার পরও কি সন্দেহ থাকিতে পারে? বর্ণনা করিয়া দেওয়ার পরও কি কেহ কিংকর্তব্যবিমূঢ়তায় থাকিতে পারে? হেদায়েত প্রকাশিত হওয়ার পরও কি পথভ্রষ্টতা আছে? আমার ব্যতীত কোন তদবীর করনেওয়াল (ব্যবস্থা গ্রহণকারী) নাই। তোমার এই বিশ্বাস কি তোমাকে আমার কাছে সোপর্দ করিতে পারে না? ইতিপূর্বে কৃত

আমার অনুগ্রহ কি তোমাকে আমার থেকে ঝগড়া করা হইতে বিরত রাখিতে পারে না?

সপ্তম সন্বেদন : হে বান্দা! তুমি নিজকে আমার সৃষ্টি জগতের সাথে তুলনা করিয়া দেখ। বুঝিতে পারিবে যে, তুমি এই ধ্বংসশীল মাখলুকের তুলনায়ও কোন মূল্যই রাখ না। আর সৃষ্টিকর্তা তো ধ্বংসশীল নহেন; বরং চিরস্থায়ী। তাঁহার তুলনায় নিজকে কতটুকু মনে কর? তুমি তো আমার নিয়ন্ত্রণাধীন বিশাল সাম্রাজ্যের কথা স্বীকার কর। আর তুমিও এই সাম্রাজ্যের অন্তর্ভুক্ত। সুতরাং প্রতিপালনের ক্ষেত্রে অংশী হইতে চেষ্টা করিও না।

আমাকে ডিসাইয়া নিজের জন্য ব্যবস্থা অবলম্বন করিয়া আমার উপাস্য হওয়ার গুণের বিরোধিতা করিও না।

অষ্টম সন্বেদন : তোমার জন্য কি ইহা যথেষ্ট নহে যে, আমিই তোমার জন্য যথেষ্ট। ইতিপূর্বে তোমার প্রতি আমি কত অনুগ্রহ করিয়াছি। ইহা দেখিয়া কি তুমি আমার উপর নির্ভর করিতে পার না?

নবম সন্বেদন : তোমাকে আমি কখন তোমার নিজের মুখাপেক্ষী করিয়াছি যে, এখন তোমাকে তোমার কাছে সোপর্দ করিতে হইবে? আমার রাজত্বে আমি কোন জিনিসকে কখনও অন্যের কাছে অর্পণ করিয়াছি যে, এখন তাহা তোমার কাছে অর্পণ করিব।

দশম সন্বেদন : হে বান্দা! আমি তোমাকে সৃষ্টি করার পূর্বেই আমার অনুগ্রহ ও দয়া তোমার জন্য নিয়োজিত করিয়াছিলাম। আমি নিজের কুদরতেই প্রত্যেক জিনিসের মধ্যে প্রকাশ হইয়া থাকি। সুতরাং আমাকে অস্বীকার করা তোমার জন্য কিভাবে সম্ভব হইতে পারে?

একাদশ সন্বেদন : হে বান্দা! আমি যাহার জন্য ব্যবস্থা গ্রহণের দায়িত্ব লইয়াছি তুমি তাহাকে কখন অসুবিধায় পাইয়াছ? আমি যাহার সাহায্যকারী হইয়াছি সে কখন সাধীবিধীন রহিয়াছে?

দ্বাদশ সন্বেদন : হে বান্দা! তুমি ভাগ্য অবশ্যের পিছনে না পড়িয়া আমার খেদমতে লাগিয়া থাক। আমার প্রতিপালনের ক্ষমতার প্রতি বদ ধারণা পরিহার করিয়া আমার প্রতি সুধারনা পোষণ কর।

ত্রয়োদশ সন্বেদন : হে বান্দা! অনুগ্রহকারীর প্রতি সুধারণা পোষণ না করা, শক্তির সাথে প্রতিযোগিতা করা, স্মৃষ্ণ তত্ত্বজ্ঞানীর জ্ঞানের উপর আপত্তি উত্থাপন করা, মেহেরবান দয়ালুর সামনে বিঘ্নতা প্রদর্শন করা উচিত নহে।

চতুর্দশ সন্বেদন : হে বান্দা! যে স্বীয় ইচ্ছার পিছনে চলিয়া পৃথক হইয়া পড়িয়াছে সে উদ্দেশ্য হাসিল করিতে পারে নাই। যে নিজকে আমার কাছে সোপর্দ করিয়াছে তাহাকে সহজ ও সোজা রাস্তা প্রদর্শন করা হইয়াছে। যে ব্যক্তি সঠিক পন্থায় স্বীয় প্রয়োজন আমার কাছে পেশ করিয়াছে সে অপনিত সম্পদ লাভ করিয়াছে। যে আমার দিকে চলিয়াছে সে আমার সহায়তা পাওয়ার যোগ্য হইয়াছে। যে আমার রক্ষা ধরিয়াছে সে খুব সুদৃঢ় মজবুত রক্ষা ধরিয়াছে। আমি নিজেই কসম করিয়াছি যে, যাহারা নিজের জন্য নিজেরাই ব্যবস্থা অবলম্বন করিবে তাহাদের বিনিময় এইভাবে প্রদান করিব যে, তাহারা সর্বদা ঝাঝেলায় থাকিবে। তাহারা যে যে পরিকল্পনা গ্রহণ করিবে তাহা আমি তছনছ করিয়া দিব। তাহারা যাহা বাধিবে আমি তাহা খুলিয়া দিব। তাহাদের দায়িত্ব তাহাদের উপরই অর্পণ করিব। সমুদ্র থাকার সুখ স্বাদ এবং নিজকে সৃষ্টিকর্তার দায়িত্বে অর্পণ করার ন্যায় নিয়মত তাহাদের ভাগ্যে জুটিবে না। যদি তাহাদের আশ্রয়ে দিকে বুঝ থাকিত। তাহা হইলে আমি তাহাদের জন্য যে ব্যবস্থা গ্রহণ করিয়াছি তাহার প্রতি সমুদ্র থাকিত। সুতরাং নতুন করিয়া নিজের পক্ষ হইতে কোনরূপ ব্যবস্থা অবলম্বন করিত না। তাহাদের হেফাজতের জন্য আমার ব্যবস্থা গ্রহণকেই যথেষ্ট মনে করিত। নিজের পক্ষ হইতে ব্যবস্থা অবলম্বনের পিছনে পড়িত না। তখন আমি তাহাদিগকে আমার সমুদ্রের পথে পরিচালনা করিতাম। হেদায়েতের পথ দেখাইয়া দিতাম। সঠিক পথে চালনা করিতাম। চলার পথে সকল প্রকার ভয়ের মোকাবিলা আমার অনুগ্রহকে রক্ষা কবজ বানাইয়া দিতাম। তাহাদের সকল প্রকার আশা-আকাঙ্ক্ষা পূরা করিয়া দিতাম। আর এইসব কিছু করা আমার জন্য সহজ।

পঞ্চদশ সন্বেদন : হে বান্দা! আমি কামনা করি যে, তুমি আমাকে চাও এবং আমাকে ডিসাইয়া অন্য কোন কিছুই ইচ্ছা না কর। আমি তোমার সম্বন্ধে এই সিদ্ধান্ত গ্রহণ করিয়াছি যে, তুমি আমাকে অবলম্বন কর। আমাকে ছাড়া অন্য কাহাকেও অবলম্বন করা থেকে বিরত থাক। আমি তোমার জন্য পছন্দ করি যে, তুমি আমাকে পছন্দ কর। অন্যকে পছন্দ না কর।

ষোড়শ সন্বেদন : হে বান্দা! যদি আমি তোমাকে বিজয় ও সফলতা দান করি তাহা হইলে এই জন্যই দান করি যে আমি তোমার মধ্যে আমার দয়া ও অনুগ্রহ প্রকাশ করিতে ইচ্ছা করিয়াছি। আর যদি তোমাকে পরাজিত ও অসফল করি তাহা হইলে এইজন্যই করি যে, আমি তোমার জন্য যাহা নির্ধারিত করিয়াছি তাহাই তোমার জন্য প্রকৃত মেহেরবানী ও অনুগ্রহ। আর আমি আমার

এই অনুগ্রহ ও মেহেরবানীর নিগূঢ় রহস্যসমূহ তোমার কাছে প্রেরণ করিবার ইচ্ছা করিয়াছি।

সপ্তদশ সন্মোদন : হে বান্দা! আমি তোমার জন্য আমার যে সকল নিয়ামত প্রকাশ করিয়াছি। তুমি ইহার বিনিময় এইভাবে দিও না যে তুমি আমার সাথে ঝগড়া করিতে শুরু করিয়া দাও। আমি তোমাকে বিবেক বুদ্ধি দান করিয়া তোমার প্রতি অনুগ্রহ করিয়াছি। আর ইহার মাধ্যমে তোমাকে অন্যান্যদের তুলনায় উচ্চ মর্যাদা দান করিয়াছি। তুমি আমার এই অনুগ্রহের বিনিময় এইভাবে প্রদান করিও না যে তুমি আমার বিরোধিতা করিতে থাক।

অষ্টাদশ সন্মোদন : হে বান্দা! আসমান ও যমীনের সর্বপ্রকার নিয়ন্ত্রণ ও ব্যবস্থাপনা আমিই করিয়া থাকি আর আদেশ করা ও সিদ্ধান্ত গ্রহণ করার ক্ষেত্রে আমি অধিতীয়। ইহা তুমি স্বীকার করিয়া লইয়াছ, সুতরাং তুমি ইহাও স্বীকার করিয়া লও যে, তুমি আমার রাজত্বে আছ। কেননা তুমি আমার রাজত্বেই আছ। তোমার জন্য আমার ব্যবস্থা গ্রহণ সত্ত্বেও তুমি নিজের জন্য ব্যবস্থা অবলম্বন করিও না। আমাকে তোমার সমস্যার সমাধানকারী বলিয়া বিশ্বাস কর। আমার অভিভাবকত্বের প্রতি আস্তা রাখ। আমি তোমাকে বিরাট দান দিব।

উনবিংশ সন্মোদন : হে বান্দা! আমি লিপিবদ্ধ করিয়া রাখিয়াছি আমার কাছে নিজকে সোপর্দ করার নূর আর আমার বিরোধিতা করার অন্ধকার কখনও বান্দার অন্তরে একত্রিত হয় না। যদি অন্তরে একটি স্থান পায় তাহা হইলে অপরটি অবশ্যই স্থান পাইতে পারে না। উভয়ের মধ্যে যে কোন একটি অবলম্বন করিতে পার। ইহা তোমার ইচ্ছা। তুমি নিজের কাজে লিপ্ত হওয়া অপেক্ষা অনেক উচ্চ মর্যাদা সম্পন্ন করিয়া তোমাকে সৃষ্টি করিয়াছি। সুতরাং স্বীয় মর্যাদা ক্ষুণ্ণ করিও না। হে ব্যক্তি! আমি তো তোমার মর্যাদা অনেক উচ্চ করিয়াছি। সুতরাং তুমি নিজকে অন্যের কাছে সোপর্দ করিয়া অপদস্থ হইও না। হে ব্যক্তি! আমি তো তোমাকে সম্মানিত করিয়াছি। সুতরাং তুমি অন্যকে লইয়া ব্যস্ত হওয়া তো তোমার দূর্ভাগ্য। অন্যকে লইয়া ব্যস্ত হওয়া অপেক্ষা আমার দৃষ্টিতে তুমি অনেক উর্ধ্বে রহিয়াছ। আমি তো তোমাকে আমার দরবারের জন্য সৃষ্টি করিয়াছি। এই দিকে তোমাকে আহ্বান করিতেছি। আর স্বীয় অনুগ্রহে একই দিকেই আকর্ষণ করিতেছি। যদি তুমি নিজকে লইয়া ব্যস্ত হইয়া পড় তাহা হইলে তোমাকে বন্ধ করিয়া রাখিব আর যদি স্বীয় প্রবৃত্তির অনুসরণ কর তাহা হইলে তোমাকে বাহির করিয়া দিব। যদি কুপ্রবৃত্তির অনুসরণ করা পরিহার কর তাহা হইলে তোমাকে আমার নিকটস্থ করিয়া লইব। আর যদি আমার ছাড়া

যাহা কিছু আছে তাহা হইতে মুখ ফিরাইয়া লইয়া আমাকে ভালবাস তাহা হইলে আমি তোমাকে কবুল করিব।

বিংশতম সন্মোদন : হে বান্দা! যদি তুমি যথেষ্টতা ও হেদায়েত চাও তাহা হইলে ইহা কি তোমার জন্য যথেষ্ট নহে আমিই তোমার জন্য যথেষ্ট এবং হেদায়েতকারী। আমি তোমাকে সৃষ্টি করিয়াছি। অতঃপর তোমার গঠন সূচ্যাম করিয়াছি। তোমাকে সবকিছু দান করিয়াছি। সুতরাং আমার এই অনুগ্রহসমূহ কি আমার বিরোধিতা হইতে তোমার বিরত থাকার কারণ হইতে পারে না?

একবিংশতম সন্মোদন : যে আমার সাথে ঝগড়া করে আমার প্রতি সে ঈমান রাখে না। বান্দার জন্য আমার সবকিছু ব্যবস্থা গ্রহণ সত্ত্বেও যখন সে নিজের জন্য ব্যবস্থা অবলম্বন করে বুঝা গেল সে আমাকে অধিতীয় মানে না। যে আমার নাযিলকৃত বিপদাপদের কথা অন্যের কাছে আলোচনা করে সে আমার প্রতি সন্তুষ্ট নহে। যে আমার সামনে স্বীয় এখতিয়ার (ক্ষমতা) প্রদর্শন করে সে আমাকে অবলম্বন করে নাই। যে ব্যক্তি আমার নির্দেশ পালন করে নাই সে আমার দাপট ও শক্তির সামনে অবনত হয় নাই। যে স্বীয় কাজ আমার কাছে সোপর্দ করে নাই সে আমাকে চিনে নাই। যে আমার প্রতি নির্ভর করে নাই সে আমার সম্বন্ধে অনবগত রহিয়াছে।

দ্বাবিংশ সন্মোদন : হে বান্দা! আমার সম্বন্ধে তোমার চরম মূর্খতা রহিয়াছে। তোমার তো স্বীয় হস্তস্তিত বিষয়ের প্রতি আস্তা রহিয়াছে কিন্তু আমার হস্তস্তিত বিষয়ের প্রতি তোমার আস্তা নাই। আমি তোমার জন্য ইহা পছন্দ করিয়াছি যে, তুমি আমাকে অবলম্বন করিবে আর আমাকে ছাড়া অন্য কাহাকেও অবলম্বন করিবে না। আগুণ্য আর এখতিয়ার একত্রিত হয় না। অনুরূপভাবে অন্ধকার ও আলো এক সাথে হয় না। আবার আমার প্রতি মনোযোগী হওয়া আর মাঞ্চল্যের প্রতি মনোযোগী হওয়া এই দুইটি বিষয়ও একত্রিত হয় না। সুতরাং হয়তবা তুমি আমার হইবে অথবা তুমি তোমার নিজের থাকিয়া যাইবে। খুব বুঝিয়া লইয়া যে কোন দিক অবলম্বন কর। হেদায়েত পরিহার করিয়া ক্ষতিগ্রস্ততা অবলম্বন করিও না।

ত্রয়োবিংশ সন্মোদন : হে বান্দা! যদি তুমি আমার কাছে নিজের জন্য কোন ব্যবস্থা প্রার্থনা কর মনে রাখিবে ইহা তোমার মূর্খতা। সুতরাং যখন তুমি নিজেই ব্যবস্থা অবলম্বন শুরু করিয়া দাও তখন এই সম্বন্ধে তোমাকে কি বলা যাইতে পারে? (অর্থাৎ ইহা তো আরও মারাত্মক) যদি আমাকে সাথে রাখিয়া অন্য কোন কিছু অবলম্বন কর তাহা হইলে ইহা তোমার বেঈনসাক্ষী। আর যদি

আমাকে ছাড়িয়া অন্যকে অবলম্বন কর তাহা হইলে এই সম্বন্ধে কি বলা যাইতে পারে? (অর্থাৎ ইহা আরও মারাত্মক !)

চতুর্বিংশ সন্বেদন : হে বান্দা! যদি আমি তোমাকে তোমার জন্য ব্যবস্থা অবলম্বনের অনুমতি প্রদান করিতাম। তবুও ব্যবস্থা অবলম্বনে লজ্জিত হওয়া তোমার উচিত ছিল। অথচ ব্যবস্থা অবলম্বন থেকে বিরত থাকার জন্য তোমাকে নির্দেশ দেওয়া হইয়াছে। হে ব্যক্তি! তুমি তো নিজের ফিকিরে লাগিয়া আছ। যদি তুমি নিজকে আমার দায়িত্বে সোপর্দ করিতে তাহা হইলে নিঃশঙ্কিত্য আরামে থাকিতে। বান্দার প্রয়োজনীয় জিনিসের ব্যবস্থা করার বোঝা প্রতিপালক ব্যতীত অন্য কেহ বহন করিতে পারে না। মানুষের তো ইহার শক্তিই নাই। যদি তোমার বোঝা অন্য কেহ বহন করে তাহা হইলে তুমি বহন করিতে যাও কেন? আমি তো তোমার আরাম ও সাবলীলতা চাই। সুতরাং তুমি নিজকে কষ্টে ফেলিও না। মাতৃগর্ভের অন্ধকারে আমি কিভাবে তোমার জন্য সবকিছুর ব্যবস্থা করিয়াছিলাম। তুমি অস্তিত্ব লাভ করার পর যাহা চাহিয়াছ আমি তোমাকে তাহাই দিয়াছি। এখন আমি তোমার কাছে যাহা চাই সে বিষয় ঝগড়া করা তোমার জন্য শোভনীয় নহে।

পঞ্চবিংশ সন্বেদন : হে বান্দা! আমি তোমাকে আমার খেদমত করিবার নির্দেশ দিয়াছি। তোমার রিয়কের খিদ্দার হইয়াছি। কিন্তু তুমি আমার নির্দেশ পালন কর নাই। আমার খিদ্দারীর প্রতি সন্দেহ পোষণ করিয়াছ। আমি শুধু রিয়কের খিদ্দারী লইয়াই ক্ষান্ত করি নাই বরং এই বিষয়ে শপথও করিয়াছি। অতঃপর শুধু শপথ করিয়াই ক্ষান্ত হই নাই বরং ইহার দৃষ্টান্তও বর্ণনা করিয়াছি। আর বিবেকবান বান্দাদের সন্বেদন করিয়া বলিয়া দিয়াছি। দেখ আমি বলিয়াছি-

وَفِي السَّمَاءِ رِزْقُكُمْ وَمَا تُوعَدُونَ * فَذَرِبِ السَّمَاءَ وَالْأَرْضَ إِنَّهُ لَخَلْقٌ مِّثْلُ مَا أَنْكُمُ تَنْظُرُونَ *

“এবং তোমাদের রিয়ক এবং তোমাদের যাহা ওয়াদা করা হইয়াছে তাহা আসমানে রহিয়াছে। আসমান যমীনের প্রতিপালকের শপথ যে ইহা নিশ্চয়ই সত্য যেমন তোমাদের পরস্পরের মধ্যে কথাবার্তা সত্য।”

অত্র আয়াতে উল্লেখিত খিদ্দারী, শপথ ও দৃষ্টান্তের বর্ণনা ইতিপূর্বে দেওয়া হইয়াছে।

আরিফগণ আমার শুভাবলীর উপর নির্ভর করিয়াছে। একীনওয়ালাগণ আমার দয়া ও অনুগ্রহের কাছে নিজকে সোপর্দ করিয়াছে। সুতরাং যদি আমি

ওয়াদা না করিতাম তবুও তাহারা বিশ্বাস করিত যে, তাহাদের প্রতি বর্ষিত অনুগ্রহ বন্ধ করিব না। যদি তাহাদের প্রতি আমার খিদ্দারী নাও থাকিত তবুও আমার অনুগ্রহ করার গুণের প্রতি নির্ভরশীল থাকিত। যাহারা আমার নাফরমানী এবং আমার ব্যাপারে অসতর্কতায় লিপ্ত রহিয়াছে আমি তাহাদিগকেও রিয়ক প্রদান করিয়া থাকি। সুতরাং যাহারা আমার অনুগত এবং আমার ব্যাপারে সতর্ক আমি কিভাবে তাহাদিগকে রিয়ক না দিয়া থাকিব?

জানিয়া রাখ যে, যে ব্যক্তি বৃক্ষ রোপন করে সে ব্যক্তিই ইহাতে পানি সেচন করিয়া থাকে। যে কোন জিনিস সৃষ্টি করে সেই ইহার পরিচর্যা ও সাহায্য সহযোগীতা করে। মাখলুকের জন্য ইহা কম কথা নহে যে, আল্লাহ পাক স্বয়ং তাহাদের জন্য যথেষ্ট। তিনি তাহাদের বিনিময়দাতা।

মাখলুক তো আমার থেকেই অস্তিত্ব পাইয়াছে। সুতরাং সর্বদা তাহাদিগকে সাহায্য প্রদান করাও আমার দায়িত্ব। আমি তাহাদিগকে সৃষ্টি করিয়াছি। সুতরাং সর্বদা তাহাদিগকে রিয়ক প্রদান করা আমারই দায়িত্ব। হে বান্দা যাহাকে আহার করানো তোমার ইচ্ছা হয় তাহাকে ছাড়া অন্য কাহাকেও কি তুমি দাওয়াত করিয়া থাক? যাহার মনোভূষ্টি তোমার উদ্দেশ্য হয় তাহাকে ছাড়া অন্য কাহাকেও তোমার দিকে সম্পর্কিত করিয়া থাক কি?

ষড়বিংশ সন্বেদন : হে বান্দা! তুমি রিয়কের ফিকিরের স্থলে আমার ফিকির কর। কেননা আমি নিজে যে জিনিসের দায়িত্ব লইয়াছি ইহাতে তুমি শ্রম ব্যয় করিতেছ কেন? আর যাহা তুমি নিজ দায়িত্বে লইয়াছ অর্থাৎ ইবাদত তাহা অর্থহীন করিয়া ছাড়িয়াছ অর্থাৎ পালন করিতেছ না। ইহা কি সম্ভব, যে আমি তোমাকে আমার ঘরে স্থান দিব আর তোমাকে আমার অনুগ্রহ থেকে বঞ্চিত রাখিব? তোমার অস্তিত্ব দান করিব আর তোমাকে সাহায্য সহযোগীতা করিব না? তোমার প্রতি অনুগ্রহ করিব না? আমি তোমার থেকে আমার হক চাহিদা করিব আর তোমাকে রিয়ক দিব না? তোমার থেকে খেদমত চাহিব আর তোমাকে আমার নিয়ামতের অংশ রিয়ক দিব না? হে দুর্ভাগা বান্দা! আমার কাছে তোমার জন্য বিভিন্ন রংয়ের বিভিন্ন প্রকারের বশশিশ রহিয়াছে। আমি তো তোমাকে আমার অনুগ্রহ প্রকাশের মাধ্যম বানাইয়াছি। আমি তোমাকে শুধু পার্শ্বি অনুগ্রহ দান করিয়াই ক্ষান্ত করি নাই; এমন কি তোমার জন্য বেহেশত পর্যন্ত জমা করিয়া রাখিয়াছি। এখানেই ক্ষান্ত করি না বরং আমার দর্শন লাভ নির্ধারিত করিয়া রাখিয়াছি। সুতরাং সর্বদা আমার কার্যে লাগিয়া থাক। আমার অনুগ্রহে কিভাবে সন্দেহ করিতে পার?

সত্ত্বিংশ সম্বোধন : হে বান্দা! নিয়ামত গ্রহণকারী এবং আমার অনুগ্রহ লাভের যোগ্য কেহ না কেহ অবশ্যই থাকা চাই। যাহাকে উপকার করিয়াছি তাহার থেকে লাভবান হওয়ার থেকে আমি সম্পূর্ণরূপে মুখাপেক্ষীহীন। এই বিষয়ে দলীল কায়ম রহিয়াছে। এমনকি তোমাকে রিয়ক না দেওয়ার জন্যও যদি আবেদন কর আমি তোমার আবেদন কবুল করিব না। যদি আমার অনুগ্রহ থেকে তোমাকে বঞ্চিত করার জন্য আবেদন কর তবুও তোমাকে বঞ্চিত করিব না।

সূতরাং আমার কাছে সর্বদা অথবা অধিকাংশ সময় চাহিতে থাকা সত্ত্বেও আমি তোমাকে কিভাবে বঞ্চিত করিতে পারি? যদি আল্লাহর সামনে হায়া (লজ্জা) না করিয়া থাক তাহা হইলে এখন থেকে হায়া করিতে থাক। আমার পক্ষ হইতে যে সব কথা হয় তাহা অনুধাবন কর। আমার পক্ষ হইতে যে সব কথা হয় তাহা যে অনুধাবন করিয়াছে তাহার সবকিছু মিলিয়াছে।

অষ্টবিংশ সম্বোধন : হে বান্দা! আমাকে অবলম্বন কর। আমাকে ছাড়িয়া অন্য কাহাকেও অবলম্বন করিও না। অরূপতাবে অন্তর আমার দিকে মনোনিবেশ কর। যদি তুমি ইহা কর তাহা হইলে তোমাকে উদাহরণহীন অনুগ্রহ ও অকল্পনীয় দয়া প্রদর্শন করিব। আর তোমার অন্তর খোদায়ী নূর দ্বারা আলোকিত করিয়া দিব। আমি একীণওয়ালাদের জন্য পথ খুলিয়া দিয়াছি। হেদায়েত অনুসন্ধানীদের জন্য হেদায়েতের নিদর্শন উজ্জ্বল করিয়া দিয়াছি। সূতরাং একীণওয়ালারা যাচাই করতঃ আমার পক্ষ অবলম্বন করিয়াছে। আর ঈমানদাররা দলীল প্রমাণসহ আমার প্রতি নির্ভর করিয়াছে। তাহারা বন্ধমূল বিশ্বাস করিয়াছে যে, তাহারা নিজেরা নিজেদের জন্য যতটুকু কল্যাণকর নহে আমি তাহাদের জন্য তাহাদের অপেক্ষা অধিকতর কল্যাণকর। তাহারা ইহাও বিশ্বাস করিয়াছে যে তাহাদের নিজেদের জন্য নিজেদের ব্যবস্থা অবলম্বন যতটুকু কার্যকর নহে তাহাদের জন্য আমার ব্যবস্থা গ্রহণ আরও অধিকতর কার্যকর। সূতরাং তাহারা মাথাবনত করিয়া আমার প্রতিপালন মানিয়া লইয়াছে এবং নিজেদেরকে আমার সামনে সোপর্দ করিয়াছে। ইহার বিনিময়ে আমি তাহাদের জীবনে শান্তি দিয়াছি। অধিকন্তু তাহাদের বিবেক বৃদ্ধিতে নূর, অন্তরে আমার পরিচয় এবং ভিতরে আমার নৈকট্যের বিশ্বাস দান করিয়াছি। ইহা তো তাহাদের জাগতিক জীবনে আমার অনুগ্রহ। যখন তাহারা পরকালে আমার নিকট আসিবে তখন আমি তাহাদের উচ্চ মর্যাদা দান করিব এবং বড়ত্বের ঝাণ্ডা তাহাদের হাতে দিব। তাহাদিগকে জান্নাতে প্রবেশ করাইয়া এমন সব নিয়ামত

প্রদান করিব যাহা কোন চক্ষু দেখে নাই, কোন কর্ণ শুনে নাই এবং কোন মানুষের অন্তরে ইহার কল্পনাও আসে নাই।

উনত্রিংশ সম্বোধন : হে বান্দা! যে সময়টুকু সামনে আসিতেছে এই সময়ে তো আমি তোমার কাছে কোনরূপ খেদমত চাই নাই তুমি কিভাবে আমার কাছে ঐ সময়ের রিয়ক চাহিতেছ? যখন আমি তোমার কাছে ইবাদত তলব করিব তখন তোমাকে রিয়ক প্রদান করিব। তোমার রিয়কের বোঝা আমি নিজেই বহন করিব। যখন তোমার কাছে খেদমত চাহিদা করিব তখন তোমাকে আমিই আহ্বার করাইব। একীনের সাথে জানিয়া রাখ যে, যদিও তুমি আমাকে ভুলিয়া থাক কিন্তু আমি তোমাকে ভুলিব না। তুমি আমাকে স্বরণ করার পূর্বেই আমি তোমাকে স্বরণ করি। যদিও তুমি আমার নাফরমানী কর তবুও তোমার প্রতি আমার রিয়ক জারী থাকিবে। আমার থেকে তোমার মুখ ফিরাইয়া থাকা অবস্থায় (যাহা এখন উল্লেখ করা হইয়াছে) যখন আমি তোমার সাথে এইরূপ আচরণ করিয়া যাইতেছি। সূতরাং তুমি যখন আমার প্রতি মনোনিবেশ করিবে তখন তোমার সাথে আমার আচরণ কেমন হইবে বলিয়া মনে কর। যদি আমার শক্তি ও প্রতাপের সামনে শির অবনত না কর অথবা আমি তোমার প্রতি যে অনুগ্রহ করিয়াছি উহার শুকরিয়া আদায় না কর, অথবা আমার নির্দেশসমূহ পালন না কর তাহা হইলে বুঝা গেল যে, তুমি আমার সঠিক মর্যাদা অনুধাবন করিতে পার নাই। অতএব আমার থেকে বিমুখ হইয়া থাকিও না। তুমি এমন কাহাকেও পাইবে না যে, আমার স্থলাভিষিক্ত হইতে পারে। সূতরাং অন্য কাহারও সাথে সম্পর্ক করিয়া আমার ব্যাপারে-অসতর্ক থাকিও না। কেহই তোমাকে আমার থেকে মুখাপেক্ষীহীন করিতে পারে না। সর্বাবস্থায় তুমি আমার প্রতি মুখাপেক্ষী। আমি স্বীয় কুদরতে তোমাকে সৃষ্টি করিয়াছি এবং তোমার প্রতি আমার নিয়ামত প্রশস্ত করিয়া দিয়াছি। আমার ছাড়া তোমার দ্বিতীয় কোন সৃষ্টিকর্তা নাই। অনুরূপভাবে আমার ছাড়া তোমার অন্য কোন রিয়কদাতাও নাই। আমি নিজে তোমাকে সৃষ্টি করিব অথচ তোমার ভরন-পোষণের দায়িত্ব অন্যের স্বন্ধে অর্পণ করিব ইহা কি হইতে পারে? আমি বড় অনুগ্রহশীল। আমি বান্দাদিগকে অন্যের প্রতি নির্ভরশীল হওয়া থেকে ফিরাইয়া রাখি। সূতরাং হে বান্দা! আমার প্রতি ভরসা কর যে আমি নিখিল বিশ্বের প্রতিপালক। আমার সামনে আসিয়া স্বীয় উদ্দেশ্য হইতে পৃথক হইয়া পড়। তাহা হইলে তুমি যাহা চাও আমি ঠিক তাহাই প্রদান করিব। পূর্বে তোমার প্রতি আমি যে ইনসাফ করিয়াছি উহা স্বরণ কর। সত্যিকার ভালবাসা ভুলিয়া যাইওনা।

অন্তঃপর গ্রন্থকার বলেন : আমরা ইচ্ছা করিয়াছি অত্র গ্রন্থটি এমন একটি দোআর মাধ্যমে সমাপ্ত করিতে যাঁহা অন্য গ্রন্থে আলোচ্য বিষয়ের সাথে সাম্যসম্পূর্ণ হয়।

দোআটি নিম্নরূপ, হে এলাহি! আমরা আপনার কাছে আবেদন করিতেছি যে, আপনি মুহাম্মদ ছাদ্দালাহ্ আল্লাহি ওয়াসাল্লাম ও তাঁহার পরিবার-পরিজনের প্রতি রহমত বর্ষণ করুন যেমন আপনি ইবরাহীম (আঃ) ও তাঁহার পরিজনের প্রতি রহমত বর্ষণ করিয়াছিলেন। নিতরই আপনি প্রশংসিত ও মর্যাদাবান। হে এলাহী! আপনি আমাদিগকে এমন সব লোকের অন্তর্ভুক্ত করুন যাহারা আপনার অনুগত। আপনার সামনে খেদমতের জন্য প্রস্তুত থাকে। আমাদিগকে এমন সব লোক হইতে পৃথক রাখুন যাহারা আপনাকে ঈঙ্গাইয়া বা আপনার ব্যবস্থা গ্রহণের মোকাবিলায় নিজের জন্য ব্যবস্থা অবলম্বন করে। আমাদিগকে আপনার কাছে আত্মসমর্পনকারী করিয়া দিন। হে এলাহী! যখন আমরা ছিলাম না তখন আপনি আমাদের ছিলেন। সুতরাং আমরা থাকার পূর্বে যেভাবে আপনি আমাদের ছিলেন অনুরূপভাবে এখনও আপনি আমাদের হইয়া থাকুন। আমাদিগকে আপনার অনুগ্রহের কাপড় দ্বারা আবৃত করুন এবং আপনার দয়া ও মেহেরবানী আমাদের দিকে ধাবিত করুন। নিজের জন্য ব্যবস্থা অবলম্বনের অন্ধকার আমাদের অন্তর থেকে বাহির করুন। আপনার কাছে আত্মসমর্পন করার নূর দ্বারা আমাদের ভিতর আলোকিত করুন। যাহাতে আমরা নিজেদের জন্য যাহা অবলম্বন করি তদাপেক্ষা আপনার বাছাই করা জিনিস আমাদের কাছে অধিক প্রিয় হয়।

হে এলাহী! আমাদের যে সব জিনিসের দায়িত্ব আপনি নিজে গ্রহণ করিয়াছেন সে সব জিনিস উপার্জনে আমাদিগকে জড়িত করিবেন না। যাহাতে আমরা আপনার সম্বন্ধে অসতর্ক না হইয়া পড়ি।

হে এলাহী! আপনি তো আমাদিগকে আহবান করিয়াছেন যাহাতে আমরা সর্বদা আপনার ইবাদত ও খেদমতে লাগিয়া থাকি। কিন্তু আমাদের ইহার শক্তি নাই। তবে যদি আপনি শক্তিদান করেন। অধিকন্তু আমাদের ইহার সাহসও নাই। তবে যদি আপনি সাহস দান করেন। যতক্ষণ পর্যন্ত আপনি আমাদিগকে কোন এক অবস্থায় না রাখেন আমরা কিভাবে ঐ অবস্থায় পৌঁছিতে পারি? যতক্ষণ পর্যন্ত আমাদিগকে কোন উদ্দেশ্য পর্যন্ত না পৌঁছান আমরা কিভাবে পৌঁছিতে পারি? যতক্ষণ পর্যন্ত আপনি আমাদিগকে কোন বিষয়ে সাহায্য না করেন ঐ বিষয় আমরা কোথায় থেকে শক্তি পাইব? সুতরাং আপনার

আদেশসমূহ পালনার্থে আমাদিগকে তাওফীক দান করুন। এবং আপনার নিষিদ্ধ কার্যসমূহ থেকে বাঁচিয়া থাকিতে সাহায্য করুন।

হে এলাহী! আমাদিগকে আত্মসমর্পনের এবং আপনার নির্দেশ মানিয়া লওয়ার বাগানে প্রবেশিত করাইয়া দিন। আর অস্তিত্বতামুক্ত করিয়া আমাদিগকে তথায় রাখিয়া দিন। আমাদের অন্তর আপনার সাথে জড়িত করিয়া রাখুন। আপনার সাহচর্যের স্বাদ ও মজা উপভোগ করিতে দিন। ইহার জাকজমক ও চমক দমক আমাদের চাহিদা নয়। হে এলাহী! আমাদিগকে আপনার আনুগত্য করার ও আপনার প্রতি মনোনিবেশ করার তাওফীক দান করুন। আর এমন নূর দান করুন যাহা দ্বারা আমাদের অন্তর উজ্জ্বল হইয়া যায় এবং আমাদের মধ্যে নিহিত নূর পরিপূর্ণ হইয়া যায়।

হে এলাহী! সমস্ত জিনিস অস্তিত্ব লাভ করিবার পূর্বেই ইহাদের জন্য ব্যবস্থা গ্রহণ করিয়াছেন। ইহাদের সমস্ত প্রয়োজন পূরা করিয়াছেন, আমরা দৃঢ়ভাবে বিশ্বাস করি যে আপনি যাহা ইচ্ছা করেন তাহাই হইয়া থাকে। আর এই বিশ্বাসের দ্বারা তখনই আমাদের উপকার হয় যখন আপনি আমাদের উপকারের ইচ্ছা করেন। অতএব আপনি স্বীয় কল্যাণসহ আমাদিগকে বিদায় করুন। স্বীয় অনুগ্রহ দ্বারা আমাদের অবস্থা উন্নীত করুন। স্বীয় মেহেরবানীসহ আমাদের প্রতি দৃষ্টি প্রদান করুন। স্বীয় করুণা দ্বারা আমাদিগকে পরিবেষ্টন করুন। আপনার ওলী হওয়ার পোশাকে সজ্জিত করুন। আমাদিগকে আপনার সাহায্য প্রাপ্তদের অন্তর্ভুক্ত করুন। নিঃসন্দেহে আপনি প্রতিটি জিনিসের উপর ক্ষমতাবান।

হে এলাহী! আমরা জানি যে আপনার নির্দেশের মোকাবিলা করিতে পারে এমন কেহ নাই। আপনার সিদ্ধান্তের পরিপন্থী কোন কাজ কেহই করিতে পারে না। আমরা আপনার সিদ্ধান্ত নষ্ট করার ক্ষেত্রে এবং আপনার নির্দেশ অমান্য করার বেলায় সম্পূর্ণরূপে অক্ষম। সুতরাং আপনার কাছে আমাদের আবেদন এই যে, আপনি আমাদের জন্য সিদ্ধান্তের বেলায় অনুগ্রহ করুন। আপনার নির্দেশ পালনে সহায়তা করুন এবং আমাদিগকে ঐ সকল লোকের অন্তর্ভুক্ত করুন যাহাদের প্রতি আপনি করুণা করিয়াছেন। হে নিখিল বিশ্বের প্রতিপালক! হে এলাহী! আমাদের ভাগ্যে যাহা নির্ধারিত করিয়াছেন তাহা আমাদের কাছে এইভাবে পৌঁছাইয়া দিন যাহাতে আমাদের কোন কষ্ট না হয় এবং আমরা অতি সহজভাবে তাহা অর্জন করিতে পারি। মিলনের যে নূর আমাদিগকে পরিবেষ্টন করিয়া আছে তাহা আপনার পক্ষ হইতে আসিয়াছে বলিয়া যেন বিশ্বাস করিতে পারি ফলে আপনার শুকরিয়া আদায় করিতে পারি এবং আপনি তাহা প্রদান

করিয়াছেন বলিয়া যেন বিশ্বাস করিতে পারি। অন্য কেহ দিয়াছে বলিয়া মনে না করি এমন তাওফীক দিন। হে এলাহী! দুনিয়া ও আখেরাতের সমস্ত রিয়ক আপনার হাতে। সুতরাং উভয় প্রকার রিয়ক হইতে আমাদিগকে এতটুকু প্রদান করুন যাহাতে আমাদের কল্যাণ ও উপকার আছে বলিয়া জানেন।

হে এলাহী! আমাদিগকে এমন সব লোকদের অন্তর্ভুক্ত করুন যাহারা আপনাকে অবলম্বন করিয়াছে এবং তাহাদের অন্তর্ভুক্ত করিবেন না যাহারা আপনাকে ছাড়িয়া অন্যকে অবলম্বন করিয়াছে। আমাদিগকে এমন লোকদের অন্তর্ভুক্ত করুন যাহারা আপনার কাছে আত্মসমর্পন করিয়াছে। তাহাদের অন্তর্ভুক্ত করিবেন না যাহারা আপনার প্রতি আপত্তি উত্থাপন করে।

হে এলাহী! আমরা আপনার মুখাপেক্ষী। আপনি আমাদিগকে দান করুন। আমরা ইবাদত করিতে অক্ষম। আমাদিগকে ইবাদত করার শক্তি ও সাহস প্রদান করুন। আপনার নাফরমানী করিতে অক্ষম করিয়া দিন। আপনার খোদায়ীর সামনে অবনত হওয়া নসীব করুন এবং আপনার নির্দেশ পালনে পাবন্দি করার তাওফীক দান করুন। আপনার দিকে সম্পর্কিত হওয়ার সম্মানে সম্মানিত করুন। তাওয়াক্কুলের ফলে প্রাপ্ত প্রশান্তি রুজী হিসাবে দান করুন। আমাদিগকে এমন লোকদের অন্তর্ভুক্ত করুন যাহারা আপনার প্রতি সন্তুষ্ট থাকার ময়দানে চলে, আত্মসমর্পনের চৌবাচ্চাতে মুখ লাগাইয়া পান করে। আপনার মারেফাতের বাগান থেকে ফল কুড়াইতে থাকে। আপনার বিশেষ বান্দা হওয়ার পোশাকে সজ্জিত হইয়াছে, আপনার নৈকট্যের বখশিশ এবং আপনার মহব্বতের দরবারের দানসমূহ যাহারা লাভ করিয়াছে। যাহারা আপনার খেদমতে থাকে, আপনার পরিচয়ের উপর দৃঢ় বিশ্বাস রাখে, আপনার রাসূল ছাল্লাল্লাহু আলাইহি ওয়াসাল্লাম-এর অনুসারী ব্যক্তিগণ যাহাদের উত্তরাধিকারী হয় এবং যাহাদের থেকে ফয়েজ হাসিল করে তাহাদের হইয়া থাকে এবং তাহাদের স্থলাভিষিক্ত হয়।

হে রাক্বুল আলামীন! আপনি আমাদের শেষফল কল্যাণময় করুন।

